



BIBLIOTECA NAZ.
Vittorio Emanuele III

XL

E

44

NAPOLI

EMANVELIS
THESAVRI
ELOGIA.
&
CARMINA.

Collegii Satherni

EMANUELIS
THESSALIA
FLOGIA

CARMELO



EMANVELIS
THESAVRI

PATRITII TAVRINENSIS,

Comitis, & Magnę Crucis Equitis Sanctorum
Mauritij, & Lazari

ELOGIA OMNIA,

IN QVIBVS

*HABENTVR PATRIARCHÆ, CÆSARES,
& Patres, una cum Carminibus, nunc primum
in unum collecta Volumen.*

AD ILLVSTRISSIMVM, ET EXCELLENTISSIMVM
D. PETRVM BASADONNAM
EQVITEM.



VENETIIS, Apud Paulum Baleonium, M DC LIV.

SVPERIORVM PERMISSV, ET PRIVILEGIIS:



EMANUELIS

THESSALIA

PATRIS THERACENSIS

Comitatus Thracensis
Municipii Thracensis

ELOGIA OMNIA

DE

REPUBLICA THERACENSIS

DE

REPUBLICA THERACENSIS

DE



DE

DE

Illustriss. atq; Excellentiss. Viro
D. PETRO BASADONNÆ
E Q V I T I

SERENISSIMÆ REIPVBL. VENETÆ
apud Regem Catholicum Exlegato.

Paulus Balionius B. A.



AG A dudum atq; errabunda
Disertissimi Em. Thesauri Elo-
gia mea nunc demum opera
in unum volumen collecta
omnia neq; honestius neque
equius sub aliorum Penatium
tutelam me deducere posse sum
arbitratus quàm Excellentissimæ Domus Basadonnæ.
Factus nimirum Eloquentia hoc saculo nobilissimi
non alibi degere posse mihi sunt visi, potiori iure
quàm intra ades E. T., ubi iampridem Eloquentia
ipsa hospitalitatis iure gaudet, eoq; tam familiari-
ter utitur, ut Eloquentia ipsius ades, Aedes Ba-
sadonnæ non vna ætate passim sint habita, Excell.
Ioanne Patruo Tuo, Tuq; E. præ ceteris illustre
hoc damnum Familia vestre comparantibus, ut,
que vestra sunt Bona, Virtutis Bona vulgò cen-

seantur. Celeberrimi .n. Patruī tui eloquentia ac prudentia per quot annos steterit Felicitas Publica, & per quot tuā ipsius E. virtute futurum sit ut stet, passim edicunt ciues, passim iidem nec infelicitē ominantur. Tuā Sapientia pondus Senatus non raro est expertus; omnigenam Eruditionem Tuam sapius est admiratus; tuā facundia vim senserunt externi Reges in Consilia Patria tuā proficua non allekti modo, sed pertracti. Quae cum ita sint dum Lapidariam (ita .n. Elogiorum Artem indigetavit Nobilis iste Author) quae inter Oratoriam, ac Poësim media utriusq; delicias Inscriptionibus immiscet, olim simplicem, & emortuam viuaciore huius Authoris stylo excitatam tot Elogiorum Varij generis multitudine expressam; dumq; tot Heroum Elogia atq; encomia T. E. confecro, aequo mihi iure facere videor cum Artem praestantissimam, praestantissimo Artifici commendem, cunq; alienas illi laudes dicem cuius promerita alienas omnium laudes equant, easq; omnes facile vincunt, quae à me uno possint unquam proficisci. Lapidēs alijs signi, vel Arae specie exculptos sapius dicatos nouimus; ego hisce in Elogijs Lapidariam ipsam T. E. dico, ac sisto Obsequij mei monumentum non tam facile intermoriturum. Si Lapideas has Inscriptiones E. T. gratas contigisse intellexero, optatis me nunquam felicius positum Iouem Lapidem iuro. Vale.

TYPOGRAPHVS LECTORI.



RODEVNT tandem etiam è Veneto prælo celeberrimi Emmanuelis Thesauri Elogia, eaq; in vnum volumen nunc primum congesta. Ordinis ac consilij mei rationem hanc cape; Vulgatis iam Cæsarum Elogijs plurium regionum impressionibus sola Patriarcharum Elogia recudere mens fuerat, & ad imas iam ceras peruentum erat, cum Cæsareorum Elogiorum exemplar oblatum est Lugdunense insigni auctum additamento, supra omnia Italica quæ viderim exemplaria; Patrum nimirum, siue Virtutum insularum, & Heroum quorundam aliorum elogijs eiusdem, vt serunt authoris. Hæc prioribus subnectere visum est ne diutius apud nostrates horum etiam copia desideraretur, quæ libentius cæteris præfixissem, vt ordo temporis, quo ab authoris calamo promanarunt, seruetur, cum nunc heroum potius ipsorum tempora seruari contingat. Indicem triplicem præmisi, Patriarcharum quidem ab ipso autore expressum, cæteros à me exaratos, vt ab ipso limine totius structuræ partes, vno obtutu posses perlustrare. Hæc te præseire volebam pro hac mea editione. Me ama, & Vale.

ELENCHVS ELOGIORVM.

Habes Christi Gentiles directa linea; extraneos extra lineam: quos
toto volumine characteris diuersitas dabit.

MVNDI PVERITIA. PASTORES.

I. ADAMI Terra Filius.	Enigma.	pagella 3
Cain Adami Filius.	Epitaphium.	pag. 5
Abel Adami Filius.	Tumulus.	pag. 7
Henoch Caini Filius.	Censura.	pag. 9
Irad Henoci Filius.		
Vaniael Iradi Filius.		
Mathusael Vaniael. Fil.		
Lamech Mathus. Filius.		
Iabel Lamechi Filius.	Enthusiasmus.	pag. 11
Iubal Lamechi Filius.	Prosopopeia.	pag. 13
Tubal Lamechi Filius.	Nauia.	pag. 15
	Hypotyposis.	pag. 17
II. Seth Adami Filius.	Similes.	pag. 19
III. Enos Sethi Filius.	Encomium.	pag. 21
IV. Cainam Enossi Filius.	Opposita.	pag. 23
V. Malaleel Cainami Filius.		
VI. Iared Malaleelis Filius.	Expostulatio.	pag. 25
VII. Enoeh Iaredi Filius.	Cenotaphium.	pag. 27
VIII. Mathusael Enoci Filius.	Eucharisticon.	pag. 29
IX. Lamech Iustus Mathusael Filius.		

MVNDI ADOLESCENTIA MILITES.

X. NOES Lamechi Iusti Filius.	Anathema.	pag. 33
Cham Noe Filius.	Dira.	pag. 36
Nembroth Chami Nepos.	Digressio.	pag. 38
XI. Sem Noe Filius.	Statua.	pag. 40
Japheth Noe Filius.		
XII. Arphaxad Semi Filius.	Catalogus.	pag. 42
XIII. Salemi Arphaxadi Filius.		
XIV. Heber Salemi Filius.		
XV. Pbaleg Heberi Filius.		
XVI. Renus Pbalegi Filius.		
XVII. Sarag Reui Filius.		
XVIII. Nachor Saragi Filius.		
XIX. Thares Nachoris Filius.		

XX. Abrahamus Thara Filius.	Narratio.	pag. 45
Lotb Abraham Filius.	Topographia.	pag. 47
Lotbi Vxor.	Metamorphosis.	pag. 50
XXI. Isaac Abrahami Filius.	Tragœdia.	pag. 52
XXII. Iacob Isaaci Filius.	Monita.	pag. 54
Tribuni duodecim Iacobi filij.	Somnium.	pag. 57

MVNDI IVVENTVS. DVCE S.

XXIII. IVDAS Iacobi Filius.	Etymon.	pag. 63
Ioseph Iacobi Filius.	Eulogium.	pag. 65
XXIV. Phares Iudæ Filius.	Prodigia.	pag. 68
Iob Esau Pronepos.	Monomachia.	pag. 71
XXV. Efron Phares Filius.	} Aulicifmus.	pag. 74
XXVI. Rhamus Efronis Filius.		
XXVII. Aminadab Rhami Filius.		
Moses Levi Nepos.	Exegesis.	pag. 77
Aaron Moſis Frater.	Paraneſis.	pag. 80
XXVIII. Naafon Aminadabi Filius.	Exemplar.	pag. 82
XXIX. Calma Naafonis Filius.	Gratulatio.	pag. 84
Iofues ex Iosepho.	Triumphus.	pag. 87
Samfon ex Dano.	Idæa.	pag. 90
XXX. Booz Salma Filius.	} Myſterium.	pag. 94
XXXI. Obed Booz Filius.		
Gedeon Iosephi Nepos.	Argumentum.	pag. 96
Iephthes Iosephi Nepos.	Monimentum.	pag. 99
XXXII. Ieſſe Obedi Filius.	Claufula.	pag. 102

MVNDI VIRILITAS. REGES.

XXXIII. DAVID Ieſſe Filius.	Adinaton.	pag. 107
Samuel ex Iosepho.	Epitheta.	pag. 110
XXXIV. Salomo Davidis Filius.	Scylla.	pag. 113
XXXV. Roboam Salomonis Filius.	Parallela.	pag. 117
XXXVI. Abias Roboami Filius.	Edicium.	pag. 119
XXXVII. Aſa Abia Filius.	Rogus.	pag. 121
XXXVIII. Iofaphat Aſa Filius.	Minz.	pag. 124
XXXIX. Ioram Iofaphati Filius.	Sententiz.	pag. 128
XL. Ochozia Iorami Filius.	} Saxifragium.	pag. 128
XLI. Ioas Ochozia Filius.		
XLII. Amafia Ioafi Filius.		
XLIII. Ozia Amafia Filius.	Paraphraſis.	pag. 130

XLIV. <i>Ioathan Ozia Filius.</i>	Legatio.	pag. 133
XLV. <i>Achas Ionathani Filius.</i>	Hilloria.	pag. 135
XLVI. <i>Ezechia Achasi Filius.</i>	Index.	pag. 138
XLVII. <i>Manasses Ezechia Filius.</i>	Exomologsis.	pag. 142
XLVIII. <i>Amon Manasses Filius.</i>	Simbolum.	pag. 146
XLIX. <i>Iofia Amonis Filius.</i>	Epiniciu.	pag. 147
L. <i>Eliacim Iofia Filius.</i>	Reuolutio.	pag. 150
<i>Ioachas Iofia Filius.</i>	Sortitio.	pag. 152
<i>Sedecia Eliacimi Frater.</i>	Admonitio.	pag. 154
<i>Susanna Helcia Filia.</i>	Threni.	pag. 157
LI. <i>Iechonia Eliacimi Filius.</i>		

M V N D I S E N E C T V S S O L I T A R I I .

LII. <i>SALATIEL Iechonia Filius.</i>	Isagoge.	pag. 163
LIII. <i>Zorobabel Salatielis Filius.</i>	Mythologia.	pag. 166
LIV. <i>Abiud Zorobabelis Filius.</i>	Genethliacon.	pag. 169
<i>Esdra ex Leui.</i>	Admiranda.	pag. 171
LV. <i>Eliacim Abiudi Filius.</i>	Dialogismus.	pag. 173
LVI. <i>Azor Eliacimi Filius.</i>	Echo.	pag. 165
LVII. <i>Sadoc Azoris Filius.</i>	Vices.	pag. 177
LVIII. <i>Achim Sadoci Filius.</i>	Memoriae.	pag. 180
<i>Iesus Siracides.</i>		
LIX. <i>Eliud Achimi Filius.</i>	Consolatoria.	pag. 182
LX. <i>Eleazar Eliudi Filius.</i>	Concio.	pag. 184
<i>Eleazar Protomart. Ex Leui.</i>	Icon.	pag. 187
<i>Mater Machab. Mart. Ex Leui.</i>	Etopeia.	pag. 190
<i>Razias Martyr. Ex Leui.</i>	Nemesis.	pag. 193
<i>Mathathias ex Leui.</i>	Trophæa.	pag. 196
<i>Judas Machab. Mathath. Fil.</i>	Polyticon.	pag. 199
<i>Ionathas Iudæ Frater.</i>	Emblema.	pag. 202
<i>Eleazar Ionathæ Frater.</i>	Diploma.	pag. 205
<i>Simon Eleazarî Frater.</i>	Epilogos.	pag. 207
<i>Ioannes Hircanus Sim. Fil.</i>		

N O V A Æ T A S . S A N C T I .

LXI. <i>S. PANTHER Eleazari Fil.</i>	Partitio.	pag. 211
<i>S. Mathan Pantheris Frat.</i>		
LXII. <i>S. Bapanther Pantheris Fil.</i>	Naufragium.	pag. 213
<i>S. Iacob Mathani Fil.</i>		
LXIII. <i>S. Ioachim. Bapantheris Fil.</i>	Epitalamium.	pag. 215
<i>S. Anna Ioachimi Vxor.</i>		

<i>S. Ioseph Iacobi Filius.</i>	Tituli.	pag. 217
<i>S. Maria Virgo. Ioachimi Filia,</i>		
<i>Christi Mater.</i>	Sculptura.	pag. 220
<i>S. Iannes Baptista Virginis ex</i>		
<i>Consobrina Nepos.</i>	Præconium.	pag. 224
<i>IESVS, Dei ac Virginis Filius.</i>	Meta.	pag. 226

ELENCHVS ELOGIORVM

I N

XII. CÆSARES SVETONII.

Quibus singulis Epigrammata subiiciuntur.

<i>Cæsar</i>	pagella 231
<i>Augustus.</i>	pag. 234
<i>Tiberius.</i>	pag. 237
<i>Caligula.</i>	pag. 240
<i>Claudius</i>	pag. 243
<i>Nero.</i>	pag. 246
<i>Galba.</i>	pag. 249
<i>Otho.</i>	pag. 252
<i>Vitellius.</i>	pag. 255
<i>Vespasianus.</i>	pag. 258
<i>Titus.</i>	pag. 261
<i>Domitianus.</i>	pag. 264

ACCESSIT.

Carolus Emmanuel Dux Sabaudie. pag. 267

SEQUVNTVR.

Carmina Varia. à pag. 269. ad 302

ELENCHVS

INFLATARVM VIRTVTVM,

Quibus singulis Epigrammata subiunguntur.

ORIENTALIS ECCLESIAE PATRES.

<i>Athanasius Alexandrinus.</i>	Constantia.	pag. 305
<i>Ioannes Chrysostomus</i>	Tolerantia.	pag. 308
<i>Gregorius Thaumaturgus.</i>	religio.	pag. 311
<i>Basilius Magnus.</i>	Vigilantia.	pag. 313
<i>Gregorius Nazianzenus.</i>	Lenitas.	pag. 316
<i>Dionysius Areopagita.</i>	Sapientia.	pag. 319
<i>Blasius Sebastienfis.</i>	Innocentia.	pag. 322
<i>Ioannes Eleemosinarius.</i>	Liberalitas.	pag. 324
<i>Ignatius Antiochenus.</i>	Charitas.	pag. 326
<i>Petrus Alexandrinus.</i>	Magnanimitas.	pag. 328
<i>Polycarpus Smirnenfis.</i>	Fortitudo.	pag. 331
<i>Epiphanius Constantiensis.</i>	Beneficentia.	pag. 333

OCCIDENTALIS ECCLESIAE PATRES.

<i>Augustinus Hipponensis.</i>	Sapientia.	pag. 339
<i>Ambrosius Mediolanensis.</i>	Vigilantia.	pag. 342
<i>Paulinus Nolanus.</i>	Liberalitas.	pag. 345
<i>Thomas Cantuariensis.</i>	Charitas.	pag. 348
<i>Martinus Turonensis.</i>	Lenitas.	pag. 351
<i>Cyprianus Cartaginensis.</i>	Magnanimitas.	pag. 354
<i>Eusebius Vercellensis.</i>	Fortitudo.	pag. 357
<i>Carolus Boromeus.</i>	Charitas.	pag. 360
<i>Remigius Remensis.</i>	Beneficentia.	pag. 363
<i>Hilarius Pictaviensis.</i>	religio.	pag. 366
<i>Donatus Aretinus.</i>	Misericordia.	pag. 369
<i>Aloysius Tolosanus.</i>	Innocentia.	pag. 371
<i>Clemens Anciranus.</i>	Tolerantia.	pag. 373
<i>Maximus Taurinensis.</i>	Providentia.	pag. 375
<i>Anselmus Cantuariensis.</i>	remissio.	pag. 377
<i>Maurilius Andegauensis.</i>	Pietas.	pag. 379
<i>Fulgentius Ruspensis.</i>	Pœnitentia.	pag. 381
<i>Appollinaris.</i>	Fides.	pag. 383

PATRIARCHÆ,

SIVE

CHRISTI SERVATORIS

GENEALOGIA

Per Mundi ætates traducta

A D. EMANVELE THESAVRO

PATRITIO TAVRINENSI,

Comite, & Magnæ Crucis Equite

SANCTORVM MAVRITII,

ET LAZARI.

PATRIARCHE

DE

CHRISTI SERVATORIS

GENEALOGIA

ET MUNDI CREATIONIS

A D. MANUEL E. TH. STAVRO

ET D. THEOPHILUS

DEUS, A. B. G. C. D. E. F. G. H. I. J. K. L. M. N. O. P. Q. R. S. T. U. V. W. X. Y. Z.

SANCTORUM MARITIM

ET L. A. S. A. R. I.

Serenissimo, & Inuietissimo Principi
FRANCISCO THOMÆ
A S A B A V D I A.

Emanuel Thesaurus obsequentissimus
Fœlicitatem.



MAGNUM illud Ingenium Magni Caroli Patris tui, qui nihil excogitavit, gessit, genuit, nisi Magnum: cum in ingenti illo volumine quod de Regnorum exordijs conscribebat, Regiam Christi Servatoris Genealogiam neciter; Patriarcharum Stemma brevibus me lemmatis perstringere iussit, quæ suo volumini adspiceret. Hunc ego laborem, quem tanti Mecœnatis obitu, & auersa tempestate conflictatus, abruperam; in ea demum tranquillitate quam Celsitudinis tuæ fauor, & Serena Clementia mihi fecit, exegi. Ambigeret proinde aliquis cui nuncupari debeat, Carolo, an tibi; cum ab illo principium, abs te finem habuerit. Ego verò utrique dedico quod tibi dedi; qui Caroli dotes ita retines, non ut tu modo à Carolo expressus, sed in te Carolus impressus sit. Tibi ergo, qui bellicis laboribus (hoc etiam Patri similis) erudita Musarum otia interponere, & Martiam laurum Apollinea mutare soles; litterarium hoc munus offero; re-

gium prorsus ac te dignum, ex caparte, quam de genio
tanti Regis contraxit; inuentione videlicet, forma, ple-
risque sententijs, quas suis ipse monitis suoque calamo
inseruit, vel expoliuit. Vt ambigere nefas sit, quin ea-
dem religione, qua cetera soles Dini Genitoris opera, &
cogitata, hoc etiam paterna Mentis commentum prosequa-
re. Vale inuictissime Princeps, & vince.





MVNDI
PVERITIA
PASTORES.






ADAM, & E V A.

Linea infamis.

Christi linea.



A D A M

T E R R Æ F I L I V S .

Æ N I G M A .

Siste gradum viator; mira leges.
 Hic ille iaceo, per quem omnes iacent.
 Natalis mihi Sedes Damascus,
 Licet in Creta nato.
 Creticum quippè signum dum institutor,
 Ex Typo Prototypus fio.
 Vt Hominem me verè dicas, fictum & verum:
 Cælo natum ex cæno.
 Nec orbis, nec posthumus fui,
 Sed Patris expers:
 Vel fecit me Pater, non genuit.
 Matrem habui, quæ me habet.
 Lignea Nutrix, sine lacte,
 Virum me aluit, non Puerum.
 Filiam non filiam Vxorem duxi.
 Quæ simul nata, & nupta,
 Vno partu Nepotem mihi & Liberum, genuit.
 Rex sine urbibus, diues sine auro,
 Sine magistro eruditus, ludum aperui,
 Tot nactus auditores, quot homines.
 Heu stolidæ sapientiæ fames!
 Cum omnia scirem, ut plura scirem, desipere cæpi.
 Virorum sapientissimus dementor à fœmina.
 Quæ male-suadâ:

Pomum, cœlesti interdicto circumscriptum, attingens,
 Beatæ Syluæ fructus dum carpo,
 Syluam amitto.

Itaq; cum profugâ Coniuge,
 Ex Rege Agricola.

Quia Numen non colui, Terram colui.

Hoc vno concordēs Coniuges,

Quod vno iuncti iugo,

Matris vterum tamdiu secuiimus;

Donec vtero nos recepit.

Itaque, me Vxor immortalem peremit;

Vxorem ego; vterque omnes.

Ah, quam de minimo periuimus!

Tantum malum attulit malus.

Cuius frondibus obuolutus Anguis,

Venenum vomuit, omnes hauserunt.

Tuus ergo Genitor, sed nunquam visus,

Te peremi antequam gignerem.

Sed, ô lætas malorum vices!

Ligno eodem reparatus, quo perij,

Indidem venenum traxi, & medelam.

Vnâ in arbore ego deliqui, multatus est Deus.

Cuius à cæde rediuius,

Superos petij, cum Inferos petijt.

Minus egeram nisi peccassem.

Nomen flagitas?

Quatuor Mundi plagarum nomina ab Græcis pete;

Anatoli, Dysis, Arctos, Mesembria:

Abscissa nominum capita iunge; nomen habebis.

Decubui cognati mihi Mundi Anno

○ MXXX.

Surrexi post Annos

M.M.M.M. CC XXXII.

Gaude Viator, ac perge.

CAIN

ADAMI FILIVS.

EPITAPHIVM.

*Huc mala verba, Viator.
 Perditorum Princeps tales poscit inferias.
 Hic aquarus Agricola, felicitis Frater Pastoris,
 Peiores fruges Aris imponens, omnes amisit;
 Et ingratus Deo Sator, ingrata sibi Sata deprehendit.
 Itaque mordaci consumtus invidia,
 Quod Abelis Hostijs felicius succederet;
 Ne fraterna Victimæ litarent, Victimam fecit Fratrem.
 Primus hic flagitiorum institor,
 Mortem inuenit, & inuexit.
 Horruit Mors expiandis sceleribus nata,
 Primos sibi aditus per innocentis iugulum frangi.
 Mirata primo se ictu magnam Orbis partem orbasse.
 Tam dulci delinita sanguine, innocentes avidius petit.
 Tam dextero erudita iactu, ceteros certius ferit.
 At non impunè tulit proditor;
 Forum nactus Syluam suam, testem Mortuum,
 Apparitorem Vmbra, carnificem Culpam, iudicem Deum.
 Ergo inani panore territus, ac seipsum terrens,
 Idem semper, & alius; ibi semper, & alibi;
 Se fugit ac sequitur, scelestus scelestum;
 Vmbra suam pauet, mendax mendacem:*

*Inter mortis metum, ac vita odium,
 Ut nullibi viuat, ubique viuens;
 Quia timenda non timuit, timet non timenda.
 Urbem primus condidit; nec immerito:
 Ut si campis securitatem depulerat,
 Carcerem sibi moliretur.
 Sed nulla impijs tuta latebra;
 Cum malis ubiq; male sit.
 Hunc Vrbe sua exulantem
 Lamechus Nepos pro fera ferit,
 Facili errore, ferarum similem.
 Aequo igitur, & iniquo iure,
 Malus à Malo supplicium capit, quod dedit:
 Et parricidio fratricidium expiatur.
 Bis lugendum Parentibus facinus;
 Cum committitur, & cum punitur.
 Male moritur, vinis Parentibus:
 Ab Furijs raptatus, primus Tartarum fundauit.
 Fuge Viator, ac solum quate.*



A B E L

A D A M I F I L I V S .



T V M V L V S .



Viator, quid est?

Clamosum hoc Solum,

Et ignotam de glebis vocem, formidas?

Primus hic omnium tumulus Mortalibus patuit.

Nondum patiente Terra suis se satibus farciri.

Conditur sub hoc caspate virginens Pastor;

Primorum Hominum secunda proles, & primum funus.

Male suis oculis vaticinati Parentes,

Abelem, hoc est luctum, vocarunt:

Atqui mortem omnibus; vitam nemini flendam, transigit.

Mortalium innocentissimus, artium innocentissimam reperit,

Pastoritiam:

Optimi Principatus imaginem.

Nam errantium Pecudum populo sub legem misso,

Regale munus, & gregale permiscens,

Pedum pro sceptro gestavit.

Itaq; Rex inter Oves, Ovis inter Reges,

Obsequentissima lanigerorum reipublica

Imperando servijt, serviendo imperavit.

Villis, non iugulo, tributum imposuit.

Perebas sine naufragio Phryxeas opes è Caula.

Nam pro auro vellus erat;

*Et germanum vocabulum retinente pecuniâ,
 Pecus sondebat, non Populos,
 Quin Onium lacte, non carnibus, usus.
 Cadibus vivere noluit.*

*Ita Gregis aleor, & alumnus,
 Suarumq; Onium collactaneus,
 Alimento similes mores traxit,
 Candidos, non cruentos.*

Primus tamen Sacerdos Aris Agnos admonuit:

Sed ouantes Onicula Deo cadebant,

Et oris sono se beatas professæ,

Tantundem presagibant Pastori.

Vis scire quam opima obtulerit?

Tales Hostias ut voraret avidius Numen,

Linguosam in flammam deuolauit:

Nec secundas mensas curauit, Caini fruges.

O implacatam Cognatorum inuidiam!

Tabuit cecâ rabie Germanus Cain,

Ac diu designatum

Elande seduxit, proditoriè trucidauit.

Quæris quo Telo? Ligneo.

Nam talis ex materia nata Mors.

Quæris quid petiuerit? guttur:

Hoc enim Mortis vestibulum fuerat.

Vt non dubites in Abele mulceatos esse Parentes.

Ab' peccantium stolidæ mentes!

Mutum putabat Cain flagitium, compresso illo iugulo.

Sed proditorem omnia produnt.

Hem fracto gutture vocalior Abel,

Hoc è Tumulo Parricidam terrefacit,

Et vinum citat extinctus.

Condisce, Viator:

Infandum facinus muta santur.

H E N O C H

C A I N I F I L I V S .

IRAD Henoci Filius.

VAVIAEL Iradi Filius.

MATHVSAEL Vauiaelis Filius.



C E N S V R A :



*Tecum mihi res est diuine Scriptor , Moses ,
 Quod gesta virorum quatuor
 Henoci , Iradi , Vaniaelis , Mathusaelis ,
 De commentarijs eraseris ,
 Et sacula totidem nominibus , non hominibus , distinxeris
 Sonas nimirum nomina , siles vitam ;
 Vacuisq. trophaeis nudum titulum inscribis .
 Quid nomina sine gestis ? quod gesta sine nomine .
 Vtraq. perierunt ; hac auribus , illa oculis .
 Perinde est carere fastis , ac factis .
 Fallor : Actuarius censurà libero .
 Suis coloribus singulorum gesta pinguntur ,
 Deum à Caino dicuntur sati ,
 Exurgunt suos in ortus virulenta germina :
 Radicis vitium continuant thyrsi .*

Deformes sunt omnes, non diffformes:

Fædo exemplari similes.

Quorsum igitur auita Nepotum crimina

Argutus ingereret Scriptor?

Narranda non erant facta, sed mutanda nomina.

Aut singuli Caino similes vixere,

Aut vnus in singulis Cain renixit.

Modestus proinde, non molestus Moses,

Ne vel aures loquendo,

Vel historiam filendo laderet,

Loquaci silentio.

Infanda gesta nec emulgauit, nec tacuit.

Annorum etiam numerum consultò siluit:

Nihil enim viuunt, qui malè viuunt;

Nec annos impy vsurpant, sed perdunt.

Novo igitur inuento supplicio,

Scelestos vlciscitur dum tacet scelera:

Calamo pungit quos expungit:

Totq; capita obruncat, quot truncat nomina.

Iacete igitur aternùm

Incesti, Latrones, Parricida;

Digna Caino Proles.

Prò latebra, & sepulcro, silentium dono.



LAMECH

MATHVSAELIS FILIVS.



ENTHVSIASMVS.



*Quorsum Fata consulis Lameche,
Quem inconsultum facta condemnant?
Assatus vaticinor. Quid hoc est?*

*Bis amans, bis amens,
Non uno contentus ingali vinculo,
Gemino te mancipium ligas?
Vtramq; igitur pellicem, vtramq; succubam facis.
Vt fatidico iam nomine arguaris,*

Lamechus mechus.

*Quæ hac discors concordia,
Cor vnum in discordes scindere Coniuges;
Et alternis Liberis, alternas inducere Nouercas?
Licet sine lituo, & insula prasagire:
Certum tibi odium riuales infligent Coniuges,
Cum incerti consignent amores.*

*Vno flagrabis incendio,
Cum geminus Hymen aduersis bellabunt facibus.
Malo omine Polygamia licentiam facis ex Bigamia.
Nam septuagies septies plectendus,
Septem, & septuaginta Liberos suscipies, & depones;
Toties Orbis, quoties Pater.
Impius vero Genitor,*

Impio terram Genere onerabis.
Magis impius Nepos,
Impiorum Principem Atanum pro fera cades.
Nil tibi debet Terrarum Orbis,
Quod Cainum exanimas, si eius animum retines.
Vno iaculo Caino mortem, Vitijs vitam, dedisti.
Errabit oculus, at non errabit manus,
In flagitia per se docilis.
Filij etiam nace Atan Manes placabis.
Aequè scelestus, sine scelestos gignas, sine occidas.
Hoc habent pessimū optimum,
Quod mutua sese per arma plectunt:
Hoc pessimum, quod sine scelere non possunt plectere.
Diuinare iam liber:
Incipiet mors hanc te punire quā peccas.
Marcente siquidem virag, pupilla,
Antequam vitā careas, orbe carebis:
Et mortuo destinatam noctem viuis anticipabis.
Regent te filij errantem Patrem,
Qui errantes filios non regis.
Te cecum antecedent, qui scelestum sequuntur.
Ibis tandem cum Filijs praecept Genitor.
In Diluvio naufragus.
Cupidinis flammis ambustus, in undā peribis.



I A B E L

LAMECHI FILIVS.



PROSOPOPEIA.



Viator,

Bene mihi preccare si malus es.

Ego Lamechi primigenius, sed Patre peior,

De malis bene merui.

Nam cum Calo teste viuerent impij,

Nec vlla sceleribus daretur latebra;

Pellicea primus tentoria pratexui,

Quæ Cali conspectum raperent.

Debet igitur impietas mihi, quod Cali oculos fugit.

Citiusq; adultra, quia inulta,

Nec Patre caruit, nec Patria:

Et sub Ocellis pellibus latitarunt Lupi.

Sed maius aliquid merui.

Nam cum anitum crimen aratris lucrent homines,

Sepulcro proludentes in sulco;

Tam improbe seruituti

Vicaria Bonum colla succedere coegi.

Hominum ingum remolitus in Bruta.

Felici ergo talione,

Peccarunt Iuuenes, plectuntur Iuuenti.

Nec tardis modo Armentis imposui.

Nam quod ferox Equus Equiti seruit, meum est munus.

Illexi oblato freno iciuna quadrupedis ora.

Ille, ut ignota xenia ignarus hausit.

Totam voravit servitutem.

Irascitur iam rabidus.

Et spuma linore exosas inquinans phaleras,

Vndante collo subrigitur:

Ac terram scrutante Vngula, me querit.

Servit tamen ingratis,

Suosq; Domino commodat pedes.

Quanta mihi debeas Viator, vides.

Equum verte, ne Tumulum evertat.

Nam qui Calum spectare nolui,

Parum egi, si à Celo spector.



I V B A L

LAMECHI FILIVS.



N Æ N I A.



Fingite luctum ridentes Præficæ:

Talemq; Næniam exhibilate.

Iaces ab tandem, ac taces,

Modulantium Chorage Iubal.

De disti tue voci panas.

Nam exiguum spiritum quo vita ducitur,

Tu primus frangere ausus ad melodiam,

Spiritum simul emisisti, & amisisti.

Consensere Astra in tuos obitus.

Tu enim celestis Harmonia sc̃ctatus imaginem,

Sacrum Planetarum concentum furatus,

Diutorum delicias Mortalibus propinasti.

Poscebant muta Animantes suo de tortore supplicium.

Tu enim primus Testudinem, anguem innoxium,

Portatili sua domo eliminasti,

Vt Harmoniam angui nocentiorum,

Vacua illà in latebra conderes.

Tum sc̃cta Pecudum viscera

Imparibus discreta numeris tetendisti;

Vt pollice verberata, aures mulcerent.

Vah Ingratus Pastor!

Qui Greges in cythara equuleo mortuos torques;

*Et inter tormenta canere iubes.
 Crudelis! ut letos ad Agnorum gemitus,
 Choreas ducant Pastorum chori,
 Agnorum visceribus ludis.*

*Male tibi sit Iubal,
 Qui tam dulci peste
 Aures afficis, ut inficias animos:
 Latet inter cythara fides Cupido infidus;
 Qui canoris imbellium pecudum nervis
 Feroces Hominum enervat Spiritus:*

*Et arcu eodem
 Chordas ferit, & corda.
 Ridet interim furtiva Mors,
 Quæ dulces inter modos
 Inauditum securius explicat pedem;
 Et lata meditantes letho prævenit.
 Stabis æternum exemplum, Iubal.*

*Tibi iocosa Lyræ fila pulsanti,
 Tenuæ vite filum fata succident:
 Carebis funebri luctu letitiæ author.
 Et qui flebili seculo non fleuisti,
 Extinctus ridebere.*



TUBAL

LAMECHI FILIVS.

HYPOTYPOSIS,

Ex alia in aliam vocaris musicam, Viator.

Auras plectro demulsis Iubal:

Aures malleo Tubal obrundis.

Ille tibi reperitor, hic gladij.

Virumq; noris ab uno satum Lamecho.

Nam effeminatus, ac ferus Pater,

Titulum dimisit Hæredibus.

Hinc alter effeminatur ad cantum;

Alter effertur ad arma.

Debitas de magistro?

Cerne tam dire artis rudimenta,

Dices tam bonum ingenium à malo Genio.

En ut ipso propè de Tartaro

Vulnificum ferrum scrutatur, veneficus.

Vides, ut sibilantes circum caminos

Fumofus cursitans Faber,

Anhelantes agitat folles;

Qui toties animati, & exanimes,

Alternum spiritum flammis inspirant?

Illic crudus artifex ferrum coquit;

Flammis domitum malleo cruciat;

Et ferro ferrum flagellat.

*Quæris cur tam ferum sit ferrum?
 Suas in nobis vindicat plagas;
 Et vulneribus eruditur ut vulneret.*

O dira vita fastidia!

Breuem vitam fecit Natura;

Brenissimam culpa, Ars nullam.

Inuentus est Caini Nepos, qui Caino inuidiam demeret:

Ille mortem vocauit, hic alas addit:

Ille in campum duxit, hic armat:

Ille fecit ut mortalis mori possit,

Hic ut nemo viuus securus uiuat:

Ille unum occidit, hic quantos?

Quoties quisq; ferro cadet; in hunc clamabo,

Ferreus erat, qui ferrum reperit.

At malo tuo malam artem exerces Tubal.

Ferrum cudis, ferro cades.

Parricidam fecisti Patrem;

Caderis à Patre.



S E T H

A D A M I F I L I V S .



S I M I L E S .



Haecenus prava germina .
 Nunc sacra , & duratura .
 Mala tempora melioribus pensantur :
 Quicquid Adamo sustulit Cain , Adamus orbi reponit .
 En , geminum cum Abele Sethum .
 Idem , & alius ab eo est .
 Eadem frons , Religio eadem , idem Animus :
 Iunge nomina , totos iunxeris .
 Itaq; sero partu secunda Mater ,
 Duos peperit in vno , vel bis peperit eundem .
 Non perijt Abelis innocentia , sed desultauit in Fratrem .
 Diceres tam grandem animam ,
 Non vno contentam corpore , gemina impleuisse .
 Aut geminandæ Parentum voluptati ,
 Bis natum esse vnum .
 Nec in vno quidem stabit .
 Exhibet generis inuicti linea nobilis ;
 Et Patria virtus semel agitata
 Agat se in succidaneos Heroas .
 Felicioribus illi terram aratri beabunt .
 Gregibus , ac Regibus leges ponent :
 Ingenuas artes , ingenio extendent :

Templa Deo, Templis Vates vouebunt.
Decidet passim execranda fratricidæ propago;

Et Abelis nitorem

Irrupta Sethi Gentilitas diù retinebit:

Meritoq; Orbe, sola enatabit.

O' quæstuosam Caini inuidiam!

Dum Virgunculum perdit, sæcundum facit:

Et vnum metendo, innumerabiles ferit.

Sic profuturus semper noceat liuor.

Timebit Orcus feracis exemplum vulneris.

Cum Dei filium occidet,

Tertium Abelem;

Fertili sanguinis elemento innumerabiles gignet.



ENOS

SETHI FILIVS.

ENCOMIVM.

Enossi verò laudibus nil potius addiderim,
 Quam quod ignotum Dei Nomen,
 Sub mortales aures primus attulit.
 Nil maius dici potuit, nec brevius.
 Tanta ista virtus, ut abdidit reliquas.
 Interprete nimirum, ac sequestre vocabulo,
 Cum Empyreo commercia nexuit.
 Ut tam facile sit Deum rogare, quam vocare.
 Tempestivo igitur officio,
 Postquam Homines alloqui desijt Deus,
 Hic Homines docuit cum Deo loqui.
 Nec leuius arrogatum Numini decus.
 Nam cum ignotus Deus omnia nosceret;
 Magna spargebat munera,
 Sed vel ingrata, vel ingratis.
 Suspectum enim beneficium est ab ignoto;
 Primus itaq; Nomenclator Enos,
 Diuinis actis nomen inscripsit:
 Et Hominum authorem Hominibus authorauit.
 Exceperè dulcissimum Nomen Cælitum Chori:
 Et Sanctissimis partum labris,
 Inter aurium cunabula versauere.

Arrisit amico vocabulo placidius Cælum:
 Et labentes soni reliquias
 Lambentes Auræ collegerunt.
 Iuere in plausus canore volucres:
 Et scribendo Tetragrammato,
 Suas certatim pennas pararunt Cychni.
 Ipsas adeò Tartari latebras
 Magni nominis Echo personuit:
 Atq; ingens veluti globus.
 De fulminali machina elisus,
 Trepidus Eumenides, consternatasq; confecit.
 Quæris quid authoramenti retulerit Enos?
 Idem accepit quod dedit.
 Homonimos enim cum suo Numine,
 Deum appellauit, Deus est appellatus:
 Aras posuit, impositus est Aris.



C A I N A M
E N O S S I F I L I V S .
M A L A L E E L
C A I N A M I F I L I V S .

OPPOSITA.

Cainamus, & Malaleel,
Ignotæ Virtutis, non ignoti Virtuti;
Parem pietatem in nomine dispari præferunt.
Nam Cainam lamentabilem gemitum,
Malaleel lætum Numinis laudatorem, sonat.
Optimo nimirum pessimoque Seculo,
Certabant paria virtutibus vitia.
Hinc Religiosa Sethi posteritas,
Illinc nefanda Caini genimina,
Procacitatem modestiæ,
Sacrificiis sacrilegia coequabant.
Itaq; Hominem inter Homines nullum inuenisses,
Sed vel Angelos, vel Belluas;
Aut Ara dignos, aut Hara,
Adeo mortale Genus,
Vel extremos Numinis amores,
Vel extrema odia promeritum,

Voluptati, & mærori
 Parem materiam diuidebat.
 Diuifit proinde officium pietas:

Geminofq; Myftas initiauit;
 Quorum alter luctu, alter cantu litaret.

Sile iam Græcia miratrix
 Democriti, & Heracliti difparem Genium.
 Poffum melius par, diuino de autographo promere.

Nam Cainam lugendo, Malaleel canendo,
 Nouem fecula confecere.

Ille oculos luctu, hic laudibus fauces attriuit:

Et antiquam animam

Alter effleuit, alter efflauit.

Diutius tamen vixit Cainamus:

Nam Mortalium lætitiæ fuperftes eft dolor.

Deniq; à Cainamo Malaleel eft fatus:

Vera quippe voluptas, lacrymarum eft proles.



I A R E D

MALALEELIS FILIVS.



EXPOSTVLATIO.



Est quo tecum expostulem, Fama;
 Quæ tot prædita linguis, quot plumis,
 Circa Iaredi laudes implumis es, & elinguis.
 Nam præter annos ac Prolem, nihil admodum pangis.
 Non annis viuunt Mortales, sed factis.
 Tu Iaredi annos prodis, facta perdis.
 Quid est hoc aliud quam occidere mortuum?
 Fallor.

Authoritatem ex silentio quæris.
 Ad laudum metam de compendio peruenisti,
 Dum Iaredum Enoci Genitorem vocas.
 Non poterat intempesto seculo tam bonus educi,
 Nisi ex optimo Patre.

Quam magnum hoc fuerit, docuit mora:
 Ataus enim esse poterat cùm Pater esse cæpit.
 Vt non mireris tam senili ingenio Puerum.
 Nemo seriùs Prolem habuit;
 Nemo enim diuturniùs erat habiturus.
 Festiua non sunt, quæ festina.
 Decennio parturit Elephas, sed Elephantum.
 Celeres partus velut sibi præreptos citò reuocant Fata.
 Tanti erat igitur nouem sæcula meditari,

Vt talem sobolem de suo fingeret exemplo.
 Omnium vero sapientissimè,
 Quod vix editum Aris admouit.
 Nouum fœnoris genus, Deo fœnerari:
 Dare quod acceperis,
 Vt luculentius recipias quod dederis.
 Nam qui mortalis dedicatus est Puer,
 A morte est manumissus.
 Potes iam tu securus esse de Filio, de te Filius.
 Vtriq; bene cautum:
 Neuter suam flebit orbitatem:
 Tu Filio superstes eris, Filius tibi.



ENOCH

IAREDI FILIVS.



CENOTAPHIVM.



Inanem ex auro Tumulum molire, Faber.

Et viuaci emblemate

Cælestem hominem cæla.

Infantulus fingatur, Aris non Cunis reptans.

Septimus ab Adamo natus, Deo destinatus;

Vt in septimo quiescat Deus.

Iam adultum solitudini affinge,

Vt honestæ legationi decoros comparet cultus,

Aureo squalore lepidam maciem dita;

Argento lacrymas imitante:

Vt pœnitentiam, ignotum nomen,

Non tam suadeat, quam ostendat.

Iam syluis digressus,

Lasciuos doceat Cainitas

Cælestem vltionem præoccupando vitare;

Ac delere lacrymis scelera, ne diluuiò deleantur.

Heu tardæ Mortalium mentes.

Incredulos monet, non mouet:

Ac flenda vaticinans, ridetur Vates.

Nimirum, præcipites lentam vltionem non timent:

Ignari grauissima quæq; lentè ferri.

Ergo feliciori legatione ad Sethigenas missum,

Quos in Angelos vertit;

Ab Angelis in sublime raptum sculpe.

Num liquidum æra, num ætherem purum potiatur,
Nondum liquet.

Hunc vtiq; alicubi sculpe,

Vbi extra Mortis iacula Mortem rideat;

Et viuis egressus, mortuis superstes,
Solus sibi Phœnix, iuuenile senium trahat.

Quid agat dubitas?

Orbis spectator, Orbi spectaculum parat.

In Pseudochristum pro Christo velitaturus,
Bellabit contra rebellem,

Et peremptus perimet peremptorem.

Hæc vbi expresseris,

Breuem Tumulo Epigraphen fige.

Enochus hic non iacet.

Cum iacebit, omnes iacebunt.

Fleas, Viator, antequam iaceat.



MATHVSALES
 ENOCI FILIVS.
 LAMECH
 MATHVSALÆ FILIVS.



EVCHARISTICON.



Vobis verò inclyti,
 Mathusales, & Lameche,
 Humana plaudant ingenia;
 Qui diuinissimam Artium Astronomiã Cælo deuocastis.
 Nitebant ignita illa Sidera, & ignota.
 Clarissimus ille Populus,
 Tenebrionum more per noctem bacchari videbatur.
 Nesciebant tempestates cui gratias haberent Astro.
 Terrebant rudes ridenda Lunæ deliquia;
 Non terrebant comatę Cœli Furia, Cometæ,
 Ibat immortale lumen à caduco indistinctum;
 Et mediastini vapores
 Inter Stellarum Patricios numerabantur.
 Omnia dixisses errantia Sidera,
 Non incedere, sed exulare:
 Omnia caduca,
 Die pereunte nasci, nascente perire:
 Totum denique Cœlum Oceano tumulari.
 Sic improuidis vita carpebatur:
 Et assiduas Planetarū lucubrationes inertissimi spectabāt.

Vt Hominum incuria, Astrorum iniuria fuerit,
Quæ nomine carebant, vt patria.

Vos itaq; Cæli Filij;

Stupore duce, qui optimus ignorantia comēs,
Profanis impermissa penetralia rimati,
Cæli oculos Mortalium oculis ostendistis.

Cœpere muta illa Sidera, deprehensi Prothei
Suorum cursuum aperire consilia:

Et obscuræ temporum leges,
Admotis facibus legi.

Paucis ante diluuium seculis
Nata sunt Astra, quia nota.

Sapuit Orbis cū senuit:

Cælum nosci cœpit, cū irasci:

Vt disceret genus humanum quid amitteret.

Deniq; pereunte Mundo natæ sunt Musæ,
Quarum prima fuit Vrania.

Vos verò Cæli interpretes,

Paucis ante diluuium Solibus obijstis;

Tempestiuo perfugio in Cælum recepti.

Quasi Homines circumuenire non possent Stellæ,
Quandiu Stellarum amici viuerent.

Omnium tamen ætates euicisti Mathusales;

Longiore dignus seculo;

Nisi quæ procul de Sideribus coniectaueras,
Propius dispicere maluisses.

Detulit fatali Nauigio vtriusq; reliquias Naucerus Noe.

Tutissima prorsus Nauis:

Cui magneticam pixidem sacra supplebat Vrna,
Ossa gubernaculum, saburram Cinis.

Suis igitur grata Vindicibus occurrat Vrania.

Musarum Parentibus parentent Musæ.

Vos Hominum linguæ in Cælum tollant,

Qui Hominum oculis Cælum obtulistis.




M V N D I
A D O L E S C E N T I A
M I L I T E S .



NOES

LAMECHI FILIVS.



NOES

LAMECHI FILIVS.



ANATHEMA.



Adesdum, Viator.

Quam cernis Tholo suspensam Trabem
Votivum inuictæ Navis frustulum est;

Quæ nec velo acta, nec remige,
Semel omnes Mortales in Orbem novum traiecit.

Miraris? Maiora audies.

Mali amores bonos mores infecerant.

Aetatem vitij anteuerterant homines,

Nondum adulti, iam adulteri.

Argumentum deformitatis erat pudicitia;

Non pudicitæ deformitas.

Non diligenti manu mittenda erant fulmina,

Quacunq; caderent, in scelestum casura.

Eo deniq; sorduerat Tellus,

Vt dilui non posset, nisi diluvio.

Vnus in corrupto seculo integer esse ausus est Noes:

Vt scias, magna inter Vitia

Magnæ locum esse Virtuti.

Hic frustra auditus vindictæ Præco,

Malè feriatos diù terruit,

Serò supplices futuros in supplicio tam fero.

Itaque desperata Cæterorum salute, consuluit suæ.

Nam Protofabro Numine,
Vt ineluctabile Vndarum obsidium eluctaretur.
Arcam pro Arce molitur.

Ibi sancta cum Coniuge, Liberis, Nuribus,
Nouus at nauus abditur Nauta.

Vide quam mala fuerint tempora,
Totam Orbis pietatem trabs vna sustinuit.
Ibi diuino delectu Animantium viuarium fecit.
Vt reliquæ cum Hominibus perirent Feræ,
In quarum ingenia transierant Homines.
Increscunt vñdecunque ferales Vndæ.
Defluunt, superfluunt, circumfluunt.

Vt Orci Mancipia plectant, maria emancipantur;
Vt pereant Homines, tabescunt nubes,
Vt terras obruat, Cælum ruit.
Sorbentur cum Gregibus Populi;
Rotantur cum populis Vrbes;
Interit cum Urbibus Orbis.

Ne quid inultum viuat, aquæ plectuntur quæ plectunt:
Nam Maria ipsa in diluuiio pereunt,
Dum sua nomina amittunt.

Quale spectaculum, si superfuissent spectatores?
Sola hæc indomitum Oceanum insedit Machina,
Alterius Orbis spem claudens.

Lusit annuo in naufragio centenaria nauis,
Vnica in salo salus:

Donec, quæ omnia merserat, emerfit Terra;
Et suffocatis flagitijs Orbis respirauit.

Itaq; speculatrice Columba, pacis internuncia;
Omnium Hominum Portitor Noes.

In Orbem alium descendit.

Prodiere abdita illa meliorum gentium exemplaria:
Feræ ipsæ, humano ex contubernio minus feræ,
Suis saltibus redditæ,

Tum ex Arca ad Aram procedens,
Verus Deucalion,
Ætatis primæ postremus, secundæ primus.
Victimas pro naulo soluit:
Et hoc Ratis residuum pro Anathemate suspendit.
Disce Viator: immerfabilis est vera Virtus:
Medio in Ponto Portum inueniet.



CHAM

NOE FILIVS.



DIRÆ:



*Voneo te tuis Manibus,
Nauale mancipium Chame.*

Cui prouida Fata,

Calidum nomen pro stygmate inussere.

Quid enim Chamis vocabulum, nisi ardor impurus?

Apage in Arcam illam, dignior Ferarum conuiua.

Quamquam fœdior nulla Bellua

Ex patante illo stabulo prodijt.

Nam ille inclusa castimoniam seruauit,

Tu ipso in Salo salax.

Vel in Arca solutus,

Sanctissimam illam salutis onerariam

Lascino concubitu polluisti.

Nec sola hac tua probra.

Primam Vindemiam dedicauerat Noes;

Vt tristem aquarum memoriam vino restingueret.

At indoctus adhuc lymphantem Bacchum mulcere lymphis;

Qui de Oceano siccus emergerat.

Fecit in cratere naufragium.

Robustior quippè vini vis,

Effærum senem prostrauit, nudauitque.

Parum fuit nudasse;

Nisi proditorum pudor, pudoris proditor Chame,

Ad paterna ludibria Germanos conuocasses.

Tu ne igitur damnosior, an Bacchus?

Ille Patrem spoliat, tu spoliatum ostentas:

Vterq; ingratus auctori.

Furia te omnes insolentissime Puer,

Noua purgati Orbis macula;

Et unicum Patris malefactum.

Merito illa derides, quæ te genuerunt:

Hoc ipso turpia, quia genucre tam turpem.

Vtinam oculis caruisses, aut lingua.

Nunc verenda nuditatis innerecundus spectator, ac præco,

Dum tegenda, & tacenda, nec tegis nec taces,

Nemo te protegat, de te nemo taceat.

Vereri incipies, quem desinis redereri.

Ibis impactto Genitoris anathemate,

Nudum & ebrium Germanis ergastulum.

Voto eodem Filios gignes, sed ebrios;

Nepotes habebis, sed nudandos.

Nam Palæstina & Assyria purpura exuti,

Fabulam dabunt quam rides.

Quin sædo eodem semine progeniti Æthiopes,

Impurissimi ardoris tui affricti sumo,

Mores tuos de suo colore testabuntur.

Nec in Parentis arcanis tua stabit curiositas,

Nam prestigiosus Inferorum scrutator,

Barbaro Nomine Zoroaster,

Magicas pestes Orco euocabis;

In Orcum reuocandus:

Ex Vnda seruatus ad flammæ.

Dedisce, Viator, mala culpæ Tempora.

Semper sibi Orbis constitit.

Ter si diluuio mergatur,

Ter emerget impurior.

Vitia erunt donec Homines.

NEMBROTH CHAMI NEPOS.



DIGRESSIO.



Aliquid extra orbitam

De Nembrotho leges, Viator;

Ne malis artibus partum pereat Nomen.

Magna etiam infamiae debetur aternitas.

Hic inter inhumanos immanis,

Tam corporis, quam scelerum mole Terram oneravit.

Membra leges excessere, ut animum caperent exlegem.

Impotens igitur sui quod nimium posset,

Virtutem violentia violavit:

Et Assyriae sceptrum extorsit, ut torqueret Assyrios.

Itaque, non mirere amissum Imperium impio commissum.

Minimum est Homines vincere, nisi Deum laceſſat.

Nam primus Idololatra, & Idolum,

Divinos sibi honores asseruit.

Debuerat ipse Ara admoueri, non ipsi Ara.

At vulgo in adulationem prono,

Belus Iupiter dicitur, verius deinde Beelzebub.

Leui discrimine, Tyrannus colatur, an Daemon.

Hinc leue nomen ut sistat, marmorì alligat.

Nam cruentis gladijs in scalpella versis,

Suam lapidibus effigiem primus tradidit.

Harente Natura inter imaginem, & exemplar.

*Nisi quod mutuatis officijs,
 Ipse lapidi imaginem, lapis ipsi duritiam commodauit,
 Et imaginis imago fuit.
 Improspere videbantur hac scelera si perirent.
 Ergo Turrim meditatur,
 Quae ultra diluuij metum ac Mundi metam,
 Trophaea cum sideribus misceat.
 Ecreuit impietas, ut condenda Solo nomina ostendat Soli;
 Et peccare iam pudeat, nisi peccet in Caelo.
 Grandescit suis authoribus similis Machina;
 Gigantum Turris, ac Turrium Gigas:
 Quam insistere sperat, contra fulmina fulminaturus.
 Sed ignauè superbus Artifex,
 Dum fluminum vires pauet, ad fulminum sedes accedit:
 Et patentiore scopum exhibente magnitudine,
 Vindicta occurrit quam fugit.
 Confusis igitur linguis,
 Ne cresceret Moles obstitit Calum;
 Vt decresceret institit Euphrates.
 Vertitur ab imo compacta scopulis Babylon,
 Non solidum opus quia stolidum:
 Vani nominis sidus, nunc vanum nomen.
 Vno prodigiosa miraculo, quod ruente Turri infamia stetit.
 Hoc te volebam parumper digredi: ad Christi Proanos redi.*



SEM, & IAPHETH NOE FILII.



STATVÆ:



Effinge mihi, diuine Phidia;

Ingenuos Iuuenes duos,

Qui collectum humeris palliolum.

In nudum Patrem auerso vultu reijciant.

Ex vno gemini spirent lapide.

Vt cognatę materię nexus vnanimis fateatur, ac Fratres.

Tam Religiosum par Fratrum.

Nec Argi ostendent, nec Athenę.

Niuea Paros materiam dabit:

Vt notus marmoris nitor, nitoris arcani sit nota.

Pudibundos volo, & attonitos.

Vis tales fingere? lapideos finge.

Nā magni pudoris antesignanus est pallor, stuporis rigor.

Capitalibus verò literis hoc adiice Lemma,

Pij's Fratribus,

Semo & Iapheto,

Paterna fama tutelaribus:

Quod Parentis nuditatem profanis oculis verberatam,

Honesto pallij oppositu sanctissimè protexerint:

Et infami derisore obiurgato,

Infamiam sui seculi deleuerint:

Ac per suos etiam Nepotes,

*Impuris Chami Nepotibus,
 Transcriptæ impudentia multam irrogauerint:
 Ob eamq; rem munerati;
 Pro iniecta veste, regiam Clamydem receperint:
 Quot Filios tot Reges,
 Orbis vniversi Regionibus distribuerint:
 Alter Hebraorum, Romanorum alter Parens,
 Hebraica Romanaq; Ecclesiæ Prosoparentes extiterint:
 Humani demum Generis Seruatorem
 Progenuerit alter, alter coluerit.
 Terrarum Orbis vniversus,
 Prospera Pietatis Imagine in exemplum data,
 Lubens gratusq; gratulatur.*



ARPHAXAD

SEMI FILIVS.

SALEM Arphaxadi Filius.

HEBER Salemi Filius.

PHALEG Heberi Filius.

REVVVS Phalegi Filius.

SARAG Reui Filius.

NACHOR Saragi Filius.

THARES Nachoris Filius.



CATALOGVS.



Quicquid sexcenti soles dedere Sanctum;

Catalogus hic dabit:

Reliqua deuorauit obliuio.

Seruari debuerant germina, Seruatorem germinatura,

Hæc illa renouati Orbis innocentia

In Arphaxado, Salemo, atque Hebero;

Qui

Qui suos sibi montes pro meta positos rati.
Tamdium curis, quamdiu curiositate vacarunt.
Itaque suorum litorum cunabulis appositi.
Vbi nascebantur crescebant;
Vbi crescebant denascebantur.
Hoc beneficio diluvium profuit,
Quod erectis montibus, ambitionem circumsepsit.
Sed nimirum bonis stirpibus agnascuntur stolones.
Creuerunt Chamitarum corpora animis maiora;
Nam pessima statim adolescunt.
Creuit proinde spatij necessitas, & imperij fames.
Finitimique vocabuli auctoritate,
Ius & Vis pro eodem accepta.
Tunc orti legistatores cum mortuæ leges:
Tunc scripta iura cum proscripita Iustitia.
Hinc nata militaris disciplina, Ars moriendi.
Eoque insolentiæ ventum,
Vt gloriosius haberetur Cælum aggredi quam mereri,
Ac Deum adoriri, quam adorare.
Obstitit Numen audacibus cœptis,
Faceto & insigni commento:
Dum patriam Hominum vocem
In ignota comminuit idiomata.
Tyrannidis ministra lingua est:
Hanc Deus mutauit cum mutauit.
Soluatur enim mala Respublica, cum diuiditur.
Profuit hoc tamen Orbis supplicium:
Dum enim repente Barbari,
Inter tot linguas viderentur elingues;
Inutili iam conuictu,
Inhospitum hac illac quæsitantur hospitium.
Distributa sunt igitur cælitus exilia quæ colerentur.
Qua necessitate
Naues, mobilia Mortis domicilia, compactæ.

Hinc Maria Monstris, Sylvarum Feris ereptæ.
 Deniq; vna ex Chaldæa
 In Regiones omnes traductæ Colonia;
 Et animatus est Orbis.
 Solus Heberus Hebræorum Pater, & Isagogus
 Patrium Solum, vocemq; retinuit;
 Et in pectoris sacrario,
 Natale idioma, ad diuini oris Oracula conseruauit.
 Natus Hebero Phaleg:
 Cuius nomine linguarum diuisio memoriæ consignata.
 Succreuerunt Reus, Sarag, Nachor, & Thares;
 Quorum laudes siluit Moses,
 Ne magni Abrahami laudibus obstreperent.
 Itaq; de Abrahamo ut loquamur,
 Ceteri sileantur.



ABRAHAMVS THARÆ FILIVS.

NARRATIO.

Abrahami gesta narro: Viator audi.

Hic in Chaldæa natus,

Cum inter Siderum cultores, Auctorem Siderū coleret,
Patrium Cœlum amittere maluit quàm adorare.

Profugus igitur & palabundus,

Vt famem auerteret, propè famam euerit.

Nam Coniugis species Abramo periculo fuerat,

Nisi Abrami solertia, Coniugi saluti fuisset.

Vsque adeo mala sarcina est pulchritudo.

Eo igitur perfugiens, vnde profugerat;

Ex Aegypto in Cananitidem redux,

Aram posuit, quietis arrham.

Lothum habuit Fratris Filium;

Cui, permixtis diuitijs, commercia nexuit.

Societate crescunt opes; sed opibus decrescit societas.

Creuere cum prædijs famuli; cum famulis rixæ.

Nec geminum solum, vnum capiebat solum.

Itaq; cum affinitas confinium non pateretur,

Terram partire maluerunt quàm corda.

Sed hæc humanarum rerum necessitas;

Sociata augeri, aucta diuidi, diuisa perire.

Ergo amoenissimam Pentapoleos regionem

Tyranni quatuor populantes,

Lothum abducunt.

Perierat Loth, nisi Patrum habuisset,
Qui Servis trecentis sub vexillum collectis,

Tot Hostias, quot Hostes iugulavit.

Quis iam trecentos narret Lacones,
Qui non se numerant, sed aestimant?

Plus egere Abramo Duce totidem vernæ.

Vnam illi repressere aciem, hi quatuor oppressere.
Adeo facile militant, qui Deum habent commilitonem.

Sic inter Mortales Abram floruit, sed mortalis.

Infelix erat felicitas, quæ non habebat heredem.

Nam, vana Nominis illecebra.

Abramus erat, non Abramus:

Pater videlicet, sine prole.

Erogare illi omnia noluit Deus,

Vt aliquid esset quo Deum rogaret.

Rogando, Ismaelem orbitatis solatium ex Ancilla suscepit.

Sed nondum satis.

Invidiosa erat Coniugis sterilitati Ancillæ fecunditas:

Liberis egebat tanta fortuna, non libertis.

Itaque ut nihil iam à Natura desideraret,

Nihilque Naturæ deberet,

Rogando, de sterili Coniuge Isaacum suscepit.

Sed carò emit tam carum pignus:

Ipsam quippe senectæ gaudium,

Sua iubetur dextera iugulare.

Lucroso nimirum periculo.

Nam pro sobole oblata stellarum numerum æquaturus,

Ex Abramo sit Abrahamus.

Ex inani Patre, multorum Pater.

Quæris quam magnus fuerit?

E. sum metire,

Omnes probos gremio excipio.

Exceptos omnes, Beatos facio.

LOTH

ABRAHÆ FRATRIS FILIVS

TOPOGRAPHIA.

*Sulphurea, Viator, quam cernis Lacuna, Pentapolis fuit.
 Quinque olim Regibus beata sedes,
 Nunc fumosum famosi Cupidinis bustum, suas faces experti.
 Inuersis huius ignibus resoluta nubes,
 Imbres in flammam verterunt.
 Vt contra Naturam lasciuitum non dubites;
 Natura legibus ita peruersis.
 Nam contra Naturam inimicos, inimica fœderantur Naturæ.
 Ignis, & Imber.
 Sic flendos inter lusus,
 Ignea procella afflati Ciues omnes,
 Præposterè arserunt ut amarunt.
 Immo, geminato miraculo,
 Ignis ex aqua fluxit, mox aqua ex igne.
 Ambustam quippe Regionis faciem
 Pigrum deleuit Mare; vero nomine mortuum;
 Coryto simile, vnde orta Venus.
 Ita profana Vrbes post incendium naufraga,
 A Vulcano mortem, à Neptuno tumulum habuere.
 De more;
 Nam Cupidinis flammam lacrymarum sequuntur vnda.
 Nulla igitur hic Ceres, nec Cereris Comes.*

Cassa tantum fruges,
 Et poma prestigioso colore blanda,
 Experientium fances putri elidunt fanilla.
 In exemplum voluptatis, qua foris nitida
 In penitendum mox cinerem vanescit.
 Latior illa Insula, Lothi sedes ac Domus fuit.
 Qui solus aruginoso seculo purus, igne non eguit;
 Solusq; incendio superfuit,
 Hunc suavi cum Vxore, ac Gnatis duabus,
 Angeli de Hospitio grati, vindicauere.
 Lege data ne Patriam à tergo respicerent.
 Adco diuina iudicia humanis oculis interdicunt:
 Vel auersa Venus miserationem demerctur.
 At Fœmina illiciuntur vetando: augēte voluptatem periculo.
 Hac, clino in isto restitās, dū se vertit, in lapidē vertitur falsū,
 Digna sigillaria quæ insulsis mittantur.
 Hoc in Monte abstrusus respirauerat Loth:
 Filiarum comitatu Vxoris iacturam leniente.
 Sat felix quod cariora flammis exemerat:
 Nescius ben puellarum sinu peiora incendia foueri;
 Quæ diū clausa ruinam facient.
 Ille se Virorum generi superstites rata,
 Virginitatis radio, maternum thalamum scandunt.
 Nimirum, festiua hilaritatis specie Genium solutura,
 Pleniores calices Patri propinauerant:
 Vt Veneri lenocinaretur Bacchus, & ignis in igne fureret.
 Hinc nefāde Bacchātes, ebrj Genitoris implexę amplexibus,
 Fœdis Liberalibus, fœdiora miscunt Floralia.
 Oh, post illum salem, adhuc fatuę Sorores?
 Debuerant Matri conformari:
 Quę nisi esset statua, nunc fieret.
 Verum est quod aiunt, lethalem floribus vitem;
 Cum Virgineos necuerit flores.
 Infelix Genitor: cui flammę seruatus?

*Ignem fugit, & secum tulit in dolio.
 Felix tamen, quod gemina inter stupra castissimus;
 Salua honestate filias fecit Matres.
 Nam clamdestino Vini philtro obstupefactus,
 Baccho, Nocte, Somno, ter cecus,
 Incestum furantes Filias non sensit.
 Vt non absurde asseratur Somnus Pasiphaa Maritus;
 Cum & incestificus esse possit.
 Licet hoc etiam miraculis adnumerare;
 Carneam statuam, dormiendo gignentem.
 Ergo utraque concepit rivalis Soror;
 Et utraq; suum peperit fratrem:
 Quorum alter Moabitis, alter Ammonitis nomen fecit.
 Olim Isacidis infestum genus;
 Quale tali thalamo ingignitur.
 Perge Viator.
 Citra fabulam tres fabulas tenes;
 Phaetonta, Nioben, Myrrham.*



LOTHI

VXOR.



METAMORPHOSIS.



Quam stupes muliebrem Statuam

Tanto artificio fictam,

Artifice caruit.

Genita fuit, & sine scalpello sculpta.

Et, quod impensius mirere,

Olim spirabilis, & loquuta:

Breui; Fœmina fuit.

Dicerem, est:

Nisi prodigium videretur,

Fœminam esse, & tacere.

Gorgonium vidisse illam putas?

Aut Ciconum fontem bibisse?

Erras: Se ipsa fluxit.

Nam contra Divinum præscriptum

Dum Patriam spectat, se amisit.

Sola igitur Mortaliam, nec Imaginis egens, nec Sepulcri,

Ipsa suæ stupiditatis Imago,

In semita hæret.

Et in sua statua tumulatur.

Licet igitur intra Metamorphoses numerare

Fœminam ex vera fictam,

Imò nunc veram, quia fictam.

*Nam quid in fœminis videas, nisi fictum?
Isaq; mentiri solita, seipsam mentitur.
Mortua Vinam simulat, vel Vina mortuam.
Magis mirere.*

*Quod insulsa, salsum migravit in lapidem:
In sale mortua, quo vina carebat.
Sic solent fœmina: sapiunt cùm pereunt.
Ah fuge hunc salem, si sapis, Viator.*



ISAAC

ABRAHÆ FILIVS.



TRAGŒDIA:



Adeste Ciues.

In Monte Moriah Tragœdia dabitur;

Cui nihil simile dedere Athenæ

Idomenæus, & Agamemnon fabulæ sunt:

Et si consero, mihi frigent.

Protasin aget Numinis Internuncius;

Qui Isaacum patria iubebit dextera immolari.

Distrahetur infelix Pater inter filij vel fidei iacturam;

Aut incredulus futurus, aut crudelis,

Atq; vt totas ærumnas secum tractet,

Ad ignotam procul Aram peregrinabitur;

Vt singula per vestigia gladium parans,

Locum omnem horreat, dum locum ignorat:

Toties enectus antequam necet.

Epitasin aget Isaacus;

Spes Patris, actimor: Cæli munus, & muneris pretium.

Tot victimis à Patre expetitus, nunc Patris victima:

Quem Deus læneratus est Puerum, vt repeteret Virum.

Vterq; procedet suorum mysteriorum Sacrifer:

Hic ligna gestans, quibus inardeat,

Ille faciem, quam posteritati subijciat.

Nam totius Populi Caput de capite periclitatur.

Iam ad mæstam catastasim venietur.

Hanc vterq; persoluet;

Dum Ara posita, composita strue,

Discet Puer ad se pertinere illum gladium.

Ambigeres flebilior ne Sacerdos, an Victima sit.

Nisi quod mollius est amanti,

Mortem impetrare, quam imperare.

Iam in ore primo stat Anima:

Iam gladium alter, alter iugulum nudat:

Iam morti acerbissimæ nihil deest,

Præter id quod Mortis acerbicatem adimit, Mors ipsa.

Sed catastasis horrorem læta excipiet catastrophe:

Dum momento eodem,

Imperium Deus, ferrum Genitor, reuocabit.

Itaq; ad fortunatum Rebecce connubium seruarû Puero.

Fœdus Aries pro succidanea Victima Aram imbuet,

De more Numinis, qui bonis minatur, malos perimit.

Sic Isaacus iterum natus, Abrahamus iterum Pater.

Vterque Actor, corollam ferent.

Agetur Tragœdia ludis verè Olympicis.

Modos facient Cœlestes Chori.

Spectante Cœlo, Actore Homine, Authore Deo.

Qui veræ cædis progymnasma, ficta in cæde meditatus,

Eodem in Monte Filium immolâdo, Tragœdiâ explebit.



IACOB

ISAACI FILIVS.



MONITA.



Habes, Viator,

Tot in Iacobo documenta, quot gesta.
Hic in sterili coniugio diuinitus impetratur.

Disce per vota querere quod optas:

Nam magnum aliquid porrigit Cœlum, cùm flectitur.
Iam gemino tumēte foetu, Iacob optimus, Esau pessimus,
Felicissimam simul, & miserrimam fecere Matrem.

Disce quàm finitimum Virtuti sit Vitium.

Cum Mali Bonis agnascantur.

Sed ò prodigia! Rixantur Pueri antequam prodeant;
Et gladiatoria Palæstra vterus est.

Tumulus esse poterat, si magna odia possent latere.

Disce quam prematurè se prodant pupillorum ingenia.

Ergo expellibus in aciem descendunt: ex vtero in Orbē.
At primas obtinuit Esau, hærente ad calcem Iacobo.

Disce commune rerum fatum,

Vt dignitates indigni rapiant, non seruaturi.

Vagus enim venator Esau, rabida instinctus fame,

Flatulenta edulia Sacerdotio paciscens,

Fit ex Domino Verna.

Disce quàm stolidus sit improbitas.

Nam irretitus suamet arte venalis venator,

Cum

Cum ad escam inuolat, libertatem amittit.

Conspirauit in Iacobi gloriam

Matris acumen, & Patris cœcitas:

Dum Pius impio similis,

Paternæ dexteræ subrepens, primatum subripit,

Et Esau capitur dum Feras capit.

Disce tua iura ingenio promoueri:

Humanus enim mentis acie vincimus, quam Ferri.

Iam Fratris iras ut fugiat Iacob, patriam fugit.

Et sollicitudines per solitudines mulcens,

Exitum declinat exilio.

Disce quàm arduum sit Fratres componere, nisi diuidas.

Magnus ex odio Iacobi labor; maior ex Amore.

Rachelis coniugium,

Vnam videlicet seruitutem, septenni seruitute mercatur.

Disce Amoris nequitiam; qui Sapientes dementat.

Imposuit Iacobo Labanus,

Dum pro pulcherrima, lippam supposuit,

Bis igitur ut nubat, bis seruit:

Et liberos ut acquirat, libertatem amittit.

Disce quid auaro fidus, si sanguinem sudoribus vendit.

Sed opportuna Soceri importunitas Genero fuit.

Nam sterilem inuenit pulcram, deformem frugi.

Disce humanarum rerum vices:

Spem fallit species, vtilia sunt quæ spernuntur.

Infelix igitur Rachel ut prolem pariat vota concipit:

Felix nisi litasset.

Nam Animam simul, ac Beniaminum enixa,

Vitam amisit cum dedit.

Disce quàm nostra nos prodat Cupiditas:

Perierat nisi pareret: periit quia peperit.

Iam Natorum ac Pecudum Gregibus auctus Iacob,

Soceri auget inuidiam.

Disce quàm magnum sit infortunium magna fortuna.

At malum malo mutatur,
Dum à Socero lapsus, in Fratrem relabitur.

Sed inter furem ac furentem medius,
Illum dolis vincit, hunc donis.

Disce quàm secura munimenta sint muncera.

Nam ferro inuictos, auro vinces.

Vltima restabant tentamenta Virtutis.

Soceri astu, Fratri æstu inconcussus,

Natorum flagitijs concutitur:

Cruento Iosephi spolio deceptus,

Fictam cædem veris lacrymis luit.

Disce, multiplici ex connubio plus doloris quàm solatiij progigni.

Redijt tandem felicitas sera, sed seria.

Læta enim ac tragica agnitione,

Dum Benjaminum repetit, Iosephum reperit.

Itaq; inter Filios duodecim, oscula, & Animam diuidens,

Ingenti felicitati succubuit.

Disce Virtutis leges, Viator;

Verè vt gaudeas, diu lugendum:



TRIBVNI XII. IACOBI FILII.



SOMNIVM.



*Suavis futurorum interpres Somnus,
Vel Iosepho ad Cælum raptō,
Vel Cælo ad Iosephum delato,
Talibus Oraculis puerile pectus impleuit.*

Huc nobilis Infans.

Signiferum illum Orbem, Phæbi Phœbesq; curriculū vide;
Vbi Astra duodecim, tempestates alternant.

Vestræ familiæ vides Emblema.

Hic Signorū Princeps, ac verne fœcūditatis antistes *Aries*,
Te tibi ostendit.

Cui Primigeniorum dignitatem

Natura negatam Virtus dabit:

Cū ex famulo Princeps,

Aegyptum ditabis, ab Aegypto ditabere.

At ille torosus, & aratro sacer *Bos*,

Issachar est:

Qui oneris quam honoris patientior,

Vectura victitans, iuge perferet iugum.

Iam *Geminorum* Fratrum nodus Beniamino astruit.

Vero *Philadelphæ* exemplo.

Vnico tecum animo, quia ab vnico vtero.

Iam verò sub æstuosum tropici limitem

Refugus latibulans *Cancer*,

Nephtalis est, à recto retrogradus.

Nec seruale ingenium mirere, de Serua natum.

Cernis subinde iubatum radijs *Leonem*,

Magnanimum, victor, frenuum caput?

Hæ Iudæ dotes;

Qui nomen Genti, sceptrū Regibus, Messia natales dabit.

Virginem verò,

Soliuagum, seuerum, sed castum Sydus,

Ad Leuim referas.

Quem pudicitia amor vltorem libidinis faciet,
Ac Tribu soloq; dimotum, aris Temploq; admouebit.

Danum æquissimum Iudicem; *Libra* præfagit:

Quæ noctem diemq; hoc est pœnas & præmia,

Pari lance suspendit.

Cernis ne *Scorpionem* illum truculenter blandum,

Ore innocenti, nocente cauda?

Simonis perfidiam notat:

Qui vel suo proditor nomini

Paci verba, dexteræ telum aptans,

Credulo Sichem, citius iugulato quam iugato,

Nuptialem ipsam faciem supponet.

Nec melius ex *Centaur*o præfagium:

Hinc humana specie, inde equina lasciuiâ biformis,

Rubeno respondet.

Tantæ humanitatis, vt tuo funere pollui nolit:

Tantæ lasciuiæ, vt Patris thalamos vltro polluat.

Aequè pius dum Fratres seruat,

Ac impius dum Fratres gignit.

Pari igitur præmio pœnaq; dignus,

Primogenitus nascitur, Primogenita amitter.

Euge; fœdissimum *Capricornum* cum Gado conferas:

Deformes, sed vniformes.

Nam Martis ille ac Maris turbator.

Campos cædibus, freta tempestatibus asperat.

Hic Sociorum quietem mouebit:

Ditiones seditionibus agitabit.

Contrà verò,

Regius hic Minister *Aquarius*, Azeri schema est:

Qui de gregali ad Regalem sedem vocatus,

Regum animos tractabit, iras mulcebit.

Pisces demum, lubricæ Maris animæ,

Zabulonis sortem pingunt.

Qui pisculentam fortibus oram,

Diuitias ac delicias comparabit.

Hæc vestræ fortuna Domus;

Cœli Filia, Cœlo nixa, cum Cœlo duratura.

Quid enim Cœlum, nisi Mysteriorum Pictura?

Hæc vaticinatus Sopor, euauit.

At experrectus Ioseph,

Suo Somnio Fratres fecit insomnes.





MUNDI
IVVENTVS.
DV CES.



I V D A S

I A C O B I F I L I V S .

Christi | linea.

Ex Leui Ioseph Phares. Ex Dan Ex Esau
Iuda fratre. Iuda frater. Iuda fratre. Iacobi fratre.

Moses. Iosues. Ebron. Samson. Iob.
et Aron.

Gedeon. Ramus.

Iephthes. Aminadab.

Naafon.

Salma.

Booz.

Obed.

Iesse.

I V D A S

I A C O B I F I L I V S.



ET Y M O N.



Tertium vides Orbis Parentem, Viator.

Qui Fati consilio nomen à Laude sortitus,

Gerendorum præscium, gestorum pretium,

Id meruit adultus, quo donatus est infans.

Ergo ne silentium rapinæ damnetur.

Suam Iudæ Etymologiam pro præconio restitue.

Animum illum celebra magnum, strenuum, iustum:

Qualem poscebat Mundi Iuventa.

Magnitudinis fuit,

Quod Patri se Vadem pro Beniamino deuouit:

Certus, aut raptum reducere, aut raptorem.

Strenuitatis, quod hostiles sectas hostiliter insectatus,

Bella exercuit pro venatu,

Iustitiæ, quod ignoti incestus se conscium noscens,

Breuem luxum diù luxit.

Has vt laudes vnico vöcabulo constringeret Fatum,

Iudam vocauit.

Migrauit in stirpem tanti nominis tessera:

Nam Iudæ Tribus, Tribuno similis,

Iustitia, strenuitate, magnitudine cæteras vicit.

Hæsit nepotibus auita gloria pro stimulo.

Qui ne nomini impares arguerentur,

Numini pares esse debuerant.
 Eodem tituli augurio Regia dignitas fuit:
 Quæ primogeniū annis debita, indebita vitijs,
 A Rubeno ad Iudam, ab Euirato ad Virum, transfugit.
 Adeò facilius est nancisci Reges, quam nasci.
 Huius Imperio nullum maius.
 Nam longa perpetuaq; Regum linea decurrens,
 Deniq; in Dei humeris sedit.
 Ita Iudæ solium fuit altius Sôle.
 Nec cæco Prouidentia mysterio,
 In *Iudæ* nomine infandum Dei Nomen inuenias.
 Addito *Delta*, quod *Iannam* sonat.
 Nam Diuinitati ad Mortales ingressæ,
 Iudæa Virgo Ianitrix fuit, & Genitrix.
 Quanta hæc Iudæ Gloria, quod sui Author Authoris
 Numen numeret inter Nepotes, & Iudæus dicatur Deus.
 Sed, heu miseræ vices!
 Tanti Nominis laudem simile nomen inficiet.
 Surget *Iudæ* Antagonistes Iudas.
 Hic Numen edet, ille proder.
 Sanctumq; os putri violans osculo,
 Suummet nomen contaminabit.
 Dedisce Viator auitos iactare fastos.
 Hominum est Virtus, non Nominum.
 Nam totidem literis Messia Patrē appelles, & Parricidā.



IOSEPH

IACOBI FILIVS.



EVLOGIVM.



*Dulces Rachelis primitiæ Ioseph,
 Ut primus euadat, undecimus nascitur,
 Egregium aliquid meditante Natura,
 Quæ tot exemplaria delineauit, ut vnum absolueret.
 Paternæ virtuti, materna pulchritudini compar;
 Ut impares Fratrum mores de suo Typo corrigeret.
 In sopore Vigil,
 Pingente Somno, futura dignitatis expressit imaginem.
 Sed periculosa res est eminere.
 Per cognatum liuorem
 Virus humatur, exhumatus diuenditur.
 Infelix Puer,
 Vel perimatur ne imperet, vel seruetur ut seruiat,
 Bis infelix,
 Ab Eunucho emitur, ut seruiat Famina.
 Ter infelix,
 Purus impura seruit, ingenuus captiuus:
 Nam liberali mancipij specie Domina capitur.
 Hic inhonestum thalamum fugit:
 Sed voto repugnat forma, pudore aucta:
 Itaq; inuerecunda procacius persequitur verecundum.
 Hic Domino, quam Dominâ obsequentior, fugit:*

*Illam denique impudentia impudicitia suffragante,
Arrepto pro Iuvene palliolo,
Indicium criminis insonti obijcit.*

*Quid multa? fauor sequitur ream, reatus in fontem.
Itaque liberalius ducens Ioseph,
Scruili compede, quam herili amplexu constringi,
Carcerem subire maluit, quam mereri.
Sed Virtus quicquid intrat condecorat.
Lata ac massa somniantem Pharaone,
Ut ambages soluat, vinculis soluitur.
Anguem diceret per latebras tractum,
Ut exiret nitidior.*

*Aegypti Fata denunciens, Aegypto praeficitur.
Nemo enim melius prospicit malis, quam qui prospicit mala,
Itaque ore affirmato, re firmato praesagio,
Nunc ferax, nunc ferox tempestas
Septennem fertilitatem septenni sterilitate deuorauit.
Nepos nimirum Natura cum prodigit, decoquit,
Hinc optimus Promus—Conditus Ioseph,
Frumento gravidas Pyramides pandens,
Calefacta annona promittit quod repente condiderat.
Ita Aegyptiae Pyramides, iam sepulcra, mox horrea.
Aegyptios alunt quos tumulabant.
Tunc Asia in Aegyptum emendicante.
Frumentatores Fratres agnoscit Ioseph,
Pia Fati Talione:*

*Vt ab eo vitam emerent, quam vendiderant.
Dulciorem tamen agnitionem simulato facturum iurgio,
Ceu furto deprehenso, ceu fures comprehendit;
Pari violentia amorem pectore, carcere Fratres, includens.
Sed lubrica res est Amor.*

*Medullis coercitus pupillas rumpit:
Caecusque, per oculos viam rimatur.
Latas igitur liquatus in lacrymas Ioseph,*

*Suis se proditoribus prodit.
Cælum dicores illam domum, Astris duodecim letam.
Sed sine Sole, dum sine Patre:
Qui demum accersitus, totam fortunam serenavit.
Omnia recuperauerat præter Patriam.
Huic ossa legauit pro Oraculo:
Vbi, post obitum peregrinatus, tandem quieuit.
Semel mortuus,
Bis tumultatus,
Ter fletus,
Quater felix*



PHARES

IUDÆ FILIVS.



P·R·O·D·I·G·I·A:



Adolefcens quem cernis , Phares est:
Matris incestu, Patris adulterio fatus:
Parentum dedecus, Nepotum decus.

O' Prodigium!

Duos fleuerat Viros, eosq; Leuiros Thamar.

Tertio desponsa Fratri, & fraudata.

Ne orbitatem fletet,

Fraudulenta libidine, ab Iuda Socero Prolem furatur.

Nam pellar Pellex.

Prostituto corpore, non vultu.

Filium concepit Mariti Fratrem, ignota Nothum.

O' dirum Prodigium!

Obscuri sceleris palam conuicta Meretrix,
Accusatore vtero, Socero Iudice, ad flammam trahitur;

Vt Veneris crimen Vulcanus plectat;

Et flammam expiet flamma.

Sed productis scortationis præmiolis,

Sigillo, fudario, baculo;

Reum Iudicem conuicit rea.

O' implexum Prodigium!

Sanctum adulterio misceri, adulterio sanctum gigni.

Immo vnico adulterio bis adulter Iudas,

Crimen geminat:

Quippè vnico incestu, geminos gignit,

O' probrosum Prodigium!

Gemello instante partu,

Exertam Zaræ dexteram purpura distinguit Obstetrix,

Purpuratam dexteram in vterum reuocat Zara;

Et posterior Phares prior oritur.

O' diuinum Prodigium!

Quid monstri ferunt hæ vices?

An purpureum vinculum,

Vt Aegyptæ captiuitatis omen, exhorret Infans?

An penitus in vterum resilit,

Vt purpuream Regni notam ostendat Fratri,

Cui diuinæ stirpis authori debentur primæ?

An quòd auroræ plagam significet Zara,

Purpuream auroræ notam coruscat,

Vt Solis instar procedat Phares?

An gemini Populi præposteræ notantur sortes?

Nam qui legem primus accepit,

A legis actis manum retraxit.

O' felix Prodigium!

Nemo vtilius peccauit, quàm Thamar.

Nam legitima arescente Iudæ Prole,

Tota Iudæorum Regum Sylua

De spurio hoc Stolone propagatur.

Pro Prouidentix Consilio:

Vt decolor Hebræorum purpura

Haberet vnde erubesceret:

Et Regali Throno oppositus Thamaris Thorus,

Tyrannicum typhum excuteret.

O' maximum omnium Prodigium!

Regia Christi Gentilitas hoc probro superbit;

Et Virginei Partus Auiæ, iactantur incestæ,

Dum Christi genitores ex Thamarè dicuntur Nati.

Siue id augendo Diuinorum natalium splendori:
Nam fœdiore in nebula clarior elucet Iris.

Siue minuendæ feueritati:

Dum criminum Vindex criminosos inuenit

O' lata Prodigia!

Abi Viator, & Spera.



I O B

ESAV PRONEPOS.



MONOMACHIA.



In arenam, ò Cives?

*Gemini congregiuntur Athleta,
Orientis alter, alter Occidentis solis Imperator;
Iob, & Damon.*

Simplicem illum videbitis cum multiplici Hoste pugnantem.

Illum semper eundem; hunc semper alium:

Qui forma carens, formas alternat.

Sed proderit Iobo aduersarij varietas,

Toties vnum triumphaturo.

En mollium Sabæorum specie simul atus Hostis,

Iobi Bones pradamur,

Hac prima Damonis velitatio; Robur euernare delicys

Sed irritò euentu,

In flammam mutatur flammæ hospes.

Et Cælo cadens, ubi stare non potuit,

Incendit quacunq; incedit;

Et pascentes ouiculas igni depascitur,

Hinc Magicum Chaldaorum agmen mentitus,

Camelos cum rectoribus corripit.

Sustinet hanc iacturam diuinus Pugil,

Qui opibus impeditior quo ditior,

Æque beneficium vocat Numen, siue afferat siue auferat opes,

Sic prædonem angit, dum de prada non angitur.

Hætenus prolusit aggressor: iam propius,

Vt Regiam euertat in ventum vertitur:

Nil enim aule nocentius vento.

Omnes turbat hic turbo præter illum cui nocet:

Qui ruinas inter infraëctus,

Latiore Cælo fruitur dum tecta subsidunt.

Sed maiores ciet lacrymarum nimbos hic ventus,

Dulcem senis sobolem inter epulas ruina sepelit.

At facilius Terram mouet, quam Iobum:

Qui ruente familia sustinere potest orbitatem,

Spoliato quid superest? Vita.

Hanc Tortoris Imagine cruciat, non rapit:

Vt intra corpus, & cadauer medius,

Iob vitam optet, vel Mortem.

Iob neutram curat.

Et ante Numen cadens, amulum sternit dum sternitur.

Debellaauerat, nisi defessus Antagonista,

Deteriorem sibi vicarium sufficeret, Fæminam,

Viro igitur Vxorem delegat;

Quæ postremam suis malis imponere manum suadeat;

Et Mortem Morte anteuertere.

Beneficam crederes hanc Maleficam; nisi esset Vxor,

Cui luxus est debili marito carere.

Detrahit hanc Pietatis laruam Mariti pietas:

Ac linguam linguâ retundens,

Viuerè mauult, innisus Coniugi ac sibi;

Totiesq; Hostem verberat, quoties spirat:

Et nihil amaturus præter Deum, Mortem etiam odit.

Nam postremis in malis,

Fortius est Mortem arcere, quam arcessere.

Iam inter rapinas & ruinas nudus, palmam tenet.

Sed ipsam in palmam victus innolat Demon:

Et ultimos conatus adhibet, amicorum probra.

*Hi tanta virtute amaris salibus respersa,
Famosi carminibus Victoris famam corrumpunt.*

*Habet hanc felicitatem novissima calamitas,
Quod invidiam extinguit: hoc uno invidenda.*

Iob omnium miserrimus, invidas habet amicos,

Nimirum Poetas,

*Tam male mordaces, ut vel vicerosum mordcant,
Adco inter aulicos, Virgines Musa lascivunt.*

Enicit extremum hunc laborem strenuus Iob.

Qui contemptus, & contentus, Hostes Hostijs lustrat.

Hic toto Cali Theatro plausus excitus.

*Nec minore premio, quam pralio,
Regno, liberis, opibus, duplo auctior.*

Suos ipse luctus cecinit.

Et calamitates calamo felices fecit.



ESRON

PHARESI FILIVS.

RAMVS ESRONIS FILIVS.

AMINADAB RAMI FILIVS.



AVLICISMVS.



Aulam esse Auram,

Triumviratus hic docet;

Aulicæ fortunæ leuitatem expertus;

Quæ cum Efrone processit,

Cum Ramo stetit,

Cum Aminadabo recessit.

Nemo igitur Efrone felicior Aulicus.

Nam cum iniuria Sideris depulsa Ceres,

Asiam, atq; Africam fugeret;

Et areret quicquid araret:

Efron in Aegyptum receptus,

Regnante Amosi Pharaone, Proregnâte Iosepho Patruo,

In soliuago Thebaidis solo cælitum vitam vixit:

Vrbicas delicias nactus inter Agrestes.

Candida enim felicitas mapalium fumo non tingitur.

Sensit Colonorum innocentiam Canopi Tellus;

Quæ regali Iudæorum vomere exulta,

Vota frugibus anteiuit;

Ac nihil debuit Nilo.

Certauit cum agrorū fecunditate Agricolarū fecūditas

Nam exiguus Israelitidum cætus

Prodigiola superfætatione impleuit Aegyptum.

Dubitas quanta vi soboleuerint?

Vna Iudæ Tribus quinos in Aegyptum deduxit Pueros.

Intra octogesimum lustrum,

Septuaginta milia bellatorum diduxit.

Adeo clementia Principis propagatur Respublica;

Et fauonijs conceptui fauet.

Hactenus cum aduena Efrone velificata felicitas,

Cum Ramo indigena subsistere cæpit.

Nam ab Amosi ad succedaneos Pharaones,

Agyptio desultante Sceptro;

Iosephi merita cum Iosepho funeravit obliuio.

Hoc Aulae ingenium:

Malefacta in saxo, Benefacta in aquis scalpuntur.

Et cum beneficiario interit beneficium.

Tantam igitur Iudæorum fortunam

Sequuta, vt solet, inuidia:

Cui omnia suspecta, nisi despecta.

Nouissimæ igitur calamitati seruator Aminadab;

Male Regnante Amenophi;

Qui Regiam Iudæ stirpem, luteo ministerio defixit.

Additis operarum Censoribus,

Qui, crebriore quæstione quam quæstu,

Cessantes incesserent;

Vt infelix Populus operam aut animam ageret.

Hæc Tyrannorum Natura;

Diuitias rapere quas donent; timere quas dederint;

Ac ditatos calcare ne calcitent.

At innoxijs nihil noxium.

Semineces Hebræi, & viuaces,

Basilicæ instar herbæ, crescunt per iurgia.

Quamquam doloris auctarium est

In sterili fortuna fecunditas

Horruit Pharaon feracem hanc Excetram;

Contra quam gladio nixus

Fœminicos Hebræarum fatus viuere iubet ad Venerem,

Masculos vetat.

Aequè iniquus dum perdit, ac dum parcit:

Comite semper crudelitatis, lasciuia?

Infelix omnino Aminadab,

Quod non citius aut serius nascitur.

Nempè, cum Hebræa libertas

Aegyptum lætigat aut reliquit.

Immo omnium felicissimus,

Qui tantum infortunium fortiter tulit.

Miserum enim est, miserum esse nescire.

Age Aulicæ:

Tres horum ætates compone, Aulici ætatem habebis.

Cui mendax Fortuna,

Primum applodit, mox supplodit, demum explodit.

Quod si Aulicæ vicibus Principum vicēs accedant;

Sis licet cautus, non vitabis has cautes.



MOSES

LEVI NEPOS.

EXEGESIS.

*Haecenus Homines Natura genuit, nunc Deos,
Prouectiori Mundo Ingenium creuit.*

*Noni Regis odio flagrante,
Noua Hebraorum spes nascitur, Moses.*

*Ortu, Vita, Obitu,
Intra fidem, supra opinionem.*

Vtrea exactus flumini traditur;

Ve Lethes esset pro lanacro,

Sed iactura caruit hic iactus.

Mergi non potest spectata pulchritudo.

Inter papyros harentem ac biblos

(Iam tum Biblia meditabatur)

Regia spectans Puella;

Oprat, educit; adoptat, educat.

Sed lubricum Aula culmen ingenuis.

Fratrum osores perosus,

Aegypto confosso, Aegyptum deserit.

Obscuro secessu, successu illustri,

Nam Ouium Pastor, mox Hominum,

Dilecto Populo deligitur Princeps.

Primus Mose labor, Hebraorum libertatem rogare :

Sed à Tyranno.

Frustra nimirum rogantur, quibus aures in oculis.
 Mann igitur, quam lingua, facundior,
 Ut aures audiant, oculos terret.
 At quos Deus obscurat, plectas facilius quam flectas.
 Hebræos cedente Mari incidentes,
 Vado sequitur Pharaon.
 Sed in undis demersus, memori elemento panas dedit;
 Quas nascenti Moysi decreuerat.
 Sic suis artibus pereunt Tyranni.
 Tanta pro suis fecit Moses; plura perculit à suis.
 Nam sternax Vulgus promissas ad sedes eductus,
 Angitur dum agitur;
 Sanctamq; ductorem, ut seductorem criminatur.
 Adco nec Probi immunes à probis.
 Profuit Moysi Pastoritia:
 Didicerat cum Brutis vivere.
 Quanta in contumaces missa beneficia, & amissa?
 Liquitur inuita de Pumice non ingratus ingratu liquor:
 Virga lapides molliente, non Homines.
 Sapit siti admonitis amarus naper aquarum haustus:
 Nec lingua amaro melle depellitur.
 Totà condicendis alitibus ancillatur Natura:
 Sed rabida ora munus mandunt, munificem mordent.
 Canescent dulcor rore concreta gramina:
 At delicata Manipia incipiunt perfidire delicias.
 O vestro luto luculentiores!
 Nil dissolutius seruo recens soluto.
 Nam seruitutis impatiens, libertatis incapax,
 In seruitio libertatem amat, in libertate seruitium.
 Duras igitur ut ceruices emolliat Moses,
 Ad Tonantem scandit per fulmina;
 Leges rogaturus, quas irroget.
 Sed diuino è cultu Deo similis reuersus.
 Geminas facie faces etaculatus,

Iumentum Cultores Iumento similes reperis :

*Qui passim Arati,
Legem detrectant, obvectant legislatori.
Adco periculosum Antistiti gregem deferere,
Etsi Deum adeat.*

*Iam verò iteratis oraculis,
Ter alius, & ter idem,
Ciuite, Militare, Pontificium Ius edens,
Proceres, Duces, Pontifices,
Foro, Castris, Templo constituit.*

*Omnium ditissimus,
Deum in Arca possedit.
Omnium doctissimus,
Dinina gesta Commentarijs excepit.
Omnium strenuissimus,
Stationes quaterdenas annis totidem metitus,
Viam per aua vel inuenit, vel fecit.*

*Quin ipse Belli Dux, & bellica machina,
In Monte fixus,*

Hostem deijcit, dum manus erigit.

*Populo denique tot per clades traducto,
Primum ac postremum operati soli conspectum rapiens,
Patriam amisit, cum vidit.*

Hoc tantum Humanum fecit, quod defecit.

*Morientem nemo vidit,
Mortuum nemo inuenit,
Tumulum nemo erexit :*

*Si Deus moreretur, sic moreretur.
Quis Mosem neget Pharaonis Deum?*



AARON

MOSIS FRATER.

PARÆNESIS.

Adeste Prasules. Paucis vos moneo.

Cecidi; nemo fidat. Conualui; nemo diffidat.

Ego Pontificum Princeps; & Principum Pontifex,

Mosis frater, Immo pars fratris fui.

Nam quo alteruter carebat, ab alterutro sumpsit,

Illi ego linguam, ille mihi manum suffecit.

Vni omnia nunquam concessa.

Sed ego nimio indulgentior;

Vulgo Deum Deo meliorem flagitanti, Dæmonem dedi.

In aurium auro flammis domito, Monstrum conflagrat.

Vt aurium dolore oculi resipiscerent.

At nimis imperitè aureum formaui, si colī nolebam:

Cum aurum colatur vel informe; & Numus pro Numine sit.

Materia pretio vilem addidi Iumentī speciem,

Vt Numen darem volentibus simile.

Sic circa Vitulum vitulantur lascivi;

Et Pastores ducuntur à Pecude.

Itaq; in clemente eodem, Deum Moses, ego Dæmonem reperi.

At nemini suum artificium pluris stetit.

Leuius Authorem torsit Phalaridis Taurus,

Quàm mens me Vitulus.

Nam semel ille genuit, ego semper.

Finem ludicri luctus excepit:

Dum Vulcano redonatus est Vitulus:

Et flamma scelus delet quod fecit.

Tum, verso in medelam veneno, Idoli Cineres in aquis sorbui.

Vt Bacchi facinus eluerent lymphæ.

Itaq; ad oculos transmissio piaculo, meum Idolum effleui.

Hinc, ultore Leuitarum gladio Populum depopulante,

Toties cado, quoties video cadentes.

Vt trigesies millies peream, triginta millia pereuntium spectro.

Sic Populus Antistitis culpa,

Antistes Populi pœna, torquetur.

Illi sanguinem fundunt, ego lacrymas.

Heu quot lacrymas?

Nullas ad Filiorum funera mihi seposui.

Vidi infelix infelices pueros,

Profano igni adolentes, sacro igne adoleri.

At exhaustis meo crimine oculis,

Nihil inueni quod supra alienum crimen efflueret.

Supererat pro solatio dignitas: hac etiã spoliior in Monte Hor:

Et Pontifex de Ponte deijcior.

Mors denique dolores omnes oneratura,

Optata litora prospectantem oppressit.

Obij à Patria extorris, quam oculis tantum tenui.

Credite Antistites.

Lubrica res est præesse.



NAASON

AMINADABI FILIVS.



E X E M P L A R.



Lege, attende, mirare.

Principis Tribus Princeps Naason,

In Principum exemplar est positus.

Hic fortissimo Atauo fortior Abnepos,

Primus ab Aegypto luto pedem extulit,

Nouæ fortunæ Protoplastes:

Moli obsequutus, non Pharaoni:

Qui cum Hebræos, nec amare vellet, nec amittere,

Amisit quos amauit;

Grassante per tenebras Cæli gladio.

Adeo Augustum Imperandi augurium est, Deo parere.

Primus morante acie ad Orientem metatur:

Castrensis vigilantix documento,

Vt Solem cadentem vltimus,

Nascentem primus adspiciat Princeps.

Primus Sanctuarium in Castris recepit,

Aggregata in contubernium leuitica Tribu:

Vt Hostiarum cædes Hostium cædi proluderet.

Alternò enim fædere,

Religionem Princeps, Religio Principem seruat.

Primus in procinctu Martem laceffit;

Non recessurus nisi victoria receptui canat.

Præposterè nempe bellatur,
 Cum Dux ab agmine ducitur, non agmen à Duce.
 Primus ad Erythreum trepidante Turba,
 Insolens vadum diuidui maris intrauit:
 Et mendaci se credidit Elemento.
 Dumq; illi Rubrum pelagus pallidi speculabantur.
 Hic Deo fretus, fretum derisit.
 Tāta hæc fiducia, vt antecessorem Angelum antecesserit.
 Nam attonitum mare intrante Naasone,
 Antesignana columna pone aciem recessit.
 Vel quod Angelo audentior fuerit Princeps,
 Vel quo Principis exemplum melius præluceret.
 Assurgit inambulanti reuerens vnda:
 Aqueo cæmento stipans altrinsecus viam,
 Hic terram pro fluctu, fluctum pro litore inueniens,
 In vndarum lubrico suam speculatur soliditatem.
 Nescias vtrum magis mirere,
 Stantes vndas, an euntem Ducem:
 In mari constantiam, an in Principe obsequium.
 Exili virga indomitum domari mare,
 An Mare sine Mari, à Nauta sine Nauigio, transmitti.
 Sanè hinc didita fama, Regalè purpurā meruisse Naasonē;
 Quod Purpureum fretum calcauerit Primus:
 Habetis exemplar Principes: incipite quæ præcipitis.
 Malè imperat, qui imperat tantum.



SALMA NAASONIS FILIVS.



GRATVLATIO.



Gratulor tibi Principum felicissime Salma,
Hoc primum, quòd cæco errante populo.
Genitus es in deserto.

Nihil deserto illo fœcundius,

Vbi peregrinatus statim ac natus.

Patriam in exilio habuisti, exilium in patria.

Magis gratulor, quod legem per fulgura dictante Deo
In lucem venisti:

Et Cerutæ instar, tonante Cælo soluta est Parens.

Iustum igitur non mirer, cui cognata iura,

Nec fortem, cui tonitrus increpundia.

Habuisti cælestis alumnus nutricia sidera,

Et manna pro mamma.

Vnde dulcissimi tibi mores:

Nam alimentum, est indolis elementum.

Nec dulcia defuere viatica donec viarum acerbitas.

Penuariam donante Cælo, vt domicilium.

Hic instar Cæli, in agitatione firmissimus.

Quadraginta dierum iter annis totidem produxisti:

Non tua sed blasphemæ populi culpa,

Qui pede vti lingua errabundus

Tamdiu à recta quamdiu à recto deuiauit.

Planè Peripatetici, qui sapientiam condiscūt ambulando.

Quid lubrica illa monstra commemorem?

Nescio anguesne flammeos, an flammās anguineas vocē.

Antiqui sanè Serpentis germina,

Qui Tartari Salamandra, vritur non aduritur.

Neque enim decentior carnifex furiosorum linguis,

Quàm Furiarum Colubræ, debebatur.

Tu verò supplici prece pestes illas repressisti:

Qua nulla promptior excantatio.

Vt reciproco ictu

Linguae anguibus, angues lingua mulctarentur.

Macte tua illa constantia,

Quæ tot per funera nusquam perijt.

Nam cæteri ex Aegypto digressi

(Præter vnum, aut alterum)

Ante confectum iter, itinere confecti sunt.

Ita, populosa illa solitudo, vitiosorum cribrum,

Tot aucta cunabulis quot sepulcris,

Alterum accepit populum, alterum dedit;

Melioremque dedit quàm accepit.

At quanta virtute

Sola ferri tui acie aciem vniuersam tutatus,

Aduersus aduersos primum semper telum torxisti?

Ac tribus, & triginta prostratis Regibus,

Messiae annos victorijs totidem prænuerasti?

Clarescit tua fama Hierichontis incendio,

Quam Urbem orator, & explorator ingressus,

Vicisti vt vinci posse vidisti.

Vindicata manubiarum loco Raaba,

Hospitali fide maritalem fidem supplente.

Meretrix meritissima

Quæ seruatore progigneret, cuius progenitores seruarat.

Ergo tibi gratulor quod primus, quod sospes,

Primam & sospitem promissæ telluri appuleris tribum.

Integra Genitorem manebat hæc palma ,
Vt metam præciperet , qui se promouerat .
Sed eam bipertire visum superis ,
Ne tanta Parentis gloria inglorium faceret Filium .
Itaque illi Erythræum , tibi Iordanis fuit prætentandus :
Qui retrocedentibus vndis vadum reliquit .
Nimirum , virtuti cedere , docile flumen à mari didicerat .
Terge tam pura lympha sudores tuos ,
Et malis recreare post mala .
Nam amara , memorando dulcescunt ,
Et aures mulcet quod oculos terruit .
Fructu partis delicijs inuictissime Salma ,
Quo Auspice , bellari cæptum & debellari ;
Quo Duce , hostes omnes cesserunt , aut recesserunt ;
Quo Reduce , Iudæa Tribus centum Vrbes sortitur ;
Quarum Indigenæ tuo admoniti gladio ,
Vacuas vt relinquerent sedes , Tartarum impleuere .



I O S V E S EX IOSEPHO.



TRIUMPHVS.



*Egregium Triumphum instrue Silo,
Victor incedit Iosues.*

*Hierichontina pracedant tubæ,
Vt accedenti Victori accidant Vrbes.*

*Eximio triumpho non porta panduntur, sed mœnia.
Distinguat Cohortiũ signa salubre Tetragrāmaton IESVS.
Vincendi tessera, Victoris titulus, Victoria tutela.*

*Hoc enim seruatus quo Seruator,
Tartaro formidines festinauit,
Idumæorum succedant manubia:
Quorum terga duntaxat vidit.*

*Officium fuit spoliasse fugaces, & armis graues.
Nam timidorum arma prædatorem vocant, non hostem.
Prima inter fercula Sinae Montis occurrat species.*

*Vbi cum Mose Empyreus Pyrausta Iosues, in igne vixit.
Nimirum praua natura franguntur leges, cū diuina cōdūtur,
Quas solus Moses dedit, solus Iosues seruauit.*

*Hinc duorum terga ferentium premat immanis Botrus,
Ostentui datus,
Cū quadraginta annorū itinere, quadraginta dieb⁹ exhausto;
De Gigantum tellure
Fruges retulit colonis similes.*

*Olim tam colonos messurus, quam fruges.
Ergo tergemina Gigantum Henacinorum capita
 Contis prae fixa gestemur;
 Quibus robur rubori fuit.
Nam Viros non à viribus voces, sed à virtute.
Volo etiam acerrum lapidum plaustro vehi:
 Ingratam ingratis memoriam,
A quibus penè examinatur dum territos animas.
 Adeo timenda est timidorum audacia.
 Tum Madianitarum Trophæa;
Quos ad Mosis inferias mactauit inferis:
 Medio Balaami capite, exerta lingua:
Quam praestigiator Prophetes, suo iumento stolidior,
 In imprecationes conatus, in preces resoluit.
Hinc Iordanis imago, si licet simulari, producit.
Qui à Mystis gestatam, & Mysteria gestantem Arcam
 Veneratus ac veritus;
Stuporem inter & metum, simul stetit & fugit.
Hicricho inter simulacra victarum Urbium praecedat:
 Quæ tubarum sono turbata,
 Saltantem Iosua contremuit.
Septem præterea Urbes grauiori Marte deletæ,
 In imagine tantum viuant.
Sauendum enim erat, aut seruiendum.
Flagrent ante currum pro facibus Sol, & Luna;
 Qui pridem gradarij, iam statarij Planeta.
Ne victoriam morentur, morantur diem.
At Gabaonita, catenata mancipia, currum trahant.
Nam callide vitam pacti, catenas in lucro ponunt.
 Turrito curru immineat Victor,
 Hereditario Mosis diademate radiatus
 Vt noctem illustret excacet inuidiam.
Triumphalem Senem laureata sequantur Tribus,
 Nemine iuuentam excedente.*

Solus enim cum Calebo Iosues

Aegyptum vidit, & Iudaam;

Carcerem, & Metam.

Pompam excipiat caelestis Arcus;

Sic inscripto fastigio.

Iesu seruatori,

Dictatori virgineo,

Africano, Asiatico.

Quòd ad Palæstinas delicias vindicato Populo,
Tyrannis tribus & triginta, igni, ferro, cantu, prostratis:

Totidemq; Regionibus tributim diuisis:

Sanctuario in Silunte collocato;

Vt Deus quiesceret numquam quicuerit.

Sen. Popul. Q. Hebr.

Portam Trophæis insignem aperuit.

V. O.



SAMSON

EX DANO.



I D Æ A.



Adeste Iuvenes, quibus Robur, & Cupido.

*Do vobis utriusque Ideam, Samsonem,
Alcidis coxtaneum, Alcidi similem, robusto & forti:
Mox Cupidis mancipium, Cupidini simile, caco & nudo.*

Hic de sterili germinat:

Quo miraculo vel Iacob, vel Esau nascitur, nihil medium.

*Nazarenus Nazareno dicatur; lecto à floribus titulo.
Auarum nempe munus, Vita autumnum Deo dicare, nō florē.*

Ne temeraria tumentem faciat,

Fonte puro fallere sitim iubetur.

Vt bibentis imaginem reddente lymphā,

Se ipsum noscere assuescat.

Contra pugnaces diuino robore afflatur Puer:

Nil enim Hosti nocentius quam innocentia.

At Martius illē spiritus capillis illigatur:

Vt scias quā caducum sit donum iuvenile robur,

Cū tenui admodum de filo pendeat.

Ad Hostium cadem consecratus,

Odia Philisteorum ab Philistarum amoribus incipit.

Incircumcisum connubium firmante Deo;

Vt Marti facem subijciat Cupido.

*Primus Samsonis labor, qui primus Alcidis,
Leonem immanissimum sternere.*

Dulciore tamen victoria,

Ferinas inter exuvias, mellificium inuenit:

Et Leonis h.atus, Hominum sepulchrum, mox Apium nidus,

Feritate in dulcedinem versa,

Coniunali anigmati materiam dedit:

Quo enodando coniunx perfidam Sphingen adeunt,

Samsonis Coningem.

Hinc nouus Iuueni labor.

*Qui male soluti problematis amarum pretium soluturus,
Philisteos triginta occidit; & Hostium spolijs Hostes induit.*

Sic ingenio victores vincuntur viribus:

Et dolos sequitur dolor.

Hinc noua malorum Hydra:

Nam iniuria vindictam, vindicta iniuriam pronocat.

Samsonis Vxor cognatam eadem adulterijs ulciscitur.

Vt non mirere mariti secretum vulgasse, qua se ipsam vulgat.

Nil enim Fæmina arcanum, cui nihil sanctum.

Samson trecentis Vulpibus faces subligat:

Ludicro initio, flebilis euentu.

Nam incendiaria animantes per segetes sparsa,

Famem cum flammis spargunt.

Hoc incendio adoletur Adultera;

Et Cereris facibus ad Proserpinam ducitur.

Sic Vulpina ingenia plectuntur à Vulpibus.

Sed alij ex alijs nectuntur labores.

Nam sociali perfidia, Philistinis proditur à Tribu Iuda.

Christi specimen non daret, nisi à Iudà proderetur.

Sed vinculis repentè exutus,

Aselli mandibula Cataphractorum ceruices terit.

Nullum enim vile telum in virili manu.

Quin eadem claua gemino clara miraculo,

Vincenti telum, victori fontem ministrat;

*Saniem emaculatura quam fuderat .
 Nimis felix iam Samson , nisi sua Gloria superfuisset .
 Sed tantam famam libidines infamarunt .
 Et hic labor Herculeis adnumeretur .
 Gazea Meretricula amplexibus illaqueatus ,
 Philistinis destinatur ad pradam .
 Monocerotem dices , Puella in gremio captum , sed impura .
 At exitu inopinato declinauit exitium .
 Urbis compagibus felici nisu reuulsis ,
 Portarum fores foras portauit .
 Sic Sirenium praestigias semper effugiat ;
 Quae vorant quos vocant .
 Sed amoris impotens , labores mutat non vitat .
 Terciam Omphalem amauit Dalilam .
 Alcide fortior dum toties vincit ,
 Effeminatior dum toties ancillatur .
 Muliercula igitur fidem auro decolorant Philistini ;
 Exploraturi vnde vinci possit amasius :
 Atque , vt Martem capiant , Venerem captant .
 Hic procaces hostilis Amica rogatus eludens ,
 Nervos , rudentes , trabalem clauum diffringit :
 Semper captus , & liber .
 Sed sagacissimus Quasitor est Famina .
 Blande torquendo verum extorquet .
 Tergiuersari difficile est ;
 Cum Apparitor Cupido faces admonet ,
 Hem saepe decipiens , saepius deceptus ,
 Ne suos amores contristet , Virtutem comis implicitam prodit .
 Secto igitur per fraudem capillo , robur auolat ;
 Et qui Leones strauerat , à Lupa sternitur .
 Coortis undique insidijs , cernais in neruum mittitur .
 Et oculis orbatur , quos in aliena fronte perdiderat .
 Sic ex Alcide Oedipus , fruges terendo conteritur ;
 Hoc tantum felix , quod se miserum non vidit .*

*Redijt tandem ad Samsonem virtus, cum Samson ad Numen:
Creuitque mens cum capillo.*

*In Veneris Templo Cyclopem ludere iussus, nec larua egens,
Labefactis columnis Templum impellit;
Et spectaculum perimit Spectatores.*

*Sic sua inter Trophæa moritur Samson;
Odij felicior quam amoribus.*

Hoc tamen egregiè,

Quod Veneris Idolum moriendo comminuit:

Eamque perdit qua perditur:

Cuius insidias vidit cum oculis caruit.

Tu ne serò videas,

Samsonem vide, ac perge.



BOOZ

SALMÆ FILIVS.

OBED Boozi filius.

MYSTERIVM.

Booz Cananitide Raaba satus,
Moabitidem duxit Rutham.

O' Myſteria!

Mirum quod ex Meritoria caſtiſſimus naſcitur;
Et pauperulam ducit æratus.

Magis mirum,

Quod legis peritiſſimus legem violat.

Nam cum diuinis tabulis cautum ſit,

De alienigenis naſci Hebræos,

Ne de prophanis naſcantur ſancti;

Hic vxoriam obſcuritatem ex maternâ continuans,

Alienigenæ Filius & Coniux,

Contra legem genitus, genuit contra legem.

Quodq; fas omne ſuperat:

Nefaſtus vterq; Hymenæus

Per auitos Meſſiæ faſtos ſerpit:

Et infeliciũ tedarum fumo tantâ nobilitatem denigrat.

O' Myſteria!

Quot inuolucris diuina conduntur!

Callidus legis Interpres Booz,

Legislatoris ingenium assequitur, dum à lege recedit.
Erit cum Cælestis aliquis nascatur Booz,
Ex Meritricula Synnagoga;
Qui alienigenæ nubat Ecclesiæ.
Illam Raabam, hanc Rutham meritò voces.
Hanc igitur Sponsam luto perlitam, diluet:
Fame enectam, sacris frugibus alet:
Ad pedes iacentem, in Regni solio collocabit.
Mendicam dotabit, ditabit.
Hæc effecto Coniugi Obedum gignet:
Gaudente Noema, congaudente vicina.
Expirante nimirum Christo viuet Christianum Genus,
Cælitum, voluptas, Diuinitatis Deliciæ.
O Mystera!
Hæc in arcanis habe Viator, ac perge:



GEDEON

IOSEPHI NEPOS.



ARGVMENTVM.



Quid inani cythara aucupio aures illigas Orphen ?

Ex Hebro ad Hebraos diuerſe :

Alius Hymni Argumentum dabit inuictus Gedeon ,
Tibi cocuus .

Hoc cantu , non aerias , ſed empyreas Aues morabere .

Magnas Viri virtutes pange , poſt magna vitia .

Optimus ex contrario concentus .

Strophem dabit Gedeonis ignauia .

Nam pridem uccors , tremmentia vexilla tremuit :

Et cum hoſtilibus telis certauit fuga .

Addita ſegnitiæ impietas .

Male audiſt quod Deum non audiſt .

Nam Victoriæ ſpondenti Numini ,

Fidem negat , niſi maiora fide prodigia videat .

Ergo flamma & imber ad Gedeonem legantur :

Vtroque dignum Nuncio Audiſorem ,

Qui diuino minus ori , quam ſuis oculis credit .

Poſt hæc dedecora ,

Antiſtrophem ex Virtutibus verte :

Plaudente ſibi Prouidentia , cum hæc illis mutat .

Cane ut diuinæ vi vocis contra Madianitas egreditur .

Quos à Moſe deletos .

*Vnde vixerint nescias, nisi à suis tumulis :
Adeo mala gramina numquam benè pereunt.*

*Hic ex trepido intrepidus,
Vniuersos iam prouocat, qui singulos formidabat.*

*Itaq; è Sacerdote Miles,
Dei cultor, mox ultor;
Cultrum sanctè, gladium fortiter, vibrans;
Mortuam pietatem impiorum mortibus suscitauit.*

*Verso iam nomine Ierobaal,
Adorato Dæmoni fucum fecit.*

*Nec similes quàm exigua manu tot capita sparsit.
Centum & triginta Madianitarum millibus*

Trecentos obiecit, sed viros :

*Ne ignauia fugam auget, numerus disciplinam minueret.
Militum virtutem aquando explorauit :*

His selectis,

*Qui fluuium manu legunt, non proni lingunt.
Nam lingua fidentiores quam manu, arcantur Bello.
Hos tubis armatos in aciem ducit :*

Tam Deo fidens, ut victoriam canat, dum pugnat.

Tam face, & gladio armatos producit.

Nam virtus in exemplum posita, micat dum dimicat.

Terrentur stolato agmine Madianite,

Certis velut exequijs ;

Gladio cadem, face funus ominante.

Ita lymphatis terrore, & errore animis,

Ceu Cadmei Terrigenæ inter se gladijs transigunt ;

Et mutuatis mortibus cadunt.

Malorum enim concordia in discordiam desinit.

Hic victoriam premens,

Hæc illac fugat quos fugerat.

Reges duos licitorum securibus subijcit.

*Quos puerilem gladium indignantes, dignatur suo,
Gloriosus planè victor,*

Qui Reges necando, superbos facit.

Nemine suorum amisso, neminem hostium servauit.

Stirpitis vellendi erant impij.

Nuquam enim alij mores fuissent, nisi alij Homines.

Hoc ergo vindice verè pereunt Madianita:

Nullumq; stante Gedone Idolum stetit.

Latam hanc Antistrophon lugubre excipiat Epos:

Nam tot inter palmas,

Vnum supra septuaginta suscepit Liberos.

Magis felix, si vno minus facundus.

Vnus nimirum Abimelech,

Vt Patriam proderet; Fratres perdidit:

Paternumq; sceptrum regit cum rapuit.

Sic bonis inuisus,

Paterna memorię inuidiam fecit.

Heu misera Patris laudes natorum notis.

Hic hilares modos suspirio rumpe.

Humanarum rerum stylus est,

Lata tristibus finire.



I E P H T E S

IOSEPHI NEPOS.



MONIMENTVM.



Lege Viator, ac luge.

Miseranda memoria hanc Aram complectitur.

Iephthes Galaadita,

Inuito Deo satus, adultero nimirum thalamo:

Contra leges natus, nullis legibus vixit.

Fratrum conuietum depulsus, latronibus conuixit.

Tanto profectum, ut latronum Princeps enaserit.

Quippe in vitiorum schola, breui superatur Magister.

Are suo lenis, are alieno graues acersit;

Qui ne soluant, rapiunt; & peccant, ne pœnas luant.

Ferocem Iuuenem flammanit temeritas;

Non tam preda, quàm prædandi periculis lata.

Ammonitarum armis Galaaditas prementibus,

Ad profugum Iephthe confugit Patria.

Et de more vulgi, veròq; immodici,

Regem flagitant, quem noluerant Cinem.

Exnerat is Patria amorem, non Filia:

Quæ vnica, tota erat Domus.

Huic dotalem gloriam cumulaturus,

Totam belli molem ad se recepit;

Regiam insulam pactus sub pugnam:

Quo lîntheo nullum melius bellico sudori tergend.

Ita bellum sine Regno subijt, ut Regnum subiret sine bello.
 Pium igitur purumq; duellum voto auspicaturus;
 Quicquid reuerso primum occurrat,
 Pro victoriali piaculo huic Ara spondet.
 Heu pietatis impronida simplex impietas!
 Hostiam magis horrebit, quam Hostem.
 Ergo siue ira, siue indulgentia Numinis, vicit.
 Ammonitas nec paci, nec bello paratos, momento expugnavit:
 Urbes viginti simul obsidere cepit, & cepit.
 Longos victori gemitus festinante victoria.
 Iam patrie redonatus, & voti reus,
 Nil ante Filiam pro foribus vidit,
 Gessientibus Puellarum choris praeestientem.
 Ah quassosam morti laetitiam!
 Hunc illi victoria finem hostes vouissent.
 Tum nivali osculo Nata libato,
 Ceu supremum spiritum ore legeret.
 Vicimus (inquit) Filia: nimio victoriam mercati:
 Tuo nempe sanguine.
 Illa non vitam rogare, sed spatium:
 Nam mori mollius fit mora.
 Bimestri ergo ciuitati in surdas cautes eliso;
 Quo, sibi Praefica, suas anticipat nannas,
 Huic se demum Ara votiuam sistit.
 Aequè imprudens obsequio Puella, & Imperio Pater:
 Nisi Pontificis ignorantia, vtriusq; culpam minueret.
 Astat iam cum intrepida Hostia
 Trepidus Sacerdos Pater.
 Nam dolorem hic premendo auxerat,
 Illa plorando consumpserrat.
 Iam, ne quid non ritè fiat, linguis fauetur.
 Haerent in Virginis vultu Iuuenum vultus:
 Nam desperata pulchricudo acrius mouet;
 Et Solis instar, maior videtur cum cadit.

*Calum spectat spectata Puella:
Cuius lacrymas astantium oculi spargunt.
Iam neci deuotam componens Genitor,
Ferro ingulum inuicta Martyris delibat:
Et semianimis super exanimem cadit.
Vorant virginem corpus mundissimæ flammæ:
Calorq; inferunt, quò feruntur.
Cætera sanctè riteq; peracta:
Nisi canentium numeros innumeri gemitus fregissent.
Hunc bello finem imposuit
Nimis liberalis prado, Sanctus Iephtes,
Pugnare doctior quam uocere.
At trepide Virgines, ne simili Patrum voto illigarentur,
Aram hanc immortalibus literis inscripam
Annua eiulatu circumlatrant.
Græie etiam Muse, quia Virgines,
Facti Inuidiam
In Agamemnonem Coatancum reiccerunt.*



I E S S E

O B E D I F I L I V S .



C L A V S V L A .



Agmen claudet inuictissimus Isai:
Ducum palmes, & Regum radix.

Auitam bellicæ præfecturæ virgam

Sudoribus ita rigauit,

Vt cædendis sceptris syluesceret.

Bethlehemi Patricius,

Patriam fecit Deo dignam.

Primæuus in Philistinos gladium acuit;

Quos vti cotem virtutis reliquerat Deus.

Nam arma bello, milites pace franguntur:

Et hoste mortuo, pugnant sodales.

Sacræ militiæ authoratus,

Pro Sanctuario Sanctus bellauit.

Quod vel amissum, in eius pectore inuenisses.

Miles fuit sine militum vitijs;

Qui victoriæ Cupidi, à Cupidine victi,

Fœdiores referunt plagas quam inferant.

Emeritus, consilio pugnavit.

Vtilius enim reguntur bella, quam geruntur,

Cum pro galea canicies est.

Vbi telis nil amplius valuit,

Filios pro telis in hostes misit,

Qui tergeminas manus Patri suffecere ;
Et tricorporis instar Gerionis
In triplici corpore, ter vnus pugnavit ;
Atque sedendo vicit.

Quæris qua virtute natos habuerit ?
Natu minimus, Gigantum maximum vicit.

Quæris quæ specie ?
Despectior, imperio dignus est visus.

Hæc tanta felicitas
Iesseum pectus impetu ingressa,
Animam expulit.

O' Mortalium voluptas nocens !
Hæc cogita Viator :
Et sedens interiunge.







M V N D I
VIRILITAS.
R E G E S.



D A V I D

IESSE FILIVS.

Christi | linea.

Salomo.

Ex Iosepho

Roboam.

*Ex Iuda**Samuel*

Abias.

Susanna

Afa.

Iosaphat.

Ioram.

Ochozia.

Ioas.

Amasia.

Ozia.

Ioathan.

Achas.

Ezechia.

Manasses.

Amon.

Iosia.

Eliacim.

Ioachas.

Sedecia.

Iechonia.

DAVID IESSE FILIVS.



ADINATON.



A Ducibus ad Reges venio.

Crudam Mundi iuventutem maturuisse, indicat purpura.

Coaceruatæ tamen cum dignitatibus curæ;

Vbi enim curæ nisi in curia?

Solem circumnectens corona, nimbos minatur.

Coronatorum primum spectabis Dauidem:

Omnium felicissimum, & miserrimum.

Felicitatis hoc habuit maximū, quod ex minimo crevit.

Hoc ipso miserrimus, quod ingētes erūnæ inuenere felicē.

Jugulatores paterni gregis leones infans iugulat.

Ipso infelix triumpho.

Nam citra infantiae ludicra, dura exorditur à teneris.

In prætexta chlamydi candidatur.

Hoc ipso non inuidendus, quia præmaturè inuidendus.

Carneum Philistinorum propugnaculū Goliath sternēs;

Vnico lapide Rempublicam fundat.

Sed victoriam potitus, non præmium,

Plus odij lucratur quàm gloriæ:

Et optimo inter aulicos argumento, displicuit.

Entheatum Saulem cythara mulcet;

Vtroq; Arcu felix, seu fila impellat, seu tela.

Sed Erynnes irritat dum temperat.

Vt miserrimæ Vrbi salubrius nihil cōtigerit, quam vinci.

Sed Sanctuario Vrbi donato,

Templum Sanctuario donare cauetur.

Cruentæ dextræ munus horrente Numine.

Vt Dauidis victoriæ eidē exosæ fuerint à quo imperatæ.

Tandem septuagenario maior excessit.

Sed clarior si citius.

Nam frigidus, imbellis, attritus;

Quasi ex illo Dauide nihil retinuerit Dauid;

Imperium senex deposuit, quod meruit infans:

Et infante inualidior, decenni Filio sceptrum commisit.

Hoc vno felicissimus esse poterat,

Quod Hominum strenuissimus,

Hominum sapientissimum genuit:

Nisi quod præuisa Filij nequitia morientem mori coegit.

Hem qualem in Purpura felicitatem speres,

Si Principum felicissimus, miserrimus fuit.

Quamquam hæc Regum conditio est,

Felices facere, non esse felices.



SAMVEL

EX IOSEPHO.



EPITHETA.



*Qui hic conditur,
 Vno signari nomine non potest.
 Aliud semper nomen meruit.*
 Mœroris Filius, lætitie Parens vocetur.
 Nam Nonercæ amulatione Matrem habuit,
 Lacrymarum clepsydra moras notantem.
 Speratus cum desperandus,
 Sterilem habuit Matrem.
 Tanta animæ desperabat Natura aquare corpus.
 Conceptu acerbus, virtute maturus,
 Ipso illatebratur utero sanctitate lustratur.
 Ut diuino spiritu prius respirarit, quam suo.
 Fasciis liber, voti adstrictus,
 Nazarcorum ministeria Templo circumdat:
 Officijs cum Deo, certante Matre;
 Quæ in Templo impetratum, Templo despondet;
 Et liberum Deo reddidit seruum.
 Obsequio cæcus, monitis oculatus,
 Incipit ventura profari antequam fari,
 Ut vni Samueli nihil inopinum contigerit:
 Nec Prophetam mireris ex Prophetide natum.
 Feruore candens, innocentia candidus,

Circa propitiabilem Arcam excubias ducit.

Vt gemina Cherubin tertium mirarentur.

Templi custos, & Dei Templum,

Divina consuetudine per somnum fruitur.

Pontificis vocem simulante Deo;

Ne aliam Pontificis vocem credas, quam Dei.

Pauore vacuus, Numine plenus,

Pontificis Filijs extrema denunciat.

Qui sacrificia libare doctiores, quam litare,

Lucem noxæ, noctem luxu transigebant.

Asper eloquio, dulcis moribus;

Trepidum Pontificem intrepide increpat.

Qui nimis indulgente in Filios censura,

Raptores arguens, rapinas participabat.

Præuisu verax, prouisu velox,

Cadente Pontifice, Pontificatum sustinuit.

Sic dignitas Aaronitas defecit, cum digni Aaronita defecere.

Vicennis Præfectus, centenario suffectus:

Amisam Arcam Fœderis, renouato fœdere vindicauit:

Docuitq; pœnas pœnitentia vitare.

In pace pugnax, in pugna pacatus;

Philistinos quiescendo vicit.

Nam Celi fulmina, populi gladios innocans,

Captos perdit, perditæ capit,

Acqui Iudex, iudicium æquissimus,

Filios sibi substituit.

Sed Populo impositos, statim deposuit;

Ne iustitiæ lances aura deprimerent.

Populi Consul, populo consulens,

Saulem Regem creat, inter malos meliorem:

Peruncio vertice, ad medelam.

Regis enim est morbus superbia tumor.

Zelo æstuans, lacrymis madens,

Saulis contumacia seruatum Agagum discerpit:

*A Saule ad Dauidem gregis regimen transfert.
Nam timendi sunt Reges, qui Deum non timent.*

*Omniū deniq; laudum compendium esto,
Quod omniū laudum compendium fuit.
Itaq; ne Virtutis osiores amet, tandem moritur.*

Nec obtinet votum.

*Nam Pythonissę inentionibus fretus Saul,
Eadem prauitate mortuum querit Samuelem,*

Qua vinum oderat.

Sic virtutem sequentem fugimus, fugientem sequimur.

Sed euocatus ẽ tumulo Samuel,

Saulem ad tumulum denocat:

Et umbra territum ad umbras rapit,

Sic suis inuentis obeunt curiosi.

Samuel igitur,

Bis vt viuat, semel moritur.

Semel vt quiescat, bis moritur.

Tu ne quiescenti ostrepas

Tace viator, ac perge.



SALOMO

DAVIDIS FILIVS.



SCYLLA:



Triforme hoc Monstrum,
Humano capite, fœmineo pectore, ferina Cauda,
Scyllam putas! falleris:

Salomo est;

Prudens Puer, effœminatus Vir, ferus Senex.

Hoc Puero nemo sapientior.

Vnus mortalium omnia sciuit, nihil didicit.

Venit ad Iuuenem prudentia, quæ Iuuenes fugit:

Sui secura apud pudicum,

Cui candor pro canicie.

Quod magis mirere, ad dormientem venit:

Musarum ductore somno, qui Musas fugat.

Itaq; per occlusas fores, oculos, ingressa est sapientia;

Vel hoc inditio cœlestis.

Nec venit indotata:

Sceptro manum porrexit Salomo, cum cæteri ferulæ.

Vt dubites vter vtri plus contulerit:

Nam per Sapiëntiam regnavit Puer, per Puerum Sapiëntia.

Prima imperantis cura fuit Patris sepulcrum:

Tanta magnificentia, vt Patre mætternauerit tumulando.

Errant nimirum qui ne degeneres arguantur,

Parentis famam extinguunt.

Non extinguitur fama, cum desiderantur extincti.

Eadem pietate

Mortem patrio testamento legatam Ioabo dedit.

Optimum noui Principatus fundamentū ex talium ruina.

Qualis enim Populus, si pessimi optimates?

Ex Rege Sacerdos, Templum dicauit;

Mundum voces, non Templum;

Spatijs tripertitum, plagis quadrisfidum:

Annis totidem, quot Mundus solibus absolutum.

Meritò igitur vndecunq; delatæ opes;

Vt Mundum Mundus ornaret.

Hinc à diuinis ad ciuilia; vti decet.

Vrbem mœnibus, Regnum vrbibus stipat:

Vt Populum cohibeat, quem auxerat pace.

Regiam & tribunal, gemma & ostro consternit:

Ne venalis speretur iustitia, quæ opes calcat.

Atq; vt profugam reuocet Astræam,

Aureos mores in aurea domo restituit.

Nusquam lautius Sapientia sedit.

Qua interprete, implicitas lites momento explicuit.

Illam præcipuè, de superstitute Infante.

Qui cum duas inter Matres, nullam Matrem haberet,

Vtriq; mori iussus, vt neutri cederet,

Amore indice Matrem inuenit.

Eadem Dictatrice Sapientia, Diuina scripsit Oracula.

Cum quicquid diceret Oraculum esset.

Hæc Regiæ fama Sapientiæ, Reginarum scitissimâ traxit:

Quæ maiorem fama, Regem mirata,

Plura didicit, quam quæserit;

Plura retulit, quam obtulerit:

Nam Salomonem alterum in vtero retulit.

Sed heu, quid Mortalibus tutum?

Tantum ingenium marcuit, cum maturuit.

Vt nescias vtrum magis mirere,

Senium in Infante, an Infantiam in Sene.

Tantæ causa dementiæ, libido.

Nec mirum ex Bersabæa nato.

Septingentis coniugijs, trecentos concubinatus,

Innumerabilia stupra, coniunxit.

Amavit quotquot vidit:

Voluit quotquot amavit; habuit quotquot voluit.

Stupente Natura,

Quod sæminis omnibus vnus sufficeret, non vni omnes.

Sic effæminatus Salomo Sapientiam amisit.

Veneris perfidia; quæ in alios non mitior, quam in Filiū,

Amantes excæcat, vt Amorem.

Hinc Asmodæi quam Dei legibus obsequentior,

Suorum Idolorum Idola coluit;

Et Venerem veneratur venercus.

Vt non immeritò Venerem vocarint Luciferum,

Cum alter colatur in altero.

Sequuta, vt solet, luxuriem feritas:

Nam nimia liberalitas rapinis alitur.

Ergo, Regni opibus in gynæceo profligatis,

Per grauissima tributa amicos nudat, vt amicas ornet.

Quin per magicas artes aurum scrutatus,

Feralis æruscator, vestigales Dæmonas facit;

Et Plutum quærit apud Plutonium.

Tot inter flagitia pacem amisit pacificus:

Salomo, non iam Salomo.

Bellante Idumæo latronum duce,

Rebellante Ieroboamo tributorum quæstore;

Per Mammonæ ministros, Mammonæ cultor affligitur;

Donec diuino Numine afflatus Achias

Suum pallium, & Salomonis Regnum, diuisit.

Sic obiit insanus Sapiens;

Hebræorum decus & dedecus.

Inops inter opes, sterilis inter coniugia,

Unico de tot thalamis suscepto Filio.
Nam nihil Veneri nocentius, quam Venus.
Primus è Christi Proavis Stygem coluit;
Et primus intrauit.

Indubio argumento : nam Idola posuit, non sustulit;
Et flenda leguntur, non fletus.

O saga Puellarum forma,
Quæ insanire Sapientiam facit,
Et Hominem vertit in Scyllam:
Oh, si sapitis, hanc Scyllam fugite.



ROBOAM

SALOMONIS FILIVS.



PARALLELA.



Infano infanus succedit natus;
 Natus ex nondum infano.
 Mala exempla natalibus prævalent.
 Vterq; Regnum suscepit;
 Ille annis tantum, hic tantum ingenio puer.
 Sed iuuenis Salomo senes audijt;
 Senex Roboam iuuenes audijt:
 Sero erudiendus periculo;
 Iuuenili Senatu Regna senescere.
 Pari libidine vxoria dedicant Idola:
 Sed ille Venerem, hic Priapum;
 Effceminatus virilem.
 Cuius Sacerdotio perfuncta Coniux, amat quod colit:
 Tali Numini melior Victimæ, quam Sacerdos.
 Pari amentia Coniugum gregem pascunt.
 Sed ille maiorem, quia ditior.
 Nam sine Mammona furit Asmodæus.
 Pari leuitate populum tributis grauant.
 Sed ille mollius, hic durius.
 Nam rapacitati additis conuicijs,
 Bis Fera, vngui nocuit, & lingua.
 Pari in vtrumque seditione, conspirat populus vt respiret,

Sed ille turbas placuit, hic placando turbauit.

Nam Aduram tributis Præfectum,
Mulcendo cætui delegat, quæ mulgêdo censui delegerat;

Qui magnetica eadem facundia,
Lapides trahit, qua aurum traxerat.

Vterq; fleuit Regni schisma.

Sed ille adumbratum, hic verum.

Nam diuiso cum Religione Principatu,
Roboamo Iudaicus, Ieroboamo Israeliticus cessit.

Nihil enim citius Regna secat, quam secta.

Pari fato externos irritant Reges.

Sed ille procumbit, hic succumbit.

Nam Aegyptius Pharaos Sesostris,
Roboamum libertate, auro Templum, nudauit.

Adeò intestina dissidia, finitimorum sunt lucra.

Pari affectatione Templum ornant, non colunt.

Sed ille aureis, hic æneis donis;

Vt ex dispari ærario nosceret,

Quam citò sæculi metallum degeneret.

Paria igitur vitia, par sequitur pœna.

Cupidinis enim flammis ad Tartari flammam acti

Alternis se ignibus cruciant.

Lite dubia, vter insanior.

Qui sapuit aliquando, an qui numquam.



ABIAS ROBOAMI FILIVS.



EDICTVM.



Adeste Ciues, Aduenæ, Conuenæque :
Quòd Abias Roboami & Maacæ Filius,
Paternam impietatem, maternam libidinem retinuit :
Quòd ex malis malos geniturus,
Omniũ mulierum vir, omnium virorum mulierem duxit,
More vt nomine Matri similem :
Quòd vltimis ceris scriptus hæres,
Secluso primogenito, nihilo melior euasit ;
Et legum vindex, vixit sine lege :
Quòd veræ Religionis suator non sectator,
Et fari promptior quam facere,
Non percepit quæ præcepit ;
Quòd iustiore ferro, quam mente,
De perduelli Ieroboamo Victoriam nauiter potitus,
Ignauiter est vsus ;
Et quingentis millibus Israëlitarum cælitus necatis,
Idololattras conterere maluit, quam Idola :
Quòd Bethel, & Sichem schismaticas Vrbes
Triumphator ingressus,
Fanorum aurum, non profanorum aras sustulit ;
Et prædata captiuarum pudicitia,
Vrbem lustris impleuit, non rustraui ;

Quòd

Quòd parta libertate

Bis-senis connubijs statim mancipatus;

Gynæceo citius quam Templo receptus,

Manubijs Sanctuario debitis thalamos cumulauit:

Deniq; quòd octo supra triginta liberis vndecūq; genitis,

Paterna vitia pro patrimonio reliquit:

Hunc Hominem ingratissimum, impurissimum;

Initio Regni, vitæ medio, nequitiae summo,

Lare & laurea. priuandum,

Vita & Vittæ spoliandum;

Stygio ergastulo mancipandum;

Et Manium manibus quos adorauit adurendum;

SEN. POP. Q. CAELESTIS

Atris calculis

Censet, Pronunciat, Iubet,



A S A

ABIÆ FILIVS.



ROGVS.



Projice odores in hanc flammam, Viator.

Afa Rex Iuda,

Primus Regale funus rogali luce radiatum;
 Afflatumq; pigmentis, cupijt: nec immeritò.
 Principum Phœnici tales debebantur exequiæ.

Hic Ataui Filius, non Patris,

Videntem audiens Azariam, Religionem restituit.

Optimus Patriæ Pater,

Matrem Priapeiorum Antistitam Regno abdicauit.

Malorum enim principium sunt mali Principes.

Mascula Venere effœminatos,

Qui subterraneo abstrusi delubro

Brutam libidine in Brutorum specubus exercebant,
 Terra eductos igni tradidit: hac tantum dignos luce.

Nam conscientia ludice, mortem merentur,
 Qui se tumulât, vt peccent; & pœnas de cõpendio petitori,

Latebras quærunt Inferis propiores.

Maiore prodigio Priapum in Cedronem demersit;
 Qui subita gliscente flamma à torrente ipso torretur.

Diceres Virgineum Christi pedem libaturas lymphas,

Ob impuræ imaginis attractum, igne lustrari:

Dubito, aquis ne vratur Idolum, an aquas vrat.

Minime nouo miraculo :

Cum Venus flamma sit, aquis nata ;
Et inter lacrymas ardeant amantes .

Diro certè spectaculo ,

Terrentur Idololatræ dum torretur Idolum ;
Et in flamma naufragium facit .

Vera igitur. nominis nota Medicus appellatur ,
Quod languentem populum sanauerit .

Magna enim vulgi censura est Regis virtus .
Tantæ virtutis honorarium retulit, victoriam & pacem .
Immò in pace victoriam ,

Nam decies centena Aethiopum millia ,

Certum sibi fundus de colore ominata ,
Panice terroribus diuinitus incussis ,

Spernendo potius quam sternendo difflauit .

Voluñtur huius nigra corpora, ceu torres sâguine extincti .

Fugiant ad Orci flammæ fuliginosæ iam animæ ,

Ac Furijs similes sibi aduenas stupentibus ,

Tartari tenebræ geminantur .

Sub alterum pacis decennium

Asæ Baasa, vt Roboamo Ieroboam fatalis hostis ,

Victoriæ materiam intulit verius quam bellum .

Quin asportatis hosticæ Ramæ ruderibus ,

Gabaam & Maspham, Regni propugnacula, exaggerauit .

Itaq; inuersam triumphî speciem vidisses ,

Hostes dirui, mœnia duci captiua .

Nec omni tamen labe caruit: Dauidis genus erat .

Nam omnia Ethnicorum emaculauit cunabula ,

Præter excelsa Fana ,

Montibus ingenio altioribus nixa .

Vt intelligant Principes

Quanto periculo arces Hæreticis indulgeant ,

Cum tela vix euolent quo impietas repit .

Israelé oppugnaturus, diuina humanis auxilia posthabuit .

Assyriorum fœdus toto ærario paciscens,
Ab infidelibus fidem emit.
Prophetam indigno fœderi reluctantē, nervis præpedijt:
Ciues prophetæ fauentes gladio addixit.
Adeo intutum Reges carpere, vel optimos.
Acqua igitur talione,
Trienni podagræ, felleæ bilis filia, cruciandus traditur;
Et qui Vatū pedes nervis arctauerat, pedū nervis arctatur
At de crimine pœnam traxit, de pœna crimen.
Ad nobilem illam pestem, medicis fortiozem,
Medicorum manus implorat, non Dei.
Ipso ridendus nomine, dum Medicus eget medico.
Deniq; lectum pro equuleo nactus,
Membrifraga torquēte podagra, erratorū summā fatetur.
Resumptaq; virtute rediuius,
Odoratum hunc Rogum sibi viuus composuit;
Vt Empyreum prælibaret in flamma.
Nam Virtus non fragrat nisi flagrat.



IOSAPHAT

ASÆ FILIVS.



M I N Æ.



Veh tibi, Viator,

Si quid tibi conscius, censorium hoc Solum calcas.
Inexorabilis Arbiter Iosaphatus, hac in Valle ius dicit.

Cui tanta veritas, vt nihil igneret;

Tanta seueritas, vt nihil ignoscat.

Integritatis testem do zelum,

Quo à stirpe reuulsas effeminatum reliquias excoxit.

Diuini Iuris Interpres

Legis tabulas in omnium pectora transcripsit è suo.
Meritò lapideas; vt lapidem rogent, qui lapidem violent.

Inspectores vtrique Foro constituit Aeaco similes:

Peccanti attentos, non precanti.

Quibus tam leue aurum, vt recti lances non flectat:

Tam graue ferrum, vt à recto desistentes proterat.

Ciuum quippe securitas est securis.

Damnandi rigorem æquauit plectendi vigor.

Nam conscriptis familiarum bellatoribus,

Regno arces, arcibus prædarios,

Prædarijs præfectos imposuit.

Vt omni aditu gladijs obstructo

Fugere cum nequeant scelesti, scelera fugiantur.

Nec armis opus;

Si adspectu Galaaditas vicit, Moabitas cantu,
Nam Hebræis modulantibus, in furorem acti hostes,
Inter se digladiantur.

Paribusq; momentis illi canunt, isti cadunt:
Chordarum concordia cordium discordiam proritante.
Risit Mors Musica tot Andabatarum paria,
Sono occæcata, ad numeros cadere.

Horruit Mars amusicus, arcuū neruos lyræ neruis eludi:
Et lyram inter arma numerari, vt inter astra.

Heu duræ minæ!

Quid faciet Iudex, si scæuit Cytharedus?
Veniet summa dies, die carens; cum Apparitor Angelus
Omnes antistare iubeat hoc Forum, cui omnia liquent.
Quod vadimonium nec fauor excusabit, nec lacrymæ;
Ne mors quidem.

Nam rupta tellure, solutis Mundi compagibus.
Mors ipsa iure petitura, quod bona fide possidet,
Absorptos euomet, vt resorbeat.
Aderit Adrasteæ ministra Eryn timeris:

Carnifex nimirum flamma;
Quæ luce eadem scrutetur impios, & comburat:
Ac nequid inultum lateat, nil iniustum relinquet.
Metue scelestæ non cunctaturum Iudicem.

Plus metue cunctantem.

Diu grauida nubes damnosius parit.



I O R A M

IOSAPHATI FILIVS.



SENTENTIÆ.



Recurrit ad Ioramum Atai impietas.

Nam in aulico freto

Vitia fluunt, vt resluent.

Ante imperium innocens visus.

Ostennio nequiter egit, quo imperavit.

Nam innocentiae candorem immerita cruentat purpura.

Ad regnum sublatus Fratres sustulit.

Nam Tyrannus sanguinem sitit quem timet:

Numquam latus nisi dum canit exequias.

Addidit crudelitati sodalem idololatriam.

Bis de Inferis optime meritus;

Quos auget, & adorat.

Quid enim colat nisi mortua, qui viuos odit?

Impietatis magistram audiit Coniugem.

Illam nempe Athaliam, Achabi mortalium scelestissimi.

Nam sæpè impietas est dotalis.

Vxorio exemplo citius raptus quam patrio,

Macula thura effœminauit.

Nam efficacissima suadendo oracula sunt oscula.

Ad inania pauidus, Helix minas non pauet.

Nam perituri Tyranni argumentum est

In securis metus, in metuendis securitas.

Vero igitur euentu, Iudæam prædantur Arabes.

Nam Regum delicta Regnum luit.

Infelix populi conditio,

Quia premitur à Tyranno, Barbaris tradi;

Et disperire, quia petit.

Inter hæc mala,

Regiæ coniuges raptæ, Filij trucidati.

Itaq; infelix cælebs & orbus,

Coniugum lecto, natorum letho funestatus,

Fleuit, à nemine fletus.

Nam populi mulsus, Tyranni lachrymæ.

Sic acerbissimæ morti seruatus,

Animam cum visceribus ponè regessit.

Vt intelligas quo loco mentem habeant ignaui.

Rogo demum caruit, non tumulo.

Hoc etiam præposterè:

Quod igne fraudatus quem meruit,

Terram impetrauit quam terruit.

Nam Tyranno maxima pœnarum est,

Post obitum non lucere.



OCHOZIA

IORAMI FILIVS.

IOAS Ochoziæ Filius.

AMASIA Ioasi Filius.



SAXIFRAGIVM.



Tres hæcce Statuas,

Inter Christi Proavos pridem collocatas,

Matthæus fregit dum tacuit.

Execratum Achabum Matris Patrem

Rēspicit hæc vindicta;

Cuius Nepotes ad tertium vsq; diris vouerat Vates.

Itaq; ne Christi Maiores Achabi Minoribus miscerentur,

Nepos, Pronepos, Abnepos

De sacro Stemmate explantantes,

Nomine carent, & effigie.

His alia vita, non alia vitia:

Primus prima, medius media, vltimus vltima

Ætate defecit:

Vt scias, animi esse crimina, non pili.

Ompes imminentem pueritiæ fugerunt gladium:

Primus hostilem, alter maternum, tertius seruilem.

Parcente falce, donec scelera maturefcerent.

Omnes

Omnes laude indigni, digna laude incepere:

Nam vana simulacra,

Primus diu non coluit, vltimus coli vetuit,

Medius colentes occidit.

Omnes ad volutabrum reuersi, Idola restituunt:

Hostilia primus, aulica secundus, paterna tertius.

Omnes monitoribus asperi:

Primus Heliam non arridentem deridet;

Tertius minanti Esaïæ mortem minatur;

Medius Zachariam lapidum cultus exprobrantem,

Lapidibus obruit.

Omnes Rempubicam perdunt:

Primus postulatitio fœdere;

Alter emptitia pace;

Tertius voluntario duello,

Omnes Templum dedecorant;

Quod prim⁹ deserit, secūdus spoliat, tertius spoliari patitur.

Omnes coniurato ferro ignauiter sublati:

Primus dum latet, alius dum stertit, tertius dum fugit.

Omnes deniq; mali:

Non ita vt altero peior alter,

Sed omnes omnium pessimi.

Omnes igitur Matthæi calamo, vt Iudæo gladio, confossi;

Nec inter viuos, nec inter extinctos numerantur.

Nam quos premit obliuio, non natos puta.



O Z I A

AMASIAE FILIVS.



PARAPHRASIS.



*Hoc in tumulo non tumulo, iacuit non iacuit,
Vinum cadauer, Regis agricola.*

Qui victor victus, Deum spreuit dum coluit.

Et vulneratus ut conualesceret, moriendo conualuit.

Hunc viuos fugientem, mortui timuerunt.

Restitas ad hunc griphum, Viator? paraphrasin cape.

Hic est Ozia Rex Iuda;

Qui vrbana vitia in suburbio declinauit.

Redijt sub hoc Principe ad suum exordiū Regia dignitas:

Nempè ad Pastoritiam.

Hic triumphali aratro terram domuit.

Vnde mira fecunditas;

Cum trabeato Agricolaë vestigalior seruiret tellus:

Et regia manu maritatae gemmarent Carmeli vites.

Audiant Principes qui ex Vrbum cinere aurum cribant.

Veræ fodinae sunt sulci:

Bubus, non Hominibus graues.

Ibi vegeta opes radices agunt.

Has humanissima humus sinu promit:

Quæ Hominum alitrix, & alumna,

Riuis nutrita, frugibus nutrit.

Huic vni scenerabantur antiqui Reges;

Quibus pro loculis erant scrobes.
Nunc terram dedignantur terræ filij:
Nec colere modo, sed calcare.
Nam purpura interposita à se Matrem secernunt;
Eandem perosi pro qua dimicant.
Hinc Principum lubricæ opes, quia sine radice.
Plutus à Cerere gignitur & Iasone;
Segete, & vellere:
Vtroq; succrescente sumentibus.
Rubiginem vomeri non indulsit; sed neq; gladio.
Vtraq; Martis materia, ferrum:
Vtroq; modo terram subegit.
Philistinos, Arabas, Ammonitas,
Tam facilè sub iugum misit, quam iuuenos.
Gethum, Iabriam, & Azothum, hostiles Vrbes,
Eodem vomere quo glebas, exarauit.
Pari lusu vulpeculistragulas, & balistas hostibus, tetendit.
Eadè arte segetum messor, & capitum,
Cereris falcem morti commodauit.
Ita ex aruis ad arma, ex armis ad arua diuertens,
Oleas messuit, quas ipse conseruat.
Sed vtinam ne extra suas oleas.
Nimirum vanida victoriarum distentus aura
Qui feliciū est morbus)
Sacerdotali tibi iure arrogato,
Sacro thure profanus adolet.
Oh, quid agis mitrate villice?
Te aratrum decet, non ara.
Huic fumo successit flamma; ambitioni iracundia.
Vno scelere bis iniurius,
Cælum thure, thuribulo Mystas exteterret.
Non dilata vero vindicta,
Subita lepræ illuies Regiam fontem populatur;
Et insulæ locum frædat.

Decebat talem Pontificem talis lamina,
Vt frontonis supercilium deprimeret.
Diditur etiam Tellus ingenti fremitu trepidasse;
Exitura de centro, nisi ille de Templo.
O fluxa, Reges, gaudia!
Cum ipsum supra quod statis, instabile sit.
Atqui cum sua Tellure tremens Ozias,
Extemplò resilit ex Templo;
Et Regno exauthoratus,
E viuis migrans non e vita,
Marcido in corpore sepultus, & insepultus,
Soliuagos intra penates lugendo consenuit.
Diu expirauit viuum cadauer;
Sero moritur, iam mortuo similis;
Et auito sepulcro interdictus,
Agro tumultatur, quem coluit.
Adco superborum contactum vel Mortui pauent.
Habes griphi sententiam,
Viator abi.



IOATHAN OZIÆ FILIVS.



LEGATIO.



Adesto Fama.

Ad Principes te delego;

Vnico exemplo magna consilia transacturam.

Ioathani Regis virtutes Regibus refer.

Vt emerito Patri succedens puer,

Fesso Athlanti Alcides integer,

Aegro Parentis capiti supposuit suum.

Felix Genitor, qui vita peracta viuens,

Successoris virtutes non sperauit, sed spectauit.

Felix puer, qui paternæ frontis adspectu, frontem remisit,

Et humilitatis magistrum habuit tumorem.

Et quis credat? vnum caput alterius morbo sanatum.

Adde vt Isaïæ, Zachariæ, Osee, Amosi,

Nobilibus spectris admonitus,

Rectum iter institerit.

Nam veritas priuatæ fortunæ bonum,

Ad Principes non illabitur, nisi e Cælo:

Non immeritò Iouis Filia.

Prædica, vt Numine vsus propitio,

Syriæ & Israelis coniuratos Reges cohibuit:

Ammonitas semper cæduos feliciter cecidit:

Numquam non lædente ferro, numquam læsus.

O militiam innocentem,

Vbi ad meliores partes applicante victoria,

Nemini nocebant arma, nisi nocenti:

Et rectior rectius collimabat.

Post militare, civile studium exaggera.

Vt sanctæ Urbis intuta munijs, diruta erexit:

Nec molles fundavit Moles, sed sibi similes.

Vt Dominus, ex Domo, Dom⁹ ex Domino agnosceretur.

Turrini Ophel euexit supra nubes;

Regiæ mentis Idæam semper serenæ.

Portam Templi speciosam,

Aeris & auri ornatu, nomine dignam fecit.

Speciosam ne magis, an spatiosam?

Sanè totam Petri charitatem triumphali fornice exceptit;

Quam recto vestigio claudus sequutus;

Ne torto pede speciosum limen deformaret.

Narra vt hoc Principe,

Vomuit vetustas multo solidiora quæ exederat.

Vt collapsa nemo dixerit ædificia,

Sed sponte inclinata, vt altius gliscerent.

Celebra deniq; magnificentiam,

Qua vrbes Ciuibus, agrestibus mapalia condidit.

Illas præsidio, hæc subsidio.

Nam mutuis gladij, & ligonis officijs,

Tuetur qui alitur, alitur qui tuetur,

Et arces pereunt post casas.

Post hæc elogia altum ingemisce,

Quod hostibus ferox, suis blandior,

Obiurgandæ superstitioni linguam non habuit.

Itaq; gloriosius

Delubra solo, quam ædificia Cælo, æquasset.

Vt mitum non sit,

Adulari populos Regibus, cum Reges populis adulentur.

Adde igitur Principibus animos;

Vt à Diuinis exorli, degeneres increpent:

Ioathani ciurato exemplo,

Qui fortia facilius fecit, quam dixit.

ACHAS IOATHANI FILIVS.



HISTORIA.



Amicitias beneficijs parari qui putat,
Historiam hanc legat.

Achas ad Iudæ solium diuinitus crectus,
Omnem lapidem mouit quo Deum perderet.
Nam inter saxeos Demonas diuiso cultu,
Nullum vt faceret Deum, multiplicem fecit.

Parum fuit Deum obruisse lapidibus.
Eundem importuno Oestro vellicaturus,
Muscam Deum fecit.

Planè suos inter Deos numerandus;
Pusillus, Excors, niger, molestus.

Mirare Diuini pectoris patientiam,
Quæ iniuriam perola non iniurium, hostem prole auget.
Et quod optimum Dei munus, optima prole.

Hic ex beneficio maleficus,
Acceptum Filium Idolis comburit.

Timuit Orbis eundem Rogum:
Tremuit popul us Thyestæam illam coquinam:
Inuenta est flamma quæ astantes frigidus faceret.

Nefandi sacrificij locus Gehenna;
Quæ tartaro nomen dedit, vt exemplum.
Quippe infernus ignis

Nondum nomen inuenerat satis horrendum .
Achas Plutone peior , ignem dedit inferno peiorem .
Parati affuere Dei vindices ,
Rasis & Phaceus , Syriae & Israelis Dynasta .
Maluit tamen Deus contumacē contumaciter demereri .
Itaq; Isaiam Achaso delegat ,
Qui pro victoria spondeat :
Prodigium quodcunq; daturus pro vade .
Et quo prodigia firmentur ,
Dei Filium pignori pollicetur .
O Numinis patientia toties irritata , non irata !
Achas prodigia respuit :
Et Numen inter Nepotes dedignatur .
Puto Deū ipsum Gehēnæ immolaturus , si nasci festinaret .
Spretis igitur Cæli copijs ,
Assyriorum Regem mauult auxiliarium .
Sic mendax nemini credit , nisi mendaci .
Ac ne pretio careat tutela ,
Totum ærarium , sanctum , profanum , Assyrijs profundit ;
Vitamq; pretio taxat .
Itaq; quicquid rapere hostes poterant , donat :
Seseq; spoliat , ne spoliatur .
Quin sublati exuijs Templum claudit ;
Quasi incluso ac spoliato Deo , victor .
Risit insaniam Deus ;
Et perfidum reliquit fœderatis plectendum ,
Nam perditi , ipsi se perdunt .
Affuit ergo accitus Assyrius Thelegat- Phanasarus ;
Qui attritis Achasi hostibus ipsum attriuit :
Sic nocent auxilia malo maiora ,
Et bellorum nimbi detonant in authorem .
Putas Achasum respuisse ? desipuit .
Ab sua Musca perpūctus Damascenorū Idolo se deuouet ,
Itaq; contra Syros , Assyrios implorat ;

Contra Assyrios, Syrorum Deum,
Qui ne suos quidem seruauerat.
Hic diuina patientia desperauit;
Et seruari nolentem semel perdidit.
Malè moritur inter vtramq; vitæ metam;
Et extra tumulum tumulatus
(Quis enim iusta faciat iniusto?)
Gehennæ assignatur, cui nomen fecerat.
Sic ei fiat qui beneficium in vitium torquet.



EZECHIA

ACHASI FILIVS.



INDEX.



Rerum ab hoc Principe gestarum indicem cape.

Sub Romanæ Urbis natales nascitur

Achasi Filius Ezechia.

Sed ille ex optimo Patre pessimus,

Hic ex pessimo optimus, iterum pessimum geniturus.

Sic tessellata fortuna bona malis interpolat.

Sanctissimæ Parentis mortes libauit, non Patris.

Quæ felicior Mater quam vxor,

Pro votis Filium accepit, non Maritum.

Quintum supra vicesimum annum natus,

Florem scepro imposuit, quem cæteri perdunt.

Primo Imperij anno Templum aperuit,

Quod nihil Sanctum vidit, nisi Regem.

Mosis etiâ serpentem deiecit, olim salubrē, iam virulentū,

Postquam superstitiosis aris concaluit.

Anno, & Animo eodem,

Sculptilia in Cedronem sparsit, muscos modos restituit.

Vtrumq; nexum: quid enim Cedron nisi mæror?

Sic populi lacrymas Idola sorbent;

Et flente flumine, ciues canunt,

Tot Pharaonibus demersis, quot Idolis.

Merguntur incendiarij illi Dæmones:

Inferno ardore ex antiperisthali gémato.
Et adorata illa saxa, adorantium scopuli,
Post animorum naufragium ipsa naufragantur.
Postero anno, diuisa Iudæ studia pro Concione cōponit.
Amphioni comparandus Orator:
Nam urbem ille parauit, hic reparauit canendo.
Instante Paschate,
Ad Solymorum celebritatē schismaticas alliciens Tribus,
Iudæ Israelem coniunxit.
Ita Paschalis Agnus, agnos fecit conuiuas:
Et fractis Idolis integrata concordia.
Post hæc, Salomonis de plantarū vsu cōmētarios cōbussit.
Iam enim ex horto non e Cælo salus quærebatur:
Et herbarum non oculorum expresso succo,
Membra curabantur non animi.
In illa igitur flamma ars mortua, spes reuixit.
Vtinā Coi Senis farcimina ad Ezechix manus venissent.
Sine carnificina homines conualescerent.
Auētis iam annis,
Auēta cum Sacerdotum pietate, laicorum liberalitate;
Condendis largitionibus Templi horrea laxauit.
Quis neget frugi esse virtutem?
Cum sacra opera sacras opes adaugeant.
Anno imperij bis septimo, qui semper Clymaëtericus,
Ezechix virtus tentata.
Nam Assyrius Sennacherib Iudæam euertens, & euerrēs,
Citius rapuit arces quam vidit.
Quæris quanta acie?
Terra contestā, montes depressi, flumina epota.
Sed armatorum tot millibus,
Trecenta & triginta talenta obstitere.
Toti Aegyptiorum armauentario,
Totum Templi ærarium obiecit Ezechia.
Nam sacræ diuitiæ eò seruantur, vt seruent.

Fecerat hoc etiam Pater, sed impare studio:

Ille Templum timebat, hic pro Templo.

Extremo eodem anno,

Assyria fide recrudescentibus Barbaris,

Infanda effusierte Sennacheribbo ad pias preces confugit.

Felix certamen: lingua pugnacem, lingua vicit.

Minus dixi; dormiendo vicit.

Nam per tenebras cæcutiente Angeli gladio,

Assyriorū millia cētū octoginta, sōnus cōsignauit Sorori.

Diriguit Sennacherib nocturnæ cladis spectaculo:

In patria, à Filio, ante Idola cæsus,

Qui patriam liquerat, pro Filio, contra Deum.

Anno victoriam sublabente, dirum ægrotat.

Tumescere vlcere quò animus detumesceret.

Lethum denunciante Isaia, luget, submittitur, conualefcit.

O dulces lacrymæ, vitæ auspices, vel inceptæ, vel receptæ.

Primum nascētium omen, vltimum pereūrium suffragiū.

Anni igitur quindecim ad vitæ stamen assuti:

Illustri teste, Sole,

Qui supra lineas decem retroacta styli vmbra

Viam & Vitam redorditur.

Hem quid solidum in humanis,

Si ætas horarium est, annus linea, vmbra vita.

Lethalis vmbra, quæ lineas enecat, quotquot attingit:

Pariterque dum proficit, deficit,

Post menses duos,

Babylonum Legatis diuitias & delicias ostentat

Nescius quam rapaci populo illecebras.

Sed ò rigidam disciplinam circa Principes.

Pro quantulo crimine, quantum discrimen?

Funestior interuenit Legatus Isaia.

Qui in ostentatiunculæ pœnam,

Iacturam opibus, capturam Liberis ominatur.

O' lethales diuitiæ, quas nec cælare tutum, nec proferre!

Sed ò vitales lacrymæ, vel cælata, vel prolata!
Ad præsentissimum hunc panchrestum redit Ezechia.
In suis oculis salubrem hunc succum quarit,
Quo Numen emollitum, ira restincta.

O' efficaces iterum lacrymæ!

Tacitæ oculorum voces, & liquidi vocis oculi:
Nec sæcundus humor tantum, sed facundus,
Qui animum erigit dum cadit, & cadit sine iactura:
Nam solam hanc mercem prodigere licet.
Exinde piscinas, fontes, aqueductus,
Puto suarum imitamenta lacrymarum, aperuit.
Per quas deniq; animus enauit ad palmam.
Anno à suscepto Imperio vicesimonono.
Dauid non conferendus, sed præferendus;
Nam maiora fecit, minora deliquit.



MANASSES EZECHIAE FILIVS.



EXOMOLOGÆS IS



O' Rerum Opifex, Reorum Opifer, Deus;

Aduerte tandem æquas aures,

Clemens attrito, felix catenato, Rex Regi.

Infanda mea facta ad rationem reuoco.

Tu solus audi quæ solus spectas:

Aut spectare desine, quæ piget audire.

Ille ego Manasses, Orbis Eoi Vesper;

Vt lucem scdarem in lucem veni.

Conceptus, lethale nefas concepi.

Et hærente adhuc cortice, odisse te capi antequam nosse.

Iam de latebra proserpens Vipera, hospitalem vterū torli.

Felici hoc exordio mihi plaudens,

Quod nondum natus potui Matri nocere.

Alumnæ grauis sarcina, papillas morflu tentauī;

Sanguinis audior, quam lactis.

Circumcīsus, impressum generis signum

Pro libidinis tessera suscipiens,

Dixi; hunc sanguinem Veneri propino.

Infandus, Infans, paruus sed prauus,

Execrationes infrendens inter vagitus,

Candidum nihil habuit præter syndonem;

Hanc ipsam cruentaurus.

Decrat iam nocendi auido, nocendi facultas.

Hanc e voto festinauit fortuna,

Cum duodenni gladium commisit.

Ita, nimis impotens, quia nimis potens,

Proceres terrui Puer; quo leuior, eò grauior populo.

Qui citum diadematis fulgorem, ceu fulgur expauit.

Hinc diuini, humani Iuris immemor,

(Quid enim Manasses, nisi obliuiosus?)

Vnam mihi legem statui, legem nullam seruare.

Durus, Difficilis,

Rogari, inuidiam; non rogari, contumeliam duxi.

Iniustus, inhumanus,

Alijs omnia licere volui, alijs nihil.

Impius, periurus,

Studio, & ambitu paterna exempla non institi.

Puduit Regem bene agere de exemplo.

Anteire malos malui, quam bonos sequi.

Hoc vnò Patris speculum,

Quod eius imaginem reddidi ex contrario.

Proinde, ex tuo Templo,

Quæ ille intulit, sustuli; quæ sustulit, intuli.

Atq; vt à te maximè seiungerer,

Duo seiunctissima coniunxi, athcismum, & superstitionē.

Excelsa diruerat Pater; refeci:

Vt altiore de prærupto contereretur Religio.

Priapi aras sustulerat; restitui:

Lasciuē simul, & sacrilegē;

Vt dignitatem libidini adderem, adimerem tibi.

Has inter sordes volutus, sauciari potui, non satiari

Planetarum sectator, quia errantium,

Eorum simulacris Templi atria stipans,

Inueni quo tua tibi Sidera fierent odiosa.

Auspicijs, & aruspicijs attentior quam tibi.

Auium pennas, & pecudum fibras

Veraciores duxi, quam tuas tabulas.

Hoc minime falsus,

Quod Brutis stolidiorem me censui, dum Bruta consului.

Striges, Ariolos, Magos, Pythones colui.

Te vt Orbe depellerem, Dæmonas euocaui.

Itaq;, quo irreligiosior essem,

Religionem mutaui, non sustuli.

Astra, Lapidem, Bruta, Furias,

Quidlibet esse Deum passus, dum tu non esses.

Senior factus non sanior,

Ab impietate ad crudelitatem prouii.

Nam calcanda erat post Diuinitatem humanitas.

Credulitate crudelitati suffragante;

Hostes opinatus omnes dissimiles;

Ferus vt timerer, & quia timebar,

Hostium numerum auxi tollendo.

Prophetarum voces cum spiritu interclusi.

Isaiam Soccerum ferra dissecui.

Deniq; adamantinâ cordis duritiâ flâmis exploraturus.

In valle Gehennæ Filios combusti.

Lætus, quod nec Auo molliorem me inuenit illa flamma.

Tot ergo scelerum cumulis impulsi patientiam tuam,

Vt perditus videreris, nisi me perderes.

Vicisti proinde, ne vincerem;

Immisso Babylonico, vt Tyrannum Tyrannus plecteret.

Qui tam citò victum, quam victum,

Me, meos, mea, ad scædum hoc ergastulum abduxit.

Ah satis prenarum habes, victor,

Dum inter optima catenatum numeras Regem.

Non tu innocentibus pœnitentiam delegas,

Quæ reatum necat, non reum;

Et in solum imputat crimina, cum numerantur.

Meum ius vrgeo; ad hanc prouoco:

Suffragante ipsa scelerum multitudine.

Possibile non erat tanta committi, nisi ab infano.

Exere splendido miraculo vim tuam

O bone, & parcendo exercite.

En vt ventosa victoria tumens Hostis,

Vernaculorum te tuorum desertorem ridet, & viuuit.

Ex vsu non est scelera mulctare sceleribus;

Et externos recreare tuorum pœnis.

Redde heu conspectum mihi beatæ Urbis;

Vbi Reges peccare solent, & pœnitere.

Vlulabo vbi deliqui:

Sanguinis riuos lacrymarum riuis exstergam;

Exulabit Idolorum populus, vrbe donatus:

Et exemplo corruptos, exemplo corrigam.

Hæc orauit Manassès, & Regno redditus votum expleuit.

Atq; vt diutius doleret, nemo diutius regnauit.



AMON

MANASSES FILIVS.



SYMBOLVM.



O^s Spes fallaces.

Intempestiuè concussi isti flores,
Intempestiuè sepulti symbola sunt.
Amonem florentis æui Principem,
Infrugis hic Hortulus condit.

Qui de paterno exemplo,
Inter vitia & virtutes ætatem diuisurus,
Pœnitendi fiducia, pœnitenda commisit.
Templo Idola, latibulis stupra, Vrbi funera,
Velut fœnori intermissa restituens,
Vt probè senesceret, improbè adoleuit.
Sed heu; claudicante spe velocior Mors,
Coniurato aulicorum ferro,
Vota cum vita succidit.

Itaq; spe florens, non virtute;
Inter flores iacet, sed frugiperdas.

O Spes fallaces.



IOSIA

AMONIS FILIVS.

EPINCIVM.

Io Triumphe.

Idolorum Euerfor curuli feretro effertur.

Hic est ille Iosia,

Quem supra trecentos annos Natura parturit.

Iam tum enim faticida voce præmonstratus,
Idolis operantem Ieroboamum solo nomine tremefecit.

Nondum natus, iam notus:

Vel natus ante Parentes.

Io Triumphe geminate Cines.

Hic ille censorius infans.

Qui supercilio contracta morum licentia,
Rempublicam octenni sibi commissam octennio cōposuit.

Iraq; Dauidem sequutus, antecessit:

Nam Dauid bonos inuenit, hic fecit.

Adeo parui interest paruum corpus.

Quin ad illum delegatur Ieremia, ad puerum puer.
Senescentis Reipublicæ argumento, cū virtus repuerascit.

Io Triumphe iterate Cines.

Hic ille diuinus ædilis,

Quo Templi diruta refarciente,

Aniſſum legis volumen inter ruinas inuentum.

Tanti duxerant impij Templum diruere:

Mortuam rati legem, si liber humaretur;
Vel libera scelera, si liber lateret.

Itaq; post Iosiam exhumata lex lucem vidit;
Et in eodem scrobe virtus reuixit.

Immo in Iosia tota reuixit.

Nam vitia ceteri, vel induxerunt, vel indusserunt:
Solut hic mortalium nec commisit scelera, nec permisit.

Io Paan.

Hic ille zelator adolescens,

Qui monente Prophetide,

Toties rediitua simulacra in cinerem soluit;

Et plebeijs tumulis insperfit:

Vt à mortuis discerent tandem mori.

Senferè Manes puluerem illum grauem;

Plurque Dæmonas combussit ille cinis, quam suæ fiamæ.

Io Paan geminate Cines.

Hic ille intrepidus adolescens,

Qui nefanda sanorum nemora incendens,

Nocentes ymbras, & hospites Lupas abegit.

Eodemq; incendio Solis quadrigas fulminauit.

Nouum astropoplectum ridente populo,

Dum Phaetontis Pater, Dei sedes affectans,

Phaetontis supplicium tulit,

Et ex fabula Historiam fecit.

Io Paan iterate Cines.

Hic ille assertor iuuenis,

Qui Iuda, & Israele flammis expiato,

Vanos Antistites suis met aris imposuit;

Supposita Idolorum strue:

Vt quale Numen colerent, ipsi sentirent.

Mutatis igitur officijs,

Adoletur qui adolebat, & ab Idolis vruntur Vates.

Qua victima nulla melior, quia nulla peior.

Io victor dicite Cæus.

Hic Principum Protomartyr,
Notissimo incumbente Reipublicæ Fato,
Irati Numinis telum vt frangeret, in se reflexit;
Dū implucrib⁹ Aegyptiorū telis deuotū pectus opposuit.
Sic ante Pharij Nechaonis os in quadriga confossus,
Spiritus Tartaro formidabilem in Tyrannum efflauit,
Nescio an occumbendo vicerit, an vincēdo occubuerit.
Occumbit certē, non procumbit, qui sedens moritur.

Ira suo sanguine trabeatus,
Eodem curru Mortem in triumphum traxit;
Et feretro pro Feretro spolia sua deferens,
Ad Mausoleum, veluti ad Capitolium, processit;
Primusque post obitum triumphauit.
Io Victor, Io Paan, Io Triumphe.



ELIACIM, & IOACHAS IOSIÆ FILII.



REVOLVTIO.



Extrema Regni trāquillitas extremam cladem minatur.

Die inclinante grandior florefcit Iris.

Creuit ad summū Hebræa felicitas Iosiæ nixa;
Quo subducto vniuersa corrui; inidente Asiæ Africa,

Quæ purpureo Mari diuise, Iudææ ruinis coiungere.

Speſtabat ad Eliacimum Regia dignitas.

Hanc Ioachas rapuit natu minor.

Ah puer infelix! rapinam timebis.

Cur inauspicatum ad imperium inuolas,

Vnde mitior te natura seposuit, nascendi mōra?

Torpedo Iudaicū scēptum est: tāgentes manus nodabit.

Itaq; ex secundo primus, ex primo postremus,

Regnum peruertit, quia præuertit.

Hunc Pharaο, à Fratre accitus, catenatum rapuit.

Ridente Aegypto mancipia redire ex Regibns,

Qui ex mancipijs abierant Reges.

Ita post sexdecim Soles quæſita sceptrā,

Post tertiam Lunam amisit,

Breue Regi spatium, Tyranno longum, Ciuibns nimium.

Expleuit igitur iras Eliacim:

Sceptro potitus iam cariore, quia rapto.

Redijt ad illum infula, sed & infulæ fatum.

Alijs per Pharaonem imperat, illi imperat Pharaο.

Cui Tributi taxatur: hoc vno pretiosus.
 Atq; vt libertum se noscat, non liberum,
 Alio donatus nomine, Ioachim vocatur, non Eliacim.
 Quid illi relinquent qui nomen eripiunt?
 Regnum itaq; sub Rege impetrat;
 Cum idem sit impetrare quod amittere.
 Egit tamen Aegypto pro maleficijs grates,
 Dum deformem Idolorū coloniā ex Aegypto traducēs.
 Polluit quæ pater sanxerat.
 Vriam ferro, Ieremiæ librum rogo destinat:
 Ferro destinandus, non rogo.
 Immò vt dices ad Ditem trahat;
 Gemma & anulis Dæmones includit: bis Idola.
 Nā gēma Dæmonū Filia, cōcepto Dæmone Matres fiūt.
 Heu carò venales opes! quamdiu gemet has gemmas?
 His anulis catena nectitur.
 Hunc Nabucodonosor infido infidus,
 Deceptum vinculis implicuit:
 Implicitum ferarum specubus inclusit;
 Inclusum ferarum faucibus obiecit.
 Aliquis ergo prætereuntium dixerit,
 Hic moritur Tyrannus præmortuo nomine:
 Qui viuis iacuit in tumulo: mortuus vixit extra tumulū
 Hunc Matthæus à Christi Genealogia secuit,
 Ne feram pro homine insereret.



SEDECIA

ELIACIMI FRATER.



SORTITIO:



*Excidis infelix par Fratrum,
Quorum alterum fera, alterum furor absumpsit.
Te vero Sedecia, tertia Sors manet,
Vtraq; peior.*

*Mouente Regalem urnam Fortuna,
Ichthonia Eliacimi filio Babylonem abducto,
Nepotis sceptrum à victore impetrabis.
Æquè in Nepotem durus, in Hostem mollis,
Vt illum spolies, huic seruias.
Mutato etiam nomine, ex Mathania Sedecias,
Iusti nihil habebis præter nomen.*

*Toties directam Urbem diripies:
De pauperum penu Idola recreabis hostilia:
Præscias Vatum fauces obstringes:
Quasi fatum tuum in Vatum pectore conclusurus.
Sed diuino consilio consilium adimitur.*

*Dco simul & Chaldaeo sædisfragus,
Tributi iugum dum executis, sub iugum cades.
Nabucodonosore nouissima expeditione grassante,
Hierusalem, per te non Hierusalem,
Clandetur, incendetur, solo aquabitur.
Tu tot inter mortes mortem non reperies.*

*Miserius enim est misero animam trahere, quam tradere.
Redactis brachijs Babylonem traheris catenarius Canis.*

Manu & oculis captus; oculis & Liberis orbis.

*Planè inter pudenda impudens,
Cum oculos amiseris, pudoris sedes.*

Itaq; cum Babylonium tibi carcerem Ezechiel minetur,

Tu Babylonem te visurum neges:

Vterq; diuinabitis.

Cecus Urbem in Urbe non videbis.

Verus Sedecias, Iustitiæ simulacrum, quia cecum.

Peribis tandem Veteranum mancipium:

Et acervo ignobili additus,

In tanto Patriæ rogo, rogo carebis.

Nam sceleribus clarus, rogi luce non eges.



SUSANNA

HELICIÆ FILIA.



ADMONITIO.



Adeste Nuptæ, Innuptæque.

Quarum Virtus in pulchritudine, nō pulchritudo in Virtute.

Docbo quam speciosum damnum sit species.

Susanna fui, ex Regia domo in Regiam domum ducta.

Qua forma fuerim, ex nomine habes.

Quid enim Susanna, nisi Rosa?

Florum nempe Regina, & Reginarum flos.

At nimium felix eram si forma defuisset:

Quam perdere, dum metuo, penè me perdidit.

Babylone captiva,

Colcbam hoc quaecunq. corporis decus:

Vnum captivitatis solamen uni Coniugi.

Itaq; nudam me nemini ostendi, nisi thalamo, & fonti.

Occlusis pomarij foribus; nec solem arbitrum passa,

Quem, meridie curiosiorem, nemus, arcebat:

Addcbam membris lympharum nitorem,

Liberatoque capillamento,

Aureas undas comarum, argenteis fontis undis mergebam,

Vt fontem in fonte diceres.

Neq; speculo opus: in speculo natabam:

Tergente simul, & imaginem reddente riuo,

Qui blando susurro membris adulatus;

*Non tam laudabat, quam laudabat.
Inepta, quæ fugax donum fugacioribus morabar undis :
Nec lubrica ex imagine formæ inconstantiam novi.*

*Proh sancte pudor, quid usq; securum?
Falsum est à fucis tutam esse Rosam.
Latebant inter virgulea amasij duo:
Angues in herba.*

*Hi popularium Seniores erant, & Indices.
Quos, vel inter argentes aquas, urebam:
Ignara puellarum faciem esse facem.
Erumpunt ex insidijs amantes hostes:
Horresco vulnificos vultus :*

*Aquis membra submergo;
Sed perspicui latices me produnt, ut vitrum Rosam.
Sinum crinibus obduco, sed crines euentilant auræ;
Quæ spirando, in me conspirant.
Dubitas omnia conspirasse in flagitium? riuales fœderantur.
Frustrati precibus, terrores addunt.*

*Et maximum innocenti malum minantur, calumniam.
Ego inter vitæ aut virtutis discrimen,
Quid agimus (inquam) Susanna?
Corpus eluis, & animam pollues? Vale potius vitæ.*

*Hæc mecum exigens, clamo,
Alius illi clamant; & crimen regerunt;
Impermissam Venerem cum pubere adultero.*

*Ego causa melior, patrocinijs peior,
Inter parentum lacrymas, & vulgi conuicia;
Seminuda & semianimis, ad supplicium trahor.
Iam saxa parabantur, adulteris debita,
Ut eadem legis & mulctæ materia sit.
Et aliquis elaso iam lapide, lapidi similis hæsit.
Nam pudor extremus decorem augebat.*

*O pudicitia, ut seruantem seruas!
Quis credet? Concionem moratur duodennis puer:*

*Qui virumq; seorsum testem de criminis loco scitatus,
Verumq; discrepantem inuenit:*

Et mendacio mendacium detectum.

Dulcius nihil radiat quam Veritas, ut nubem fregit.

Mutantur populi voces.

Siccine (inquiunt) captiuus furit, captiuos ferit Cupido?

Post Patriæ incendia.

Scelestiores flammæ Babylonem attulistis?

Hypocritæ, periuri, ardentes niues.

Quid de nobis astiment hostes,

Si optimates peccant, Indices peierant, Senes lasciniunt?

Quid multa? Mutatur rerum scena.

Desultant vincula à me ad Senes.

Ego ad thalamum ducor, illi ad flammæ

Vt bene ardeant, qui male arserant.

Sic puer fœmina, Susannæ, Daniel,

Innocens innocenti, subsidio fuit.

Discite meo periculo, Puellæ.

Est formidolosæ, ut sermosa.



IECHONIA

ELIACIMI FILIVS.



THRENI.



Nondum Hierosolymę deferbuerat Cinis,
Cum busto insidens Ieremia,
Lamentabili hoc fremitu Patriam conclamauit.
 O' Solymę, ò adyta, ò lati colles Sionis.
 Hęcine illa beata Vrbium mater,
 Quam Aeuo coarua spoponderat Deus?
 Quid ergo diuturnum, si æterna pereunt?
 O Regiæ opes chasmatum similes,
 Quæ vanescunt dum lucent,
 Cecidit, cecidit superba Regia pinnis coronata;
 Nihil iam nisi funus, & fumus.
 O fumum semper Aulæ molestum!
 Quid redijt excelsa Templi moles,
 Angelorum colonia, Cæli suburbium?
 Euertitur mortali manu diuinus ille labor:
 Et nemini polluto impunè penetrabiles penetrales,
 Homicidæ persultant flammæ:
 Eodemq; elemêto profanatur sâctuatiũ, quo lustrabatur.
 Vbi vasa? vbi sacra? vbi fontes?
 Ignaui fontes, & naturæ obliui,
 Ignem non extinguunt, quem culpa succendit.
 Vbi mensa? vbi ara?

Vbi lampas, æterni Solis æmula?

Iam nihil est nisi lampas vna, totum Templum.

Quas litatura inibis preces infelix turba?

Altiora votis incendia sunt.

Cui supplices feretis palmas lynteati Senes?

Abiere Angeli Templi Indigetes.

Ipsa Sion in flammis abiit.

Postremo, cremata domo abiit Deus.

O auida ignis potentia?

Quam nobis Patriam linquet, qui exulem facit Deum?

Quo congestæ opes? quo exoricæ merces, ò Ciues?

Quo armillæ? quo vestri mundi, ò Puellæ?

Preda sunt inter incendiarium, & incendium diuisa.

Incumbit spolijs prædator ignis:

Qui avarus iuxta & prodigus,

Quicquid rapit, momento decoquit;

Et alumnus nequam, alentem perdit materiam.

Quin cum suis flammis de preda rixatur miles:

Plerumq; raptus dum rapit.

•Heu; parum est gazas diripiisse.

Vnda flagrantibus, spiritus viuis, terra extinctis, eripitur,

Solem ipsum cripiunt vndante fumo.

Et auram patriam repetunt per singultus.

Ah dolor, quæritur Vrbs à Ciuibus, ab Vrbe Ciues.

Pereunt nitentes illi Principum cætus,

Gemmantes pueri, cana maturitas,

Flos Sionis, virgunculæ.

Hic hostili ferro succubuit, ille incubuit suo;

Hic Patriæ fatum sequutus flammis exarsit.

Condi non poterant tanta cadauera nisi Vrbe inuersa.

Sed heu superstitem peior conditio,

Quos instans victor præagit.

Gaudete sub Patriæ cineribus sepultri Ciues,

Non obscuræ umbræ in tanta pyra.

Lugendi sunt qui vos lugent.
Rapitur extorris ordo, fuligine ac fauilla sordidus:
Quas indigenas opes legisse tantum licuit,
Vt Urbis fatum in fronte circumferant.
En ut inter Patriam, & exilium restitant,
Incerti utrum malint.
Itaque in illo incendio Patriæ amor perijt.
Trahuntur hostiles per vrbes indigna pompa:
Exercitus olim, nunc turba.
Trahuntur captivæ Matres, & alumnos trahunt,
Viaculis antequam fascijs obvolutos.
Pari ludibrio corona, & cydaris inter fercula eunt,
Pari sequuntur opprobrio Sedecias & Saraïas,
Rex & Pontifex;
Hic ex lachrymis, ille ex vulnere cæcus.
Qui olim discordes, sola catena conveniunt.
Nunc se Babylon in Cælum tollit sine sua mole:
Sparguntur hac illac Palæstina servitia,
Pudore confecta, vel pedore.
Quòdam etiam iuxta Babylonicum Euphratem cōsidūt.
Ut suam imaginem pavitantes se ipsi crucient.
Hic mœstas inter mortes canere iussi,
Barbaros ciulatus sacris numeris confundunt.
Hoc etiam Babylonem decebat Idioma.
Ah puer infelix Iechonia!
Ibis tot inter spectra destinatam in caueam:
Malus Populi custos, custodia dignus.
Hunc ignem fumus incendit tuus.
Flagrabit alij flamma, tu infamia:
Octo ferè lustris compedes atteres.
Matrem, Coniuges, Filium,
Tristem ærumnarum comitatum,
Inter infima Tyranni ministeria numeraturus.
Ah fœda conditio!

Plus Domini te pudebit, quam seruitutis.
Ille ille victor tuus Nabucodonosor,
Noua & stolidi metamorphosi iumentis aggregatus,
Nouum brutum, bruta terret.
Vt intelligas quam dispari Domino seruias.
Tu verò Patriæ confector,
Aetatis quartæ cardinem insistens,
Iudæorum Regum miserabile agmen claudes.
Hoc omnium miserrimus,
Quòd illis Regnum superuixit, tu Regno,
Heu fleas Viator, & iter siste.





M V N D I
 S E N E C T V S .
 S O L I T A R I I .



SALATIEL

IECHONIÆ FILIVS.

Christi | linea.

Zorobabel.

Abiud.

Eliacim.

Azor.

Ex Levi.

Sadoc.

Ex Levi.

Esdra.

Achim. *Mater Machabæa.*

Iesus Siracides. Eliud.

Razias.

Eleazar Protomart. Eleazar.

Matathias.

Iudas. Ionathas.

Eleazar. Simon.

Ioannes Hircanus.

SALATIEL

IECHONIÆ FILIVS.



IS AGOGE.



Pando tibi quintum Atrium; Viator subi.
 De Christi Proavis,
 Nullum subinde Reum visurus, quia nullum Regem:
 Nullum occisum, quia nullum homicidam.
 Mundi senectus ad infantiam redijt.
 De impiorum ossibus nati sunt Sancti;
 Cadmæi prodigij teste Ezechiele.
 Vltui fuit Solymorum incendium:
 Nam despumante superbia,
 Ex illa vstrina liquitur aureum Seculum.
 Pro limine Salatielem offendes.
 Quam latentem scintillam patrius fouebat cinis;
 Vt nouo Seculo auspiciu faceret.
 Fortis, magnanimus, in seruitute sibi imperauit.
 Hoc ipso felix.
 Nam aduersa Aduersis aduersa non sunt, sed Auersis.
 Vis scire quid pro Populo fecerit? fleuit.
 Quid enim posset aliud Princeps mancipium?
 Sed eius lacrymæ Chaldæorum merferunt imperium.
 Tria quæ cernis prostrata monstra,
 Tres sunt Tyranni, quos flendo consecit.
 Cernuus hic, & Semifer.

Nabucodonosor fuit : quondam Magnus, nunc brevis.
 Qui Iudææ & Aegypti ruinis amplificata Babylone,
 Sua gesta miratus, hominem se negavit; nec fuit.

Nam vera lycantropia Feris permistus,
 Vlissæ fabulæ famam arrogavit.

Quæ enim Cyrce, nisi superbia ?]

Sic ferus Homo, vel humana Fera, septēnium transfigens,
 Formam cum mente recepit.

Et qui bellua fuit cum se Deum credidit;
 Iam belluam se credens, homo fuit.

Qui adiacet Euilmerodachus est.

Initio Imperij maior visus,

Vt matutini Solis augetur species,

Illudente oculis Nebula.

Hic Salatielem vinculis eductum Regiæ præfecit.

Fastuosa nimirum pietate;

Quòd famulitium fastidiret, nisi Regale.

Sed blanda utcumq; initia atrocibus actis corrupit.

Malefidus, maledicus, maledictus.

Vt à Nabucodonosore satum credas, iam verso in Feram

Hunc igitur Leuiri telo confossum,

Tertius sequitur Balthassar.

Patribus similis, quia degener.

Quem Daniel odoratus, Lænam vocauit:

Nec masculum quippè, nec mitem:

Inter scēminas virum, scēminam inter viros.

Hic impietati ludibria miscens,

Sacris Templi calicibus, Belo Dæmoni propinauit:

Talem apud conuiuam breui cænaturus.

Nimirum ebrius erat antequam biberet.

Heu quam de proximo iunguntur merum & mœror?

Aperta manus, operto vultu, ferale decretum scripsit:

Adeo malis Principibus nemo propalam vera denūciat.

Tribus notis exaratur:

Vt trium literarum non dubites virum.

O beneuolens Prouidentia !

Media ex Perside vocati vindices , Darius ; & Cyrus ,

Gynde amne ligonibus multato ,

Et infractis cornibus humiliore ;

Ebriam Babylonem incendunt .

Vnius noctis fato periit antiquissima vrbium ;

Hierosolymæ semper æmula , tandem similis :

Quam sol cadens nimiam vidit , oriens nullam .

Quæris vnde irruperit Victor Cyrus ?

Per Euphratis alueum ;

Hebræorum fortasse lacrymis auctum .

Verè vt dicas , Hæbreos Chaldæorum flammis ,

Chaldæos Hebræorum aquis arsisse ,

Ita septuagenaria captiuitate soluta ,

Vt lætus ad Proatos iret nuncius ,

Mori festinauit Salatiel .

Plaude Viator , ac perge .



ZOROBABEL

SALATIELIS FILIVS.



MYSTOLOGIA:



Cæcæ Babylonis infelix hospes,
 Si nouum cordis Templum Deo destinās,
 Zorobabelem sequere.
 Cuius etiam nomen triumphatam Babelem.
 Vt caudam, raptat.
 Hunc Templo excitando Cyrus excitat.
 Meritò Cyrus, hoc est Sol.
 Quid enim Numen, nisi lumen,
 Quo amoto ~~mens~~ ~~Babylone~~ cæcutit?
 Hic Iudææ Prærex (nam Regnum amiserant)
 Annosæ captiuitatis analecta in Patriam ducit.
 Et e tanto numero vix quinquaginta chiliades sequuntæ.
 Sic solet; multos seruitus distinet, plures seruitutem;
 Tu e paucis esto.
 Hierosolymam ingressus, Vrbem in Vrbe non inuenit.
 Ne Templi fundamenta quidem reperta.
 Heu, quàm non perfundiorè pereunt,
 Quos Deus exaugurat;
 Scalpente flamma etiam infossos.
 Septimo mense lætitiæ sacro,
 Operans Iesus Pontifex, aram accendit, & animat.
 Quis enim sine Iesu algentem refudet spiritum?

Nusquam lætior ignis emicuit.

Idē elementū facem Templo attulit funebrem, & natalē.

Itaq; Numinis ira,

Vt nobilem illam flammam vidit, extinxit suam.

Zaccharia & Aggæo Consulibus,

Ezechiele Architecto.

Ipso nouilunij cardine. Templum fundat.

Dum nocturna Cœli lampas, tenuior quo propior Soli,

Paria decrementis incrementa redorditur.

Nam primū crescēdi auspiciū, corā Numine imminui.

Hæc inter solemnia,

Pari pietate, affectu dispari,

Ouare iuuenes, lugere senes.

Illi nouæ molis spectaculo, hi antiquæ memoria.

Dubites, natale in funere, an funus in natali, celebretur.

Eximio documento;

Vt culpam desleas, etiam reparatam.

Sed hem, prisco anathemate tacti Samaritani,

Hebræorum Templum commune volunt, aut nullum.

Zorobabel nec nullum vult, nec commune.

O' qui pietatis, arcem moliris!

Talem fuge societatem,

Vbi nequitia in commune, odia priuatim:

Quæ omnium deterrima, quia intestina,

Ardere nesciunt, nisi totam pietatem restinxerint.

Ergo mali Fratres, vt Cyri munificentia obstruant,

Megistanas & Satrapas commouent.

O' noxia pietati politica consilia!

Quid refert pium esse Regem, si impius Satrapa?

Iniustum Regem mauelim, quam consulem.

Nam nocere ille potest, hic docet.

At Zorobabeli instantia non deest.

Regio ærario præcluso, suum pandit.

Talem Celerem optasset Romulus.

Felix, qui à suis opibus opem quærit.

Age quod potes, quod agis poteris.

Adiuuat facientem Deus.

Peiore decreto sauijt Cambyfes post Cyrum.

Nam ille crescere Templum vetat, hic stare.

Suo in sulco tumulatum Templum; ad fossam redijt.

O nubila, & obsita Dei consilia? Quid hoc est?

Ruere Templum vt surgat, surgere vt ruat?

Nescio ruinam optet, an Templum.

Ah, vide quanto in quæstu sit pœnitere.

Iteratos laps⁹ permittit, vt crebrò attritus, solidior surgas.

Nimirum, diu in exordio laborat virtus:

Sæpè ad fundamenta redeundum.

Cambyfi Histaspes successit Darius.

Qui sacunda Zorobabelis legatione commotus,

Tonantis Regiam reponi iubet.

Vis altum proficere? ora.

Dura molliunt calentes preces.

Exurgit iam Templum, luculentius quò lentius.

E parietinis viuunt parietes; vt e cadauere corpus.

Numquam grauiores lapides sensit Tartarus.

Nam pondere expenso, insidentem agnouit Deum.

Sic æuum risura molitio, quadriennio coronatur.

Satage ò piger;

Dum calet diuinus fauor, opus matura.

Breuis mora æterna tollit.

Functi demum labore, festiuos eunt in plausus,

Et noua vox *Alleluia* circumsonat.

Nimirum voluptatum summa est Deum recepisse,

Qui sui hospitis hospes, domum implet ac Fabrum.

Templo absoluto,

Diu vixit, nihil egit Zorobabel.

Minora agere noluit, maiora non potuit.

Nam satis egit, qui Deum recepit.

ABIVD ZOROBABELIS FILIVS.



GENETHLIACON.



Nascere fortunatissime Abiud.
 Omnes tecum oportunitates nascuntur.
 Primus extra Babylonem nasceris;
 Vt Messia nobilitatem restituas.
 Nato Templo nasceris; prima votorum materia.
 O' quanti locatur Numini Domus.
 Pius Genitor lapides dicauit, Liberos recipit;
 Verus Deucalion ex lapidibus Prelem.
 Nascere Heroum sanguis; tecum Patria nascetur.
 Iacuit ad hunc vsque diem Hierosolyma:
 Et Dei hospites hospitio caruere.
 Redditi erant Patria ciues non ciuibz Patria.
 Qui post exilium exules, domicilium habebat non domū.
 Nascere felix Ciuis; nascitur tecum Neemias;
 Qui auspice Artaxerxe, vere Longimano, quia munifico,
 Nouani Hierosolymam dabit.
 Frement Samaritæ, nascentibus muris mortem minati.
 Instabitis nihilominus audaces Fabri,
 Trulla, & gladio vtrinque; distracto;
 Vt sacram operam altera peragat manus altera protegat.
 Cadent inuidi surgente muro;
 Suo sanguine Cæmentum maceraturi.

Vt miraculo sit, Ciuitas Pacis Bello nata.

Nascere felicissime puer.

Videbis prodigium annua memoria celebrandum,

Cum lustrante Urbem Neemia,

Et abditam Sanctuarij flammam vindicante,

Aqua pro igni reperta:

Qua respersi aræ lapides sponte flagrarunt.

Gemino itaq; miraculo,

Ignis Filia lympha inimicum Patrem genuit:

In bellicæ præfagium gloriæ,

Ex aduersario clarescentis.

Nascere Musarum voluptas; quæ tecum renascentur.

Nam diuinus scriba Esdra, oblitteratas restituet literas.

Prodi ergo in lucem fortunatissime Abiud,

De tua fama securus.

Felix qui Seculo nascitur scriptoribus sæcto.



ESDRA

EX LEVI.

ADMIRANDA.

Audi & mirare, Viator.
Hic est ille Celestis Chirogogus Esdra,
Legum peritus, & lator.
Qui de suo Maree Astream terris redonauit.
Nam de mentis Thesauro,
Adamantina memoria commissum Pentateucum depromens,
Ius diuinum reposuit.
Perierant Moses commentaria percunte Vrbe.
Immo perierat Moses apud immemores.
Quin sua originis oblitus Orbis.
Aus semper sibi natus videbatur, aut numquam.
Tanto itaq; reparatore Heroarum gesta renixere.
Et ipse renixit Mundus, dum suos legis natales.
Hic etiam sepulcrum scribendi artem restituit.
Perierant humana artes cum scriptoria,
Nam deuinctis Babylone manibus,
Nulli legebantur characteres, nisi seruis inuisti.
Itaque sapientia grauidum pectus,
Nil parere poterat vitale,
Cum ingenij obstetricare desierant pagine.
Ferebantur ad aures lenissima aura,
Et uerba per auras moritura.

*Hic veloci dextera fugentia verba moratus,
Acuto calamo in tabella defixit,
Liquidum animum duratura.*

Certavit cum loquentis lingua scribentis manus.

Nonoq; miraculo,

Andijt oculus quod preperes digiti loquebantur.

Quale portentum? in fereili pagellarum equore,

Musarum agello,

Nigerrimum notarum semen committi;

Quod aratum calamo, sepiâ rigatum,

Legendam doctrinarum messem festinet.

Maiore ostento,

Inscrutabilia cordis secreta fida in pagina prepropere pinxit,

Qua ad amicos mitterentur longo tractu sepositos,

Vt libri cortice iunolutus animus

Flumina Oceanumque traiceret.

Heu tamen plerisque lamentabilem artem,

Quibus calamitas calamus, & atramentum venenum.

Sed dira pronocantibus imputentur.



ELIACIM

ABIVDI FILIVS.

AZOR Eliacimi Filius.



DIALOGISMVS.



Quis hic? Aliquis. Quis Aliquis? Nemo.

Nemone si aliquis? Aliquis, & nemo.

Solve Hospes hos logos.

Audi Viator, & tace.

Hæc miracula patrat Humilitas, vera Thaumantis,

Sapientum magistra; nil scire docens;

Hæc suis elementarijs in arcanum seuocatis,

Vbi nec tuba fremit, nec turba,

Illud Pythagoreum insufurrat,

Silere, & sileri:

Infra se omnia ponere: se infra omnia:

Deniq; se intra nihilum totos claudere.

Ita nemini notos nisi sibi,

Suo nihilo vt philosophali palliolo inuoluit;

Ac Sophos demū proclamat, cum nihil sciuerint, nisi nihil.

Hæc Messæ destinata educatrix,

Ipsū nihilaturā, qui omnia fudit è nihilo.

Pedagogiæ experimentum in Proauis facit,

Quos latebescere iubet.

Vt ignotus ex ignotis nascatur Deus.

Proinde reliqua Messiae Gētilitas, ad Iosephū vsq; siletur:
Nā pristino splēdori donata vrbe, splēdorē ipsi suū fugere;

Et populari Principatū ad Pontifices misso,
Vacatione obrenta, ad virtutem diuerterunt.

Vt propinquum diuini Solis ortum nō dubites,
Cum magna sidera condi incipiunt.

Primi Eliaci & Azor in hac Tacitorū Academia cōscripti,
Numinis more secum habitarunt.

Immo ne sagacissimæ naris Fama quiescentes odoraretur;
Vestigia virtutum confundentes,

De suis gestis nihil constare voluere, nisi nihil.
Ac ne aliquid vicisse viderentur, tēpus arctarūt in nihilū.
Supererat solū nomē, magnus virtutum index, & vindex:
Nam Eliacim, rediuiui Numinis triumphum.

Azor, Numinis auxiliarem sonāt.

Sed hoc ipsum Humilitatis artificium fuit;
¶ æ tot laudes vt minueret, in angustum coegit;
Totam panegyrim vno vocabulo adstringens:
Quasi nil fuerint; nisi nomen; hoc est nihil. ¶
Adde quod suum ipsi nomen peremerunt.

Nulli enim stemmati insertum, oblituit in nihilo:

Donec ab Arcanorum Præfecto Mattheo,
De Cœli Archiuis trāsscriptū, cum rediuiuo Messia reuixit
Itaq; vt nemo viderentur Eliacim & Azor,
Anomalos se nuncuparunt silentio.

Perbibe hoc dogma Viator. Ama nesciri.
Fulminat inuidia quos tonat Fama. Ah nimis multa.
Puluerem sparge, atq; abi. Tegi isti volunt, non legi.



SADDOCH

AZORIS FILIVS.

ECHO.

O' verbosæ Famæ laconica Mima, Echo:
 Quæ in hac spelûca, inter Sadoci pulueres, exanimis viuus:
 Nosti ne tanti Viri coætaneum Alexandrum? *Andrum.*
 Argutè in fastuosum græcissas;

Debuerat, nomine teste hominem se noscere, non Deum.
 Orbem tamen impleuit Alexandri nomen. *Omen.*

Nimiram utrîq; Alexander Asiæ ominosus.
 Sed alter Græciâ in Asiam, alter Asiam in Greciâ rapuit.
 At vnde illi Propago? *Pago.* Pella videlicet oppidulo.
 Vt mirer angustum fuisse Orbem, tam angustè nato
 Strenuum tamen Genitorem iactat Philippum. *Lippum:*
 Verbo dicis. In Patris oculo legi poterant Filij mores.

Quid enim gigneret exocularus, nisi Cupidines?
 Cæca illum sanè furiabat ebrietas. *Ætas.*
 Crudam inquis iuuentam, cui violentia, & vinolentia.

Qualis igitur Græciæ vox fuit,
 Cùm primum Classicum inflauit Macedo? *Cedo.*
 Mirum ni furenti Filio cederet Patria.

Iam qualis contra Syriam aduentus? *Ventus.*
 Sanè ventus: nam celeritatem comitante ruina,
 Vi & raptim dominatur. *Minatur.*

Sic est. Victoriarum helluo, bella serens ex bellis,

Dum

Dum captis dominatur, minatur, capiendis.
 Nam vix Tyrum potitus, ferro destinat Hebræos. *Reos*
 Reos: nam cōmeatus ei denegauerāt, qui poterat capere.

Quid agerent, ergo Sabbatarij.

• Aduerso Numine militarent? *Litarent.*

Id actum. In vota & expiationes itum.

Sed age: quod nam litando fragrantius thus? *Iustus.*
 Sadoci nimirum lacrymæ: nam Sadoc Iustum sonat.

Hic ergo soliuagus, lacrymis pro thure substitutis,
 Iratum demulsit Numen plorando. *Orando.*

Bene. Nam disertus Orator est, deserti fletus.

Sed interim portas attigerat Magnus. *Agnus.*

O Prodigia! Iaddi Pōntificis occurſu,

Alexander agnus fit ex leone.

Nam fulgurante IE O V A E nomine hebetatus

Substitit ad eximiam frontis notam. *Notam.*

Pridē notā. Nā quiescēti mōstrata, victoriam spopōderat.
 Itaq; terram petens Vatem adorauit Iudæum. *Deum,*

Immò: Nam certum Numen in Vate vidit:

Quid ergo pretij tulit Deum nactus patronum? *Thronum*
 Meruit, inquis, imperium Persicum Græca pietas.

Sed dum Orbes optat, Orbem amittit,

Et ille Magnus sepulcrum subſit exſile. *Sile.*



A C H I M S A D O C I F I L I V S .



V I C E S .



Tu quoque modestissime Achim,
Taciturnæ humilitatis proposito latens;
Ingenti hac virtute virtutes omnes operuisti;
Vt nemo vixisse te senserit.

Hanc tamen vnam, qua cæterastegit, numquam teges:
Cum hoc ipsum appareat, quod non appares.

Nec latuit tuum certè seculum:

Quo fortuna, dulcibus acida intermiscens,
Alternis risit, ac fleuit;

Vt nec gaudia continere, posses, nec lacrymas.

Fleuisti hoc primum, quod annuente Alexandro,
Antipòrifex Manasses, Samaritanum Antitemplū dicauit.

Potuit discordiæ Templum vocari,

Vbi vota votis, & victimæ victimis aduersæ,
Sionis cultum geminando minuerunt.

Ibi cruentus ille pecudum & ciuium mactator,
Flammâ dignior, quàm flammeo;

Ara erecta, rebellium Asylo,

Docuit Tyrannum tutius imperare rixantibus,
Et Hebræos perdere per Hebræos.

Nam Respublica nauigium est:

Integrum natat, diuisum mergitur.

Recreasti te nihilominus vendictæ spectaculo.
Ipsū quippè Mundi raptorem Alexandrum,
Herculis scyphus statim necauit.

O lethum millite indignū!

Animam mero, non sanguine purpuream, vomere.

Immo sic mori debuit bibosus victor,

Bacchi & Herculis Aemulus:

Nam vtrumq; aduersarium expertus,

In Herculis cratere, à Baccho iugulatur.

Puto Clytus aliquis in illo scypho latebat.

O philothesium craterem, stellis donandum!

Probauit se ille schyphus Herculeum, Tyranni cæde.

Huius igitur magnitudo, in exiguum contracta cinerem,

Vestræ locum fecit libertati.

Nam, ne Danielis vaticinio derogaretur,

Serui quatuor in totidē frustra Imperiū lacerarūt trahēdo.

Adeò Terrarum Orbis

Magno pusillus, pusillis magnus est visus.

Heu! tanti ne fuerat ignota bella serutari,

Ignorante victore cui vinceret?

At ecce nouam lacrymarum scatebram:

Prolemæus Lagis successor,

Post breuem libertatem molestius vobis iugum impexit.

Nil Purpura voracius;

Hic Purpuratus, post Aegyptum Syriam cupit:

Religionis imitamento sacrificium prætendens,

Templum diripit.

Decrat hoc etiam miseris, Regum pietatem timere.

Ad Aram eandem,

Populus pro latrone vouet, latro populum deuouet,

O pertinax Hebræorum munificentia!

Se nudant vt templum ornent, toties nudandum.

Quid erat aliud Sionius collis, quā Barbarorum fodina?

At ne avarus prædo videretur,

Si Hebræorum gazas, non ipsos raperet;
Centena ciuium millia catenis onerauit.

Itaq; totum Aegypti ferrum, Iudæ;
Totum Iudæ aurum, Aegyptij secum tulere.

Sed tristia latis rursum mutata.

Vacauit aliquando Africa monstris?

Prolemæo Lagidi, Prolemæus Philadelphus succedit.

Rudi eruditus, ideoq; benignior.

Cuius beneficia proximus hic lapis seruat.



IESVS SIRACIDES.



MEMORIÆ:



Aeternitati.

Ptolemaus Philadelphus,

Suasore Phalereo Demetrio,

Alexandrinam bibliothecam unico libro cumulaturus,

Mosis volumen, scitosq; voluminis interpretes,

A Pontifice Maximo Eleazaro precatur.

Ut impetret, captiuos donat:

Et Hebraus liber, liberos fecit Hebraos.

Quantum Phalereo debeat Ecclesia, vides.

Tot habuit statuas, quot annus dies:

Tot meruit, quot aeternitas annos.

Immo attoniti liberti, spirantes Phalerei statua fuerunt.

Huius officij ingens miraculum vidit Pharos:

Duos & septuaginta interpretes,

In Erythrao litore domunculis discretos,

Patrium Bibliorum idioma, graecè vertere;

Tanta ingeniorum conspiratione,

Ut ne de syllaba discordes reperi sint.

Dixeris, aut tot manibus unum praefuisse caput;

Aut tot capita una scripsisse manu.

Vnilingues fuere, quia unicordes.

Pretiosorem unionem nusquam viderat illud mare,

Vnionum ferax.

*Noua res, & miraculo similis,
Inter Hebraeos concordia, inter Gracos veritas.
Nimirum, aderat inter interpretes Iesus,
Cuius nomine veritas sibi constat;
Qua semper eadem, atq; vna.
Hoc suus testatur Ecclesiastici liber,
Qui vnus, omnibus consonat, & omnia dicit.
Ex vno interprete omnes disce.
O docta capiti! sua scriptili papyro
Qua Pharyj Reges coronantur, laureanda.
Nec improuide librum edidere,
Vbi turrita Pharos fidum nauis lumen ostendit.
Nam per fallaces Rabinorum Syrtes,
Errore vario iactata ingenia,
Voluminis huius lampas in rectam ducit;
Et Gentilitati naufraga pralucet.
Huc proram obuerse, & anchoram fige.*



ELIVD
ACHIMI FILIVS.
ELEAZAR Eliudi Filius.



CONSOLATORIA.



Deterrimo vrgentur Seculo sanctissimi Heroes
Eliud & Eleazar.

Debuit tota nequitia se proferre,

Integra Instauratori materia.

Ad Homines festinat salus, quia scelera ad metam.

Hostes pariter & carnifices instant.

Breui; Martyrum Seculum est.

Quorum sanguis Messiae praelucet, Soli aurora.

Barbarici ferri magnes Templi aurum fuit;

Toties raptum, & rapiendum.

Infelix metallum: nullibi tutum, ne in Templo quidem.

Merito pallidum, quod ubicumq; insidias paucat.

Sacra huius fame captus Seleucus Heliodorū immittit:

Qui Angelorum flagello tactus, intactas opes relinquit.

Ac ni Onias orasset, inuenerat latro pro loculis loculum.

Succedit Antiocho felicius;

Qui Oniae Pontificatum licitantibus vendit:

Atq; vt sacra dignitas, dignitatem amittat,

Coronam ponit sub corona.

Vilescante Apice quod pretio* emitur.

Tum direptam Urbem mortibus implet :
Ocingentis Ciuum millibus intra breue triduum caesis,
Totidem vinctis, aut subhastatis.
Feralis hasta, quæ turpius vendit, quàm ferit,
At scediora per Philippum & Apollonium præbet exëpla.
Quî præmissa pace bellis peiore,
Luce sacra vacantem Theatro Populum contrucidant.
Et vndante sanie, naumachiam faciunt ex palæstra.
O luctuosum ludicrum, & seriae inferijs proximæ !
Mala Aedilis Mors est, ex cædibus ludos facit.
Neque hoc ludrico contentus Antiochus;
Certante cum Theatri arena peremptorum numero,
Extritæ frontis Senem delegat.
Cuius ætas scribitur, vt vulpem de pilo noscas;
Nomen siletur, vt totus pereat.
Antichristum citra calumniam voces.
Hic aram castissimam probroso incestans Idolo,
Hebræorum reliquias à patrio ritu deterret.
Gaude Pietas. Virtutes vti nubes, collisæ fulgurant,
Videbis nonagenarios, fœminas, infantes,
Sacro etiam bello deuotos Machabeorum Duces;
Libertatem retinere, non sanguinem.
Vos verò integerrimi Christi Proau.
Eliud, & Eleazar, in Bethlehem secedentes,
Exilium ferre maluistis, quam mereri.



ELEAZAR

PROTOMARTYR.

EX LEVI.



CONCIO.



Hic ille est Longæuus Læuita,
 Qui à Sene Antiocheno porcinam mandere iussus,
 Rogantes amicos vt ficto obsequio mortem fugeret,
 Tali concione increpauit.

*Quod suadetis, amici, etiam hostis suadet.
 Bona fide ad cœnam vocatis, quam Tyrannus parat.*

Ego periuris faucibus suillas dapes innadam,

Hoc ipso virulentas, quia proscripſas?

Hoc ore leges violem, quo legem doceo?

Næ, dignus sim Bruto apponi, quod mihi apponitur.

At moriar. Quid ni?

Necessarium utriq; malum minatur annosus Tortor.

Soluendum semel hoc vitæ pensum;

Quod qui perendinat, Morti sœneratur, diu moriens.

Non æstimat annorum meorum pondus,

Qui Morte me leniorem putat.

Nonaginta me illaqueant anni.

Hanc effugere nec possum velle, nec velim posse.

Veteranam Eleazari pietatem terga vertere?

Pulcherrimam vitæ fabulam in extremo actu corrumpere?

Sine fruge hanc frontem arauit tempus, nisi laureolam meto.

*Quin si me intactum fata praterirent,
Nunc occurrerem fati, ut patrijs pro legibus caderem.*

In hoc nascimur, ut honestè cadamus.

Tunc dignum est mori, cum indignus es mori.

At nimis durus videor? erratis.

Scabra cuti tenacius herere spiritus solet.

Tamen hunc moriendi metum pellit peccandi metus.

Hic ipse semimortuus confector meus constantiam docet,

Qui penè effertur, efferens me.

Cur ferre verbera hac aetate nō possim, qua ille potest instigare?

Tam contra senectæ mores crudelitas est, quàm fortitudo.

Pudor sit si natura imbecillitas

Vitio suppletur, non virtute.

At non onerat nouitas meum casum.

Iam dudum in hoc sum initiatus.

Sacerdos sum: mei muneris est sanguinem fundere;

Neq; semper ferinum.

Quousq; minoribus victimis operor,

Ignauus Mystes, & de alieno tantum pius?

Tot Hostias feci, ut semel Hostia fieri discerem.

At simula; esum finge; labris illude;

Obsequij imitatione circumscribi Tyrannus potest.

Addamus & velle: quid hoc erit?

Amici simulationem suadent?

Videte, ne fictus amor sit, qui docet fingere.

Nil simulat senectus; ne se ipsam quidem.

Fidei colorem ostendunt cani.

At Graecus proditor simulationem senectæ sua dignam putat,

Post fidem perimens, immò per fidem. Esto.

Nobis cauendum, ne Attica fidei similem faciamus Hebraam.

Religio meretrix non est: pigmenta respuit.

Peccat non fictè, qui fictè peccat.

Ignoratis, conuiualcs amici,

*Quales oculos in pectorum secreta Numen immittat.
Constat de commentario quid sapiant impermissa dapes.*

Hac rima mors incessit.

Ircni: obsequi necesse est, vivere non est necesse.

Malo esse esca, quam tales esse escas.

Eamus Tyranne: nemo me trahet; omnes antecedam.

Mortem appara:

Bene cautum mihi est; non possum totus mori.

Virgas expedi:

Solum pulverem excutient; & hunc reparabilem.

Quate, seca, resca:

Vulnera ipsa vulnera:]

Tanto ocus hoc servitutis claustrum perrumpes.

Rempublicam fulcire integer nequeo, fractus potero.

Valete amici: aliquando laudabitis quod timetis.



MATER

MACHABÆA.

MARTYR. Ex Leui.

ICON:

*Muliebris hac Statua, constantia Imago est.
 De nomine nihil certum: miracula nomen non habent.
 Atqui, miraculum est constans Fæmina.
 Saxeam niobem fortasse voces.
 Nam Filiorum septem funera prospectans, sic stetit.
 Sed Niobes à Calo, hac pro Calo dirigit.
 Extincto grandæno Eleazaro,
 Anus intrepida ante Antiochum sistitur.
 Hoc decrat ad Hebraam gloriam,
 Ut colus numeraretur inter trophæa.
 Contra legiones, Filiorum manipulum ducit,
 Numerum sonorum, atq; concordem.
 Hanc gladiatoriam familiam sanctissima Lanista erudit.
 Vna die spectaculorum hebdomaden præbens.
 Ite, inquit, ò meum agmen,
 Hoc vultu quo Fæminam videris.
 Docete non solas Lacænas viros parere.
 Mei Liberi non estis, nisi estis liberi.
 Circumstant Matrem septena illa capita.
 Hydram diceret ferri audiam.*

*Clavior nulla constitit inter Consanguineos inuidia:
De supplicio rixantur;*

Nec Mors timetur, sed mora.

At ne perturbatè peccet Antiochus,

Ordinem tenet in scelere.

A grandiori crudelitate auspicatur:

Vt iisdem gradibus orba fieret, quibus fuerat Mater.

Astanti Pucro cibos apponit, ab Eleazaro recusatos.

Hoc sufficit, ne attingat.

Auersanti, linguam praecidi iubet.

Nam prima Tyranni cautio est in linguas.

Quid agis Antioche? ex lingua calamum facis.

Cruentum hoc frustulum terram signans,

Fortiora scribet, quàm loquatur.

Post linguam manus postulatus,

Citius porrigit, quàm iubetur,

Et hoc Tyrannicum est, manus formidare post linguas.

Cecidit sub securi secunda dextera:

Mortua illa palma, palmam rapuit:

Et selecta manus celeste iter Fratribus indicauit.

Parum fuit indicasse, nisi vestigia signaret.

Ergo etiam pedes amputanti porrigit:

Sine his citius peruenturus quò tendit.

O vera Hermetis effigies, recti terminos signatura.

Sub hac mortalitatis ludibria, propositi tenax,

Totus & sensim obuersa cute deglubitur.

Mortuos non amat Tyrannus, sed morientes.

Stupet triumphalis Ephebus se extra se exinisse;

Non alio sensu, quam si dormiturus sindonem poncret.

Dicturus si posset.

Non est in cute mea virtus: hanc numquam curavi.

Tene Barbare: nil habes mei nisi vaginam.

Hanc etiam amittes, ad me redituram.

At ne sic quidem mollitus, bulliente in olivo frigitur.

Si sartagine[m] audis,
 Nescias, oleumne querulum gemat,
 An ipso in oleo tripudiet Martyr.
 Nemo sanè inter vnguenta maiore luxu diffudit.
 O dolorem voluptatum plenissimum!
 Quid enim martyrium, nisi beneficium malo animo factu[m] m?
 Sic oleum & operam in primo Tyrannus amisit.
 Succedunt ordine reliqui;
 Et exemplum capiunt daturi.
 Alterius oleum, alterius palastre ceroma est.
 Singuli fraterno martyrio donantur, & suo.
 Omnes antiquę veritati linguas immolant.
 Omnis in fidei specimen Deo dexteras donant.
 Omnes ad Olympicam palmam sine pedibus currunt.
 Omnes sartaginis oleo ad Regnum sacrantur.
 Vnà omnes, septemplex instar lychni, Matrem circumstant,
 Plus dico: omnes in ultimo spiritu loquuntur & lingues.
 Funduntq; de sartaginis tripode oracula,
 Delphicis meliora.
 Mirantur Græci tam solida Hebræorum effata:
 Quibus nec suos Sapientes comparent; nisi numero.
 Queris num fœnerit Mater?
 Non plus quàm hic lapis.
 Suas lacrymas alienis in oculis ridet.
 Spectat suos Heroas spectata Herois.
 Se ipsam in singulis miratur:
 Et singulos tuetur, dum intuetur.
 Astra volucri similis; quæ alumnos obentu formât.
 Sic vno die septies Mater, & Martyr;
 Post septena Filiorum funera exarsit.
 Et Planetarum numero addidit firmamentum.

RAZIA S

EX LEVI. MARTYR.

ETOPEIA

Audi, Viator, inuaditam ad libertatem viam.

Ducente Virtute, quâ vitium est sequi.

Sperabas Eupatoris Præfectus deuinctam Indæam,
Si Raziam ligares.

Hic ad catenas quesitus, confugit ad suum gladium.

Sed non egit pro voto.

Angustiore aperto vulnere,

Quàm quo ingredi rosa Mors posset.

Hoc more Mors est cita inuitis, sera optantibus.

Ergo instante Cohorte ignauum obinrgans ferrum,

De muro sese permisit.

Non est hoc ire, sed precipitare ad libertatem.

At elisis retrò cernicibus, ne sic quidem moritur.

Puduit animam à tergo exire;

Vel tanta animæ nullus exitus satis patuit.

Traicit se per frequentiam fractus & integer;

Saxumq; pro concione insistens suggestui simile,

Trepidòs Cives ad libertatem hortatur.

Ac ne verbis desit pondus,

Sua ipse viscera de vulnere pensilia dissipat;

Et plena manu supra populum spargit.

O viuacem fortitudinis naturam, quæ suis de vitalibus ludis!

*Scrutatur secura dextera penetrales anima sedes .
 Tot aliè integumentis demersâ pectoris sacraria ,
 Quæ nemo spectat impunè , manu ducit , & vulgat .
 Vinis pectoribus calentes exunias pradatus ,
 Laceratur qui lacerat , vulnus patitur qui facit ;
 Et palpitantia viscera , ut non sua frangit , ut sua donat .
 Capite , inquit , Ciues . Hæc meæ libertatis trophæa sunt .
 Hic animus ligari non vult ; ne fibris quidem .
 Vitæ nodos & ligamenta projicio .
 Quæ rostra veriore declamantis facundia personuerunt ?
 Non hæc Suadæ medulla est , sed medullarum Suada .
 Superavit Aëtii Senis vota :
 Ille loquentium pectus de rima introspicere optauit ,
 Hic , apertus Orator ,
 Non tam vocem , quàm vocis organa ostendit :
 Simulq; ad Auditores verba mittit , & viscera .
 O felicem Populum , Augure libertatis Razia !
 Qui suamet exta , sacrificia manu tractata , consulens ,
 Omnia libera , & secunda pronunciat .
 Aëtum est de tua tyrannide Antioche :
 Horum hominum ingenuitatem non coges .
 Quid enim ? Portas obijcies ?
 Libertatis clauim manu tenent , pugionem .
 Muros ? Ad libertatem muros est gradus .
 Catenas ? Difficilius est sua intestina proscindere .
 Iugum ? Hæc ceruices frangi possunt , non flecti .
 Inediam ? Possunt sine Visceribus vivere .
 Viscera ipsa exiges ? Vlerò eiaculantur .
 Puto etiam suos nervos arcibus sufficiens , ut te feriant .
 Abi quid amore libertatis ingeniosus , ac sequius .
 Titiano immitior vulture , suum scalpit pectus .
 Vis amorem pingere ?
 Raziam in saxo pinge , sua viscera diuidentem :
 Eviscerati Amoris symbolum est .*

*Errant qui Patrię Patrem vocant hunc Senem;
Magnam Matrem verius dixerint:
Nam late fufis uisceribus Cines amplexus,
Omnes liberos suos fecit,
Vtinam infperilia hec fruftra Cinibus innafci poffent:
Nullum verius fortitudinis femen eft iactum.
Voluit igitur poft declamationem mori,
Vt integrum animum fentianimi Populo legaret.
Atqui, tardante Atropo,
Vitę fuę filum ipfe præcidit.
Et nullas Fato gratias debuit, fed fibi.*



MATHATHIAS. EX LEVI.



N E M E S I S .



*O Calitum strenuissima Nemesis,
Empyrj Numinis; & anxie Necessitatis Filia:
Dic quales aculeos Lenitarum patientia suffixeris,
Vt Martyria Marte mutarent.*

*Scio. Post enormem Sanctorum stragem,
Solitudine in Civitatem ingressa, in solitudine fugerāt Cives.
Qua nulla infelicibus felicior patria.*

*Tu de Caelesti pratorio delapsa Virgo,
Pontificem Mathathiam in cinere iacentem sic accendisti.*

*Quid agis cinerarie Senex?
Hoc cinere Zelum suppressis, qui aeternus est focus
Sacerdoti commissus?*

*Occidi cupis, cum liceat occidere?
O' ingloriam fortitudinem, quæ pati tantum potest!
Ergo vt vivat Religio sanguinem totum dabis?*

Hoc ipso peribit exanguis.

*Cape in armatos arma.
Miseri fiant, qui miseros faciunt.
Sentiant hostes adhuc te viuum.*

*His monitis perpunctus Mathathias
Sine Populo Princeps, Pontifex sine Templo,
Se, Filios, familiam,*

In sacram militiam contra Tyrannos conscribit,

Tu interim diuina Nemesis,

Pro belli signo; bellum dedisti:

Commisiss alto in aethere flammearum Equitum cohortibus,

Aureis inter se armis dimicantium.

Indubio victoria auspicio: quidenim auro inexpugnabile?

Horruit tua consilia Tyranni Prator Apelles.

Versusq; ad crudelitatis alterum genus, clementiam;

Blanda spe Mathathiam Idolis conciliare tentat, non minis.

Sed nihil sperat, qui nihil timet.

Hic non Deum deserit modo,

Sed desertorem Iudæum, Idolis adolentem,

Ipsa in ara iugulat:

Oppressurum quos impune aluerat ignes.

Tum ferrum in Prætoris pectus intendit, cuius oculos spreuerat.

Vt peccandi author cum peccati ministro plecteretur.

O' meritas vices!

Sacerdos Iudici carnifex; Iudex Sacerdoti sit reus.

Nescio ad quem pertineant hæc victima.

Sanè Deo cadunt, à Demone rapiuntur.

Redijt ex his vulneribus in Religionis venas sanguis.

Respirarunt Iudæi ipso flatu, quem Prator exhalauit.

O quantulis ex rebus quanta pendent!

Calamitas & beatitudo, sola pugionis acie distabant.

Successu animosior Pontifex,

Ad Dei partes Populum vocat.

Vox classicum fuit, vexillum pugio.

Egisti sub ea signa Assidaorum academiam,

Fortissimum genus, quia Sanctissimum.

Græci, ex leonibus vulpes, ad patrias artes confugiunt.

Aderant septima lucis sacra otia:

Tum scriatum Hebræorum Martem laceffunt Barbari.

Hæc misera ignorantie conditio!

Iudæorum pleriq; ignari quia ignari,

*Sabbati quàm sui tutela religiosiores,
Cadi malunt quàm cadere.*

*Tu increpita intempestive pietatis mora,
Surge, inquis, Mathathia: Sabbatum Marti consecra.
Quietis dies est, non inertia.*

Nec vlla dulcior quies, quam sub palma.

Ipsa Impiorum cædes

Festum diem faceret, nisi esset.

Beasti ergo te horribili spectaculo indignabunda Virago.

*Fregisti properante curru Græcorum cumulos,
Manente magnis in vulneribus orbita.*

Ex eodem cruento gramine

Equis pabula, crinibus gramineam exhibuisti.

Ac ne lætitiæ funalia deessent,

Templa cum Mystis, Idola cum Idololatris incendi iubes:

Nec citius iubes, quàm incenduntur.

Quicquid irreligiosum erexerat Gracia,

Ne adoretur aduritur.

Tu inter illa incendia dirum subridens.

Fruere, inquis, Antioche, promerita hac luce.

Potes iam vero cognomento Illustris fieri.

Sic barbarum iugum excutit Mathathias.

In cuius unam domum, Iudæa virtus translata.

Tum fatali bello confecto, fato conficitur,

Palmas numeraturus, quas præmiserat.

Tu ad Cælum conuersa, & mucronem lambens:

Io, inquis, Superi.

Nihil vnquam dulcius bibi.



IVDAS MACHABÆVS MATHATHIÆ FILIVS.



TROPHÆA.



*Parcite tantisper undis lassati Remiges,
Ne venerabile hoc litus illaudatum recedat.
Insignis ille Obeliscus, Modinæ solo apicem imponit,
Machabæorum cunis & sepulcris beato.*

*Ingentes illa columna armis graues,
Cælo ingerunt quicquid formidauerat tellus.
Inter hæc Trophæa Iudæ Mausoleum surgit.
Qui sacro & militari ministerio, bis Princeps;
Maiora quàm geri possint, gessit.*

*Dignum corpore Animum, res gesta docent:
Dignum Animo corpus, Gigantea monstrat lorica.
Huic pro patria lege contra Barbaros accincto,
Vniuersa militauit Natura.*

Angeli armis, Aer spectris, Somnus præsagys.

*Mortuos etiam sortitus Auxiliarios,
Ab Ozia animatur, armatur ab Ieremia.*

*Deus ipse tanto Imperatori centuriatus,
Fulminea manu Fecialem se præstitit.
Vt crederes Deum pugnare, Iudam imperare.*

*Quin ab ipso steterè Hostes.
Nam fulguranti Iudæ obtutu dementantes,
Caco ludo inter se mortes diuisere.*

Hoc fuit Iuda pugnare, funebres ludos facere.
 Claruit Virtus trium Tyrannorum periculo,
 Epiphanis, Eupatoris, Demetrii:
 Quorum primum solo nomine exterruit;
 Alterum pugnando exarmavit; Tertium agitavit extinctus.
 Nicanorem trium Regum Praetorem, rex insurgentem,
 Primo congressu nudavit, secundo fugavit, tertio occidit.
 Ab Apollonio sanguinem exegit:
 Cuius gladium Sactorum cade impium, impiorum cade expiavit.
 Seonem, Ptolomaum, Gorgiam,
 Syro, Greco, Asiano exercitu circumvallatos,
 Dum ad spolia convolant, spoliauit.
 Timotheum & Bacchidem, blanditijs quam minis ferociores;
 Menelaum & Alcimum, Mitra & Galea male usos;
 Ne semel perirent, sapius fugavit.
 Idumais palmas eripuit; Arabibus oleas concessit;
 Fulminis more in obliquantia se exercentis.
 Octoginta millia sub Lysia,
 Centum quindecim millia sub Antiocho,
 Centum viginti millia sub Timotheo,
 Exigua manu, Ogygia strage dispersit.
 Sic, numero impar, successu maior, causa melior,
 Bella omnia lugendo concepit, ludendo confecit.
 Victoriarum loca si quaris, Iudaeum Orbem discurre.
 Rebelles Galaaditarum Urbes currente incendio delesa,
 Presteris instat perpetua flamma viam signantis.
 Idola omnia immolata; immolatores omnes mactati.
 Ut Demonum opprobria nunciarent Inferis.
 Gazare presidium Ierosolymis amulum,
 Viginti non amplius commilitonibus patefactum:
 Ferox Maspha contrucidatis maribus eivata.
 Altissima Casphis, ideoque ventose lingua,
 Civium sanguine stagnum auxit, ea die non stagnum.
 Carnion situ, Ephron civibus vallata,

Didicere, impietatem, nec mœnibus, nec manibus tutam.
 Ioppitarum, Iamnitaramq; malefida naualia succendit;
 Fecitq; e portu Pharum, suismet nauibus metuendam.
 Ierusalem septies defensam, quater triumphator ingressus:
 Superstitione, ac sanguine pollutam Dei Domum,
 Nonis natalibus dedicauit.
 Eternaq; lætitiæ imagine,
 Tabernaculorum festam diem quotannis reuerſi iussit.
 Fortius nihil agere poterat: debebat & fortiter pati.
 Itaq; Vrbe donato Imperio, quod in solitudine inuenerat;
 Hebrao cultu, Græca pace, Romana societate
 Patriæ feliciter arrogata;
 Domesticis malis, ut victores solent, extinguitur.
 Ex illo tantum sanguine constitit Hominem fuisse.
 Nunc igitur, dignissimo omnium loco,
 Sua inter Trophæa, mæstissimi Fratres composuere:
 Erecta ingenti Pyramide, virtutum meta;
 Situ, & mole Nautis conspicua;
 Ut votis assuescens Iudas, Æquora placaret post terras.



IONATHAS

IVDÆ FRATER.

POLYTICON.

*In Iuda quid diuinum robur;
In Ionatha quid humana prudentia possit,
Viator disce.*

Parando Regno plus viriū; seruando plus solertię requiritur.

Regnabat Asiam interfectōr Antiochi Demetrius.

Asiam repetebat interfecti filius Alexander.

Inter Asia Procos meritoria prostabat Iudaa.

At qui se gesserit Ionathas, dicam.

Audiant Principes maioribus interclusi.

Urbanis tunc dissidijs agitabatur Ionathas;

Nam Iuda cesso, ad victorem Bacchidem vulgus defecerat:

Et alterius Fratris cruorem sparserant Iambrenses.

Adeo leoni mortuo insulant lepores.

Itaq, in Vrbe Vrbes erant; & nullum caput quia multiplex.

Vtrisq; imminabat iam victor Ionathas:

Iambrensisbus lanceas inter lances,

Bacchidibus tamulos inter thalamos intulerat:

Vt pari somno, accubantes & cubantes, occumberent,

Hic igitur externas rixas odoratus, ciuiles statim composuit:

Et fraternę vltioni preposuit pacem.

Actum enim de Imperij salute cum intestina soluuntur.

Rebus domi compositis vtrique externo videri utilis cepit,

Exiguo quippe momento victorię lances inclinantur.

Quid eligeret Ionathas?

Inter geminum Martem neutri accedere, intutum;

Vtri-

Vtriusq; alea super te curret , nisi Iudas .

Aut unum perditurus es , aut à duobus perdendus .
Ergo estimatis hinc illinc viribus , fortiori plaudens ,
Iungitur Demetrio Ionathas contra Alexandrum .
Solus . E factionibus , vrgenda semper infirmior .

Ni à Brutis doceri pudet , canes docent :

Qui rixantibus superveniunt , macilentiores allatrant .

Sed in fœderis pretium milites petit , obsides repetit ,
Quos cum Sionis Arce tenebant Greci .

Hoc statim satage , ut Mars finitimus tibi sit frugi .

Inter aliena negotia , tuum matura .

In turbido nassa mittitur .

Post paulum ; fortuna bellicas sortes versantè ,
Iam fortior Alexander præmijs sollicitat Ionatham ,
Pontificatu , Coròna , Purpura .

Iungitur Alexandro Ionathas contra Demetrium ,

Qui primum tantum classicum audiit :

Nam velocior ut fugeret , à tergo vitam reliquit .

Leuem credideris Ionathæ fidem ? non fuit .

Norat Demetrianum ingentium , iniurium , & periurum :

In pugna comes , in pace hostis , expectabatur .

Fœdus fricrat , ut fœderatum feriret .

Solvit quippè felicitas necessitudinē , quā necessitas stringit .

At rursum mutata scena ,

Demetrii Filius , Ptolomei Soceri armis præpollens ,
Alexandrum interpellat .

Iungitur Demetrio Ionathas contra Alexandrum ,

Quem fugacem Arabicus gladius inuenit .

Non fuerat melior Alexander , sed utilior .

Pelagii omnes .

Iudeis fidem non servasset , qui oderat Iudeam fidem ,
Capiendus ergo fuit , ne caperet .

Nec interim parvo lucro :

Nam vel annuente , vel non renuente Demetrio ,

*Hebream immunitatem, & Iuda fines assequitur;
Hierosolyma arcem vindicat, minax munimentum,
Quod Urbis iugo impositum, Urbis iugum imponbat.
In aestuario non dormiendum.*

Neque hic stetero vices.

*Patrios ulturus cineres puer Antiochus,
Angustioribus premijs Ionathan demeretur.
Iungitur Antiocho Ionathas contra Demetrium.*

*Quo statim fugato, securitati consulens,
Urbem muris praecingit.*

Hoc agendum cum male fidei muneratore.

Beneficium cape, caue à benefico:

Vt summum munus timeat si reposcit.

Poterat huic fortune acquiescere,

Si quiescere posset fortuna.

Tryphon Antiochi Praefectus?

Regni dulcedine captus quod Antiocho acquisierat,

Asiana libertatis spe Ionathan mulcet.

Iungitur Triphoni Ionathas contra Antiochum.

Sic callidus Heros, cum Gracis gracissans,

Inter praesentem Hostem, & futurum;

Alio alterum trudens,

Aliquid semper ex utroque libavit.

Sed heu cecam Polyticorum sapientiam!

Nemo omnibus horis sapit; ne Ionathas quidem:

Quem Pelasga siliet fide recepit Tryphon:

Receptum, vinculis suo fœdere strictioribus occupat:

Occupatum cum Filijs immolat:

Et alterius oculos alterius cade funestat.

Inclutus tamen Heros, nec Iuda minor.

Nam si utrumq; conferas, dices,

Deum pro Iuda milisasse, Ionathan pro Deo.

Extinctum fletuere Populi,

Magis ipsi descendit.

ELEAZAR

IONATHÆ FRATER.



EMBLEMA.



*Eleazari tumulo insculptus Elephas,
Magnanimę mortis Emblema est.*

Sic perijt, ut tumulatur.

*Hares paterna perfidia Antiochus Eupator,
Asiam mouerat contra Iudeam:*

*Nec homines tantum, sed elephantos conscripsit:
Bellum non ratus, nisi Bellua pugnarent.*

*Incedunt ordine horrifico mortis bainla monstra,
Premente humeros machina, viris pressa.*

*Vt arcem arcis impositam putes, ferream carnea.
Tubam & telum deformibus exerunt buccis.*

Totaq; Iudeorum iacula barritu prouocant, cute refellunt.

Nec fera tantum, sed ferarum sarcina militat.

*Nam barbari plus triginta, singulorum tergo impositi,
Suorum ictuum securi spectatores,*

Funera laudant quę faciunt.

*Tot Bestias una gestat, neq; dixeris vtra maior,
Quę gestat, an quę gestatur.*

Sanè ab Homimibus Bestie sequire discunt.

*Quippè aciendo furori illarum ocnlos miles inebriat:
Proposito vna sanguine, humanum imitante.*

Nona res, purpureo incitari Elephantos, non albo.

Scd fortasse sanguinem sitire d suo Tyranno didicerant .

Vna prae ceteris , mole , ornatuq; superbior ,

Regalibus exuvijs lorica ,

Regem testabatur infessorem .

Hanc Eleazar virtuti sua scopum destinat .

Sic eunt humana : in conspicua collimatur .

Ergo per obstantes cohortes viam rimatus :

Hinc inde ferream capitum segetem ferro demetens ,

Per hominum vulnera ad Bestiam venit .

Quam tamen inuenit telis imperuiam :

Nam genuina soliditati , squamosa accesserant bractee .

Armatum scopulum , aut mobile armamentarium dixisses ?

Sed habent etiam maxima qua petantur .

Succedit stylo districto Eleazar ,

Cataphractę pecudis inermem uterum suffossurus :

Vt vno lapsu duo caderent ,

Tyrannus de mole ; ipse sub mole ; uterque sua morte .

Nam seculi fatum est ,

Bonos opprimi , malos ruere .

Procumbis furtino ictu cuiuscerata Martis fera :

Euerititur prono armo ferrata turris ;

Cui pusillus pugio fulmen fuit .

Sparguntur humi praesidentes Barbari :

Victor superincidentis Bestia ruina teritur ,

O qualis Machabaeorum libertas !

Malunt sub Bellua frangi , quam viuere sub Tyranno .

Sed heu frustrata virtus !

In Elephanto Antiochi arma erant , non Antiochus :

Loricam telis obiecerat pectore vacuam .

Hi mores Tyrannorum :

Arma gestant , non animum .

Timent dum timentur .

Ergo Eleazar Antiochū petijt ; sed pro Antiocho perijt Bestia :

Pro simili similis , immo idem .

*Vterq; fera; Vterq; duplici corde, & excors.
Sed Elephas inter Bruta Rex est, ille inter Reges Brutum,
Gaude felicissimo isto errore magnanime Martyr.
De Elephanto, non Tyrannum, sed Tyrannidem deiecisti.
Habes quod optas:
Sentis ex trophæi pondere victoriæ magnitudinem,
Novo ritu triumphaturus.
Nam ceteri Elephanto vehuntur, tu ipsum vehis.
Non potes vulgari funere inuolui Sanctissime confector.
Mortem inter opima inuenisti.
Ornant te insignia, quæ te onerant:
Et extinctus Regem spoliæ.
Nec tumulum cura; Elephanto regeris pro mausoleo.
Neq; incidendo emblematis petenda procul segmenta:
Debellatus Elephas ebur ministrat.*



SIMON

ELEAZARI FRATER.

DIPLOMA

Bonum factum.

Anno Græcæ Tyrannidis CLXXVII. Mense IX.

Non immemor Senatus Populſq; Iudeus,

Quantum Simonis Machabæi diuinis virtutibus debeat.

Prudentiæ:

Qua Parentis optimi iudicio, cūctis mortalibus anteseſcendus,

Fortissimis Fratribus perpetuum Consul affedit.

Pietati:

Qua paterna germanaq; busta,

Honorificis molibus inclusit.

Charitati:

Qua nutantem fraterno casu Principatum in se recepit:

Domesticis licet exemplis monitus quanti purpura staret.

Religioni:

Qua supremo Pontificis fastigio impositus,

Profanos cum Templo animos depurauit.

Strenuitati:

Qua sacre militiæ nuncupatus,

Septem Tyrannorum conatus, aut elusit, aut elisit.

Felicitati:

Qua Hierosolymitanam Acropolim potitus,

Pacem Hebræis insuetam exhibuit.

Munificentia:

*Qua Rempublicam ere & sanguine inanissimam complexus,
Suo auro publicum ferrum conflat.*

Providentiæ:

*Qua rē agrariā maritimāq; turribus Portubusq; communit,
Vt tellus & vnda tuō sulcarentur.*

Maiestati:

*Qua, vultu, habituq; corporis Semideo similis,
Athenobium Tyranni emissarium attonuit.*

Vigilantiæ:

*Qua Quiritium societate opportunè procurata;
Ab Romana Aquila auxiliare fulmen obtinuit:*

Deniq; Fortitudini.

*Qua ingratisimū Generi proditorio epulo receptus, & deceptus,
Suum, duorumq; liberum, fidelem sanguinem dedit.*

Ob ea promerita;

*Atq; ut Virtutum tantarum notæ,
Emulationi ac solamini extarent;*

Hoc monumentum,

*Honorarias in tabulas immortalibus literis referri,
Easq; Gazophilaciū Templiq; frontibus affigi,
Decreuit,*



IOANNES HIRCANVS SIMONIS FILIVS.

EPILOGVS.

*Requiesce parumper, Viator.
 Antiquioris Testamenti volumen ad calcem deuenit.
 Cum Orbe nata Orbis Historia,
 In Ioannis praconio sistitur;
 A Prae cursore Ioanne redordienda.
 Idem nomen, Synnagoga Hesperus, & Ecclesie Phosphorus,
 Priori libro exodium, posteriori exordium prebet;
 Et paginam utramq; compaginat.
 Consonant enim sibi diuina: extrema primis respondent.
 Aeternus igitur Scriptor,
 Pro exacti operis colophone,
 Memoratorum Principum virtutes in Ioanne collegit:
 Ut omnes in vno ligentur, & legantur Principes.
 Ac nunc breuitas Epilogo desit,
 Triginta annorum gesta, verbis tribus complectitur.
 Quid enim de Ioanne Hircano narrat?
 Sicarios perdidisse, strenue bellasse, muros refecisse.
 Totum elogium, trilogio expeditur.
 Plura memorare posteritas gestiet.
 Quod Sororiū parricidam, ne matricida fieret, impune dimisit.
 Septimum Antiochum pace, tertium Demetriū bello, auertit.
 Hircanorum superbia, Idumeorum impietate repressa,*

*Ex ijs nomen, ex istis palmas reportauit.
 Hac, vel inter pensa, canuntur.
 At Caelestis Encomiaſtes, laudes dum ſupprimat, exprimit.
 Satis ergo faſtigij ad Ioannis gloriam accedit,
 Quod ipſe poſt omnes, poſt ipſum nemo landatur.
 Eximius planè Princeps.
 Qui humanis actis, & diuino commentario, metam ponit.
 Nam pneumaticus calamus in vltima hac cera heſit.
 Quis neget magne mōdis fuiſſe Ioannis Elogium?
 Dei manum laſſauit.
 Hoc nempè exarato, reſpirauit diuinus Spiritus,
 Et ſeriatum calamum poſuit.
 Hiō tu quoque reſpira.
 Difficile eſt vera ſcribere; difficilius audire.*





N O V A
Æ T A S.
S A N C T I.



ELEAZARI FILII.

Ex Levi.

Christi linea .

S. Mathan. *S. Panther.**Iacob.* *S. Bapanther.**S. Ioseph.* *S. Ioachim.* *S. Anna.**S. Maria Virgo.* *S. Ioannes Baptista.*

Iesus Christus Seruator.

S. PANTHER
ELEAZARI FILIVS.
S. MATHAN Pantheris Frater.



PARTITIO.



Auditis resonant diuinæ tandē cognationis optata nomina,
 Vicini seruatoris tessera;

Qui promissū sēper, & negat⁹, Orbis vota irritat, dū irritat.

Hic Eleazari truncus duos in tramites finditur:

Quorū alter ad Virginē Maritū, alter ad Virginē Matrem,
 Vterq; ad miraculum desinet.

Itaq; insectilis Patriarcharū linea, vt Salus itret, agit rimā.

Nobilitas geminatur, vt germinet; germinat, vt gemineat.

Fœcūditatis termin⁹ Virginitas est, Virginitatis fœcūditas.

Debebatur hic concentui consensus,

Vt vnico Stemmatis amplexu, Homini Deus neceretur;

Et redeunte beneficio, Homo fieret qui Hominem fecit.

Felices Mathan & Panther tanto Nepote:

Cuius propinqua iam luce afflati,

Diuiinarum virtutum fulgorem trahunt ex interuallo.

Nulla tamen eorum virtus clarior,

Quām quod suas obscurarunt virtutes.

Nam sacræ Historiæ nihil commisit Mathan, nisi nomen:

Panther ne nomen quidem.

Quod, nisi memori Africani calamo effosum, lateret.

Rarum votum inter ambitiosos Humilitas.
 Illo enim Seculo si vnquam, claritas crudelitate quæsitæ.
 Aristobulus, Hircani degener Filius,
 Innocentem Principatum ad Regni inuidiam restituit:
 Primusq; tyrannico diademate frontem perficans,
 (Nescius quantum malorum sub ea bractea occuleretur.)
 Securius vt regnaret, noluit esse, quibus regnaret,
 Patritios carcere, Fratrem ferro, Matrem fame, confecit.
 Nec dilato supplicio,
 De pectoris vena sanguinem vomuit.
 Crudelitatis conscientiam pro vomica deuorauerat.
 Huic Iamneus, Salome Matris astu, sufficitur;
 Fratricidæ fraticida.
 Hem quo deuenerit Machabæorum gloria!
 Hostilis olim sanguinis prodiga, nunc cognati.
 Nimirū nullū patrimonium citius decoquitur, quā virtus.
 Raro ad tertium peruenit hæredem.
 Magnæ mentes, amentes gignunt.
 Immodesto igitur Seculo, modesti Fratres
 Mathan & Panther,
 Tyrannicum fastum e Bethleheme in Galileam fugere!
 Optimum quippè in Tyrannos bellum est fuga,
 Et in Nazarena Vrbe, hoc est inter Flores,
 Nazareo nidificarunt.



S. BAPANThER PANTHERIS FILIVS.

S. IACOB Mathani Filius.

NAVFRAGIVM.

Vos quoq; geminum Sidus Iacob, & Bapanther,
 Miserrimi Naufragij spectatores ex tuto,
 Procellarum finem serenæ lucis augurio præmonstratis.
 Tenebat Iudaici Regni clauum Iamnæus,
 Nauticam doctior ex naufragijs.
 Nam malè regnando regnare discitur,
 Ibat ridente malacia felix, letumq; Regni nauigium.
 Et æquatos velorum sinus ferente Spiritu,
 Gazam, Dium, Essam, Gaulanum, Seleuciam,
 Nouo triumpho alligatas onerarias remulcabat.
 Sed insolito sereno tempestas suberat.
 Acerbo statim letho Nauiculator demergitur.
 Successit Gubernaculo Hircanus alter, Iamnæi Filius;
 Idem Magister & Proreta; Rex & Pontifex,
 Hunc subuertere Aristobulus Frater adnuitur.
 Aequali naui periculo,
 Siue geminus præsideat Rector, siue nullus;
 Errat alius in pelago, in alno nautæ.
 Duobus imperantibus optemperat nemo.
 Inter hæc intima nauigio mala,
 Externorum bellorum insana hyems superuenit.
 Hesperius Zephyrus, cum Armenio Euro,

Cum Tigrae Lucullus,
 Alieno exitio rixantur.
 Non capit sese Italicum Mare.
 Tyrthenum in Eoum refunditur, & vnda miscet.
 Vorticosa Charybdis Antipater,
 Per disoordiarum rimas armorum æstum immittit,
 Nauarchum mensura Aristobulum, qui clauo hæret.
 Hic, cui necessitas pro arte,
 Demissos velorum sinus aduerso obliquans vento.
 Ad Pompeianam Scyllam vltro declinat:
 Quæ rapido turbine,
 Iudaici Regni clauum suis de cardinibus vellit:
 Puppim calcat & proram, Arcem ac Templum:
 Anchorales auitæ fidei rudentes præcidit.
 Et scera vota dissipantibus ventis,
 Legum tabulas, nauigij compages, dissoluit.
 Fluctuatum deniq;, nausentemq; Aristobulum,
 In cæcos Romæ vertices absorbet.
 Hic bis emersus, bis submersus;
 Amica Cæsaris manu spirans educitur,
 Sed Pompeianorum vi fluctuum circumfusus,
 Nauteam bibit, venenum.
 Hic exitus Iudææ Regnum, & Machabæos Rectores tulit,
 Miserrimam Romanorum Pyratæ prædam;
 Qui sacras opes, aureasq; trabes,
 Sparsa tempestatæ analecta, reliquiasq; collegere.
 Eximio documento,
 Fraternalis discordiis Regna naufragare.
 Vos vero amica lumina, salutaresq; Dioscuri,
 Bapther & Iacob,
 Virgineam à Cælo Naum, cui nomen à Mari,
 Diuinis mercibus onustam;
 Cælestemq; Gubernatorem Iosephum,
 Dexteriore alic velificaturum, ostendistis.

S. IOACHIMVS
BAPANTHERIS FILIVS.
S. ANNA Ioachimi Vxor.



EPITHALAMIVM.



Descende Cælo vbi nil agis sanctissime Hymen.
Duas extra Cælum Cælestes Animas copulaturus,
Ioachimum & Annam,

Illum Regia, hanc Sacerdotali stirpe.

Vt dotali utroque apice, Nepotem instituant
Inter Reges Pontificem, inter Pontifices Regem,
Age: iugalibus nodis quos Aeternitas nexuit,
Cor, geminum stringe, vel vnicum diuide:

Vt alter Sponsus ex altero spiret.

Sed heu spinosa primordia! initio planges, dum panges.

Ultra viginti annos sterilis ille thalamus,

Nihil nisi lacrymas gignet.

Sed verte statim lætioribus hanc nœniam.

Nam sterilis Parens,

Maiorem prolem vtero capiet, quam mente.

Stupente rerum Natura

Tam fœtam, quam fœtum extra suas leges.

Adde nouum Inter fœminas laudem,

Citra Sobolis crimen Matrem fieri.

Nam cæteræ, Carnifices antequam Matres,

Partum

Partum conficiunt, dum concipiunt.

Vnoq; momento,

E' Cælo demissam Animam Orco exponentes,

Vitam largiuntur, & lethum.

Sola Maria Parentis honos, non onus,

Maternum vterum condecorabit intrando.

Nec decrunt puerperio præfagia.

Renascente enim Templo nascetur Virgo.

Alterâ Dei Domū parabit Anna, alterâ Herodes reparabit.

In altera Numini fient victimæ,

In altera victima fiet Numen.

Crescet cum Prole Parentum felicitas.

Nam mutuo repignerati amoris officio,

Filia ex Parentibus, per Filiam Parentes viuunt.

Ita Ioachimi Penates alterum Cælum meritò voces;

Vbi Sacra Familiæ Trias,

Corporibus triperita, Animis vna,

Genitor, Genitrix, Genita,

Beabitur, & beabit.

Omnia deniq; in vnum vota colligent

Longæui Coniuges;

Cùm sese Numinis Ausos mirabuntur.

Tanta gaudia,

Nec illi ferre, nec tu fari potes. Tace.



S. IOSEPH
IACOBI FILIVS:
VIRGINIS SPONSVS.



TITVLI.



Senis huius magnitudinem, tergeminò metire Titulo.

Vir MARIÆ fuit.

Solus nimirum toto Orbe selectus,

Viragini Vir, Virgini Virgo.

Fortunatum Coniugium,

Cui dexter Ales Angelus,

Diuinitas Pronuba, Flammeum Flamen, Dos Verbum.

Vnica hæc Hymenæi teda fumo caruit,

Virginio candore non denigrato.

Iugalia hæc vincula nihil strinxere præter Animos,

Nec, ultra amorem iuere amantium vota.

Nec nouum Iosepho, Dominæ nolle misceri.

Dubito nuptialem cælibatum, an cælibes nuptias vocem.

Nam Sponsæ contubernio, Sponsi virginitas geminatur:

Nouoq; miraculo, forma pudicitæ suffragatur.

Deniq; sic Palmæ nubunt.

Hinc alter ille, maiorq; Titulus:

Pater IESV fuit.

Quippe natura Patruus, coniugio Vitricus, officio Pater;

Priuinum Numen educauit, crudijt, aluit;

Et vitam si non dedit seruauit;
 Deumq; oculis genuit custodiendo; toties Pater.
 O quanta dignitas! Filium participare cum Deo;
 Et vlnis Alumnum regere Orbe maiorem;
 Qui vel parendo Parentem facit.
 O' gratas educationis vices!
 Ille seruat, hic seruit: & Altorem suum Alumpus alit.
 Orant alij Numen, hic cogit:
 Nam Patris vota, imperia sunt.
 Adjice postremum Titulum.
Filius DAVIDIS fuit, & FABER.
 Quis credat?
 Regia Dauidis linea in Materiario finitur:
 Nouæ nimirum nobilitatis Fabro.
 Nam retrograda generis claritas
 A Deo in fabrum, à Fabro in Reges Auos, refunditur.
 O nexa Prouidentiae opera!
 Regalis Genealogiae princeps Adam, postremus Ioseph:
 Ille Agricola, hic Faber.
 Nam lignum, peccati materiam, ille scuit, hic secuit.
 Haud alienum à Christi Patre ministerium:
 Quid enim Deus, nisi Faber?
 Tornare Orbem, inspicare montes, dolare campos,
 Excidere Homines, fabrilia sunt.
 Verè vt dicas, Fabrum Deum, & Fabri Filium.
 Respondent verò morienti Christo hi natales:
 Vt inter eandem artem viueret, & occumberet.
 Malleus, forfex, terebræ, clauī, ligna;
 Vitæ ministeria, Mortis instrumenta, fuere.
 Eademq; domestica arte cunæ dolantur, & cruces.
 Suae igitur neci nascendo proludit,
 Dum ex Fabro nascitur.
 Nec minor Dauide Iosephus
 Aurum Regnum gerit in officina.

Stant illi sua Imperij signa,
 Fabriles secures, & lignei fasces, quos Puer alligat.
 Summa illi authoritas.

Mortalibus imperat Puer, Puero Mater, Matri Sponsus.
 Nec Imperij nomen abest:

Quid enim Ioseph, nisi Augustus?
 Itaq; vno tempore suum Roma Augustum iacet,
 Nazareth suum.

At quanto dignior hic Magistratus,
 Rerum Dominum Domi possidere?
 Solus igitur Mortalium, Iosephus
 Cælum non impetravit, sed exegit.

Nam quæ alijs diuina donaria sunt,
 Iosepho isagogicum fuit, & nutricia.



S A N C T A

MARIA VIRGO

IOACHIMI FILIA,

CHRISTI Mater.



S C U L P T V R A.



*Lauretana hec Statua , Luca scalpellum sensit.
 Utinam Vitæ quoque simulacrum calamo edidisset.
 Sed historiographi officium argumenti diuinitas vertit.
 Nam caelesti calamo in sericeum calum degenerante,
 De scriptore sculptor , pro vera effigie ligneam dedit;
 Totamq; exanimavit historiam.*

Falleris, Viator. Figmentum hoc, Euangelium suppleuit.

Facundus codex est caudex.

Atqui diu secum cogitabundus Artifex,

Animi Idæam ligno impressit.

Audi mysteria, & mirare.

Primum, Cedri Regiæ Arboris, trunco excisa effigies,

Nobilitatem refert :

Quæ vndeuginti luxuriosa Regibus , Virginem tulit,

Tanti Generis non tam stirpem, quàm stipitem.

Præterea, ex ærescente Materia sculpirur.

Nam sterili Matri ingenita est Virgo .

Quid enim mortua ex Venere gigneretur, nisi Virgineū?

Nullum

Nullum in hoc Typo peccatum culpes;

Nullum in Prototypo.

Ne illud quidem Mundo cognatum.

Nam sola Maria Adami lutum non oluit.

Iam si Templo Imago, Imagini Templum dicatum;

Templis etiam colenda Maria, Templum coluit,

Cum trimula castis Aris admota,

Ipsa Deo, ipsi Deus, virgineum florem seruauit;

Munusq; impetrauit, offerendo.

At quòd Fabrilis materiae nubilis adhæret forma,

Speciosum cum Fabro coniugium refert:

Immò in coniugio cælibatum.

Nam si Statua nuberet, sic nuberet.

Cernis eodem trunco

Excultam cum Filio Matrem, cum Matre Filium,

Gemino, & vno corpore;

Vt dubites vtrum ex alio nascatur?

Habes prodigium illud maximum,

Cum Deo genita Deum genuit:

Nouoq; reciproca cognitionis vinculo,

Dei Filiâ, Filij Sponsa, Sponsi Domina, Domini Ancilla;

Cælestia humanis, humana cælestibus, compaginauit.

Sed heu brevis voluptas! Vide vt Christifera Imago,

Infantem gremio stringit, atque scalpenti porrigit.

Sic Filium, Simonis gladio scalpendum, obtulit Mater.

Miraris Aegyptium Statuę cultum, colorem, solutū crinē?

Non alia specie profuga hæc Alstra,

Herodianam Vulpeculam latuit inter Aegyptios;

Gemino Sole felices.

Sic rerum Arbiter, ne Tyrannū perderet, Filiū proscripsit.

Insigni documento, excutiendos malos Principes;

Non cadendo, non cedendo; sed recedendo:

Hoc ipso miseros, quòd Iustitię desertores Iustitia deserit.

Mirum potius, cur dextera Puerum sustinente,

Vix dexteræ fidens læua medium amplectitur.
 Nam pia Genitrix, in Templo recuperata Prole,
 Rapaces adhuc Synnagogæ manus formidat:

Et inter voluptatem & timorem,
 Amplexus geminat, vt affectus.

Quæris diuino vt Amore flagrauerit?

Habes colorem ex colore.

Fuliginosum hoc lignum, Amoris torrem ostendit.
 Silentium quæris? Statuam taciturnam interroga.

Verecundiam? nil suis oculis amplius indulsit,

Quàm Statua suis.

Clementiam? suscipe prolatam Christi dexteram,

Veluti miseris benè precantem.

Hanc rogauit Parens; & quicquid rogauit, irrogauit.

Sanè primum ac postremum Christi Miraculum,

A Parthenia Matre impetratum constat.

Vt peruicacia sit dubitare de cæteris.

Refert iam Opificem scitari,

Cur discriminatis vt in funere crinibus,

Dolentem dolauit, sed erectam.

Certè sic stetit iuxta Crucem, Cruce altior & solidior?

Callidè igitur fœmineam Statuam sculpsit Lucas.

Nam Filij mortem vt Fœmina sensit, vt Statua tulit.

Quin etiam Cedro, cœtypam Virginem elaborauit.

Simili cum Cruce ligno.

Nam Crucis instar, Cruci opposita;

Et altera alteri patibulum fuit.

Quid? vltima eius fata nil argutius exprimat,

Quàm incorrupta e Cedro Statua,

Exanimati sed incorrupti corporis typus.

Acterna hæc sanctio, vt omnia pereant vel immerentia:

Damnata; quia nata

Post omnium mortes, Mors ipsa morietur.

Adeo Parca, ne sibi quidem sunt Parca.

Sola Deipara periit, non putruit; & in scrobe restoruit.

Restabat erudito operi labor extremus,

Triumphalis ad Cælum Heroinæ cursus.

Hunc deniq; Imago refert,

Erecta, paludata, auro corusca.

Tali siquidem pompa

Ad illum veniens, qui ad ipsam venerat,

Cælum addidit Cælo.

Quin operi coronam imposuit Sculptor,

Dum sacrum Simulacrum coronavit.

Nimirum, Cæli Augusta Terras dispiciens,

Regia semper munera

Optantibus donat, ignaris ingerit, ingratis obtrudit.

Neminem relictura miserum; nisi qui esse velit.

Dubitas? Statuam do testem.

Ante hanc nemo vacuus rogavit:

Ne Turca quidem.



SANCIVS

IOANNES BAPTISTA

VIRGINIS Ex Consobrina Nepos.



PRÆCONIVM.

*Iam iam Numen aderit.**Adest iam Numinis Præco.**Hoc Præcone;**Nemo maior, nemo minor.**Prophetarum postremus, Martyrum primus,**Solis Lucifer, Luciferi Vesper,**Messia magnitudinem ex sua imagine expressit.**Immo Messia Mystes, & Christi Christus,**Mundi Instratorem lustrali aqua sancivit.**Ambigente Iordane, laualet an laualetur.**Nobilis fluminis, caelesti Eridano minimè inuidus.**Nam ille in Calum translatus, hinc Calum delatum.**Hem quantus: at quantulus fuit?**Tantam sanctitatem ad nihilum redegit,**Cum se Neminem dixit.**Tantoque se diminuens quanto calitus auctior,**Cum Omnipotentia certauit.**Hic ne vinceretur, augmentem vicis, se minuendo;**Illa ut vinceret, imminutum vicis augendo.**Adde, hoc Præcone**Nemo taciturnior, nemo vocalior.*

*Vix conceptus, silentium Patri indixit,
Vix formatus, Deum hospitem nutibus excepit,
Vix utero egressus, solitudinem ingressus,
Hirtus, ieiunus, vigil,
Cum Angelis Angelus, Mutus cum Mutis vivens,
Quod loqueretur, tacendo didicit.
Nemo diutius insans fuit; nemo alius satus.
In deserto disertus,
Et iam nihil nisi vox,
Rudes instruxit, auios reduxit,
Peccantes increpuit, Reges terruit.
Trunco etiam capite clamosus,
Vivum se Morti approbavit,
Et ad Mortuos vita Præco descendit.
At at, procumbito Viator;
Præco siluit, Messias adest.*



IESVS CHRISTVS DEI, AC VIRGINIS FILIVS.



M E T A:



Sistimur ò tandem tibi Clementissime Assertor,
Sacri Voluminis Alpha & Omega:
Non longiùs vagaturi, te contacto.

Quò enim procedat qui te accedit, vltimā rerum Metam?

Tu Auiti Generis Meta:

Matris annos in Proavis numeraturus,
Trium & sexaginta Patriarcharum Stemma claudis;
Omnium nobilissimum, quia notissimum,
Nam patritij Stipites reliqui,
Qua commendantur vetustate cariosi,
Simul eduntur, & exeduntur.

Tu antiquorum antiquissimus, nouissimorū nouissimus;
Maioribus maior, posterior posteris;
Senisti nobilitatem tuam, & messuisti:
Verè tuam, quia à te fluxit, in te redijt.

Tu Diuinorum Operum Meta:

Cælesti satū mortalia cælestibus nectens,
Ex Deo Homo, ex Virguncula Deus,
Quod vnum deerat vniuersitati miraculum, expleuisti.

Tu Temporum Meta:

Summo solstitio, nocte media, anno extremo, natus;
Solis fugam, vmbrae incrementa, anni lapsū, inhibuisti;

Et geminus verè Ianus,
Antiqui nouiq; Seculi intercalaris Spectator,
Pacem, vti terminales Ferias, Orbi indulxisti.

Tu Dignitatum Meta:

Qua in Stabulo cōtracta Purpurati Astronomi retrocessere
Nam quis vltra Bubile illud factus explicet,
Vbi superbix frenum est fornum?

O nouæ Astronomiæ sectanei Reges!
Ceteri Presēpe iter Stellæ, hi Stellæ Presēpiobseruarūt.
Scitè igitur caput decora ante tuos pedes proiecere;
Quari, dignitates desinere vbi incipiunt.

Tu Noſaica legis Meta:

Durissima iura circumcisis circumcidisti,
Et inanæ Synnagogæ spatia metasti;
Lapideo illo gladio pro limitaneo lapide infixo.

Tu Sapientiæ Meta:

Pharisaicam Templi Exedram duodennis euertisti.
Nā te audito, qui omnia docebāt, nihil se scire didicerūt:
Et Infante Magistro, se nouerunt Infantes,

Tu Infernæ potentiæ Meta;

Spectante Solitudine cum Lucifero congressus,
Auidum esuriendo strangulasti;
Et incestam illam naturam, æternæ flammæ custodem.
Malarum Vestalium supplicio de rupe impellens,
Hesperum fecisti ex Lucifero.

Tu Peccati Meta:

Iordanem intrando abluens, vt aliorum sordes elueret,
Herculeæ instar columnæ, fluctibus demersus,
Vndarum & scelerum cursum progredi vetuisti.

Tu Votorum Meta:

Patrium orbem benemerendo discurrens,
Fatigato sæpius pede, numquam manu,
Supplicia à supplicibus auertisti.

Tu Mortis Meta :

Arboriseiusdem paxillo, quo Mors Adamum trāsfixerat,

Aequa talione Mortem confixisti :

Quæ funestissimo exacto stadio ,

Ad eundem stipitem vnde mota fuerat , stetit :

Et Adamo altero absorptō , priorem vomuit .

Tu Glorie Meta :

Aeneos Orci postes cruenta dextera eluctatus ,

Gementem sub Terras Patriarcharum Populum ,

Ab tartareis ignibus ad Empyreos euexisti :

Relictisq; in Monte vestigijs , quæ insisteremus ,

Tam faciles ad te aditus pandis , vī volare sit velle .

Tē igitur Beatissimam omnium rerum Metam

Ex destinato assequutus ; exacti operis cursum sisto :

Hoc vno rectum , quōd ad te peruenit .

Is enim errat , qui à te deerrat .

Hic festiuo celeusmate Stationem occupans ,

Foliorum carbasa complico :

Et pro anchora , emeritum calamum figo ,

Anno tuo 1643.



EMMANVELIS
THESAVRI

Elogia, & Epigrammata

IN XII. CÆSARES
SVETONII.



EMMANUELIS

THESAURI

LIBRI

IN QVODAM

AVTQVODAM

CÆSARIS ELOGIVM.

C. IVLIVS CÆSAR.

Lucij Cæsaris F. lux Cæsarum, & Pater
 Romanus Alexander, Terræ Mars;
 Omnibus tam metuendus, quàm mitis:
 Præmium fecit seruituti.

Victo orbe Urbem victricem orbis vicit.
 Desuere illi hostes, hostem habuit Patriam,
 Ne deesset vnquam quod vinceret.
 Ingratam Patriam patrijs armis punijt;
 Eam vicit inuitus, qua vixit inuita.

Qui Romæ ppugnator nō regnavit, regnavit expugnator:
 Pro Roma triumpharat, de Roma triumphavit;
 Amauit tamen inimicam, nolenti profuit.
 Sape à fulmine lauro servatus regia,
 Non semper

Quem inermem timuerunt arma, armata necavit toga:
 Cessit Ciuibus Cæsar Cæsus:
 Sero cognitum luxit Patria,
 Viuentem hostem, mortuum vocavit Patrem.
 Parricidium confessa cū Patrem dixit.
 Disce lector.

Melius sepe que non habes vides, quàm que habes.



IVLIVS CÆSAR

Per mare innatans commentarios
gerit.



Horrida felici rumpit freta pectore Caesar,
Librum laeva regit, dextra flagellat aquas:
Dum mare Casarea formidat verbera dextra,
Currit inoffenso tuta sinistro libro;
Dextera fit remus, navis tua corpora, Caesar,
Vela chlamys, malus laeva, volumen opes.
Ibitis illesæ metuenda per æquora merces,
Naufraga non poterit tanta perire ratis.

IVLIVS CÆSAR

Scribit suos commentarios.



Quæ modo fulmineum vibrabat dextera ferrum,
Pacatos calamos sanguinolenta regit.
Scribit dextera eadem calamo, quæ gesserat ense,
Hoste vetustatem deficiente ferit.
Nulla tuæ, Caesar, celebratq; gloria dextera,
Aut ferro, aut calamo si caruisset, erat.

IVLIVS CÆSAR

Contra Iubam pugnaturus Augurium
spernit.



Effugit attonito sacris data Victimæ Vate,
Nudaque delusis linquitur Ara focis.
Impavidus metuenda videt præsentia Cæsar,
Captæque neglectis promonet arma sacris.
Fortunam sed enim, vel se se consulit unum,
Non capit à profugo præscia fata Boue.

IVL. CÆSARE MORTVO

Sidus novum apparet.



Siderum repetit, cui se subduxerat, Axem,
Et quæ celarat lumina, Cæsar habet.
Impia secretum manifestant vulnera Numen,
Stellæque per lacerum libera corpus abit.
Transtulit Imperium Cælo dum linqeret Orbem,
Par erat ut victo vinceret Orbe polum.
Iam coniuratæ prodest iniuria dextræ,
Magnum, quem voluit perdere, Roma facit.

AVGVSTI ELOGIVM.
D. A V G V S T V S
O C T A V . C Æ S A R .

Patris Virtutem contraxit filius Patre maior,
Illi corporis forma Imperium promisit, Animus dedit.
Priuatus Imperatori similis, Imperator priuato fuit.
Doluit Patria cùm Principem fecit, gauisa cùm habuit:

Timebat carnificem, medicum experta.

Ad bellum natus, bellum fugauit.

Motus est Orbis illo moto, quicuit quieto.

Breuis pugna pacem peperit longam:
abortum fecit fortuna.

Iani Templum solus clausit: Musarum solus aperuit:

Quibusdam non caruit vicijs, vitiorum seuerus ultor:

Quæ admittere pudebat, committere non puduit:

Hoc tantū se Hominem probās, quod in humana incidit:

Qui De^o habebatur iter homines, cepit homo haberi iter

Demum Nolæ, volente fato, (Dcos:

Inuictus viris, victus à Fœmina.

Obijt sol Patriæ oriens ploratus, ploratus cadens.

Disce lector.

*Quo presente expiraturum te putas, forte suspirabis,
si absis.*



AVGVSTO

Comedenti Aquila panem rapuit.



D^{um} prandes tibi furtivo Iouis armiger ausu
 Ambefas auido diripit vngue dapes,
 Ab Ioue consuevat diuisam sumere mensam,
 Te similem cernens credidit esse Iouem.

AVGVSTVS

Dei nomen iniquè assumit.



VNo bina videt miracula tempore Mundus,
 Cedere Roma Deo prodigiosa negat,
 Nam Deus humanos, dum se tenuauit in artus,
 Paruus Homo ingentem se facit iste Deum.
 Ille Homo cum fiat, Diuus non desinit esse,
 Cum Deus hic fiat, non finit esse malus,
 Maior es ergo Deo, vel nomen fingis iniquum,
 Cæsar, non potuit, quod potes ipse Deus.



AVGVSTVS

Audita Ciuium clade caput ad parietem
allidit.



Trunca videns Populi derisus corpora Cēsar,
Aspera semineci marmora fronte petit.
Scilicet vlticem geniali vulnere niti
Pallada conatur: se putat esse Ionem.

AVGVSTVS

Veneno ab Vxore (vt putatur) propina-
tō interit.



CRuda nouercales commiscet semina succos,
Cēsar & in pateris vltima fata bibit.
Pastus vipereis vita fugiente venenis,
Ad lentam properat pallidus ora, necem.
Namq; hostes rabidi Furiarum vt maxima Regem
Perderet orarunt, perdidit Vxor Annus.



TIBERII ELOGIVM.
CLAVDII TIBERII
NERONIS

In obscuro attramento clarescant gesta, si possunt.

Hic Liviæ F. Augusti Priuignus

Matris mores tenuit, non vitrici.

Acuto in pessimis ingenio, obtuso in optimis.

Dexteram fortunam, sinistram virtutem habuit.

Triumphator aliorum saepe, nunquam sui.

Repugnante vitrico, Matre propugnante

Ad Imperium ab exilio venit, in exiliū missurus Imperiū

Tā sceptri amās cū non haberet, quam amens cū habuit.

Spontē se Roma Tyrāno tradidit, Tēpori seruīēs nō Regi.

Ciues pressit vt aurum exprimeret.

Simulatione Proteus,

Non vnquam magis hostis, quam cum blandus.

Manu hamabat, amabat vultu.

Capreis macescens Romæ aderat

ferro, si non consilio:

Fame nepotes perdidit suæ famæ nepos.

A Nepote tandem perditus, obiit:

Huic lætas Populus exequias fecit.

Disce Lector.

Mores non mutat, qui gradum mutat.



TIBERIVS

Etiam noctu res obiectas videt.



Accipiter ne rapax, metuendave Noctua furtis
 Sit Cæsar dubium est: est tamen alteruter.
 Accipiter nil nocte videt, nil Noctua claro
 Fusca die: Cæsar nocte dicque videt.
 Est utrumque igitur: pauidę migrate uolucres,
 Non uobis nox est, non bene tuta dies.

TIBERIVS

Fame occidit nepotes.



Nutrit Amyclęum Romana per antra Leonem,
 Nutrit, & Hircanę Claudius ora Fera.
 Casaream lambit saturataq; Vipera dextram;
 Humanas capiunt lubrica monstra dapes.
 Quæris ieiunos cur perdidit ille Nepotes?
 Non tantas poterat pascere Roma feras.



TIBERIVS

Dum tonat lauro se cingit.



A *Vdit iners, metuit stridentia fulmina Cæsar,
Sulphurcam nimbo parturiente facem.
Quasque serenato temnebat sidere frondes,
Adiungit trepidis nube tonante comis.
Errasti: quin te quia cingit Regia laurus,
Regia te Cæsar fulmina concutient.*

TIBERIVS

Fame perit.



A *Bripit expressis quantum petit Vrbibus aurum
At nequit auriuoram soluere dente famem.
Illyrijs grauidum suspirat mæsis Istrum,
Deorat optatas Cæsar, & ardet, opes.
Quicquid Romana metitur sine lege securi
Flagrat, nec toto frangitur orbe fames.
Desine consulto tua, Cæsar, Aruspice fata
Quærere: vis dicam? tu moriere fame.*



CALIGVLÆ ELOGIVM.

CLAVDIVM CÆS. CALIGVLAM

Ex clade Heroū, ex cæde nominis, ex caligine obliuionis
perge vindicare Fama.

Qui in Mortis castris vitam habuit.

Nondum puer, iā Miles, prius gladium vidit, quàm Solē.

Vt Mauors ortus, vt Bacchus vixit:

Fortior infans, quàm adultus,

Præposteram habuit ætatem.

Tantum vt Imperium raperet sui ortus memor

Tiberio vittam cum vita rapuit,

Eius sanguine suam clamydem purpurauit,

Regiam laurum messuit gladio.

Quāuis laurea contempta primus auream coronā gessit:

Aurum Imperij, non laurum amans.

Deus credi voluit,

Humana vitia Deorum commendans nomine.

Immortalitatem affectauit mortalis:

Demum sua morte mortalitatem est fassus,

Nam inter milites ortus inter milites obiit,

à milite vitam accepit, & mortem.

Disce lector:

*Fortis est non qui inter fortes nascitur, sed qui
fortiter viuit.*

CALIGVLA

Nascitur in campo.



Cæsar ut inclusus materno carcere sensit
 Classica, non potuit tadia ferre mora.
 Intempestino discindit viscera nixu;
 Sanguineamq̃ petit sanguine tinctus humum.
 Ut clypeo exceptus nouit volitantia pila,
 Natalem gemuit se celeraſſe diem.
 Crediderat scd̃ enim pateras audire sonantes:
 Deceptum simili se videt esse sono.

CALIGVLA

Primus aureum diadema tulit.



Primus Apollinea commutat fronde metallum
 Cæsar, & aurifero stringis in orbe caput.
 Non sano capiti fragiles per tempora frondes
 Non sat erant, nodo te meliore ligas.



CALIGVLA

De milite natus à milite occiditur .



Quem dederant vita Martis feralia Castra,
Eripuit vita Militis una manus.
Mars animum dederat, sed cum te, perfide, Baccho
Per similem vidit, quod dederat repetit.

CALIGVLA

Saturnalibus diebus addidit Iuvenalem .



Foemineas Caesar cum fastidire calendas
Capit, & heroam sinistra perosa manum,
Saturnalijs Iuvenalia festa diebus
Iunxit, & attonita distulit Vrbe Iocos.
Crede, nec ingratus Iuvenalia munera Cuius
Accipiet: Dominum non sinet esse senem.



CLAVDII ELOGIVM.
 CLAVD. TIBER.
 CÆSAR

Ante Imperium sine fama fuit; quia latuit.

In Imperio infamis quia non latuit.

Clarius erat, si fuisset obscurior.

Hic in angulis gladium fugiens sceptrum inuenit.

Quem cæsum volebant Patres, Cæsarem fecit miles.

Vecors, stupidus,

Stultus prudentibus, prudens stultis visus.

Iuris gladium tam periculosè vibrauit quàm ignauè.

Calamo feliciùs quàm gladio vsus.

Auorum gesta suo calamo restatus

Sua gesta nepotum calamis liquit detestanda.

Triumphauit semel, pugnavit nunquam.

Timida fortuna (vt Elephas) Victoriâ aborta est:

Honores contempsit carens virtute,

in hoc tantum iustus,

Censuram Censore dignus, Dominiû sub Domino gessit.

Liberti libertus, Vxoris seruus

Omnia in Imperio habuit præter Imperium:

Vxore vna occisa aliam habuit Vindicem.

Veneno ab Agrippina sublatus.

Disce lector.

Ignavos si per vim extollas, per vim deprimes.

CLAVDIVS

In latebra occultatus Imperator fit.



Imperiū fugiens lucem latebroſa ſubiit
 Caſar: quàm Princeps maluit eſſe Fera.
 Conſcia mens ſcleris prouum formidat honorem,
 Agra manus ſceptri pondera ferre nequit.
 Deſine Roma Ducem nolentem velle, quid vrget?
 Non volet is ſceptrum ponere, quando voles.

CLAVDIVS

In Imperio vitam inertem ducit.



Foeminea temerata manu regalia Caſar
 Sceptra gerens, partum perdidit omne decus.
 Regius illuſtrat latitantia crimina fulgor,
 Quem toga celabat, prodiit aperta Chlamys.
 Obſcurat claro in ſolio ſua nomina Caſar,
 Clarior in latebra, ſi latuiſſet, erat.



CLAVDIUS

Plures aqueductus condit.



Cerula Romanas qua proluit unda ruinas,
 Casareo liquidum munere fundit ebur.
Qui Tiburtinis Anio subductus agellis
Cinis in Ausonias se stupet ire Domos,
Quique per infracti peregrinus vulnera montis
Transfuga Romulea Fuscinus Vrbe fluit,
Et piger attonitis qui torpet fluctibus annis
Cesar cuncta tue sunt monumenta manus.
Exigit undarum te Principe Roma tributum:
Terrarumque caput, vult caput esse Maris.

CLAVDIUS

Non exit ad pugnam.



Ipiger, abstrusis te vecorū eripe Thermis:
 Iam vocat amola tuas Barbara prada manus.
Hostibus aucta seges Romanis falcibus auget
Materiam: tante sunt tua damna mora.
Prouidus Imperij iacturam Claudius horret,
Imperium in latebris seruat, ubi dederat.

NERONIS ELOGIVM.
 NERONIS CLAVDII
 CÆSARIS

Aude calame vel scribere nomen , vel proijcere :
 Calamis pungatur , quos gladio acuit .
 Hic inter priuatos optimus, inter Principes pessimus fuit:
 Regno dignus nisi regnasset .
 Depressit illum fortuna dum erexit .
 Molles illius mores in duris , induere in mollitie
 Dum laurū acquisiuit Regiam, palmam amisit popularē .
 Victoriā scepro terruit :
 Regia fascia eò tantum vsus, vt malè sanū verticē ligaret,
 in quem imperium proiecit Fortuna vt frangeret .
 Patriæ Dominus non Princeps fuit .
 Domum Augustam fecit , angustam Urbem .
 Matris viscera quæsiuit ferro , dubius an ferrea essent .
 Cui occisæ Romam fecit Rogum .
 Patriam incendit vt exstingeret .
 Romæ demum vitam reddidit cum suam proiecit :
 Qui Nero fuit alijs , sibi non defuit Nero
 iniustus alijs Iudex , iustus sibi
 Alienum sanguinem quē biberat per sua vulnera regeffit .
 Defuit extincto rogos .
 Ignis auara fuit Roma , quæ tantum ignem acceperat .
 Disce lector .

Dedignatur terra tegere , qui terram dedignatur tangere .

N E R O

Inflammat Urbem.



Orbem Roma nouum metuenda potentia Regum
Te facit, ipse tuas inuidet Orbis opes,
Tranquillas Genitor dederat tibi Romulus auras,
Saxea telluris viscera Tarquinius.
Clandius abstrusus vexat tibi duetibus Vndas,
Ignea ne desint fert elementa Nero.

N E R O

Dum ardet Roma, Cythara canit.



Non patria Caesar lachrymis, non igne monetur
Amittunt vires ignis, & vnda suas.
Dum videt ambustum Patrie fumare cadauer
Exequias hilari soluit honore lyra:
Vincere Thebani tentat miracula fabri,
Condidit ille Urbem, destruit iste lyra.



N E R O

Matris ventrem lacerat.



Matris ab infracto prodit fera lubrica ventre,
 Atque oritur Licor filia quæ latuit.
 Non oblita sui Romana est Vipera moris,
 Quos oriens nequijt, frangit adulta sinus.
 Frangere non poterat tam ferrea viscera nascens,
 Fregit cum potuit ferrea facta manus.

N E R O

Se ipsum occidit.



Vivere Nestoreos meruisti Claudius annos,
 Non nisi cum lachrymis te tua Roma vocat.
 Tigris erat qui te ferijt: petat ergo scelestus
 Tartara: Caucasæam viscere pascat auem.
 Cursum æternis illum Rota versa fatiget,
 Tantaleam nequeat soluere fonte strim.
 Non Nero (vaticinor) saltē morieris inultus;
 Ille tuo, qui te conficit, ense cadet.

GALBÆ ELOGIVM.
 SERGIVS SVLPITIVS
 GALBA

Elogia qualia libebat audiuit Viuus ;
 Qualia licet mortuus audiat .

Veritas Posthuma Patrem non timet .

Pasiphaes filius credi voluit , non Achaïæ : credatur :

Non nisi ex Pasiphae fluxit Minotaurus .

Ab Sulpicijs degener , supplicijs genitus .

Neroni suspectus est Nero .

Non tyrannum amisit Roma , sed mutauit .

Fero Iuueni senex furens successit , Immature putris .

Auri Scylla , gemmarum magnæ .

Fortunæ simulacrum coluit , à fortuna delusus :

Tam fortunæ quàm alijs onerosus .

Tribus libertis regendum sceptrum dedit .

Ne pauciores Romam , quàm Auernum affligerent furî .

Durus alijs , sibi mollis

Timorem exegit , odium elicit ;

Tam timore dignus quàm odio .

Milites ad alienum sanguinem alliciens , ad suum alicuit .

Dum fictis armis mortem prouocat ,

Veris necatur .

Disce Lector .

Mortem non spernant , qui mori timeant .

G A L B Æ

Ad pedes Victimæ sacrificanda fugit.



Taurus adoratus fuerat meriturns ad aras,
 Senferat & dubiæ vulnera certa necis.
 At fugit, & sacro sedauit sanguine Galbam,
 Gestatus hygis dum sonat altus equis.
 Quod petis aufugium? qualem fugitiua salutem
 Victimæ? Carnificem dum fugis, ecce petis.

GALBA SACRIFICANTE,

Puer, qui ministrabat, repentè canescit.



Dum sacra iciuno designat vulnera cultro,
 Ante coronatum Galba cruentus cbur.
 Aurens argento mutatus canuit Infans,
 Intempestiua dirigitque niue.
 Infelix Roma es, Galba si liqueris ensen;
 Imminet en propero cana senectæ pede.



G A L B Æ

Bis in somnis offertur Fortuna.



TE Dea velinolo qua transigit aquora tergo,
Vt Sceptrum caperes visa rogare fuit.
Inde relabentem cum iam te cerneret annis,
Se tibi rapturam, quod dedit ante, monet.
Te Iuuenem, gemmisq; leuem Fortuna ferebat,
Disior & Senior sis grauis. Est mulier.

G A L B Æ

Emortui caput hasta circumlatum
 faxis petitur.



Fama est in gelidum conspecta Gorgone Saxum,
Viscere torpenti diriguisse Viros.
Prodigium maius: quod summa deuehit hasta
Fixa caput, longè saxa animata uocat.
Inferna maiore Domus tortore sonabunt:
Quarta Erubum, maior Gorgone, Dira petit.



OTHONIS ELOGIVM.
M. O T H O
SYLVIVS

Syluiorum Syluestris palmes.
 Paterni animi tenax, pecunię prodigus hæres.
 Auri avidus, vt euomeret.
 Quæsturam gessit, quæsturam posuit.
 Neronis intimus, intimè Nero fuit.
 Dignus qui Neroni succederet est acclamatus.
 Non tamen à Nerone Regnum accepit vt Hæres,
 Quo illud furaretur vt Nero.
 Pari factò cum Nerone accepit, pari fato dimissurus.
 Aere alieno obrutus
 Sceptra accepit ne periret,
 Perijt, quia accepit.
 Faces Ciuiles suis odijs accenderat,
 Debuit suo sanguine restinguere.
 Qui in adulescentia otio senuerat, senectâ non eguit:
 Suorum scelerum ultor fuit:
 Oculos sibi prius effodit:
 Parua iactura, cum ijs non vteretur.
 Cæcus deinde cæcam mortem quæsiuit ferro;
 Non tamèn cæca errauit manus;
 Disce lector:

Malis si desit Carnifex, sibi non desunt.

OTHO

Diti sacrificans, litat, quod dirum
erat.



S*I tua Semidenum Patri cadat Hostia Caesar,
Tabida fumosis ignibus exta sonant.
Si Diti cadat ante aras: iam Mulciber insons
Integra sincero viscera dente vorat.
Infelix Caesar! vel sint tibi numina laua,
Vel dextra, ipse Dijs Otho sinister eris.*

OTHO

Rapax est alieni.



C*laude flagellatas Mercator marmore gazas,
Othonis penetrat marmora clausa manus.
Turbato concede mari tua lucra Britanne,
Extrahet immersas Caesaris astus opes.
Si pedibus, quantum manibus valet, Otho valeret,
Aërias cursu vinceret iste græves.*

O T H O

Priusquam se occidat oculum sibi
confodit.



Soani Sororem Vulgus ut mortem vocat,
Dormire credit Otho quos cogit mori:
Quin ipse cede Civium lassus graui,
Tandem depositis ocium telis petit:
Istinc strepentes iam recedant Aulici:
Dormire vult, caput fenestras claudere.

O T H O

Scipsum occidit.



Mille Tyrannorum Caesar tormenta mereris,
Et tamen est crimen si tibi tela parvas.
Te quicumque necet pius est, tamen ipse scelestus
Es si te ferias: est scelus esse pium.
Te damnat Cælum, te conscia Tartara damnant,
Es reus, at licet non potes esse tui.
Quam malus es Cæsar? quæ te pia Numina lustrent
Crimine, si pietas te facit ipsa reum?

VITELII ELOGIVM.

A V L V S
VITELLIVS

Se à Fauno originem trahere putavit:
 Iure quidem;
 Nisi ille semiferus fuisset, hic totus ferus.
 Adolescentiam ne quæras, Capreis in ocio perdidit.
 Aetas virilis notior fuit, non melior.
 Auri succinum, aurum etiam ex Templis traxit,
 Dijs auferens quod Scortis daret.
 Præses scelestorum præsidium scelerum,
 Famam sœdauit filij sanguine.
 Imperium ex Othonis cinere collegit.
 Quæsitum diu, mittendum citò.
 Vitæ dispendio paruum mercatus compendium:
 Cæsaris nomen recusauit,
 Cæsarianæ virtutis augurium fugiens.
 Perpetuò Consul, perpetuò inconsultus:
 Fami non famæ consuluit,
 Dijs sacra gulæ sacrabat.
 Fucus Imperij frugem perdidit:
 Vt fucus in purpuræ Rosa citò perijt.
 Statim priuat^o Imperio, qui priuat^o sœper fuit, nō Princeps.
 Per Urbem Raptus, risum insanis dedit moriens
 Qui sanis lacrymas dedit viuens.
 Morti sacratus est vitulus, vt Martem placaret.
 Disce lēctor.

Imperium etiam mali adeunt: boni tantum tenent.

VITELLIVS

Mendacissimus est.



Cum gereret tumido te, Caesar, viscere Mater;
Quid gereret fertur consuluisse Deas.
Iuno Vir, inquit, erit: non Vir sed femina, Pallas;
Vtraque decepta est, semiuir ille fuit.
Haud reget, hæc, regnum; regnum reget, altera dixit.
Vtraque decepta est, haud regit, haud regitur.
Prima, peribit aquis: Sicca, hæc, tellure peribit.
Vtraque decepta est, cæno humilis perijt.
Quem non decipiet duplici Vitellius ore,
Quando fatidicas decipit ille Deas?

VITELLII

Capiti Gallus in Foro infedit.



Alfonia dum iura dabat Vitellius Vrbi,
Imminuit capiti præscia Solis Anis.
Insidias caue dispositas, iam tela parantur,
Missa tibi volucris nunciat, ut vigiles.

VITELLIVS

Ad scalas Gemonianas occiditur.



Raptus ad infames Gemoni sanguine scalas
 Improbe, Romani scena furoris, obis,
 O quicumque tibi similis se extollere Regno
 Ambis, per similes surgat in Astra gradus.

VITELLIVS

In Tiberim proiicitur.



Phæbenus Phaëson se credidit esse nepotem,
 Aulus item sobolem se putat esse Deum.
 Ille furens patrij petijt moderamina Currus,
 Hic petijt patria flectere fræna sue.
 Ille anima Eridana flammæsq; extinxit in vnda,
 Sorte pari Ausonio mergitur iste vado.
 Hoc variat sortem: lachrymat Phaësonte cadente
 Populus, at ridet, dum perit hic, Populus.



VEASPASIANI ELOGIVM.
 FLAVIVS VESPAS.
 CÆSAR

Tertius Diius, Secundus Augustus, Primus Pius.

Afflictæ Vrbi tandem datus

Solus præcessore melior.

Solus ad imperium euasit, non inuasit.

Solus è vita discessit, non fugit.

Romam Romæ restituit, sanam fractæ,

Dignitatem Imperiò dedit cum accepit.

Patriæ verus Parens, quia verus Filius.

Templum Pacis excitans templis pacem reddidit.

Ad spectacula Theatrum dedit,

Spectaculum se ipso nobilius dare non poterat.

Dignus spectari quem Cæci etiam spectarunt:

Dignus Imperator quo iubente Claudii currebant.

Iniquis æquus, iniuriarum morsus liniuit obliuione.

Hierosolymæ vt fores clauderet Iani fores aperuit

Vt pacem pareret nupsit Bellonæ.

Sceptri caduceo pacis somnum indixit otij.

Sed hem serò datus, citò rapitur.

Cessit diuino fato, qui excessit humana facta.

Stans Obijt.

Mortem terruit cum animam efflauit.

Disce lector.

Principens decet stantem mori.

VESPASIANVS

Amphitheatrum condit.



Quis? quis Erythraeis animas properantia ripis
Marmora? quorupes nudaq; saxa volans?
Oceano mirante Paros procul innatat omnis:
Currit in Ausonium terra Pelasga Mare.
Heu quæ Romuleæ moles se se erigit Vrbe?
Proxima marmoreus sidera pulsat apex.
Naufraga fiderea minitatur machina puppi,
Pallidus, & pauidos Sol retroegit equos.
Vel tua, vel superum sunt hæc miracula Cæsar,
Orbis enim in primo clauditur Orbe nouus.

VESPASIANVS

Comicos introducit.



Reddidit Ausonijs scurrilem Cæsar arcnam,
Et repetis solitos Histrionum iocos.
Prouocat alba chelys cordacem carmine saltum;
Prima theatralis iura Bathyllus habet.
Migret Orestæus, Tragicæ concedite Musæ
Scenam alijs: regnum Vespasianus habet.

VESPASIANVS

Portentum videt.



A *Era per vacuum cernis pendere bilancem.
Ante Palatinas Vespasiane fores.
Altera crudelem pensabat libra Neronem,
Altera te mitem pendula concha tenet.
Par onus utrinque est; pendetis lancibus aequis;
Tam ferus es Caesar, qudm fuit ille' pius.*

VESPASIANVS

Viso comera crinito jocatur.



Q *Vi rubet infansio fecialis crine Cometes
Barbaricum Regem, cui comalonga, vocat.
Sic rufus loquitur, fallens se se omine Caesar:
At Vatem occidit flammea stella suum.
Flava hęc Cesaries Flavi est tibi noxia Caesar.
Odit enim rufum Stella comata caput.*



TITI ELOGIVM.
TITVS VESPA S.
CÆSAR

Flauij Vespasiani imago ;
 Patriæ se Patrem pro Patre dedit.
 Ante Imperium ignauus, molestus, crudus,
 In Imperio gnauus, modestus, clemens.
 Relictos Patris mores in solio inuenit ;
 Vapor elatus stella fulsit.
 Exiit animum cùm purpuram induit.
 Lupus inuasit regnum, euasit Pastor.
 Prius aurum omne voluit quod amauit,
 Tum illud donauit quod voluit.
 Prius ferro corpora, tum animos auro figere didicit.
 Munis officijs in immunes officij,
 Patris incepta perfecit Patri.
 Hierosolymam victam victimam sacrauit Famæ.
 Suum scripsit nomen cùm Vrbein deleuit.
 Tanto animo breue Imperium fuit,
 Quod diu meritum biennio liquit.
 Breue Regnum cupiebat Roma cùm Regem illū accepit.
 Longum cupijt cùm amisit.
 Disce lector.

Non semper Fortuna non mutat mores.



TITVS

Imperio accepto fit melior.



CRudus eras Casar priuata degener Aede:
 Ductus ad Imperium mitises, & melior.
 At tuus in patrio germanus limine clemens.
 Omnibus, in Regni perfidus arce furit.
 Virga Caduceas artes num Regia seruat?
 Efferat en mites, mitigat una feros.

TITVS

Templum Ierosolymitanum
 inflamat.



HEu,heu,bacchantem quę frenent equora flammam?
 En alitur templo depereunte focus.
 Erigida Romę serpunt per marmora teda:
 Nulla homines flectunt vota, nec vlla Deum.
 Flamma profana sacrum conatur perdere Fanum,
 Maxima mox paruum templa cadauer crunt.
 Prodigus Isacidum Casar cupit esse Sacerdos;
 Non tantum Vitulos, integra templa litat.

T I T V S

Bis venenum bibit, primò impu-
ne, secundò obijt.



Hostili medicata manu cum cecuba sorpsit
Titus, inoffenso viscere monstra tulit.
Intrepido attonitus sub pectore corpuit Anguis,
Immemor ipsa sui mors alimenta dedit.
Fraterna medicata manu cum cecuba sorpsit,
Irruit in tumidum vipera fusa secur.
Per caua serpit hyems venarum claustra, repertis
Mors subit auxilijs, victaque vita fugit.
Disce nquum virus: cum non vis ulla veneno est,
Iratam Fratris (Thessala) quere manum.

T I T V S

Statim ab Imperio accepto obijt.



Avrea regalis tetigit cum pondera sceptri
Titus, mortifera falce recisus obit.
Vitam Vita fugat; iam cedro laurea cedit:
Degener ad feretrum purpura pompa fuit.
Invida tam rectum viderunt Tartara Regem,
Ut regeret sedes hunc petiere suas.

DOMITIANI ELOGIVM.

FLAVIVS
DOMITIANVS

Sub malo punico natus ad malum publicum,
Ex Flauio Vespasiano.

Quàm malos ramos bonæ radices agunt!
Felix genitor erat, si tam fecundus non fuisset.

Hic antea fortis in Regno marcuit.

Purpuram Nessi sanguine tinctam induit.

Capitolium intrauit semel, non ductus, sed pulsus.

In Theatro bellator, spectator in Campo.

Fratrem sustulit, vt se extolleret.

Gemuit rursus Roma, inducias experta non pacem.

Sub Principe legibus vineto respirauit soluta;

Sub soluto, vineta fuit Serua.

A Fratre vno vitam, mortem ab alio accepit Imperium:

A Patre medicinam, & vulnus.

Scena interdixit Histriones, solus Histrion daturus scenam,

Hostibus Musca, Muscis Hostis fuit.

Gladium præuidit, culpas videns suas.

Non tamen vitauit.

Disce lector.

Præuisa mors malos terret, non corrigit.



DOMITIANVS

Muscas venatur.



Terribili armatus ferula volitantia Caesar
 Agmina Muscarum provocat, urget, agit.
 Pugnat nigra Phalanx, telum gerit ore, tubamq;
 Ipsa sibi telum, dux, eques, & lituus.
 Caesarea sed enim succumbit copia dextra,
 Paruaq; non paruum corpora vulnus habent.
 Apula nativis spoliantur compita monstribus,
 Muscarumque genus perdidit una manus.
 Quin domitis de more feris iam Caesar onasset,
 Sed quæ axem traheret musca nec una fuit.

DOMITIANVS

Vites recidi iubet.



Sola Ceres profugo lugeat viduata marito
 Negligit arentes pectore flava comas.
 Vitiferum prohibet frondescere Caesar Iacchum
 Pulsus ab Ausonio margine Liber abijt.
 Scilicet humano se postquam sanguine Caesar
 Proluit, ista sitit pocula, vina fugit.

DOMITIANI

Ante obitum Cornix loquuta est.



Horrida Tarpeio crocicans in marmore Cornix,
 Edidit humanos prodigiosa sonos.
 Prodigijs turbata novis tota horruit Aula,
 Prasagam metuit Domitianus Anem.
 Quid metuis, fera cum loquitur? miracula Cæsar
 Tam consuecta times? non tu etiam loqueris?

DOMITIANI

EPITAPHIUM.



Excisa truncis germina immergit ferox
 Hydra Superior Virorum Carnifex.
 Cæsar fuit, cædens, dein cæsus perit:
 Horret calentem strage marmor: postquam eum
 Mors hic momordit reddita est crudelior.



CAROLVS

EMANVEL

DVX SABAVDIÆ.

Diu post obitum desiderabitur, qui desiderari antè cœpit
quàm nasci.

Illum quippe infœcunda iam Mater votivum susceperat,

Vt principum prodigium prodigio nasceretur:

Nam principes Natura donat, Heroas Deus.

Maximo itaque genitori maior successit infans.

Vt annis acerbus, Imperio maturus.

Alterius gremio gerebatur; & populos gerebat alis.

Sēsit diuinam indolem Philippus, cū sibi generū asciuit.

Toto enim orbe circūlustrato nihil mai⁹ Carolo inuenit.

Quam auspiciatō coniugium cesserit proles docet;

Si Mars Mineruæ nuberet, tales nascerentur.

Nouē edidit liberos tam numero, quā sublimitate cœlos
æquatuos.

Solent amorum tæde, armorum tædium afferre.

At ille de coniugali thoro, ad subiugādos perduelliū toros
digressus,

Amorem Marti initiauit.

Exinde Carolum nemo vidit nisi armatum,

Nam Regnis maioribus inclusam sortitus ditionem

Timei debuit, ne timeret.

Eò metuendus omnibus, quòd neminem metuebat.

Arces longè munitissimas expugnando, desertissimas
propugnando.

Bella cum magnis Regibus

Imparibus armis semper concepit, paribus semper con-
ditionibus confecit.

Numquā victus nisi prodicione, nūquā victor nisi virtute:
Nec ingenium, vt solet, oppressit galea.

Nam æquē ingenij ac ferri acie bonus.

Ita Sapientibus Appollineam, vti Militibus Martiam præcipuit laurum:

Incertumque fuit

Magisne calamo, an gladio inuicta sit Regum manus.
Prudentia tam perspicaci, vt callidior quibusdā, sit visus.

Ignorante vulgo finitimum Regnū potentioribus inuisū,
Tutiū astu, quā hasta seruari,

Ac geminis anguibz Mercurij virgam interponi.

Regiæ demū virtutes,

Quæ in alijs fuerūt singulæ, in vno Carolo sunt singulares:
Sed omniū maximā magnanimitatem solus totā excepit.

Nam sæpe læsus, semper latus,

Docuit nihil contra fortitudinem posse fortunam.

Itaq; hanc omnium postremam virtutem expleuit.

Nam dextram Cæsari datam vt seruaret, sinistris armis
circumuentus

Maluit inter arma ferè septuagenarius occumbere.

Dixeris infectum bellum consultò reliquisse.

Ne victori Amedæo filio nihil vincendum relinqueret;
At heroico planè funere decoratus est heros.

Nam orbe toto exequias anticipante.

Exundantia luxerunt flumina, caduca illuxerunt fulmina.

Tum gladiatorios videlicet ludos præbente fato.

Gemini Matris asseclæ Collaltus, & Spinola,

Ad Caroli Inferias pro victima ceciderunt.

Gratijz verò lugentibus, grato dictante genio.

Magno Mæcenati suo hoc Elogium effleuit.

*Emanuel Thesaurus Comes, & Magna Crucis Eques
Sanctorum Mauritiij, & Lazari.*



EIVSDEM
CARMINA.





EX LIBRIS

CARMINA



SITIENTE EXERCITV
oblatam aquam respuit Cato.

Africa belligeros amburit arena Quirites,
Nullaq; iam quarula subuenit vnda siti.
Forte breues galea legiit vdo è pumice lymphas,
Demeruitq; leui munere Lixa Ducem.
Delicias oculo spectant sitiente phalanges;
De nihilo Princeps inuidiosus erat.
At Cato defectis quamquam trahit ilia venis,
Attonito intactas Agmine spargit aquas.
Principis exemplo dolet agrum mitius Agmen,
Nulla sitim culpat, nulla querela Ducem.
Augebat spectata sitim procul omnibus vnda,
Iam sparsa excussit omnibus vnda sitim.

Attritis Arcuum neruis Romanæ Capillos
sufficiunt.

Victor Agenoreos Tybris dum vendicat Hostes,
Vulnificum neruus deficit Indus ebur.
Irrita securus deridet spicula Pænus,
Et sua felici spargit inulta manu.
At non Ausonidum latuit solertia Matrum,
Nimirum Ausonidum sat fuit esse genus,
Cornibus attexunt sibi quos minuere Capillos,
Martia faminens munera crinis obit.
Spicula luxuriant tenero vibrata Capillo,
Spicula tam crebras nulla dedere neces.
Faminei sed enim lethalia tela Capilli
Semper erant: quid cum spicula, & arcus erant?

FLAMMAM PVDICITIÆ TESTEM

Nupta impunè tractat.



Testatur fidem iurata Lælia dextra,
 Pronuba magnanima fert elementa manu.
 Attonitas inopina tenet reuerentia flammæ;
 Castaq; supplicium Dextera versat iners.
 Si tibi læna fuit mea credule Dextera Marite,
 Sit roguſ iste mihi Tada ingalis, ait.
 Testis mira fides. Propria qui crimina Nupta
 Non tacuit, Castam Mulciber eſſe probat.

SERVATOREM SVVM SERVAT LEO.



Tabentem leui traiectus cuspide plantam
 Flebile Marmaricus personat antra Leo.
 Fors ea Venator luſtrat iuga tum Fera prodiſt,
 Is pauet. hæc ſubitam ſaucia poſcit opem.
 Traſtat fulmineos medicus iam certior Vngues,
 Et medicum pauida ſe ſtupet eſſe Fere.
 Inde Theatrali captus dum ſeruit Arcæ
 Appoſitum memori protegit vngue Leo.
 Mites eſſe Feras, Homines docuere: viciffim
 Vt ſit Homo Humanus en Fera capta docet.



ILLÆSO FILIO SERPENTEM
circumuolutum perimit Pater;



Adspicit amplexum nati peritura Draconem
Colla Pater: mors est, quælibet acta mora.
Protinus in viridem iaculo collineat Hostem,
Et læso illesus profilit Angue Puer.
Figitur in solo docilis Serpente sagitta,
Et præscripta Patris lumine signa tenet.
Nunquam sinceri iaculum mentitur Amoris:
Id malè collimat, quod malus urget Amor.

PATREM FAMI DEVOTVM LACTAT
Filia.



Foemina per densas intrat generosa Phalanges,
Qua Pater est lenta insus obire fame.
Arida per vacuas numerat ieiunia venas
Ossa; diducta prospicit alba cute.
Ah dolor! affectare dapes canet arduus Hostis,
Iamq; fame Genitor, Nata dolore perit.
At malè femineo dum verberat ubera planctu,
Quid queror hoc, inquit, Pectoris aucta penn?
Ergo Patri lantæ impendit nata papillas,
Fitq; Patris Gentrix ingeniosa sui.
Expugnat rigidum pietas deprensa Tyrannum,
Corpora non passum tam benè pasta mori.
Quam non vincet Amor causam? monet ecce Tyrannos:
Et mites, legem transgrediendo, facit.

MATER HEBRÆA FILIO
vescitur.



Quam Patria peperit miseram sibi deuouet escam
Cognatis dapibus luxuriata Parens.
Ingestus materna puer per viscera currit,
Cuna idem venter qui fuit, urna fuit.
Plaudunt exemplo Furie. Iam vicinus, aiunt,
Inuidiam, populus nos facit iste pias.

PERICLITANTE PATRE LOQVITVR
impeditus Cræsi filius.



Segnior regalis, vegeto iam firmior æuo,
Non poterat vocis soluere vincla Puer.
Proditor ecce neci Patrem cum posceret ensis
Euomuit facili verba reperta via.
Extremis Natura malis est prouida. Primos
Seruauit Patria pro pietate sonos.



A V A R V S S V P E R S T I T I O S V S .



Quando dines ero? secum querebat Avarus.
 De ramo Cornus: cras ait, & tacuit.
 Angurijs firmata bonis sua vota moratur
 Cras populaturus, quas malè condas opes.
 Ergo auro ingentem misero dum preparat Arcam
 Cras perit: atq; Arca conditur ipse sua.
 Nec mala fasidico volucris mentitur. Avarus
 Cùm moritur, Dines incipit esse alijs.

D V R A N T E S P I N A P E R I T R O S A .



Avrora soboles Aura pulcherrima Rose
 Pascitur, atq; perit cum Genitrice Rosa.
 Spina sed in longum ridens felicior animum
 Hares deciduae vivit acerba Rose.
 Hoc Natura licet? spinam servare nocentem,
 Atq; hilarem subita plectere morte Rosam,
 Est Rosa flos Veneris; Venerisq; simillima flori,
 Quod cruciat longum est: quod placet exiguum.



IN FVNERE MAGNI REGIS.



Hic gemit impositum feretris pallentibus Aurum;
 Aurum Atlantei lucida pompa Maris.
 Hic gelida emeritis languent in fascibus arma;
 Arma per Australes quæ caluere sinus.
 His perit in proprio tabescens lumine cera;
 Cera Europea quam peperistis Apes.
 Hic pia odorato spirantur flamine Thura,
 Sudatis Asia Thura petita Iugis.
 Hoc tantum exiguo subiguntur plurima fructu
 Regna, ut funeribus plura tributa ferant.

IN EODEM FVNERE.



Alea coronato quæ incumbit machina busto,
 Mox erit ipsa Rogus, ipsa Cadaver erit.
 Dum pia lugubrem lustrant funalia scenam
 Luce sua liquidas cerne perire faces.
 Pallida quæ viduum cingunt simulacra feretram
 Ipsa suum repetent puluerulenta solum.
 Consona dum tacitum plorant modulamina funus;
 Vox perit, & fletu soluitur ipsa suo.
 Omnia Mors spectat miserè spectantia Mortem,
 Et tu qui spectas funera iam moreris.

VITA ACTIO.



Amphitheatralis rapimur spectacula scene,
 Omnes ah miseri Fabula mæsta sumus.
 Actor Homo, Cælum spectator, grande Theatrum
 Hic orbis, Vita est actio, scena Dies.
 Iam data Regali postrema est clausula Vitæ.
 Hoc est postremum plaudite: abire licet.

IN STATVAM IVLII CÆSARIS
 corruptam integroduntaxat nomine.

Bis deluse peris duplici discrimine Casar,
 Bis tua diverso Vita sub Hoste cadit.
 Quam dederat Genitrix Bruti tibi sustulit Ira,
 Quam sculptor dederat Temporis ira terit.
 Vinis parte tamen Casar meliore superstes:
 Perdere iam nomen vis nequit vlla tuum.

FILIVS PATREM PINGIT.



Vivifica extinctum restantras arte Parentem
 Pictor, & officium reddit amica manus.
 Qui sine te perijt, per te Pater ipse resurgit,
 Et vitam Iuuenis quam dedit ager habet.
 Sic Patris Pater es: Nati Natuſq; creatur
 Qui genuit: Patrem Filius ecce parit.

PICTOR SE IPSVM PINXIT.



VErane forma fugit durat si ficta superstes?
Sorteq; Nobilior deteriore perit.

*Servat adoratam contusa forfice telam,
Et tabula Auctorem tetrica Parca secat.
Si facit Ars firmos Homines, Natura fugaces,
Ars facere, hac dici fingere debuerat.*

IN EFFIGIEM S. BRVNONIS Carthusiensium Patriarchæ.

Non fucata leui minio te ludit Imago,
Nil fictum lepida hæc forma, nil artis habet.
*Adspicit, ac spirat. sed rara Modestia motum
Suppressit, & circum lumina ferre vetat.
Rumperet ore sonos etiam: sed sancta silentii
Regula composito non finit ore loqui.*

GIGANTOMACHIA IN PARIETE imbribus obnoxio.

Impia Phlegreï renouant periuria Fratres,
Et noua compositis Montibus orsa parant.
*Rursum sulphureis impendes Iupiter armis,
Nec valet Anguineum perdere flamma genus.
Pone faces: rident renouatis viribus ignem;
Hac dirimet gelidis prælia tempus aquis.*

IN IVDÆ EFFIGIEM ARGENTEOS
reijcientis.



Proijcis infames effusor Prodigè Nummos,
Et fugit extenta nullus Auare manu,
Exosum refugit contingere terra metallum,
Flamæq; contigua Cópia pendet humo.
Siccine vos postquam tetigit fera dextra, profana
Et pretium, & pondus demeruistis opes?
Fallor. furacis sunt hæc miracula dextræ:
Dum reijcit Nummos, attrahit illa manus.

IN EFFIGIEM D. A MBROSII
Theodosium Templo arcentis.



Cernis ut in vetitos Princeps irrumpere postes
Nititur, & fixo vi parat ire pede.
Vana colorata non est hæc forma tabella;
Spirat; habet nostra viuus ab Arte animam.
Quin etiam foribus Victor se immitteret altis,
Ni sancti obstaret Prasulis Imperium,



IN EFFIGIEM ASSVMPTÆ VIRGINIS non absolutam.



A Vrea dum Raptę conformas Virginis Ora,
 Raptus inexploto munere Piętor obis.
 Non tibi crudelis, non innida Parca labori,
 Sed Populi Votis officiosa fuit.
 Nam si, qui tantum decrat, motum arte dedisses,
 Egressa ę Tabula vinida Virgo foret.

IN S. VRSVLÆ STATVAM CVM lictoribus.



Vibrat, non vibrat; replicat, non replicat ictum,
 Pennigeras lictor datq; negatq; neces.
 Prome: quid ambigui cunctaris lucra pericli?
 Damnant ignauas pęctora prompta moras.
 Hac reor est Pallas Virgo: nam Pęctoris alham
 Agida cum peteret duruit illa manus.



IN EFFIGIEM MENDACIS.



Vivis adhuc? spiras fallendi callida Pristis?
 Et fida infidos recreat aura sinus?
 Mene putas falsa rapturam in retia lingue?
 Saga tuos noxi Parthenopea dolos.
 Finge oculos, mentire genas, tu falleris ipsa:
 Si poteris rursus fallere, dispream.
 Cui loquor heu vana deceptus Imagine? viua
 Quid faciet, quæ vel fallere picta potest?

DE ZEUXI.



Mentitam Tabulam Zeuxis formaverat Vnam,
 Adq; ea deceptas pabula traxit Aves.
 Post diræ miser ipse famis dispendia passus,
 Non nisi quas tabula finxit, habebat aves.
 Scilicet illusc multam petiere Volucres:
 Suppliciumq; Anibus quod dedit, ipse tulit.



IN EFFIGIEM CHRISTI PATIENTIS malè expressam.



L *Anguentem nemo diuinum expressit Amorem:
Hactenus egregia desipere manus.
E grege te Pictor primum commendo. sapisti
Veris crede modis exanimare Deum.
Namq; isti non forma fuit, non gratia vultus:
Pinxisti informem solus & exanimem.*

IN MALE' PICTAM VENATIONEM.



R *Ara colorato finxit solertia lino
Et Leporem, & Lybicum per iuga picta Canem.
Scilicet hoc mirum est. Leporem non cursibus Vmber
Urget, & irriso non fugit heste Lepus.
Hasce feras etenim tenuit discordia forma,
Quæ velit esse Canis, quæ velit esse Lepus.
Ergo feras si pictor amas per inane fugaces
Cernere; subscribas, Hic Canis, ille Lepus.*



IN EFFIGIEM PROMETHEI

.. malè redditam.



Caucasea lacerum sub Rupe Promethea Pictor
 Mancipat, & Rapto vendicat Igne Reum.
 Tam miseris sortum exemplis si cerneret Vltor,
 Quas petijt flammæ, Iupiter ipse daret.

IVDAS SUSPENSUS CREPVIT

medius.



Non mea me poteris Tellus haurire nocentem?
 Non Thetis innocuas sapius ulta rates?
 Non tumida Nubes igni multare caduco?
 Non terere insidum stella reuulsa latus?
 Exoso refugis Tellus, Mare, Sidera, tactu:
 Inueniet mediam spiritus iste viam.
 Dixit, & infami se Proditor Arbore librat,
 Nec terris, nec Aquis, neue Polo immoriens:
 Restant contiguas sædande tactibus Aura,
 Atq; Anima assuetas impedit Aura vias.
 Ergo Anima obfessi Antico illuctabilis Oris,
 Postico solutum lapsa sefellis iter.

FRANCISCVS XAVERIVS

ad indos soluit.



Navis solliciti, incundos Orbis Amores
 Per vada quæ Zephyro lata ferente vehis,
 Marmora festivo tranquilla celestinate rumpe,
 Humida terribilis comprime terga sali.
 Hyblæas depasta rosas tibi flamina dulces
 Aspirant Anima; suppara censa canunt.
 Cedunt Monstra Maris, Venatricesq; Phalanges,
 Sarcina securam te preciosa facit.
 Inuidet Argos Puppis tibi lucida Prædæ:
 Illa vehit stellas, tu vehis una Deum.

PEREGRE SE FVNICVLIS

adstrictum cruciat.



Aretata duris membra neclis Vinculis.
 Nudosq; Diuus implicat nodis toros.
 Hospes remotam destinat Viam: Omnia
 Vult ferre secum, colligat Pauper quæ habet.



ACERBISSIMIS DVNTAXAT
Pomis diu alitur.



Faucibus Autumnos agris indulget acerbos.
Tantalea Xauier pallidus ora fame.
Compar supplicium, dispar tibi Tantale causa est:
Hic veniente cibo, tu fugiente doles.
Tam mala ieiunium si Tantale Mala manerent;
Supplicium maius si fruerere foret.

SACRA FACIENS EXCEDIT
sensibus.

Pronus adoratas rem consecutus ad Aras,
Durior Alpino Xauier it silice.
Hinc Puer audaci tardantem vinere dextra
Vellicat; immemorem, pręrigidumq; vocat.
Siste Puer. quem cernis abest. Deus aduenit Hospes:
Obuius en vacuam deferit iste Domum.

VERMINOSAM BIBIT.

Deficit illimis Xauier dum nauigat Vnda:
Deficit in medio quam bibat Vnda Mari.
Haurit soligenis animatum Vermibus aquor,
Et tumulat viuos visceribus latices.
Es tibi causa mali Xauier. Te vinere cuncta
Pręsente incipiunt: exanimantur Aqua.

SINGVLIS SVA IDIOMATA PRO
concione referens Angelus creditur.



Percitus Empyrei Franciscus Pneumatis astu,
Tergeminum Monadis Concilium memorat.
Concio Pennigera properat Malabarica Mitra:
Et brevis intorto vertice Pumilio.
Vncq; Sinus adest, & pressa Naris Iapon:
Durus Taprobanes, mollior astat Arabs,
Thrax Pallam, faciem pictus Canarinus adustam,
Et tereti hirsutus cum Patagone Scythia.
Pendulus vnâ Orbis linguam miratur vsq;
Lingua refert Patrios omnibus vna sonos.
Hoc alij potuere. sacer cum diceris Ales;
Plus est vno omnes quod facis ore loqui.

IN ORA PISCARIÆ LACHRYMATVR.



Candida Piscosam Baccarum copia Terram
Fecerat, è gelidis copia diues Aquis.
Trajcit Hesperias temeraria turba columnas
Roscida quo lacero pignora lentre legat.
Linguite Aquas: Xanier quo luges pergite Nautę:
Quod medio petitis gurgite, litus habet.

NVTIBVS INDOS ERVDIT.

Si loqueris quocunq; libet fera pectora pellis,
 Atq; aures Populi vinida verba vident.
 Si vibras Franciscæ manus, tua dextera satur,
 Atq; oculis audit rustica Turba manum.
 Quis credat? manus eloquitur, promptissima gestit
 Lingua, vident Aures, audis iners oculus.
 Non sunt hæc Hominum Miracula: Numinis instar
 Est quisquis mutat sensibus officium.

NEGATA NAVI PEDIBVS MARE
decurrere aggreditur.

ERige pugnaces scopulos; mare Montibus abde:
 Inuia Xanxio non erit ulla Via.
 Tolle Rates, erit ipse Ratis: Terram Equore sterne,
 Equora calcabit dura, natabit Agros.
 Quid non possit Amor? legem dedit omnibus Idem;
 Legem qui potuit rondere, soluet Amor.

VNO TEMPORE DVABVS
insistit Nauibus.

VNa duas cæco Naues rotat Orbe procella,
 Vnaq; fit geminis Nauibus vna Mare.
 Vnus adesse cupit gemina, Franciscus in Alno:
 Velle habuit pretium; Qua cupit esse, fuit.
 Et fugit, & remanet: puppi se partit utriq;
 Fit duo, nec duo sunt: distat, & unus adest.
 Miraris? quid tam facile est quam pluribus unum
 Stare, locis, geminus quo minor Orbis erat.

SACCO INDVTVS AVLICIS miscetur.



Presserat Hesperias armata superbia terras,
 Arx Aula infelix Ambitionis erat.
 Lumina quicquid amant, Postes, Laquearia, Mensae,
 Omnia pro telis explicat Ambitio.
 Arcus erat Diadema, arcus fœdata cruentus
 Purpura; & hæc oculis cernere vulnus erat.
 Xauier at lacera velatus membra lacerna,
 Loricam dixit, si potes, hanc penetra.
 Quæ nulle poterant Arces perfringere tela.
 Teda hæc Xauerij frangere fracta potest

INDIIS PERAGRATIS EMORITVR.



Magnus, ut exiles Macedo peruenit ad Indos,
 Sanguine iam lachrymas deficiente dedit.
 Ex alijs alios suspirans Orbibus Orbes,
 Virtuti metas mœruit esse breues.
 Xauerio inuideat Macedo. Post Indica Regna
 Cœlestes Orbes inuenit, & superat.



DE SERA INFIDELIVM CONVER- sione expostulatio.

I.

R *Es est Relligio nota
Aut ignota magis?
Numen Relligio patens
Quas non conspicuis verberat Ignibus
Terras? quod Aequor belluosi
Tranare Bosphori pauet?
Hospes inhospitis
Lucida Lucis;
Constans trepida
Ludere in vnda;
Ingredi cecos animosa Calles:
Solis veramq; Domum liquidis fulgoribus implet.
Obliqua si quam descriit plagam dies,
Hec tetricas radiat per Vmbas.*



NVmen Relligio Vastum
 Pandit ubiq; Deum.
 Doctor consileat licet,
 Nouit Nauta fero pressus in Icaro
 Caelo supinas ferre palmas.
 Casurus agrestes opes
 Tornat solidum
 Si Notus imbrem,
 Properat Dinos
 Mulcere sator.
 Hosticas Victor minuat Phalanges;
 Tardet Aprum Marsa Venator arundine Præde,
 Ille graue sacro ferculum appendit Tholo,
 Horrificos dicat iste rictus.

III.

AVrore croceos Currus,
 Aurca frena vide.
 Audi turbine consono
 Intercalatam sideribus Sphæram.
 Longoq; non fessum rotatu
 Astrum videto Presidem.
 Condam lucis
 Promamq; bonæ:
 Aliam semper
 Semper eandem
 Progredi cernas minuiq; Phæben.
 Sylvarum, Pelagiq; Pecus, pictasq; Volucres,
 Variosq; florum cerno ridentum Choros,
 Cuncta Deum sine voce clamant.

I V.

S Ecuris trabibus fixum
 Advena Hyrundo larem
 Quo doctore linis? Deo.
 Quis mœstam Cythara pangere plumea
 Carmen sub umbra luctuosum
 Prognem Choragus erudit?
 Quo dictante
 Gens florigera
 Stipat cereis
 Nectara thecis?
 Quo celer testis Opifex medullis
 Argutos Culici laqueos pratexit Arachnes?
 Aut quo penum Formica parcit frigori?
 Tam minimis Deus est Magister.

V.

C Vr vel solinagis Culpam
 Horret Virgo locis?
 Testem Virgo timet Deum.
 Umbras crudus adhuc quid Puer anias
 Morumq; Virgultum tremiscit?
 Numen Puer sentit latens.
 Cur argentes
 Tangere vitat
 Cari cineres
 Nupta mariti?
 Quidpiam sentit superesse Morti.
 Nocturna Lemurum facies, & præscia veri
 Somnia, Poëtis Entheum Pectus sacris,
 Esse Deum, superosq; clamant.

V I.

Olim sanctum Animal, viuax,
 Humanumq; suo
 Sculpsit de Ingenio Faber.
 Libratis teretem partibus indidit
 Statuq; & incessu figuram.
 Huic Dadalas finxit manus,
 Linguam præpetem,
 Ac sideribus
 Nata tuendis
 Sidera fronti.
 De suis tandem radijs fauillam
 Excussit, clareq; dedit sanctum Icona menti.
 Ac ni Cupido nostra nos cecos facit,
 Artificem è speculo videmus.

V. I I.

At si multigenos cultus
 Mistaq; sacra vides,
 Res est Relligio abdita.
 Hic truncam salicem stare Deum inbet,
 Edace quem finxit dolabra,
 Blattis futuram mox depens.
 Hic colit vnda
 Lene Caput sacrae:
 Sarculo amicas
 Colit hic fruges;
 Et suum hic mandit, bibit ille Numen.
 Quondam etiam Numen pauida stetit Hinnulus ara;
 Bipartendum Caprea ac Viro decus:
 Illa Deos parit, hic precatuꝛ.

V I I L

Quanta Vatis heu nuge.
 Thura quid alba crepent
 Sacris imposita ignibus.
 Quo fulgur sonitu Nubila dirimat:
 An dextrum, an obliquum laceſſat
 Oſcen volatu Dadalum,
 Seruat Aruspex:
 Fataq; Principum
 Volucrum pennis
 Fatuus alligat.
 Conſulit mutas alius Bidentes,
 Vina cruentata ſcrutatus viſcera dextra.
 Quid plura? ſanguine Rhodus humanolitat:
 Et ſmilem ſibi Myſta cadit.

I X.

Caligo ſed enim maior
 Quos arcana inuat
 Scitari Superum, implicat,
 Hi vera, è Cathedris dogmata ventilant,
 Verumq; perdunt ventilando.
 Raptatur hac illac Deus.
 Scommata ludic
 Alter in alterum:
 Et ridetur
 Alter ab altero.
 Veritas falſis peſitur duellis.
 Iam calamus gladio mutatur, pagina peltris,
 Sanguis rebellat ſanguini. Scandit furor
 Per ſcelera ad Pietatis arces.

.I. XI.

O Lucis Faber alterna
 Et lux certa animis,
 Tandem nubila disijce.
 Te nosci Dominum si nihil interest,
 Quo Tempia, & Aras tot moramur?
 Te nostra si tangunt sacra,
 Quid consortem
 Pateris orcum?
 Aut que Saganis
 Tanta potestas
 Vt tuas dirus ruat ignis Aedes:
 Interea impunes Phlegethon contaminec Aras?
 Audis micabit luce Religio sua,
 Et dubius requiescet Orbis.



IN PATRIAM REDVCIS VOTVM.



Quam dulce lassis, Isthmia Nautis
 Pressisse conto litora, cum Notus
 Feruora dediscit supino
 Caruleis equitare campis.

Quam dulce collo nectere patrio
 Dextram ferocem, quæ prius aspero
 Stridens metallo, fulguranti
 Horrendam tonuit Sarissa.

Nil est Paterno sole beatius;
 Certisq; noti finibus oppida,
 Seu iuuat errantes Volucres,
 Seu genus undinagum tueri.

Olim Paternis indita fontibus
 Arcana vis est; quæ latet Aducnam,
 Ad nota dulcis labra serpit,
 Et Patriam monet esse lympham.

I qua Regali sol perit Æquore,
 I qua recenti se reficit sacra:
 Scrutare Getulos recessus.
 Non Patriæ fugies Amorem.

Merge hunc sub undis transfuga Caspijs,
 Emerges ardens. Ad tua litora
 Mentem resorbebit fugacem,
 Et tacitos feret ore morsus.

Spreuit placentes Ogygiæ minas,
 Spreuit decoras Alcinoi fores,
 Et calibem nunquam racemum
 Præ scopulis Ithacus paternis.

*Tauro implicatus litora Patrię
 Natiua dura quo repetat Scythia;
 Querceta Gargani dolebit;
 Et tepidas habitare Baias.
 Ille ò beatus, cui vice consulis
 Prognos Paternam dum relinquit trabem
 Distinguit annos, atq; auito
 Herculeum Mare finit agro.
 Et qui coang dum videt Arboris
 Pendere crines, se meminit senem.
 Campisq; lentis, atq; adulto
 Se Nemori uidet esse Patrem.
 Felix uolantem cui proprij datur
 Metare nitam limite pradij.
 Miscere cui prodest sepulcra,
 Et cineri cineres paterno.
 Felix Parenti qui sibi creditum
 Multo resignat sœnore puluerem:
 Quem terra postquam fruge pauit,
 Cuna eadem fuit, & sepulcrum.*



IN PLUVIOS ANNOS. DIRA.



AT quis Nigrantum Verna, plus nimio potens,
 Spirabilis compendium ingressus via,
 Mundi Ruinis Tartari ingluviem beat?
 Vel qua sepulcris altis Venefica
 Torto sabellum concrepans carmen labro
 Caduco Cælo sidera orbaso rapit?

Et hunc sereno Turbinem vultu vides
 Vltor Mulierum Iupiter? num te ligat
 Enode Pellex brachio? aut vds gravem
 Stertis cicutam? fortis aut primæ incapax,
 Dum seminale cuncta confundit Chaos,
 Exosa pessum arbitria, & sceptrum iacis?

Nullusne cause cognitor? nullus Forum
 Mundi elientis Rabula, vel Rhetor terit?
 Quid tu Pupilli tarde Curator Iouis
 Falcate Senio? quid satellitio frequens
 Apparitor Maingena? quid Acinace
 Gradine incrimens siderum cerres Gregem?

Et lucis ille Circitor, mens Aetheris,
 Dynasta Phabus: ille tum Pedaneus
 Tum Consularis Ordo Stellarum, potens
 Mundum rotatis regere pupillis, tacet?

Vides vs alio pensilis Aquator loco
 Ambas supinat frigidus capedines,
 Vlnisq; nitens stiriam presso negat
 Herere fundo? Cernis, vt spurius, iners,
 Semigenitus, proiectus, incestam putris
 Glebam renidens municeps Cæli nonus,
 Ceu cinis, atq; Indigena stellata Domus,

Geniale niuibus conspuit Orion solum,
 Superq; cilio ductat humanas vices?
 Hinc quæ polari dote venalem Ioni
 Dedi Pudorem, Bainulum cæli Patrem
 Ingrata proles vexat, & liquidam necem
 Infundit vlnis. Hinc gemella Numina
 Recens probro se cortice exutas manus
 Edita ruendis Ratibus, Oceanitidum
 Inefficaces irritant risu preces.
 Valet liquidis fertiles quondam plaga
 Mersa sepulcris: montium limbus plaga.
 Nusquam Nirosa dente vos ultra leui
 Tondebit Agna: vomere aut acri, pius
 Promota fundo germina in palam trahet,
 Sulcisve edaces Cultor inhibebit vepres.
 Squammosa flexo Monstra per sulcos gradu
 Errare Pastor cernet; ac vestris penum
 Piscator vnca quæret in glebis acu:
 Tritasq; aratro, trabibus urgebit vias.
 Ite, Ite quondam Nobile Hortorum decus
 Animæ viuentes. Flammeum merges caput
 Superba Cnicus: Phæbus illesam fugit
 Calatham sequacem, tuque Pæonis potens
 Arcere virus fonte, non ab te potes
 Arcere Fontem teq; submerget tua
 Narcisse Lympha: Lympha quæ vitam dabat,
 Succoq; teneros viuido impleuit toros.
 Et vos valete Vota Virginibus Cohors.
 Flores adulti, flosculiq; puberes.
 Valet florum Candidati Lilia,
 Stolatus ordo Niuibus. ah quale Niniuum
 Per astra vobis inuida sepulcrum venit.
 Terræ Cadauer languida rependet Rosa,
 Collum Hyacinthus ponet, algebit Crocus.

Satiua tristis sidera occasus bibet .

*Quid hoc ruina? Quassa dum questus tero
Stridescit Aethra . num granida nubes cano
Immugientes viscere Leones parit?
Vertigo Caeli nutat? an lassum Gigas .
Stellare fractus exigit onere latus;
Nunquid bibaces nimia perpeffa vada
Valles anhelant? tota vel Mundi senis
Anima laborat? Proh Deum atq; Hominum fidem;
En quanta sulco rima serpenti scidit
Nuben dolentem distrahi . an tantas valet
Incendiarium parere flammis gelu .
Animam calentem frigido eiectat sinu
Irata nubes: moxq; pertasa impium
Scelus , flagranti liquida se impendis solo .
Nimium nocenti maesta paenitentia
Flammis praeustum , lachrymis Mundum obruit .*

*Fasces Caelum . Vertice emoto rue ,
Confunde Terris Astra , nec summo Inferum
Lunaris orbe fibula hunc mundum liget .
Iam Sole vulso Cacus ingemitet Cyclops
Et Regna in unum terna Neptunus legat .
Argo rursus syrtibus stridat ratis :
Per nostra Delphin Maria stellatus abeat ;
Tandem veneno sabidos artus liqua ;
Et rupra molli latera syntexi fluant ;
Orbis ruinas Vertice infracto feram .*



Ad Nobilissimum
PRÆSVLEM

Ex gentilitio stemmate Vaticinium.



Quis te Virorum, quisve Deum, Lyra,
 Iam dedicatam pronocat impetus?
 Quis fœta Delos, quisve Pindus
 Per humidum mihi pectus errat.

Faucte linguis, hic Genium loci
 Astare certum est. Huc Puer insulam, &
 Indos vapores, cumq; Vesta
 Assyriam properat. Ionam.

Bis bina torto iam lituo Polum
 In Templa fundo. Iam decumus notat
 Poëtica, & Antica trames,
 Quem bifido secat axe limes.

Spectatis? an me de solido furor
 Mentis repellit? Stella fororibus
 Curaum sepultis invidendo
 Zodiacum ferit Alba cirro.

Heros litasti. Te Proanus suo
 Phœbus nitori sufficit Hesperum.
 Phœbum repones, cum Pyropo
 Canicis triplici calebit.

O quantus olim Threicio cnor
 Instat Tyranno. Tum Tyrium Mare.

Bis purpurascet: Stella pectus
 Barbaricam ruet ista Lunam.
 At quale Monstrum? Primus inuitiles
 Surgit per iras Herculeus labor,
 Tergum flagellans: Num praesto
 Axisferum bibit ore Sidus
 Odisse bruto fulmine longius
 Lenos Leones Augur agens solet.
 Tunc Hoste Matres, tunc inultas
 A Borea negat ire filuas.
 Fallor. Quirini quatenus Imperi
 Natale sidus fertur hic Aureus
 Qui Victor Autumnum migante
 incolumem Leo versat ungui.
 Dedisce fletum Roma: quid utiles
 Circa ruinas famineum latras?
 Non vana Phœnix Fabulosi
 Supplicij recreanda busti.
 Hic, cui Cleones se fera temperat,
 Pomumque discors asserit: Artibus
 (Pacemque, terroremq; miscens)
 Romuleis Populum beabit.
 Sed quanta textis Machina Montibus
 Offendit auras? num genus Anguipes
 Stridente Centauris Olympo
 Pelion instrunt, & Ossan?
 Heheu ruina materiam struis.
 Permite Diuis sidera. Quid Iouis
 Ignem laceßis iam quietum
 O propria tumulande Matre.
 Agnosco. Diris Augurium vacat.
 Ni fata peccent, iam Capitolio
 Te Roma fundato superbis
 Verticibus super Astra tollet.

*Quo te insolentem proripies, Lyra?
Iam parua magnis pone modum modis.
Hac alia Minci pleetra poscunt:
Parthenopen melius sonabis.*





Infulatæ
VIRTUTES
IN
ORIENTALIS
ECCLESIAE PATRIBVS
Expressæ.



ARTS

LIBRARY



CONSTANTIA INFLATA.
ATHANASIUS
ALEXANDRINUS.



Athanasij virtus senilis in Pucro,
 Pucile nihil vnquam habuit, præter ætatem.
 Antonij magni Discipulus,
 Sub Chirone altero Christianus Achilles,
 Nescias an plura didicerit andocuerit.
 Veritatis amantior, quàm quietis,
 Vt reduceret exulem remeavit in Patriam.
 Aequè insensus Ario, ac Arius Christo,
 In omnibus ab eodem dissentiens, in hoc vno consensit
 Quod vterque Athanasium nollet Episcopum.
 Vtroque tamen inuito coactus ad insulas,
 Omnium Amorem promeritus,
 Quia satis amari non poterat incurrit in odia.
 Ab hospitibus delatus ad hostes.
 Nunquā nō agnitus innocens, sepe damnatus, vt nocens,
 Sedem maluit mutare, quàm syllabam.
 Principum iras ideò non metuens quia ferre poterat.
 Constantino non placuit, quia minùs notus,
 Constantio, Iuliano, Valenti, quia non ignotus,
 In hoc etiam cum veritate conueniens,
 quod Regibus displiceret.
 Sed hostes suos ideo in Athanasium Deus allisit, vt frāgeret
 Reuocatus ab exilio, vt iterum pelleretur,
 Aequè triumphans cum cederet, ac cum rediret,

Herculi suppar, nō vnū laboribus suis fatigauit Euristeū.
 Sape quæsitus ad necem, semper ad duriora seruatus,
 Bonorum vota præferens suis,
 Inuisum inuidis lumen, ne extingueretur abscondit.
 Arenti diu clausus in puteo,
 Eum impleuerat lacrymis, nisi desiccasset ardoribus,
 * Malens cum mortuis, quàm cum perditis viuere,
 Eius in tumulto vitam deposuit suā, à quo vitā acceperat,
 Sciens nullum tutius commissa seruare, quàm qui dedit.
 Hoste deficiente, quem vinceret reuocatus è pugna,
 Suis quietem peperisse contentus, perfrui noluit,
 Tunc primùm mori cupiens,
 Cum vitam potuisset amare.
 Homine maior,
 Qui se in hoc vno probavit hominem
 Quod pati posset.

* Cvm vellent Ariani filium Dei esse similis cum Patre substantiæ, non eiusdem, contenderentque idcirco non *ὁμοούσιον*, sed *ὁμοιούσιον* esse dicendum, Athanasius Diuinitatis Verbi propugnator acerrimus, sedem maluit mutare quam vocem: maluit enim in exilium abire. quàm Dei filium cum Arianis *ὁμοούσιον* tantùm dicere.

Vide Baron. tom. 3.

* Sub Valente quæsitus ad necem, per quatuor menses in Patris sepulcro deliuit, sub Constantio vero in arenti puteo per sex annos inimicorum rabiem mundo ignotus elusit. Tandem ingenti cum omnium plausu suis redditus, cum iam felix posse viuere videretur, excessit è viuis.

Vide Baron. Tom. 3.



ATHANASIO,

Inter Ærummas infracto.



H*eu fuge depresso contermina regna Barathre,
Hem fuge diuitijs Regna timenda tuis.
Calituum tibi causa nocet, tibi conglobat hostes;
Eia age defenso liber ab orbe fuge.
Astra adeas, securus eris. Te Mundus Olympo
Denouet, & Cinem denegat esse suum.*

ATHANASII

Epitaphium.



H*ic iacet ille locis fugitiuus ab omnibus exul,
Cuius in exilijs exulat Alma fides.
Cui tuos vix vna lares dedit ade sub ima,
Quo nihil inueniet firmitus vlla dies
Hunc populere Duces, hunc vexanere Tyranni,
Mior huic nullus, credite, morte fuit.*



TOLERANTIA INFVLATA.

IOANNES
CHRYSOSTOMVS.

Ioannes Eloquentia Aureus, Tolerantia ferreus;
 Pretiosior fortasse quod ferreus, quam quod Aureus,
 Nescias vbi cœperit esse Sanctiss. aut quando desierit.

Bonas artes cùm disceret, docuit meliores,
 Iam inde magnus, vnde esse vix cœperat.

Syluoscere metuens, secessit in Syluas,

Exuturus inter feras,

Si quid ferinum induerat inter homines.

Alienis clarus in oculis, obscurus in suis,

Vrbes dum fugeret, Vrbes in Eremum attraxit,

In hoc vno cum virtute rixatus, quod latebrās impediret.

Se vno dolente reuocatus in Patriam.

Non minus in dicendo, quam in agendo disertus,

Nescias an plures virtuti dederit, an reddiderit.

Se felicē non reputans, nisi cū miserorū causas assumeret:

Facundum, nisi cū vinceret,

Nullius aurum appetens omnium animos acquisiuit.

Collatas à Bizantijs Insulas,

Ideo accipiens, quia reculare non poterat,

Vtilior esse studuit, quàm videri.

Sibi vni durus, quo mitior esset in cæteros,

Salutis omnium memor, quia non immemor suæ.

Securitatem, quam daret alijs, rapuit sibi.

Sed mirum erat, si tanta virtus inuidis caruisset.

Qui perditos, nec tolerare poterat, nec corrigere,

Quia eorum non incurrit in mores, incurrit in odia,

Idcò hostis habitus, quia dissimilis,
 Semel, atque iterum à barbaris pulsus ad barbaros,
 Quòd tantum hominem Vrbs una non caperet;
 Plura fèrre cupiens, quàm hostis in fèrre,
 Veram Patriam,
 Cùm in exilium properaret, inuenit.
 Vir in omnibus aureus,
 Nisi quòd Auaris placere non potuit.

* **E** Vdokia enim augusta Auarissima scæmina, alique non pauci
 id genus homines, cùm in auaros declamantem eloquentissi-
 mum hominem diutius fèrre non possent, & eo superstite, miseros
 opprimere non sperarent, eum in Armeniam abigi curarunt. In iti-
 nere tamen cum exilium quæreret, veram inuenit patriam.
 Vide Baron, tom. 5.

CHRYSOSTOMO

Aureo homini.

Auarities infensa.



A *vrrens es, cæoque tamen male notus Avaro,
 Totus es ex auro, te tamen ille fugit;
 Ille fugit, dirasque procul condemnat in oras,
 Ille tuas cupiat mergere posse facer.
 Mirer Auaritiam, latebras nisi quæreres auro;
 Eripit illa alijs, eripit illa sibi.*

CHRYSOSTOMVS

In Exilio Barbaris carus .



Pulsus ab ingratis dum barbara Mœnia linquis
 Plebs gemit, & ferro te retinere parat.
 Exul, & Armenia dum litora sana teneres,
 Ciuibus ignotis notus amicus eras.
 Quid mirum varijs carus si mentibus esses?
 Aurum, quod cæcus spreuerit, alter amat.



RELIGIO INFLATA.
GREGORIVS
THAVMATVRGVS.

Gregorius Octauum in orbe miraculum,
 Omnia in se vno miracula copulauit.

Sub frigido cælo natus, vt illud ipsum incenderet,
 Origene Præceptore dignus Auditor,
 Eum æquauit ingenio, meritis vicit.

* Accusatus ab inuidis se prodigio, non voce defendit.
 Magis mirandus quod vlcisci nolle, quam quod posset.

Ex Aegypto regressus in Patriam,
 Peculiarem domum habere nolens, vt omnes haberet,
 Cum nihil amaret in mundo, possedit omnia.

Ita imperans sibi, vt imperare mereretur & Dæmoni.
 Vt nutantem firmaret, scopulos per inane circumagens,
 Difficilius moueri sæpe mentes, quàm montes expertus,

Quidquid optare potuerat, visus est impetrasse,
 Commune factus oraculum, oraculis vocem ademit,
 Solus dignus audiri,

Qui æquè prodigia loqueretur, ac faceret,

Quid posset in mundo Gregorius,
 Ideo mundus credidit, quia vidit.

Multa tamen cùm fecerit admiranda,
 Nihil se ipso mirabilius facere potuit.

Monstrum omnium maximum,
 Vt in tanta Diuinitate, tanta copularetur humanitas.
 Omnes cum vellet optimos, se voluit omnibus meliorē.

Ita sibi vacans, ac si cæteros neglexisset,
 Ita alijs, ac si se ipse negligeret,

Suorum virtute iam notus notior sua,
 Cum vix sanctius vivere posset, diutius vivere noluit.
 Nunquam mortalis creditus, nisi cum visus est mori.

* **S**E prodigio, &c. Muliercula perditorum promissis illecta, discipulanti in Academia Gregorium interpellans, pretium postulat diuenditæ pudicitie. Cedere iubet castissimus Iuuenis, & à seruo pecuniam, quam poscebat exigere. Qua tamen accepta, cum miserè torqueretur à Damone, Gregorij precibus Deo reddita, erepta Damoni, quem antea accusauerat laudare cœpit.
 Nissenus in eius vita.

THAVMATVRGVVS

Arboris speciem induens satellites decipit.

LVdis ab irato lectam Pratore cohortem,
 Nempe ubi te vidit nuncius, Arbor eras.
 Arbor eras potuitque tuos decerpere fructus
 Miles, & illusi ludere iussa ducis.
 Protheus est; ne finge novas tamen vsque figuras.
 Nil te nobilins fingere crede potes,

DEO TEMPLA ERIGENS THAVMA-
 turgus Montes mouet.



IVpiter Aetna num sint sub Rupe Gigantes,
 Perspice num sobolem laxa relaxet humus.
 Saxa volant, saxis Gregorius indidit alas,
 Sidereas quarunt iam iuga iacta fores.
 Non tamen ille Gigas, maior tamen ille Gigante,
 Quæ non vlla mouet dextera, voce monet.

VIGILANTIA INFLATA.
BASILIVS
MAGNVS



Basilus magnus
 Eruditorum optimus, & optimorum eruditissimus;
 Cum fuerit in nullo non maximus,
 Dubites, in quo maior esse potuerit.
 Sanctissimorum Parentum, Sanctissimus filius;
 In se perficiens, quod cœptum erat in suis,
 Maiorem probitatem, maiorem esse potuisse probavit
 Nequitiam execratus, ante quam nosset,
 Virtuti suæ collactaneus, & Coæuus.
 Nescias an eam ex institutione traxerit, an ex vtero.
 Disciplinas aptus ad omnes, propensus ad singulas.
 Humaniores artes in se diuinas effecit,
 Diuinas verò Humanioribus perfici posse monstravit.
 Nazianzeno carissimus, quia simillimus,
 Se ipsum in se despiciens, in Amico suspexit.
 Virtutes ita colens singulas,
 Ac si non appeteret vniuersas.
 Extra Patriam diu, extra se nunquam.
 * Præceptores suos melioribus imbuir artibus,
 Quàm fuerat ab ipsis imbutus.
 Magis assentantium laudes,
 Quàm Inuidorum calumnias fugiens;
 Extra omnium oculos, ita se omnium oculis dignum effecit
 Vt nō dexterius monachi normā expresserit, ac Episcopi

Virtutem non ideo adimens sibi, quod daret alijs,
 Se ipsum perficiendo, perfecit & ceteros;
 Ad suadendum idoneus,

Qui, quæ diceret, suis probare posset exemplis.
 Diuitias negligens, nisi quas erogaret in pauperes,
 Omnium se patrem fecit, & seruum.

* Pluris æstimans veritatem, quàm Principum gratiam,
 Illius dignitatem defendit acrius, quàm alij suam.

Quo propius ad metam accesserat,
 Eò alacrius cursum intendens,
 Vigiljs suis sopitos excitans. Ieiunijs famelicos pascens
 Cum nec amaret viuere, nec timeret obire,
 Hominum effugit ex oculis, non effugit ex animis.
 Felix, cuius in vita nihil arguere valeas,
 Nihil in doctrina damnare.

* **E** Vbulum enim sophistam præceptorem suum ab Idololatriæ
 nocte ad Christi lucem vocauit. Id ipsum etiam Libanio per-
 suadere cœrauit, irrito tamen conatu.

* Iuliani, & Valentis nequissimorum Cæsarum non minus blandi-
 tias quàm tormenta contempsit, indignum reputans maiorem alienæ
 dignitatis, quàm suæ fidei rationem habere. Bar. Tom. 4.



BASILII VIGILANTIA,

Iuliano Cæsari minus grata.



S*I perit Alma Fides; sit te reuocante superstes,
Si ruit, illa tua stet bene sultra basi.
Si gemit, ex hilaras; si langueat, erigis vlerò;
Vnus tu fidei sufficis, vna tibi.
Te sine ne pereat, facies scribendo perennem,
Æterna in tabulis sic erit illa tuis.
Te timet hinc Cæsar. Cur non amet ille? Quid hoc est?
Tatu vigil es Pastor, quàm vaser ille Lupus.*

BASILII VIGILANTIA,

Pauperibus salutaris.

V*ellicat ora fames, tacitis se moribus urget,
Iam legitur multa in fronte suprema dies,
Quid facies? Quo vela dabis? Tibi curta supellex,
Et te cum cupias vendere, nullus emit.
Prodigus extiteras, iam te prope fingis Auarum.
Nam cuperes pretium crescere posse tuum.
Fallor, vira tibi nī tam pretiosa fuisset,
Vilius, ut posses vendere, posset emi.*

GREGORIUS NAZIANZENS.

Lenitas Infulata.



Gregorium Nazianzenum
Parentum Pietas mundo promeruit,
Dei Beneficentia dedit.

Ita natus est, ut degenerare si vellet, malus esse non posset,

Ita vixit, ut imitari qui vellet, peccare nequiret.

Inter optimos educatus ad optima,

Se pessimum reputans, nisi faceret meliorem,
Adultam virtutem antequam polliceretur exhibuit.

Bonarum artium avidus, malarum incapax,

Ut Mineruam raperet, Athenas profectus,

Ita eam coluit, ut mereretur habere,

Ita habuit, ut à nullo dedignaretur accipere.

Basilio magno studijs, & animo Suppar,

* Iulianum odit, etiam cum videretur amandus;

Ita de moribus iudicans alienis,

Ut non officeret suis.

Nullius renuens esse discipulus,

Omnium ingenia collegit in suo,

Docere nunquam desinens, seu diceret, seu audiret.

Aequè benè dicendi, ac benè viuendi arte conspicuus.

Quo se melius nosceret cupiens ignorari,

Quam non amiserat innocentiam,

In Eremito quæsiuit.

Vocâte tamē Patre, cogentibus meritis tractus ad infulas,

Nescias an laudabilius oblata reiecerit, an acceperit.

Alienis facundus in laudibus, mutus in suis,

Plura in se continens, quàm laudaret in cæteris,

Quos eleganter verbis expresserat, expressit & factis.

Nequitiam in plebe corrigens, in Principe nō dissimulās,

Omnia cum sciret, fingere nescius,

Sed ad omnium normam effingens Poëtam egit,

Non idèò minus utilis,

quod magis videretur amœnus.

Prodesse cum vellet omnibus, nulli præesse, quàm sibi

Vrbes deferere malens, quàm invidorum turbis implere.

Cum iā sui vnus vellet esse colorus, secessit in campos.

Inde etiam, & formidatus ab impijs, & fugatus,

Debitam meritis sedem

Cum non haberet in terris, inuenit in cælo.

Aequè expetitus cum esse desineret,

Ac fuerat, antequam esset.

* **I**ulianum enim humanioribus artibus adhuc Athenis intentum, cum perditissimam mentem clementer petatis regeret vultus, iam inde Nazianzenus agnoscens execratus est. Ut patet ex orat. in Iulianum.

* Alludimus ad orationes eiusdem habitas in Iulianum, quibus iniquissimi Principis nequitiam exagitauit.

Lege cautum fuerat à Iuliano, ne Christiani vllò librorum genere vri possent; Cuius rei gratia scripsit Nazianzenus Poemata, Tragedias, & alia eiusmodi, quorum lectione bonis artibus adolescētia imbui posset. vide Baron. Tom. 4.



NAZIANZENI

LENITAS,

Perdito Iuueni salutaris.



Fulgurat iratus Iuuenis, tonat ore minaci,
 Iamque tuum stricto fulminat ense caput.
 Ipse tui securus adhuc, non brachia Cælo
 Dirigis; aut promptam poscis incermis opem.
 Intrepidum timet ille animum trepidusque furorem.
 Exuit, & mores induit ecce tuos.
 Vtile utrique nefas, vitam seruanit utrique,
 Ille tuam petijt, sed tulit inde suam.

NAZIANZENI

LENITAS,

Suæ sedis inuasori Benefica.

Fare, quid hostilem meritis tibi iungis amicum,
 Mitis ut agna Lupos, in tua damna foves.
 Quas paret insidias, qua misceat arte venenum
 Perspice quàm vario vestiatur ore dolos.
 Sed video mala quæque hominum tolerantia curat,
 Quæ tolerare potes, tollere damna potes.

SAPIENTIA INFLATA.
DIONYSIVS
AREOPAGITA.



Dionysius, ex Areopagi Iudicibus
 Selectus pro veritatis causa Patronus,
 Nescias an æquiùs gloriari potuerit
 Paulo præceptore Discipulus,
 An talis, tantòque discipulo Præceptor.
 * Acquè Astris intentus, ac sibi,
 Virtutem, quàm postremis in annis exhibuit
 Promisit in primis,
 Athenarum factus Antistes,
 Malas inde artes eiciens, meliores induxit.
 Optimi cuiusque æmulator egregius, & laudator,
 Cùm vellet à nullo dignosci, nullum studuit ignorare.
 Romã profectus, nobiliorem relinquit, quàm inuenerat
 Cum titulis suis iam posset addere,
 Quòd tantum hospitem excepisset.
 Inde profectus in Gallias,
 Immensam urbem, vrbe maior impleuit.
 Ita in diuina delatus, vt ablatus crederetur humanis,
 Mercedem nullam appetens, nulla non dignus,
 Deuota cælo victima, Sacerdotum gladijs exhibetur.
 Et feris obiectus, & flammis,
 Se vtrisque fortiorem ostendit.
 Varijs tentatus supplicijs,
 Cùm nullum mereretur, nullum exhorruit.

Tandem fremente Tyranno , Plaudente cælo,
 Elatus in montem, ne tantæ laterent faces,
 Cervice, non animo diminutus, edocuit
 Virtuti vitam non eripi, nisi velit amittere.
 Diuinissimum caput in terram deprimi noscens,
 Cum iam in collo non esset, esse cæpit in manibus;
 Perire nesciens, quod tam bene viuere didicisset.

Beata Gallia,
 Quæ Præceptorem habere mēuerit,
 Qui Diuina æquē docere potuerit, ac patrare.

* **Q**uo tempore accidit Ecclipsis in Christi morte cū esset
 Dionysius Heliopoli vna cū Appollophane studiorum
 Collega, rei nouitate permotus exclamauit. Aut Deus naturæ patitur,
 aut Mundi machina dissoluitur. Vide Bar. Tom. 1.



DIONYSIVS

Adhuc in reciso vertice viuax.



Quanta tuis, Proh quanta tuis mens indita membris?
 Illa vel exciso in vertice regnat adhuc.
 An tua vita tuis tota in Cernicibus hest,
 Nec nisi in Augusto vertice totus eras?
 Fallor. adest animo nondum per vulnera suppar
 Exitus, est tanto vulnere maior adhuc.

DIONYSIVS.

Cœli Arcana cognoscit.



Quis te sidereas docuit dignoscere voces?
 An nouus offenso lapsus ab Axe Gigas?
 Si perit aeterno soboles aquana Parenti,
 Astra tibi tantum non siluere nefas,
 Suspikor Astra tuos venari his artibus ignes,
 Non nisi cognatum sidera sidus amans.



INNOCENTIA INFLATA. BLASIVS SEBASTEN.

Blasium nemo vidit in terris,
Quin eruditum putarit in cælo.

Virtutem cum lacte imbibens, cum ætate corroborans
Fecit incertum,

An in eo differret à virtute natura.

* Episcopamagens, antequàm fieret,
Qualis esset futurus, edocuit antequàm esset,
Ex Vrbe, quam sibi similem fecerat
Digressus in sylvas,

Vt ampliaret animum, arctatus in specu,

* Diuinitate sua feras effecit humanas.
Felix, si quam à feris expulerat feritatem
Geminatam in hominibus non vidisset.

* A venatoribus interceptus, dum cælestia venaretur
Vocatus ad supplicia, ea securitate perrexerit,
Vt illa se in syluis non effugisse, sed expectasse doceret.

* In Aquis, non secus ac in marmore ambulans,
Cum vitam suam prodigijs tueri posset.
Maiori prodigio tradidit quàm ante seruasset.

CUm enim Sanctis, cuiusque Episcopi munia exerceret priuatus,
à Sebastensibus in Episcopum electus est. Cum in Argeo monte
viuere, confluebant ad eum diebus singulis ferociores feras quæ de
Dei laudibus perorantem audirent, nec ante discederent, quàm ipse
dimitteret. Cum igitur venatores Agricolas iussu feras quærent in
syluis, vt eas Christianorum carnibus pascere in circo, cum in Bla-
bi specu eorum multitudinem inuenissent, Blasium vnà cum illis in
vrbeni deduxerunt.

BLASIVS

In vndis ambulat sicco vestigio.



Heu nimium truculenta cohors & arat, priet, & angit
 Tempora, terga, latus, fustibus, igne, flagris.
 Durus eras, nullaque potens mollescere flamma,
 Mollior ut fieres, te quoque mersit aquis.
 Marmor eras; te nulla tamen modo suscipit vnda,
 Marmor ab attactu nempe fit vnda tuo.
 Tutus aquas calcat, solido qui pendet ab axe,
 Quam lenis es? vel aquis nescius esse grauis.

BLASIVS

Inter Feras illæsus.



Cernis in vrbe feras; feralia lustra perosus
 Eripis Armenys antra colenda feris.
 Te Regem fecere suum; cubat inde Leena,
 Inde Leo, Tigri iunctus, & inde Lupus.
 Stas medius, tacitisque animos, legesque ministras,
 Talibus excubys est tibi tuta quies.
 Si non primus eras hominum, tibi prima potestas;
 Fallimur; & post tot sæcula, primus eras.

LIBERALITAS INFLATA.

IO. ELEEMOSYNARIUS.



Ioannes natus in Cypro, educatus in Cælo.

Futurus Dei Quæstor in terris,

Debitum innatæ largitati Patrimonium,

Cum nasceretur accepit.

Digna senio iuuentute transacta,

Sublimitatem Ingenij, Claritatem Virtutis,

Exuere nolens, tegere nesciens,

Quod esse minimum vellet, esse coactus.

Ita Alexandrinos excoluit, vt sibi similes faceret.

Ita beaui, vt se conscio neminem gemere,

Neminem egere permetteret.

Plura semper appetens, quo plura daret,

Id vnum habere se reputans, quod effudisset.

* Cum omnium augeret Aerarium,

nunquam imminuit suum.

Ita profusus in homines, vt Auarus non esset in Deum:

Cum Hominibus dedisset omnia, vitam dedit, & Deo

Suis futurus utilior,

Si in postrema largitione tenacior extitisset.

Filius enim fuit Epiphanij genere Cyprij locupletissimi, ac clarissimi hominis.

* Non immoror hic diutius in miraculis, quibus diuina largitas Ioannis largitatem excitauit, vt cum vasa mellea in Aurum conuersa inuenit, &c. Omitto alia, de quibus fusiùs Authores.

IO. ELEEMOSINARI

Largitas mira.



Qua tibi de superis araria credita Gazis?
 Omnia cum tribuas, omnia semper habes.
 Semper habes quodcumq; anido partiris Egeno,
 Quid quod opum pergas perdere, semper habes.
 Omnia cum superis credas, Deus omnia credit.
 Discite ab exemplo prodigus esse tuo.

IO. ELEEMOSYNARIVS

Æquè opum, ac Vitæ prodigus.



Qua tibi sufficiant Lydi patrimonia Crasi?
 Solus Erythreas dilapidabis opes.
 Instaurate nonis, superi, data munera gazis,
 Si careat vestris, hauriet ille suas.
 Factus inops, nec parcus adhuc; quid prodigat ultra
 Nescius, est vita prodigus, ecce, sua.
 Quantus eras, quantumque tua magis utilis urbi,
 Discere si poteras vel semel esse tenax.



CHARITAS INFLATA.

IGNATIVS

ANTIOCHENS.



Ignatius Antiochenus

• Dignus Ioanne Præceptore discipulus.

Quem vincere non sperauerat, æquare curauit.

Animo, quàm tempore Christo propinquior,

Ita eum expressit, vt se vidisse probaret.

Antiochiam sudoribus alluens, flammis incendens.

Viuerè nesciens, nisi vitam omnium tueretur

Splendoribus suis Tyranno proditus.

Ventilari potuit, non extingui.

Vt Leonibus Leonem obijceret, Romam vocatus.

Non secus ac ad alterius supplicium properauit ad suum.

Illius Panis esse percipiens,

Qui se panem fecerat omnium.

Intino nimis ab igne concoctus

Bestiarum dentibus frangi voluit.

Qui homines in Deū incenderat, feras in se ipsū incendēs

Nunquam securior, quàm cum periret:

Mortem metuere nesciens, prouocare non metuens

Non in solo Capitolio Romæ triumphari posse
monstrauit.

* **N** Otissima sunt Ignatij verba: Frumentum Christi sum, dentibus bestiarum molar, vt panis mundus inueniar.

IGNATIVS

Charitatis ardore totus igneus.



Ignis erat, dabat ore rogos, dabat ore fauillas
 Frigora depulerat mentibus, ignis erat.
 Ignis erat, quamvis liquidis equitaret in undis,
 Demersusque freto cresceret, ignis erat.
 Ignis erat, fugit obiectum Leo territus ignem,
 Quem tetigisse negat dentibus ignis erat.
 Ignis erat tandemque feras accendit in ignem,
 Pulvere in exiguo desijt, ignis erat.

IGNATII CHARITAS

Cum Leonum feritate colluctans.

Senit in Heroum furiosa mente Tyrannus.
 Inuictumque parat vincere morte Ducem.
 Excitat immites Circo plaudente Leones
 Apponitque auidis prandia dira feris.
 Sed rabidas scelerare negat dam sanguine fauces
 Bellua, ab illaso corpore uita fugit.
 Non fuit immundo panis uiolandus ab ore
 Qui cibis ætherei debuit esse patris.

MAGNANIMITAS INFLATA.

P E T R V S

ALEXANDRINVS.

Petri Alexandrini vitam

Non idcò deteriozem putes, quod sit ignotior morte
Pretiosam enim mortem non nisi vitæ meritis emit.

Eo sæculo natus,

* In quo si miser esse noluerat, Probus esse non posset,
Ita assuevit æumnis, vt eas etiam adamaret.

Optimo Antistiti susceptus melior,

Vt Diocletiani Furijs

Parem Aegyptus obijceret Ducem.

Ita desudauit in suorum roboranda constantia,
Vt etiam sine Tyranni gladio gloriôsè posset obire.

Ita intimus Christo,

Vt eius etiam arcana cognosceret,

Eius Tunicam laceratẽ Arium vsq; adeo, est detestatus,
Vt se nequiores Ario crederet, si Ario pepercisset.

Carceri mancipatus se talem exhibuit,

Quales suos esse voluerat.

Tandem eo felicitatis genere felix,

Quod infelicior esse vix posset,

Ereptus supplicijs euolauit in cælum.

* Vixit enim temporibus seuerissimorum Cæsarum: quorum fur-
rijs vsque adeo iactati sunt Christiani, vt in nihilum abituri
crederentur.

* Successit enim Thæonæ Sanctissimo homini, cuius laudes fusiùs
celebrarunt scriptores Ecclesiastici.

P E T R I

ALEXANDRINI

MAGNANIMITAS;

Christum solatur.



Carcere clausus eras; Calum sed liber adibas;
 Quin tuus Aligeris carcer, Olympus erat.
 Summus adest genitor, teneros collectus in artus
 Sed lacera ex Arj crimine vestis, eras.
 Dumque suos aperit quastus, solatia reddis,
 In gremio lacrymas perdit, & ille tuo.
 Quanta inerat tibi vis animi? si dicere fas est,
 Vel Deus est animo visus egere tuo.



P E T R I

ALEXANDRINI

MAGNANIMITAS.

Ario Infensa .



Colla metis Eictor, veniam, vitamque recepit,
Ast Arius veniam dum rogat, usque negas.
Damna tibi fecere pares, Hens, Fare, quid hoc est?
Ille mihi vitam sustulit, iste Deum.



FORTITVDO INEVLTATA.
POLYCARPVVS
 SMYRNENSIS.



Polycarpus Smyrnenſium Præceptor, & Parens,
 Patria non moribus Aſiaticus,

- * Etiam in Aſia fortes naſci, & alii poſſe probauit.
 Chriſti diſcipulis ætate cœuus, munere ſuccedaneus
 Virtutis quàm collegit ex omnibus ſe fecit Epitomen,
 In hoc mirandus; quod ita omnes vnus expreſſerit,
 Vt dum viueret, eorum neminem periſſe putares;
 In hoc amandus quod ſe non crederet eſſe, quod erat,
 Ingenio virtutem illuſtrans, ingeniumque virtute,
- * Perditos nouatores moribus damnauit antiquis.
 Suorum incolumnitatem negligere neſciens,
 Suam tueri non valens,
 Tyrannum non metuens, niſi cum mitior videretur,
 Vitam ſuam moriens clariorem fecit in flamma.

* **I**ta malè audiebant apud antiquos Aſiatici, ut pote molles. ac
 voluptuarij, vt apud Lacones lege cautum ſit, ne quis abitet in
 Aſiam; Imò verò in ille ſit exceptus aliquando Adoleſcens, qui viam,
 quæ eo duceret ſe cognouiſſe iactaret.
 Emergentes hæreticos vſque adeo execratus eſt Polycarpus, vt
 cum ſemel dum Romæ eſſet, in Marcionem offendiſſet, rogatus ab
 eodem an illum agnoſceret; vtiq; reſpondit, te Satana Pignogeni-
 tum eſſe pernoſco.

POLYCARPVS

MORIENS,

Ignem extinguit Sanguine.



Q*ua noua de medijs iacularis flumina flammis.*

Qui nouus accenso surgit ab igne liquor?

Sanguineas vomit ignis aquas, rutilumque nitorem

Perdit, & roscio naufragus imbre perit.

Esse rosas, non esse rogos quod in igne putares?

Arida ne fierent semina, fonte rigas.

POLYCARPVS

In flammis illesus.



D*um trahitur mediosque ruit Polycarpus in ignes*

Credidit esse rogos, comperit esse rosas.

Senit adhuc, supraque suos accenditur ignes

Barbarus, & flammis vritur ille suis.

Ligna rogo geminat, geminat sua damna sibi uni

Noxius, ille suo solus ab igne calet.

Barbare, quid pergis? non igne extinguitur ignis;

Si renuas alijs parcere, parce tibi.

BENEFICENTIA INEVULATA.
EPIPHANIVS
 CONSTANTIENSIS.



Epiphantus

Vrbium bono bono natus in syluis,
 Pecudum Pastor cum esset,
 Pastor esse inieuit Populorum.

* Cum deteriori fortuna deteriores exuens sectam
 Ex Iudæo, & Christianus, & Monachus
 Qualis esse deberet inter homines, didicit inter feras
 Diu peregrinatus, vt Christi Patriam veneraretur, & suam

* Dum fugeretur in insulas, delatus in Insulam,
 Frustra quærere latebras.

Quem Deus latere nolit, edidicit.
 A Constantiensibus factus Antistes, antequam cognitus
 Se talem exhibuit, qualem cum esse decebat,
 Quem Deus, non homines elegerant.

Illis placere nesciens quibus nec in omnibus placeret Deo
 Iniurias beneficijs vltus edocuit,

Non plura se potuisse patrare, quam pati.
 Tandem Annorum numerum exæquans meritis,
 * Multiplici tempestate iactatus defecit in mari.

* **E**piphanius pastorem filius dignissimo homini carus ab eodem filiam in matrimonium accepit. Qua paulo post mortua eiusdem heres est constitutus. Hanc igitur occasionem nactus in bonarum artium studijs diuitias infumebat, donec Christianæ philoso-

phæ, quam omnibus meliorem agnouerat nomen daret.
 * Prædixerat Epiphanio Vir miræ probitatis eum futurum Episcopum; fugam igitur meditatus Hierosolymam abiit, ubi se ignotum futurum speraret. orta autem tempestate delatus in Cyprum, Constantienles, eum tanquam Episcopum expectantes inuenit.

Cum Bizancio Constantiam solueret, ætatis suæ Anno centesimo supra quartum decimum, ingenti orta tempestate, antequam ad litus appelleret moriens Io. Chrysostomi Vaticinium impleuit, qui abeunti prædixerat, eum in itinere periturum.

EPIPHANIO

Mortem Luscus intentans alterum
 recipit oculum.



Ecce tuas vno metitur lumine Gazas
 Luscus, & eliso cardine furta parat.
 Poscit opes, premit ense caput, cum nulla supersit
 Præda, tuum, dixit, sit mihi præda caput.
 Ille sed illicitam faceret dum vulnere messem,
 En prius exclusum lumine lumen habet.
 Corruit in gemitus, quante iam pronus adorat,
 Iamque suum melius perspicit ille nefas.
 Ille oculo quondam non te bene viderat uno,
 Lumina dum geminas, te videt atque timet.



EPIPHANIVS A V A R O.

Binos eripit oculos, vnum reddit.



Poscit Avarus opes, quæ tu Patrimonia Vulgi
 Feceris, instat, agit, teque, tuosque premens.
 Lumina dum quaris, rutilum qui fecerat aurum,
 Nulla retrocedens lumina cæcus habet.
 Ille suum melius cernens sine lumine crimen,
 Poscere suetus opes poscere capit opem.
 Incipis esse tenax, aliter dum cessat, utrumque
 Postulat ille oculum, reddere utrumque negas.
 Vnum habet ille tamen. Te fecit avarus avarum,
 Lumina qui reperit bina, negare docet.



ΕΠΙΦΑΝΙΩΣ ΔΕΛΤΑ

ΒΙΒΛΙΟΤΗΚΗ ΤΗΣ ΕΠΙΣΚΟΠΗΣ



ΠΡΟΣΤΑΥΝΕΙ Η ΕΠΙΣΚΟΠΗ ΤΗΣ
ΕΚΚΛΗΣΙΑΣ ΤΗΣ ΚΩΝΣΤΑΝΤΙΝΟΥΠΟΛΕΩΣ
ΤΗΝ ΑΓΙΑΝ ΕΚΚΛΗΣΙΑΝ ΤΗΣ
ΚΩΝΣΤΑΝΤΙΝΟΥΠΟΛΕΩΣ
ΤΗΝ ΕΚΚΛΗΣΙΑΝ ΤΗΣ
ΚΩΝΣΤΑΝΤΙΝΟΥΠΟΛΕΩΣ
ΤΗΝ ΕΚΚΛΗΣΙΑΝ ΤΗΣ
ΚΩΝΣΤΑΝΤΙΝΟΥΠΟΛΕΩΣ
ΤΗΝ ΕΚΚΛΗΣΙΑΝ ΤΗΣ
ΚΩΝΣΤΑΝΤΙΝΟΥΠΟΛΕΩΣ





Infulatæ
VIRTUTES
IN SANCTISSIMIS
OCCIDENTALIS
ECCLESIAE PATRIBVS
Expressæ.





LIBRARY

VIRTVES

IN FAMILIAR

EXERCISES

FOR THE

YOUTH



INEVLATA SAPIENTIA.
AUGUSTINVS
 HIPPONENSIS.



Aurelius Augustinus

Octauo decimo Constantij anno natus,
 * Non nisi Theodosij decimo viuere cœpit,
 Primam ætatis partem ne quæras; in cœno perdidit.
 Felix, qui demum scierit amissa redimere,
 Felicior, qui potuerit.

Vera gaudia auspicatus, à gemitu,
 Initiandus sublimioris doctrinæ Magister
 Librum è cælo iubetur occipere.
 Sordes suas speculatus in pagina;
 Vt eas vel obrueret, vel eluceret,

* E Matris oculis lacrymas transtulit in suos.
 Sibi, Matri, & Patriæ redditus,
 Tenebras suas, dum in lucem edidit, illustrauit.
 Nunquam videlicet solem pudit è tenebris erupisse.
 Nullius honoris auidus, omnium capax,
 Meruisse contentus, habere contempserat,
 Nisi plus merita, quàm demissio potuissent.
 Aequè scribenda faciens, ac legenda describens,
 Moribus suis fidem ornauit, stylo defendit.
 Veritatis amantior, quàm sui.
 Defœcauit infectam, refecit extinctam,
 Vtilis, dum errores detegeret alienos,
 Sincerus, dum nec tegeret suos.

Homine maior in diuina consurgens,
 Ita Deum descripserat, ac si vidisset;
 Nisi Angustias suas Augustum etiam sensisset ingenium.
 Iamque non habens vltra quid disceret, vel amaret,
 Aequè annis ac meritis grauis,
 Obsessa ex vrbe migravit in cælum.
 Felix Africa,
 Si crebrius huiusmodi monstra proferret.

* **E**O enim tantum anno sub Christi Iesu, Virtutisq; stipendijs
 merere cœpit.
 * Tunc enim primum de filij salute sollicita mater esse re desijt, cum
 Augustinum ante actæ vitæ sordes lacrymis luentem aspexit.
 * Scripsit enim Retractionum libros, in quibus errores suos ea li-
 bertate, qua olim alienos correxit.

AVGVSTINI INGENIVM.

Dei vnus non capax.



S*upra hominum, mundi que vias, supra omnia surgis.
 Non capit ingenium, terra, fretumque tuum.
 Te tamen vsque capis; Mundo tu maior utroque,
 Quem capere haud valeat mundus uterque capis.
 Si capis vsque Deum, potes & Deus alter haberi,
 Et mihi post Trinum quartus amandus eris.
 Parce tamen minor ipse Deo; te mundus uterque
 Non capit; at nix capis ipse tuas.*

AVGVSTINI SAPIENTIAE

Librum exhibet Cælum .



Astra pluuunt tacito lacrymarum semina nimbo,
 Illa pluuunt animo sensa pudica tuo.
 Plande; tibi nona lux oritur, nona pompa dici,
 Lapsus ab Axe liber semina lucis habet.
 Accipe; Dona tui sunt hac meliora magistri:
 Doctorem terris sic notat esse suum.
 Tam bene fiderei pingas quod gaudia mundi
 Quid mirer; libros Astra dedere suos.



VIGILANTIA INFLATA.
AMBROSIVS
 MEDIOLANENSIS.



Ambrosius re, quàm nomine dulcior,
 Mel ante habuit in ore, quàm voces.
 Auorum gloria nobilis, nobilior sua,
 Christianus ante capit esse quàm fieret.

E Prorege destinatus Antistes,
 Subiratus virtuti suæ quod latere nesciret; effugerat,
 Si cum sola hominum suffragia delegissent,
 Laboribus suis alienos absumens,

Nulli non intinuit, omnium sensit incommoda,
 Ita miseros audiens, vt felices dimitteret,
 * Ita feliciores admonens, vt linqueret infelices.
 Principibus æquè carus, ac utilis,

Veneratus vt Patres, correxit, vt Pater.
 In hoc verendus, quod contemneret neminem,
 In hoc timendus quod neminem formidaret.

Christi causam reputans suam,
 Vt depressam erigeret, sepe depressus,
 Facundia hostes deterruit, constantia fregit.
 Aures suas obstruens nulli, vocem omnibus exhibens,
 Fecit incertum, audiendone magis profuerit, an dicendo.

Vocem virtute corroborans,
 Disertissimus etiam, cum taceret,
 Nunquam auidius optabatur audiri,

Quàm cum diutius esset auditus,
 Probis factus Asilum, flagellum improbis.
 Urbē suā cō meliorē reliquit, quo deteriorē acceperat.
 Deficiente natura nulli deficiens,
 Ita Præfulem se esse meminerat, vt senem se esse nesciret.
 Quorum mores expresserat, veneratus exuuias
 Exhibitos alijs honores promeritus
 Vitam mutauit verius, quàm amisit.

* C Vm enim nondum nomen dedisset Christo, ita tamen viuebat, vt adhuc Cathecumenus in Episcopum sit electus.
 * Cum aliquādo in domum cuiusdam, qui se felicissimum diceret, ex itinere diuerisset, inde præcipiti gressu fugiens hominem monuit, vt caueret sibi; omnes videlicet illi calamitates in vna imminere, quod probauit euentus: Paulo post enim domus ruina obrutus interijt vna cum suis.

AMBROSII

VIGILANTIA

Arianis Ingrata.

M El fueras, te norat Apis; Quis fecit acerbum?
 Ambrosia, vt fueris, vix tamen ullus amat.
 Vix superi Ambrosio Ciues pascuntur; alumnos
 Crede Erebi, superum queis minus esca placet.

AMBROSIUS

Vel in Imagine Vigilans.



Flagra, rotas, vultuq; minax fera verbera torques,
 Inque tuis rutilat flamma rimenda genis.
 Vita deest; tibi prima tamen non deficit ira;
 Lux cadit ex oculis, non tamen ira tuis.
 Scilicet excubias vigili quoque perficis, umbras
 Est tua terrendis hostibus umbra satis.



INFLATA LIBERALITAS.
P A V L I N V S
N O L A N V S.



Paulinus ad felicitatem Italiæ natus in Gallia,
 Optima quæque, cum posset, elegit,
 Cum non posset, quæ eligere potuisset, accepit.
 Illis è Parentibus ortus, qui talem mererentur hæredem,
 Ita quæsiuit ex moribus claritatem,
 Ac si nullam habuisset ex genere.

* Musis amicus, ut earum leuitatē grauitate corripere sua.
 Poëtam solo exprimens nitore carminis.
 Artem omnem virtuti vestigalem effecit.

Asssecutus Vxorem, quam tales decerent nuptiæ,
 Ut omne Vitæ genus suis erudiret exemplis,

* Sponsam Christo potius visus est accepisse, quam sibi.
 Diu peregrinatus, ut luci suæ latebras quæreret,
 Quo se magis circumageret, magis accensus,
 Illis se prodidit artibus, quibus abdere studuisset.

Cum omnia arriperet sibi, ut in egenos effunderet.
 Coactus una cum opibus operam suam Nolanis impendere,
 Ita salutem curauit animorum, ut non negligeret corporum.

Aliorum nunquam oblitus, sui sæpe non memor,
 Vsurpare sibi non appetens, nisi omnium calamitates.
 Quem in se vitæ amorem extinxerat, excitauit in suis.

* Interceptus à Barbaris, ne melior sua esset,
 quam Nolæ conditio,
 Omnium infelicissimus, si ullo felicius extidisset,

Nunquam se miserum doluit,
 Nisi cum ærumnarum socios habere se vidit.
 Libertati redditus, libertate sua redemit alienam,
 Nunquam liberalior, quã cum nō haberet ultra qui daret.
 Ex Africa in Italiam, ex Italia reuectus in cælum,
 Felicitatem, quam suis viuendo creauerat,
 Abstulit obeundo.
 Præfulum Norma, quod ita vixerit,
 Gloria, quod ita scripserit.

- * **F**uit enim Poëta celeberrimus: Poetarum tamen vitij caruit,
 non virtutibus.
 * Cum sponsa enim tanquam cum sorore vixit, cum in Gallia, tum
 in Italia:
 Nola enim à Barbaris capta, ipse etiam diu captiuus in carcere,
 detentus est, & vario suppliciorum genere exagitatus. Vide Bar.

PAVLINI CHARITAS.

Magnis à Cælo muneribus compensata.



L Vget inops, escamque rogat, nec Egenus Egenum,
 Abjicis, exhibitam non probat vxor opem.
 Quod superest tres ferre iubet in prandia cistas,
 Abdidit illa vnã, prodidit illa duas,
 Ecce tibi gemina veniunt ad littora puppes,
 Tertia nempe oculos mergitur ante tuos.
 Discit Auaritiem Pelagus: tribus eripit vnã,
 Est Pelagi in misero, quæ fuit ante fames.

PAVLINVS

Libertatem suam alienæ pretium facit.



Poscit opem miseranda Parens natumque reposit,
 Quod matri posses credere, solus eras.
 Illa petit: dare non renuis; licet omnia desint,
 Solus quod possis vendere semper habes.
 Libertas pretiosa nimis, si dicere fas est,
 Inuenit pretium par semel illa sibi.



THOMAS

CANTVARIENSIS.

Charitas Infulata.



Thomas Cantuariensium Athanasius ,
 In Patriæ natus incendio
 Nunquam aut frigidus esse potuit , aut obscurus .
 Acque naturæ , ac hominum beneficentiam expertus ,
 Ita Regi placuit , vt alterum pene faceret Regem ,
 Ita Deo , vt alterum pene redderet deum
 Cùm ita placeret omnibus , sibi vni non placens ,
 Et Regis , & Dei suffragijs factus Antistes ,
 eò deuenisse se doluit ,
 Vbi Deo placere non posset , & Regi .
 Quò sublimiùs ascenderat , eò studens clariùs emicare ,
 Mutuatus à virtutibus radius esse cœpit illustrior ,
 Quàm posset ab inuidorum oculis tolerari .
 Principum legibus obstare paratus , si diuinis obstarent ,
 Cùm Regi dare non posset , nisi quod adimeret Deo ,
 Ingratus videri maluit , quàm esse .
 Cedētibus cæteris quod vnus , & sibi sufficeret , & veritati ,
 Aula iam gratis , quia levis esse nesciret ,
 libera esse non posset .
 Nobilis exul vbique patriam inueniens ,
 Optimam causam , tolerantia sua meliorem effecit .
 Nunquam memor iniuriæ , nisi vt condonaret ,
 Suorum ærumnis indoluit , non doluit suis ,
 Tempori seruiens , vt Deo seruiret impensius ,

* Inter monachosita vixit in syluis,
 Ac si nunquam inter aulicos vixisset in vrbibus.
 Corpori suo ea inferens damna,
 Quæ vix Tyrannus inferre voluisset,
 Exilium sæpè permutans, animum nunquam,
 Reuocatus in patriam, vt inde patricidio pelleretur,
 Maluit Adulatorum gladijs inter Aras occumbere,
 Quàm Adulator in Aula regnare.

* **E**A ipsa die, qua Londini in Anglia natus est Thomas, igne in-
 eiusdem ædibus excitato, tota pene Ciuitas conflagrauit.
 * Pulfus ex Anglia vna cum suis ab eo ipso Rege, qui eum summis
 honoribus decorauerat, diu in Gallia inter Monachos sanctissimè vi-
 xit, corporis afflictationibus ita deditus, vt omnibus prodigij loco
 esset.

THOMÆ NATALITIVM

Patriæ incendio illustratur.



Flamma tuis instat dirum natalibus omen,
 Te peperisse rogo credidit agra Patens.
 Ambustum Patriæ nascens fumare cadauer
 Perspicias, est vitam flamma sequuta tuam:
 Non timeet Vrbis flammæ: potuit contemnere: Sed cur?
 Nascitur amissis, qui meliora daret.

THOMAS

Regis furijs cedere nefciens occidi-
tur ad aras.



Quam te barbarica despectat fronte Tyrannus.
Heu, tibi sit licitor, qui fuit ante Parens.
Despicis, expectas gladios, lato excipis ore,
Quæ spernis Regum vulnera, ferre potes.
Occidis, atque tuo minias sacra templa crnore.
Regali fueras victima danda manu,



INFLATA LENITAS.
MARTINVS
 TVRONENSIS.



Martinus Constantij miles antequam Christi.
 Nescias an militiam laudabilius adierit an abiecerit.
 Gloriam non minùs ex moribus appetens, quàm ex armis
 Fortitudine militem retulit, virtute monachum.
 Christo iam militans, cum nondù merere mûdo cessasset

Nudus esse malens quàm parum pius,

Dei beneficentiam, prouocans sua

Chlamydis parte totum emit Empyreum.

Cùm in fures offenderet, sua securitate defensus.

Illis nequitiam eripuit, qui sibi vitam rapere voluissent.

Aequè beneficus, cù hæc adimeret, ac cù traderet meliora

Nihil ab Erebo metuens nihil à cælo non sperans.

Cum viuos bene mori dõceret, mortuos benè viuere do-
 cuit.

(bris

Homine maior, seu vitam daret animis, seu redderet mē-

E Cænobio coactus ad insulas.

Cum nemini deesse curaret, monachus esse non desijt.

Non minus admirandus cum Clamydem diuiderent

Quàm cum hæc ita diuisa coniecteretur.

Cum miseris donaret omnia molestis omnia cõdonaret.

Nihil habens quod Dei causa non daret.

Nihil appetens, quod à Deo non acciperet.

Illustrauit virtute prodigia, prodigijsque virtutem.

Ita reueritus homines, ac si timuisset.

Ita Deum ac si non amasset.

Se vnum habuit, quē contemneret, vnū quē non amaret.

* Laborum nunquā audior, quā cum diutius laborasset.

Cum inter homines, nil nisi cæleste, saperet.

Inter Cælites, nihil humanum,

Ita voluerat in Cælis gaudere cum Deo,

Vt non desineret in terris desudare cum suis.

Votorum litem componens totus sublatus in cælum,

Nescias vtilior ne terris fuerit, an Cælo carior.

* Offenderat in Latrones Martinus. Stricto gladio rogant an timeret. Ridet ille; & se nunquam minus timuisse testatur; sperasse enim in maiori discrimine sibi Deum propius affuturum. Quæ securitate permoti fures, eum securi in cœnobio Sanctissimè se-
nuerunt.

* Cùm suos iam moriturus videret gementes in ea notissima verba prorupit. Si populo tuo sum necessarius non recuso laborem, &c.

M A R T I N I I N M I S E R O S

Clementia singularis



Nudus adest, tremulisq; probat sua damna lacertis
Depressoque oculos fauciat ore tuos.

Est tibi sola Chlamys, stricto quam diuidis ense.

Et Chlamide ex una, teque, inopemq; tegis.

Diuidis? at tectum cernes dum veste Tonantem,

Quàm cuperes partem non habuisse tuam.

MARTINI LENITAS

Latrones à latrocinijis auocat .



Dum tuam multiplici premitur Latrone Crumena,
 Ille aurum, vitam postulat ille tuam.
 Ast hilari tu fronte minas contemnis, & aurum
 Ore vomens, aurum ferrea corda facis.
 Fausta latrocinio pietas; quod posceret aurum
 Tu dare non poteras. quod potes inde dabis.
 Felix quisque tuas cupiat decerpere Gazas;
 Virtus quam possit carpere, sola tibi.



MAGNANIMITAS INFLATA.
 CYPRIANVS
 CHARTAGINIENSIS.



Cyprianus,

Vt Africæ geminaret ardores, natus in Africa,
 Nobilitatem quam nascendo meruerat,
 Viuendo fecit amplissimam, immortalē reddidit obeūdo.
 Aequè fecundus ingenio, ac facundus eloquio,
 Nunquam discere renuens, nūquam dedignatus docere,
 Suum etiam Carthagini Tullium dedit,
 Vt quando desierat armis cum Roma contendere,
 Eam conaretur facundia superare.
 Nihil se scire reputans, cum Deum se ignorasse cognouit,
 A Cæcilio, & mores accepit, & Nomen;
 Futurus maximus, cum Christi quæreretur gloriam,
 Qui ita magnus extiterat, dum tantum quæreretur sua,
 Sibi vni utilis esse iam nesciens, Deo ingratus esse iā nolēs,
 Acceptam lucem ita diffudit in cæteros,
 vt in se non minueret.
 Pro veritatis patrocínio sæpe progressus in forum,
 Ratus intempestiuam in tam bona causa facundiam
 Eam ita neglexit,
 * Vt tātæ Cypriani negligentiæ nulla solertiā possit equari.
 Quo propius ad Deū accederet, ab vxore, natisq; recedens
 Cum se deprimeret infra cæteros,
 supra cæteros meruit collocari.
 Præful esse gauisus,

Quod è sublimiori specula aliena melius
spectaret incommoda

Se grafsante lue probauit medicum,
bacchante Tyranno Patronum.

Barbarorum sæuitiem præcauens, non effugiens,

Cum omnium animos in se vno seruaret,

Diu delituit, non quia timidus sed quia prudens.

Cum tuto posset adhuc latere,

& honestè iam posset erumpere,

Suis æquè utilis cum lateret, ac cum erumperet,

Quos sapius verbis accenderat, accendit exemplis.

* Non illibentiùs vitam amittens, quam alter eriperet,

Quæ virtutibus accenderat odia extinguens sanguine,

Se ita vixisse, vt strenuè mori mereretur ostendit.

* **T**Estatur de se ipso Cyprianus eodem studio, quo ceteri exco-
lere curant Eloquentiam se curasse negligere, postquam à
Cæcilio est vocatus ad Christum. Nihilominus tamen eius facun-
diam non solum Lactantius Nazianzenus, Hieronymus, Augustinus
sed vniuersa posteritas admirata est.

* Ad supplicium ductus viginti quinque aureos, qui sibi superfue-
rant, Carnifici tanquam de se optime merito dari iussit.



CYPRIANVS

Nouum in Africa monstrum :

ALLEGORIA.



Quam varium, quantumq; sibi parit Africa monstrum
 Mānc fuit coruus, vespere Cycnus erat.
 Gutture si moueat flammās iaculatur, & ignes,
 Igne flagrat, vllās vix tamen horret aquas.
 Si volat, Empyreī fastigia summa pererrat,
 Vtque necem fugiat, non timet vsque necem.
 Vnum erat: at monstro quot monstra includit in vno?
 Nobilius monstrum vix dabit vlla dies.

CYPRIANI

In Morte magnanimitas.



Quæ noua monstrifero renouas portenta sub Axe
 Vitam quo valeas perdere vulnus emis.
 Vita tibi pretiosa fuit. quid prodigis? an mors
 Vt pretiosa tibi cedat emenda fuit.

FORTITVDO INFLATA.

EUSEBIVS VERCELLENSIS.



Eusebius Vercellensis

Non ad vnus gloriam Prouinciæ natus

In Sardinia vitam, in Latio fidem,

In Insubria Palmam accepit.

* Romano Pontifici à Matre creditus Puer,
Vt sub eodẽ præceptore Eusebius erudiretur, & mundus,

Cuius virtutem acceperat, accepit, & nomen,

Roma se dignum non reputans,

Nisi aduictâ spectaculis urbem nouo pasceret spectaculo

Virtutes omnes in se tamquàm in theatro circumtulit:

Cum ipse Romæ, non ipsi Roma sufficeret,

Monachorum mores è Græcia in Italiam deuehens

Nouæ philosophiæ, & auctor esse meruit, & idea.

Vercellas accitus

Vt Urbem antiquissimam suâ innouaret industria.

Nolens ita vacare cæteris, vt sui se veller oblitum,

Dignus visus est.

Qui præiuerat monachis, ita & præiret Episcopis.

Vt virtutes meteret, vitia demetens

Vt veritatem firmaret, errores eneruans

Illis diu placere non potuit,

Quibus æquè virtus, ac veritas displiceret.

Athanasium damnare renuens, ne se quoque damnaret,

Maluit cū eodẽ exul abire, quàm Iudex in eundem sedere,

Infelix Italia, si quem daret Athanasio sociū nō habuisset

Ita exilium tolerans, vt videretur optasse,

Ita suos litteris roborans, vt vix crederet abijsse

In pessimi Principis funere reuiuiscens,

Vrbi suæ redditus tam reddere studuit veritati.

Iterum tamen frementibus ijs,

Qui æquē in se, ac in alijs probitatem odissent;

Multiplici supplicio deleri potuit, non terreri.

Dignus qui veritatis annos æquaret,

Qui obrutæ superesse noluerit veritati.

* **C**Um Eusebius Pontifex maximus ad Ecclesiæ Clauum sederet, Eusebius, qui nondum ab ephebis excesserat, Romam est à matre deductus, & summo Pontifici oblat, vt eum erudiret, quem meliorem demum vitæ authorem agnoscens Eusebius, eius nomine voluit appellari.

* Cum sub Constantio Cæsare Athanasium Alexandrinum damnare renuisset Eusebius, est relegatus in Phrygiam, vna cum Dionysio Mediolanensi Episcopo & Hilario Pictauiensi.

EUSEBIUS ATHANASIVM

Damnare recusat.

Alter auernalem ressecas Athanasius Hydram,
Vnica in Alcides incidit Hydra duos.
Alter vt Euristheus socium damnare Gigantem
Percupit, idque dolis querit habere tuis.
Condemnare tuos alieno in nomine mores
Ipse negas: te sub indice causa tua est.

E V S E B I I

In exilio Fortitudo.



Est tibi nulla quies, terras iactaris in omnes
 Visa tamen tecum est pulsa, repulsa fides.
 Te sequitur quoque pulsa fides, Phrygiamque pererrat,
 Discit ab exemplo fortior esse tunc.



CAROLVS BORROMEVS

Infulata Charitas.



Carolus Borromeus.

* Natus cum nouo lumine geminus.
Se tenebrarum non esse filium vel nascendo probauit,
Aurum gloriæ memor, vt eam geminaret in sua.
Se talem exhibens in Pueritia, qualem optasset in senio.
Virtutum iter nescias an potuerit absolvere sanctius,
An inchoare maturius.

Infra probitatem nil habens litteris carius.

Probitate nil reputans pretiosius.

Cum artes non appeteret, nisi quas optare debuerat,
Obtinuit quales optarat.

Pio Quarto affinitate carus, virtute carissimus.

In Atlantis suffragium nouus accitus Alcides,

Etiâ sine socio mundum ferre se potuisse probauit.
Non tã alienæ beneficentiæ quã meritoꝝ suorũ suffragio.

Purpuratis adscriptus.

Iure dubites an maiorem dignitati contulerit.

An a dignitate retulerit dignitatem.

Vt Patriam virtuti redderet, Patriæ redditus.

Nunquam mentem suam acuratiùs coluit,

Quàm cum etiam coleret alienam.

Virtutum semina voce manuque iacens:

Sudore ac lacrymis alluens.

Dignam laboribus messem obtinuit.

Dignam messe mercedem accepit.

Vt securius quiescerent sui, quietem adimens sibi,

Venalis omnibus, si pretium habuisset,

Nescias an omnium Pater esset, an seruus:

Animi sui nitore in templis exprimens vastitatem

in donis, ut auri prodigus, ita vitæ minimum tenax,

* Quam non amaret vtrumq; in Pestilentia demonstravit,

At non ita Carolus amauerat Deus, ut Caroli gregem odisset.

Vitam accipere renuens, quam sola non posset accipere,

Mori volentem coegit vivere,

Donec fatigari nescium terris eriperet, caelo redderet,

Gauisus in ætate ferrea aureum hominem reuixisse.

* E O enim ipso, quo natus est tempore, nouo quodam lumine
matris cubile refulsit.

* Grassante enim pestilentia non solum opes in miserorum subsidium erogauit, sed vitam suam, ut alienam seruet in certum discrimen adducit.

CAROLI BORROMÆI.

Mira in Pauperes Charitas.



Prodigus esse alijs poterat tibi factus Auarus,

Cum nihil ipse habeas, prodigus esse potes.

Vertere velle solum te suspicor; omnia vendis.

Quæris opes tecum semper habere tuas,

CAROLI

CHARITAS.

Pesti Timenda.



Ecce manu gemina diram quatit aspera falcem
 Et viduat miseras mors sine lege domos.
 Obuius esse potes; te transeat illa paratam.
 Sape etiam visa est praterijſſe dapem.
 Vilis erat tibi vita; poteſt mors credula vilem.
 Temnere, decepta eſt ſenſibus illa tuis.



BENEFICENTIA INFLATA.

REMIGIVS REMENSIS.



Remigius ingens Galliæ prodigium ,
Ingenti prodigio natus est.

Vitam à prodigijs inchoâs prodigijs tràsigēs, & absolvens
Hoc primum edidit in orbe prodigium,
Ut sterile parentum senium fecundaret .

Non deterior , esse cùm crepit.

Quàm promissus fuerat, antequam esset.

Lacte quod suxerat, cæco reddidit oculos.

Agente Deo, ut cū noua luce, noui etiā oculi nascerentur,
Prima in ætate inchoans, quod perficeret in extrema.
Crederes è senibus senem natum esse , non puerum
Ne cautiior esse desineret elapsus ad cautes .

Se victorem facere studens .

Vbi nullus erat, quem vinceret.

Se ipsum impugnans, de se ipso etiam triumphauit;
Dignus quem cogerent præesse Remensibus.

Cùm scita bene præesse cogeret sibi.

Adolescentiam præcoci senectute nobilitans .

Labores suos quo inchoauit ardore confecit.

Nunquam ad metam aspirans .

Quod nullam pateretur habere,

igneum credidisses .

Nisi quod sæpe excitatos ignes extinxit .

Peccata nesciens , nisi ut corrigeret .

Aerumnas omnium scire cupiens, vt curaret.
 Dei largitatem implorans, cum humana deficeret.
 Cælum telluris alumnis; terram cæli donis impleuit
 Inuitissimum Regem Christi Regno subiiciens
 Galliam vniuersam cælo vectigalem effecit.
 Regibus maior, cui tanta licerent in Reges.
 Extrema in ætate cæcutiens.
 Vt cæcitatem curare se, & tolerare potuisse probaret
 Vnum in ea dignoscens commodum.
 Quod se melius videre iam posset.
 Tandem oculis lucem reddens, animum Deo.
 Ita migravit è viuīs.
 Vt tamen in tumultu viuere videri posset.

REMIGIVS

C Æ C V S

Cæcis oculos reddit.



Dives eras, factusque tamen de diuite pauper.
 Perdere qua valeas omnia pauper habet.
 * Cæcus adest poscitque oculos, oculatus abiit.
 Visus at est oculos inde referre tuos.
 Ipse cares oculis, dederas qui lumina cæco.
 Prodigus es, te oculos credo dedisse tuos.

REMIGIVS

Excitatum in Vrbe ignem

Sui corporis expellit obiectu.



V*Rbem flamma vorat, varijs furit excita ventis;
Est cinerum cumulus, quod decus urbis erat.
Flammas quisque fugit, flammam Remigius ultro
Increpat, oppositos pellit, & vrbe rogos,
Igneus es socio cur se non iungeret ignis.
Totus es in lacrymis, horruit ignis aquas.*



INFLATA RELIGIO.

HILARIUS PICTAVIENSIS.



Hilarius

Oppressæ veritatis Hilaritas,

Hilaratæ securitas,

Quam vitam semel accepit in Gallia,

Galliæ non reddidit semel.

In errorum tenebris, ad meliorem lucem aspirans,
Dū Philosophiā scrutaretur humanam, Diuinam inuenit;

Errore suo felix,

Quod perniciofa quærens inuenisset vtilia.

Nequitiam suam derelictus, vbi primum agnouit,

Eo citius virtutum iter absolvere satagens,

Quo seriùs inchoauerat;

Monstri loco cœpit haberi,

Seu quod sine noxa iam viueret;

Seu quod sine erroris suspitione, doceret.

Quam vnam à Deo acceperat filiam, eidem despondens,

* Sibi maluit ablatam videre, quam sponso

Nunquam visus hilarior,

Quam cum Deum huiusmodi nuptijs sibi fecit affinem.

A Pictauiensibus cōtra errorū Authores electus in Ducē.

Cum ab hostibus nec tolerari, nec vinci posset,

Relegatus in Phrygiam, nouum solem ab Oriente.

In Occidentem duxit:

Sylo decertans, cum vltà voce non posset,

Quod

Quod hostes minarentur appetens, quod pollicerentur
contemnens, Iis ipsis, qui timeri voluerant cœpit
esse timendus,

* Vt perditum Principem, æquè voce,
ac moribus celsaret arguere,
Magis indoluit quod rediret in Patriâ, quàm quod abiisset;
Pugnasse se pro veritate non reputans,
Quod non occubuisset in pugna.
Absentia suæ damna rependens,
Laboribus suis beauerat Gallias, autoritate defenderat,
Nisi Cælo pretiosior extitisset,
Quàm vt diutius linqui deberet in terris.

* **A** Bram filiam hortatus, vt humano contempto connubio di-
uinum assumeret, cum quod optauerat impetrasset & Deum
rogauit, vt quam eidem desponderat filiam, antequam noxa grauiori
laderet Innocentiam, in Cælum raperet. Nec vota refellit euentus.
Filia enim dormientis in morem quieuit in Domino: Ipse verò mira-
culis clarior esse mox cœpit.

* **E** piscopi enim Heretici, qui eius sapientiæ, atq; virtuti pares
esse non possent, metuentes, ne libertate qua perorabat apud
Constantium Cæsarem eum ab Arianis auerteret, authores fuerunt
eius ab exilio reuocandi, magis optantes eum Cæsari eripere, quàm
Pictauiensibus reddere.



HILARIVS

Amorem Christi, Filix præfert.



VNica Virgo tibi, numeri qua damna rependat,
Vnica felicem te facit esse Patrem.
 Iam fuerat iungenda viro; cum sponsa Tonanti
Ducitur, affinem te facit illa Deo.
 Coniugio veneranda nouo, iam debita Cælo
Astra petis, viduum deserit illa Patrem.
 Quid mirer, si dona tibi Deus omnia credat,
Mirer, si socero non daret ista gener.

HILARII

Pro Religione Labores.



Quam bene diua tuo facundia sedit in ore.
Vel Deus est verbis visus egere tuis.
 Si labat alma fides vario collisa Tyranno,
Qua stæci fuerat causa, erat illa tui.
 Sine Deum minuit, Patremque coarctat in unum
Arius, est studijs obrutus ille tuis,
 Cuncta potes, pendentque tuis ferme omnia votis:
Quartus anes, Trinum, qui facis esse Deum?

INFLATA MISERICORDIA.
D O N A T V S
A R E T I N V S.



Donati si vitam discutias,
 Deo natum credas esse non mundo.
 Martyrum filius, ut martyr dedicatur à Patre.
 Aequè martyrem dicas cum patris adesset supplicio,
 Ac cum occumberet suo,
 Sibi relictus, & Deo quem præceptorè haberet, & patrem
 Ita mores perficere potuit suos.
 Ut dignus videretur, qui etiam perficeret alienos.
 Vnde quaque mirandus, quod mortuis vocè daret, & vitā.
 Cum vitrea vasa conneckeret, vitreos homines solidaret:
 tenebrarū filijs luce displicēs sua est detrusus in tenebras
 Nunquam illustrior quam cum aliena luce careret.
 Tyranni tormenta non metuens quod amaret.
 Maior visus est, quod ea siccis exciperet oculis,
 Quàm quod imbres siccis exciperet vestibus.
 Tandem Deo reddere cupiens quod ab eodē acceperat.
 maluit capite carere, quàm fide.

* **C**um enim Parentum supplicij interesset puer, maximè doluit
 quod iisdem superstes esse cogeretur.
 * Fractum à Barbaris Calicem integrum reddidit Sacerdoti, mor-
 tuum reuocauit ad vitam, Pluiuiam impetrauit in maxima siccitate,
 quam tamen cum totam exceperat in agro, siccis tamen semper ves-
 tibibus fuit.

D O N A T V S

Suorum miseratus ærumnas,
Pluuiam impetrat.



HEn Pluuias implorat humus, millenæque pandit
Guttura, milleno guttore poscit aquas.
Ipse tuas terra precibus coniungis, & undis.
Cuncta madent solus sub Ioue siccus eras.
Astra natæ putes fusumque liquefcere cælum
Arua tenens sicca veste serenus eras.
Vel lacrymis satis vides adhuc non excipis imbrem.
Vel tuus immensas ebibit ignis aquas?

D O N A T V S

Sacerdotis lacrymas miseratus, Fractum
redintegrat calicem.



FRACTUS erat, partesque simul contritus in omnes,
Nec poterat mystis utilis esse calix.
Frustra legis, miseri partesque cadaveris aptas.
Ha cœuunt; similest qui fuit ante calix.
Fracta ligare potes, nullo qui frangeris ictu,
Scilicet integritas integra cuncta facit.

INNOCENTIA INFLATA.
A L O Y S I V S
T O L O S A N V S .



Aloysius è Rege natus ad Regnum
 Nunquam se Regem credidit, nisi cum se subderet sibi,
 Mundo iam utilis, cum vix erupisset in Mundum,
 In captiui Parentis locum suffectus Puer,
 Carcerem suum eruditione multiplici Lyceum fecit.
 Quò arctius tenebatur in terris,
 cò liberius in Cælum euolans,
 Optimam mentem nec vinci, nec vinciri posse probauit.
 Non ideo Innocentiam minuens, quod ætatem augeret
 Sui Regnum Regno nobiliter reputans suo.
 Vt se omnium maximum faceret
 Inter minimos omnium minimus haberi voluit, non esse.
 Coactus Tolosanis præesse, quandoquidem
 ad Imperium natus erat.
 Nescias an se omnium seruum factum crederet,
 An omnium Patrem,
 Vt vitam produceret alienam, contrahens suam
 Meritis addens, quod annis adimeret.
 Virtutum iter cum alius inchoaret absoluit.



A L O Y S I I INNOCENTIA.

Innocentibus Salutaris.



Proderat, primasque puer captauerat auras;
Cum misero facta est ultima prima dies.
Te vocat agra parens, videat licet illa sepultum,
E tumultu vitam, poscit, habetque tuam.
Seruaras puero, tibi quos mors sustulit annos,
Quid mirer fuerit si tibi visa brevis.

A L O Y S I I INNOCENTIA

Nocenti utilis.



Occidit hostili suspensus ab Arbore miles.
Ille tuam moriens usque requirit opem.
Promptus ades, funemque secas, ter vincula neētunt,
Ter sensere tuas vincula fracta manus.
Que tibi rapta fuit, Misero iam reddita vita est,
Illum vis annos, viuere, credo, tuos.

TOLERANTIA INFLATA.
CLEMENS
 ANCIRANVS.



Clemente Ancyrano

Nullum virtus defendit æquius, nullum exercuit durius

* A Sophia matre Sanctiori Philosophiæ genitus,
 non poterat tanta Constantia,

Nulla in se admittens peccata, omnia puniens

* Martyr videri potuit, antequam esset.

Nondum adolescens, iam tamen pauperum Pater,

Omnibus melior, omnibus præfici meruit;

Nunquam demissior cæteris, quam cū esse potuisset elatior

Diocletiani furijs interceptus,

Octauum supra vigesimum annum exegit in pœnis.

Agente Deo, vt quando erat in mundo feritas,

Quæ omnia infligeret mala.

Esset, & Charitas, quæ omnia toleraret,

Sæpe in frustra concisus, nunquam non integer.

Cum per nulla vulnera nimium ingens animus posset exire

Tandem suis redditus

Dum hostiam Deo, daret Dei hostia factus.

Gemina victima, sacrificium, vna cum vita conclusit.

* Sophiam sanctissimam foeminam matrem habuit Clemens quæ
 cum prænosceret, eum martyrem futurum, vel in fascijs tan-
 quam martyrem venerabatur.

* Mirum enimerat, quibus se pœnis affligeret, vt se grauioribus
 supplicijs dignum redderet.

C L E M E N S

Inter Sacrificia occiditur.



D^{um} sacra sidereo sacres libamina Regi
 Cederis, & minio pingitur ara tuo
 Victimam eras longos nimium contusa per annos.
 Non alio decuit te cecidisse loco.

C L E M E N T I S

In suppliciorum diuturnitate
Tolerantia.

TE prope sex denos licetor vexauerat annos,
 Fessus erat curis mundus uterque tuis;
 Non tamen ulla tuos uidet inclementia latus;
 Aut potius est auros ore cedere sonos.
 Indita quanta tibi clementia; nulla tyrannis
 Nulla alijs superest; nam data tota tibi.



PROVIDENTIA INFLATA.
M A X I M V S
 TAURINENSIS.



Maximus Taurinensis,
 Capacissimi mensuram nominis factis exarquans.
 Se etiam in minimis maximum fecit.
 Magnitudine sua omnium oculis proditus.
 Nunquam se maximum doluit,
 Nisi cum omnium minimus esse non posset,
 Ideo se maximum, negans, quod adhuc maiorem faceret
 Dignam magnitudine sua sedem dignè potuit occupare.
 Ingenij claritatem Eloquij nitore componens.
 Vtrumque, innocentiae candore perfect.
 Aequè in dicendo fugiens, ac in agendo peccata,
 Urbem suam Augustam, si non inuenisset effecerat.
 Tandem cum Caelitum vitam transtulisset in terras,
 Dignus visus est qui transferretur in cælum.
 Beata Ciuitas, quæ talem habueris, beatior quæ merueris,
 Beatissima, quod semel amissum,
 In Antonio Prouana recuperes.

* **E**loquentissimus enim extitit, ut ex ijs, quæ scripsit constare potest. Cæterum cum minus nota sint eiusdem præclara facinora, hinc est, ut Elogium penè ex ipso nomine deduxerimus.

MAXIMI PROVIDENTIA.

Maximum Taurinensibus impetrat Præsulem
Antonium Prouanam.



Maximus alter adest, similem dat maximus alter,
 Authores produnt maxima dona suos.
 Maxime, si pergis tales dare, Maximus ut sis
 Vix poteris donis non minor esse tuis.

MAXIMI ERGA TAVRINENSES

Prouidentia Singularis.



Par tibi nomen habes, tantum capit omnia nomen,
 Sed dare si pergas maxima, maior eris.
 Alter eris, tu qualis eras quàm maximus es tu?
 Nè dederas alios, Maxime, solus eras.



INFLATA REMISSIO.
A N S E L M V S
CANTVARIENSIS.



Anselmum, Augustæ Pratoriæ cælum dedit,
 Cælo Anglia reddidit.

A vitij ætatem exorsus in virtute confecit,
 Miserandus, quod ita cepit, mirandus, quod ita desierit.

Sæpe cum Patre vexatus, sæpius secum
 Acquæ nescius quid eligeret, ac quid optaret,
 Tandem mores una cum solo mutauit.

Eò velocius virtutis iter emensus.

Quò se à meta notuerat remotiorem

E cœnobio vocatus ad insulas,

Nescias an monachi partes acuratiùs impleuerit,

An Episcopi. (lactare.

Regis perfidiam vtiliter carpere malēs, quàm perniciosè

Pacem non amans, quæ cum æquitate pugnaret.

Minus felix esse maluit, quàm minus fortis videri.

Iterum reuocatus, iterum pulsus,

Regis duritiem duritiæ molliit sua.

Immortalitatem, & stylo, & virtute promeritus,

Oppressam angustij vitam cum meliore mutauit.

* **O** Brebra cum Patre iurgia disciplinæ impatiens secessit in
 Gallias, vbi Christi militiæ nomen dedit.

Constantia enim Anselmi factum est, vt Rex impius errorem
 agnoscens malè cœpta damnaret.

ANSELMI

Demissionem referentis Imago.



Cernite depressos arcana in pectora vultus,
 Pectore nobilius nil videt ille suo.
*His lenior fuerit quondam cum visus in oris,
 Qua tunc intulerat damna, pudore luit.*

DE EADEM IMAGINE.



Pectore fixa manus medio? se despicit ore.
*Quod servant pectus Lumina, dextra premit.
 Ille suas cum seruet adhuc sub pectore Gargas
 Quàm bene custodem fecimus esse manum,*



INFVLATA PIETAS.
MAVRILIVS
 ANDEGAVENTSIS.

Maurilij si Patrem spectes, aut Patriam
 Vix credas nasci nobilius potuisse;
 Si vitam speculeris, ac mortem,
 Dubites an potuerit viuere sanctior; an obire securior.
 Felix quod Ambrosium, ac Martinum audierit,
 Felicior quod expresserit.
 Profecto in Gallias, vt nouū daret Gallijs Thaumaturgū,
 Eas, & prodigijs illustrauit, & meritis.
 Cū æquille omnibus, ac illi omnes subesse percuperent
 Se vno gemente factus Antistes.
 Auxit vna cum dignitate Prodigia.
 Peccata detestatus vbi erant, metuens vbi non erant.
 * Cū in se certa punire nequiret, dubia punijt,
 Sui nimium rigidus Censor,
 Quod totam lenitatem suam seruaret alijs.
 Ab exilio, quo se ipse multauerat, prodigio reuocatus
 Cū iam septennium mortuos reuocaret è tumulis,
 Homo esse desijt, quod iam Deus esse cepisset.

-
- * **P**atria Mediolanensis extitit, quæ Vrbs dicta est olim altera Roma; genere verò Patricius, & è prima nobilitate.
- * **D**um sacra Deo faceret, vocatus à femina, vt morientem puerum sacro chrismate initiare: superum delicijs delibutus, ferriùs adfuit, quàm vt feminae vota compleret; iam enim obierat puer. Hac de causa fugi à suis, certus nunquam redire nisi Puerum sibi redderet Deus. Post septennium inuentus iterum rediens, puerum etiam reddidit vitæ.

MAVRILII

CVLPÆ

Quales.

TE monet agra Parens; moriens tibi puppulis adstat,
 At superi sensus decinuerunt tuos.
 Puppis obit, te noxa mouet; fugis exul ab urbe,
 Cum puero, requies est quoque rapta tibi.
 Qualis erat tibi vita; Hominum quam imperia noxis.
 Si quoque cum superis sistere culpa fuit.

MAVRILII

In Puerum mortuum charitas
 singularis.



Puppis obit, nec noxa tua est; facis ipse, fugamque
 Arripis; Exul & es legibus ipse tuis.
 Te, reuocant superi; tibi sed ni flamina reddant,
 Quæ fuerant puero fracta, redire negas,
 Iam cinis est, septemque puer iacet obrutus annos,
 Vita tamen puero te redeunte redit.
 Si tibi sic superi placeant, refugumque reducant,
 Vt redeant alij, saepe fugandus eris.

POENITENTIA INFLATA.
FVLGENTIVS
 RVSPENSIS.



Fulgentium

Nescias an ex fulgure , an ex fulgore deducas.
 Fulgoribus suis bonos attrahens, malos exterrens,

Fulgere cum nunquam desierit,

Sæpe non desijt fulgurare .

In Africa natus nouum ex Africa monstrum eduxit,

Hominem videlicet .

In quo nihil humanum aspiceres , nihil ferum.

In Christi domo malens inquilinus esse ,

Quàm in sua dominus ,

Inter monacos, ac inter Episcopos docuit,

Omnia virtutem agere .

Omnia posse etiam tolerare .

In Sardiniam relegatus ,

Quod gemini solis ardores Africa pati non posset,

Cum se antequam pelleretur exulem crederet.

Mutauit exilium , Patriam non amisit .

Ruspensibus redditus ,

Vt omnes sibi similes faceret se nulli dissimilem fingens

Immortalitatem, & sibi acquisiuit , & suis.



FVLGENTIVS IN EXILIO.



Fulgur es, horret adhuc tua nempe tonitrua miles
Barbarus, es fulgor, quem quoque cecus amet.
Cur tamen externas iam te vomit Africa in oras?
Non potuit Soles Africa ferre duos.

FVLGENTII IN EXILIO.

Poenitentia.



Vix te ferre potes, nequijt quem ferre Tyrannus
Te premit ille odijs, te premis ipse flagris.
Qua sibi non faciant alijs facis ipse, tuique,
Vt dominus possis esse, Tyrannus eris.



FIDES INFVLATA. APOLLINARIS.

Apollinaris

Ita sub Petro Præceptore profecit,
 Vt alterum pene crederes Petrum,
 Vmbra igitur Petri cum eſſet,
 Quidni omnia pelleret mala?
 Cæcorum aperiens oculos,
 Cum tamen videri minimum veller
 Veritatis lucem; & oculis inſtillauit, & animis,
 Senes bene mori docens, pueros optimè viuere,
 Cum meſſem ſuam Rauenna non caperet,
 Sæpe pulſatus, & pulſus ignem calcare non horruit.
 Eam expertus in igne Clementiam,
 Quam omnes experirentur in ipſo.
 In Etruriam à mutò vocatus
 Et linguam dedit, & reddidit mentem.
 Nunquàm facundior,
 Quam cum mutos faceret vel tacendo facundos.
 Prodigijs proditus ſuis cum ſe nulli curaret proderè,
 Mortuos excitans, vt bene doceret viuere,
 Nullo victus ſupplicio, quod omnia ſperneret
 Acquè ſe fortem exhibuit, ac Nero ſerum.
 Mari commiſſus
 Vt in omni elemento ſuum robur imprimeret,
 Acerbius iactatus in terris, quàm fuiſſet in mari,
 Liſtores quos fatigauerat in Italia,
 Sanguine ſuo fatiauit in Thracia.

APOLLINARIS

FIDES

MORTVOS EXCITAT.



D Elitet exanimis gelida conclusus in urna;
 Iam cinis est, flammæ sed dabit iste cinis.
 Ipse vocas, primumque iubes remeare sub axem,
 Excitus ad voces proles inde tuas.
 Quid mirer repetant accita cadavera vitam,
 Hoc ego plus mirer, te quoque posse mori.

APOLLINARIS

FIDES

OMNIBVS SALVTARIS.

Si loqueris, das cæco oculos, agroque salutem,
 Quanta tamen pateris, dum quoque tanta facis,
 Cuncta potes tolerare, potes quoque tollere, sed te
 Tollere vulgus amat, nec tolerare potest.
 Plura potes tolerare tamen, quàm tollere, vulgi
 Nempe odium toleras, tollere & usque nequis.

FINIS.



A01 3465489



